



8

4-C

62


XH-

O A



8-4-C-62







ALEXANDRI PATRICII

ARMACANI, THEOLOGI

MARS GALLICVS

S E V

DE IVSTITIA ARMORVM,

ET FOEDERVM REGIS

GALLIÆ,

LIBRI DV O,

*Editio novissima.*



Arrogantiæ non est, vel quærere,  
vel asserere veritatem. *Aug. lib. 4.*

*contra Crescon. cap. 66.*



ANNO M.DC. XXXIX.

*op. Corn. Tacit.*

32

# PRÆFATIO.



Vemadmodum Oceanus duobus motuum generibus agitur, perenni reciprocationis æstu, & prorumpentibus per intervallatempestatibus; quorum ille causas tam altè abstrusas habet, ut nullâ hæctenus Philosophiæ sagacitate detegi potuerint; istæ tam perspicuas, ut nullâ subtilitate tegi: ita cor humanum Oceano simillimum duas actionum species parit, quarum aliæ in ipso præcordiorum recessu absconditis cardinibus nituntur, ex quibus judicentur bonæ aut malæ, quos ille solus perspicit, qui quidquid mille perplexitatibus involutum est, veluti Solis radio scriptum legit; aliæ tam perspicuæ improbitatis notas quasi frontibus præfixas gerunt, ut difficile sit, vel imperitioribus nebulas ingenii dexteritate vel sermonis offundere. Tam enim enormiter in ipsa principia Christianæ pietatis impingunt, ut quidquid fucandæ turpitudini prætexitur, magis ad affundendam colorantibus improbitatem valeat, quàm actionibus detrahendam. Cujus ordinis plerisque peritis juxta atque imperitis videntur esse illa fœdera

sub-

subsidiaque Gallicana, quibus hostes Romanæ fidei in utrâque Germaniâ armati, Catholicam Ecclesiam jam multos annos usque ad illud postremum excidium Thenense, <sup>a</sup> & obsidionem Lovaniensem, ferro flammâque populati sunt. Quid enim de illis Christianus orbis sentiat, fideliùs ex Catholicorum gemitibus, quàm scriptis discitur. Illi enim ex fundo Christianæ pietatis oriuntur; hæc defectibus ingeniorum quandoque obnoxia sunt, quos eis, vel affectuum perturbatio, vel ignorantia veritatis affricuerit. Ex quo factum arbitror, ut neminem vel Francum Catholicum hætenus viderim, qui intellectâ circumstantiarum veritate, quibus ista Germanica Belgicaque bella vestiuntur, non in gemitum de suppetiis illis Gallicanis eruperit; paucissimos, qui eas qualicumque defensionis pallio, velut verecundanti fronti manum opponerent, velare conarentur.

In quo genere prodiit nuper libellus *M. Besiani Arroyi P. sacræ Theologiæ Doctoris Facultatis*, ut præ se fert, *b Parisiensis, nec-non Theologalis Ecclesiæ Lugdunensis*, priuilegio & approbantium censurâ munitus, ipsique Francorum Regi

<sup>a</sup> vulgò Thienen ac Tillemont.

<sup>b</sup> Questions décidées, &c. Par M. Besian Arroy P. Docteur en Theologie de la Faculté de Paris, & Theologal de l'Eglise de Lion. Imprimé à Paris chez Guillaume Loison an. 1634. Avec privilege, & approbation des Docteurs.

Regi dedicatus , quarumdam *Questionum* *decisione* speciosus : inter quas ista de fœderibus suppetiisque Gallicis una est ; altera de justitiâ bellorum , quæ Rex Christianissimus partim in Imperiis quasdam Provincias jam suscepit , partim in universa penè Europæ Regna meditatur. Profitetur enim apertissimè , Imperium esse Gallicæ Coronæ indivulsè nexum , & quotquot illud , vel ejus partem detinent , esse injustos , usurpatores , raptores , omnia armis Francorum esse repetenda. Quid autem Imperii nomine intelligat , accipe , & miraberis mecum hiantis ambitus immanitatem. *Continebat* , inquit , *6* Imperium Gallias , Italiam universam , ab Augusta Vindelicorum ad Calabriam inferiorem usque , Germaniam , Hungariam , Poloniam , Russiam , Prussiam , Livoniam , Lithuaniam , Moscoviam , Sclavoniam , Podoliam , Albam Russiam , VValachiam , &c. & ultra Gallias complectebatur montes Pyreneos , & Hispania partem cis Iberum. En limites , Lector , Imperii , quod Francis ita debitum es-

c Du temps que les Francois ont tenu l'Empire , il contenoit toutes les Gaules , l'Italie entière à prendre depuis Auspourg jusques à la Calabre inferieure ; l'Allemagne , la Hongrie , la Pologne , la Russie , la Prussie , la Livonie , la Lithuanie , la Moscovie , la Slavonie , Podolie , l'Alberussie , la VValachie , &c. & toutes les Gaules du costé des monts Pyrenees. Il possèdoit tous les monts , & de l'Espagne ce qui est deçà la riviere Ebro , où est contenue la Comté de Catalogne. *Fol. 110.*

se ex Caroli Magni *a* successionē sentit, ac docet, ut, quisquis Europæorum Principum ullam ejus laciniam possideat, *usurpationis b injusta* reus sit. Quâ unicâ sententiolâ Principes Europæ ferè universi, Imperator, Reges Hispaniæ, Hungariæ, Poloniæ; Duces Moscoviæ, Baviaræ, Lotharingiæ; omnes Principes Italiæ; omnes Civitates Imperiales ad manticam rediguntur: ita planè, ut *legibus c conscientiæ* ipsi ad restituendum, *Franci d etiam ad repetendum armis*, teneantur. Huc proficitur spectare fœdera cum infidelibus, tamquam stratagema, quo, viribus hostium debilitatis, faciliùs injustè detenta repetantur. Huc tendunt aculei, quibus passim Gentiles suos ad arma contra Principes Ecclesiæ Catholicæ universos concitat, ut alacriter tam justa bella Gallicana persequantur. Nimirum maturè buccinator iste classicum

cum

*a Fol. 69. Louvs le Juste doit regner sur tout ce Royaume.*

*Voyez toute la page, &c.*

*b Fol. 38. L'Empereur, quand il aura rendu la couronne Imperiale aux legitimes successeurs de Charle-Magne.*

*Et Fol. 100. L'Empereur ou ses predecesseurs nous ont ravy l'Empire. Tout le reste des petits Princes de l'Europe n'ont que le bien, qu'ils ont envahy sur nous pendant les troubles, &c.*

*c Fol. 93. L'injuste detenteur, qui possede ce bien par ceste injuste alienation, ou par usurpation, ne peut le tenir en conscience, &c.*

*d Fol. 98. Il y va de nostre conscience en ne le faisant pas, & nous le pouvons, &c. Vide citata lib. 1. cap. 42.*

cum canit, ut exciti omnes Principes moliminum tantorum scopum, quibus Europa perturbatur, intelligant. Quidquid videlicet Provinciarum atque Terrarum, arte, Marte, stratagematum versutiâ, fœderum impietate, hæreticorum barbarorumque commotione Principibus quibuscumque Europæis avelli potest, id ad Franciæ Coronam postliminiò reducendum est. O portentum ambitionis! quibus æstibus perturbas serenitatem veritatis! quæ ludibria sceptris inhiantium cogitationibus objicis! Ægræ profectò mentis somnium, vel febricitantis delirium hujusmodi phantasmata esse putavissem, nisi hæc ab Hierarchiæ Ecclesiasticæ Ministris, & à S. Theologiæ Doctoribus seriò disputari, & quasi sapienter adstrui, & publicis typis, adstipulante Censuræ calculo, vulgari cernerem.

Quapropter cum non levioris culpæ subinde sit, tacere quando loquendum est, quàm loqui quando tacendum; non abs re publicâ, vel boni viri officio me facturum arbitratus sum, si insanas hominis istius voces, arrepto calamo, quantum Deus dederit, rerunderem. Si enim licuit incruenti Sacrificii Mystæ cruentorum bellorum incen-  
 rem agere, liceat Christianæ tranquillitatis

candidato præla voce dirimere, fugientem-  
 que pacem, quantum fieri potest, veritatis  
 defensione revocare. Si illi fœdera Reipu-  
 blicæ Catholicæ tam luctuosa tueri fas fuit,  
 fas mihi sit, Catholicorum gemitus, quibus  
 ea deplorant, & intereuptis Religionis cala-  
 mitates miserantur, non indefensos præter-  
 mittere. Hoc eò justius mihi concedendum  
 ab omnibus æquis rerum arbitris puto, quòd  
 non paci tantum, sed & veritati laborem  
 istum consecrantes, juxta sacrarum Scriptu-  
 rarum vocem: *h Veritatem tantum; & pacem  
 diligite*; bella corporum, erroresque animo-  
 rum jugulare unâ eâdemque lucubratione  
 contendimus. Etenim tot hallucinationum  
 sordibus Historiarum veritatem, tot errori-  
 bus ipsam S. Theologiæ dignitatem Scriptor  
 iste contaminavit, ut magis mirandum sit, in  
 istâ publicâ doctrinarum luce inveniri posse,  
 qui tot mentis exorbitationes annuendo vel  
 dissimulando probaverint, quàm indignan-  
 dum esse, qui odio falsitatis improbaverint.

Nec verò mihi vitio quisquam verterit,  
 quòd facta Principum ad incudem veritatis  
 revocaverim. Veritas instar Solis publicum  
 bonum est: quæ nihil omninò neque Princi-  
 pum, neque privatorum, nec hominum, nec  
 Angelorum, à suis legibus immune esse pati-  
 tur.



tur. Solis istius radios, quantum licuit, secutus sum; perspicuis principiis usus involuta evolvi, nexus rerum patefeci. Si quid illa lux proscripserit, quid adversus veritatem, vel ejus assertorem clamant? Publicis factis, non scriptis indignetur, quisquis ea divinâ luce damnari, Christianâ pietate reprobari, molestè ferat. Plusquam humanæ tyrannidis est, cum tibi quidlibet faciendi licentiam arrogaveris, ipsam velle facem, quâ facta judicantur, extinguere, fideique libertatem suâ voce frustrare. Nec etiam mihi quisquam quasi, aliquid solidius dicturus occinat, (quemadmodum perspicuo crimini palliando fieri video) Princeps, Rex, Imperator iste, vel ille, similiter fecit. Absit modò calumnia, nec se fatiget. Qui similiter fecit, similiter judicabitur. Pessimum peccati patrociniū est, multitudo peccantium. Ubi veritas non accipit personam, nec ego accipio. Hoc damno, quod illa damnaverit, quisquis tandem vel Regum vel Imperatorum impeerit in lucem ejus. Non ego hîc arrogantiae invidiam formidaverim. Securus me fecit Augustinus, quando dixit: *a* *Non est arrogantiae vel querere, vel asserere veritatem.* Nam eam sollicitè quærere, quando

A s . . . . . latet,

latet, charitatis inchoatio est; piè constanter-  
 que asserere, quando patet, charitatis con-  
 summatio; in ejus luce gestire, inchoatæ  
 consummatæque felicitatis. *a* Quid enim bea-  
 tius eo, qui fruitur inconcussâ, & incommutabili,  
 & excellentissima veritate?

Cùm igitur neque vitâ, neque morte, nec  
 actionibus, nec sermonibus disjungi à veri-  
 tate debeamus, quis judicium ejus de publi-  
 cis factis subterfugiat, ægreque ferat, nisi qui  
 in illam nos velit infelicitatem temporum  
 incidere, quibus nec sentire, quæ velis, nec  
 quæ sentias, dicere liceat: vel potiùs, quibus  
 nec sentire, quod veritas dicet, neque dice-  
 re, quod veritas jubeat, permittatur? Regi-  
 bus timorem, honorem, reverentiam deberi  
 scio; sed majorem Veritati. Nec illa reve-  
 rentia est; publicas noxiasque morum labe-  
 probrosâ adulandi abjectione, ac cæcitate  
 tegere: sed potiùs Christianâ pietate patefa-  
 cere, & modestiâ redarguere. Utramque ex-  
 hibui, quantum, Deo juvante, potui; &, nisi  
 me fallit, quantum debui. Scio, procaciam  
 erga sublimiores potestates divinâ lege pro-  
 scriptam esse: scio etiam, culpatum ab Au-  
 gustino *b* humilitatis excessum. Quo vitio  
 tunc delinqui maximè solet, cùm facta pu-  
 blica,

*a* Aug. lib. 2. de lib. Arb. c. 13.

*b* Lib. 5. de Civit. c. 24.

blica, quæ veritas damnat, personarum, non rerum veneratione, damnare trepidamus: cujusmodi dissimulatio plerumque in publicæ disciplinæ noxam, fideique interitum cedit. Contra quos abjectiores affectus Scriptura pusillanimis fiduciam inspirat: *Noli esse humilis in sapientia tua; ne humiliatus in stultitiam seducaris a*: adulatoribus verò timorem: *Va qui dicitis malum bonum, & bonum malum: ponentes tenebras lucem, & lucem tenebras b*. Quamobrem illi, quorū officium est loqui, haud secus Deo rationem reddituri sunt, quòd publicis hujusmodi corruptelis stylo aut voce pepercerint, ac si calculo comprobassent. Dissimulando enim, coram hominibus probant, quod animo improbant coram Deo. Quid prodest autem, Deo damnassee, quod hominibus in ruinam ædificandis probasse videaris? Ignoravi, fateor, illas conscientiarum strophas, quibus justitia plerumque læditur, dum nescio quâ Religionis perversione, hominibus parcere, quàm veritati malumus. Quasi verò non utrumque fieri possit ac debeat, ut & adversus homines observantia, & adversus vitia censura serveatur. Quapropter siquid durius forsan hîc inciderit, vel potiùs, alicui visum fuerit, in facta, non in personas, jactum est. Si res no-

minibus nuncupentur suis, cui nisi veritati, quæ sic appellari jubet, vitio dederis, aut illi certè, qui talem disputandi appellandique necessitatem dedit? Quid enim injustius, quàm res orbi Christiano gravissimâ censurâ veritatis dignas offerre, & indigna rebus vocabula postulare? Nimirum perinde concinni hujusmodi sunt, atque ille, *qui ocreâ velit caput contegi, & galeâ calceari*, a & murmuret, si suum cuique membro ornamentî decus tribuatur. Quòd sicubi verò in ipsam veritatem alicui offendisse videar, fieri potuisse non diffiteor, propriæ humanæque conscius infirmitatis; cui numquam ita benè ad scientiam subducta ratio est, quin ætâs ac studium aliquid apportet novi, quod, cùm te scire credas, nescias. Veruntamen quisquis me falli arbitratur, etiam atque etiam videat, ne fortè in offusis rerum antiquarum vel verisimilium ratiuncularum tenebris ipse fallatur. Forſan enim admotâ face demonstrabitur, lapsus esse Lectoris, quos Scriptoris errores esse putat.

a *Aug. lib. 3. Confess. 7.*

ALEXAN.

## ALEXANDRI

PATRICII

ARMACANI, THEOLOGI,

De Iustitiâ Armorum & Fœderum  
Regis Christianissimi,

LIBER PRIMVS.

CAPVT PRIMVM.

*Proponitur prima Arroyi Questio: & paralogismus in assignanda justa belli causa declaratur.*

RINCIPIO igitur Arroyus quærit: *Virum Rex Francia justam inferendi belli causam habeat?* belli, inquam, istius tam luctuosi Christianæ Religioni, quo Belgium, & Germania, Franco Batavos atque barbaros ex ultimis Septentrionis recessibus evocante, jam tot annos flagrat; quo partem Alsatia, Treveros, Lotharingiam nuper occupavit; quod ad vindicandam sibi postliminiò Italiam, partem Hispaniæ, Belgium, Germaniam, reliquamque Europam penè totam, juxta catalogum provinciarum ex Arroyo paulò antè in Præfatione

A 7

ne

a. q. e. Si le Roy de France a juste cause de faire la guerre ?

ne descriptum, oblatâ, vel suscitâtâ simili occasione, inferre meditatur, uti rectâ fronte hic homo proficetur.

Quid igitur Arroyus ad istam quæstionem? Præmittit ex D. Thoma, *a* unde totius operis sui se fundamenta derivaturum spondet, tres esse justi belli condiciones, *b* *supremam auctoritatem*, *iustam belli causam*, *rectam bellantis intentionem*. Et quamvis ad id, quod agimus, perparum aut nihil referat, fide tamen laborat ista S. Thomæ advocatio. Non enim nominat S. Thomas inter justi belli condiciones supremam auctoritatem, sed *Principis auctoritatem*, *cujus mandato bellum est gerendum*. Eodem modo & Augustinus loquitur, quando dicit ordinem naturalem hoc poscere, ut *suscipiendi belli auctoritas atque consilium penes Principem sit*. *c* Quâ principalis auctoritatis amplitudine fortasse significatum volunt esse Principes quosdam, quibus indicendi belli potestas competit, quamvis Imperatoriam aut Pontificiam Majestatem tamquam superiorem colant; ac propterea, Arroyo judice, non absolutè supremâ auctoritate polleant. Pergit igitur: *Suprema est Regis Franciæ auctoritas*; agnoscimus: *Recta bellantis intentio*; de re occultâ dubitamus, vel certè remittimus eam Deo: *Iusta ei belli causa*; negamus. De Regis igitur Franciæ summâ in Regnum suum auctoritate nil opus est satagere; de intentione ipsius forsan pauca inferius: in causam belli tota moles disputationis hujus incumbet.

Porrò

*a* 2.2. q.40. 2.1.

*b* FOL. 12. & 11.

La 1. Que celui qui la fait aye auctorité souveraine comme les Monarques, & Republicues.

La 2. Qu'elle soit faite pour une juste cause.

La 3. Que l'intention du Souverain soit bonne & droite.

*c* Aug. lib. 22. contra Faust. cap. 75.

Porrò hanc ei esse non tantum justam, sed omnino justiore, quam ulli Monarchæ totius orbis terrarum, sic probat Arroyus : a *Illa Monarcha, cui plus adest suprema auctoritatis, seu, ut infra loquitur, cujus auctoritas suprema major est, cui plus adest juris ac rationis petendi, cui melior est bellandi intentio, ille justiore inferendi belli causam habet. Atqui Rex Franciæ plus habet suprema auctoritatis, quam ullus Monarcha orbis terrarum universi, plus juris ac rationis petendi, intentionem denique meliorem; justiore igitur inferendi belli causam habet, quam ullus Monarcha totius terrarum orbis.* Hoc argumentum vocat & *indubitatum*, totius propositi sui fundamentum; hoc ex omnibus partibus suis facillimo negotio comprobari posse. Ubi quid potius mirer, ineptiam proponentis, an subsumentis vanitatem, an fœdissimas hallucinationes singula probare molientis? Vix enim tot syllabas continet argumentatio ista syllogistica, quot aberrationes in eâ concinnandâ probandâque committuntur. Singula videamus.

Ac primò quidem bellantis auctoritatem, intentionisque rectitudinem, à causæ justitiâ rectè distinxerat. Illam quippe & Augustinus, & Thomas, & quotquot rectè de rebus istis philosophati sunt, distinguenda judicarunt. Est enim frequentissimum, ut & summa sit gerentis bellum auctoritas, & intentio bona, causâ tamen injustissima: & vice

a FOL. 15. Le Monarche, qui a plus d'autorité souverain, plus de raison & droit de demander, & meilleure intention en guerre, a aussi plus juste cause de la faire. Or est il que le Roy de France a plus d'autorité souveraine, que tout autre Monarche du monde, il a plus de droit & raison de demander, & a meilleure intention, doncque il a plus juste cause de faire la guerre, que tout autre Monarche du monde.

b FOL. 13. L'autorité souveraine des Rois de France est plus grande, que celle des autres Rois du monde.

c FOL. 16. Voilà le fondement de tout mon dessein; voilà disje mon argument, lequel estant prouvé entoures ses parties, comme il est tres-facile.

Et FOL. 15. Je se fais voir par un argument indubitable, le voicy, &c.

vice versâ, ut causâ sit justissima, cujus auctoritas nulla, & intentio perversissima est: Nimiùm tardus est ad ista pertractanda, qui sine exemplis ea discernere nequit. Quis enim nescit, summam fuisse Romani populi auctoritatem, rectamque intentionem, quando Sabinas non prius à parentibus peritas rapiebant; causam iniquissimam; quis è contrario nescit, nullâ legitimâ auctoritate, summâ intentionis iniquitate, privatos homines de irrogatis injuriis vindictam petere, sicut Julianus petit, quando adversus Rodericum Saracenos armavit, à quo graviter læsus fuerat?

Cùm igitur illa tria quàm maximè separata sint, eaquæ ipse, Arroye, tribus versibus antè veluti distincta separasses, hîc mirabili vertigine confundis omnia, & auctoritatis magnitudinem, intentionisque bonitatem in argumentum justitiæ ipsius causæ rapis. Rectissimè ergo dicitur, quòd qui plus habet juris atque rationis ad petendum vel repetendum id quod suum est; justiore bellandi causam habeat: sed istius causæ justitiam nec excessus auctoritatis auget, nec defectus minuit; illius iniquitatem neque perversitas intentionis accusat, neque bonitas purgat. Sex igitur omninò modis in hac unica tua propositione ostendis inanitatem ingenii tui. Nam & causâ æquissima esse potest, sine summâ bellandi auctoritate, & summa auctoritas, sine causæ æquitate. Rursus intentionis rectitudo adesse potest, sine causæ justitia; & causæ justitia, sine intentionis rectitudine. Denique summa auctoritas esse potest unâ cum intentionis rectitudine, ubi nulla omninò causæ justitia; & causæ justitia, ubi nec bonitas intentionis, nec bellantis auctoritas. Hæ quippe bellantium perso-



personarum affectiones sunt; illa rerum propter quas bellum geritur: quod quacumque geratur intentione, vel auctoritate, numquam æqua causa iniqua fiet, nisi mutatio aliqua rebus ipsis afferatur. Nam, ut rectissime sanctus Thomas, quem tuum Doctorem toties jactas, & cum eo concinēs Theologorum chorus: Justitia attendit medium rei, unicuique tribuens quod suum est. Quancumque fuerit igitur bellum inferentis auctoritas, qualiscumque intentio, numquam efficiet, ut, quod re ipsa indebitum fuerit, fiat suum; vel è converso, quod suum, fiat indebitum. Deus ipse nonne tantæ auctoritatis & majestatis est, & bonitatis, ut nil eo superius aut melius esse vel cogitari possit? quis tamen eò insipientiæ veniat, ut ex majestate, vel ex intèntione bonâ vindicantis, causam vindictæ justam esse arbitretur? Ipsa Scriptura adversus istas imaginationes disertissimis verbis intonat: *a Cum ergo sis justus; justè omnia disponis. Ipsum quoque, qui non debet puniri, condemnare, exterum æstimas à virtute tuâ.* Exterum ergo à majestate, & justitiâ, & bonitate veri Regis est, vindictam exposcere ab iis qui non merentur; exterum, petere quod non est suum. Istæ quippe duæ belli justæ causæ ab Augustino *b* proferuntur: *Iusta bella solent definiri, quæ ulciscuntur injurias, si quæ gens, vel civitas, quæ bello petenda est, vel vindicare neglexerit quod à suis improbè factum est, vel reddere quod per injurias ablatum est.* Ex quo fit, ut, si nil ex parte rei vindicandum est, nihilque repetendum, nulla Regis majestas, auctoritas, sanctitas, solâ suâ majestate, intentionisque bonitate, causam ex injustâ justam fecerit,

a Sap. 12.

b q. 10. super Iosue.

rit, aut ex minùs justâ justiorē. Hoc enim, si quid umquam, est personas in judicâdo accipere, quod Scriptura vetat; videlicet, neglectâ rerum consideratione, quarum æqualitatem justitia quærit, & facit, ex personarum majestate, & animorum, quibus feruntur, motibus, bellorum justitiam injustitiamque suspendere.

Cum ergo certissimam illam doctrinam, & æterna veritas, & naturalis æquitas, & consensus Theologorum omnium, & judicium omnium gentium clamet, quæ se maximè lædi putant, quando à robustis Regnorum venatoribus bonam intentionem injuriæ prætexentibus opprimuntur; quid ad propositum facit; quod ad justiorē bellandî causam asserendam, belligerantium auctoritatem, intentionisq; bonitatem juri ipsorum permiscere voluisti? nimirum, ut campus tibi aperiretur, quo de sacrosanctâ *Regum unctione*, de *miraculosâ sanitate*, de *legē Salicâ*, de titulo Regis *Christianissimi*, & similibus, nihil omninò ad remfacientibus, copiosissimè sapientissimèque delirares: atque ita magnicrepantibus illis vocibus rudem popellum, quasi classicum canendo, ad arma concitares, dum dubitare nefas putet, quin purgatissima justissimaq; bellandi sit causa, ubicumque sacrosancto & cœlitus misso unguento delibuti Reges, miraculis clari, intentionis bonitate muniti, titulo Christianissimi, ex legē Salicâ hæredes, bella suscipiunt. Quod si ista omnia veneratione quidem in suo quæque gradu digna sunt, nequaquam tamen possunt justitiam causæ dare vel tollere, augere vel minuire; dimissâ igitur Principis auctoritate, & intentionis bonitate, reformanda est tua tibi prima propositio, in hanc sententiam:

Monarcha, cui est plus rationis & juris ad petendum, ille justiore inferendi belli causam habet. Quod si feceris, sicut omnino facere debes, si tantillum salis tibi reliquum est, jam omnes loci communes de unctione Regum Franciæ, de miraculosa strumarum sanatione, de titulo *Christianissimi*, de lege Salica, quæ tam inaniter ventilasti, ut adstrueres, plus esse supremæ potestatis in Rege Franciæ, quàm in ullo Rege totius universi, irritò tibi labore perierunt. Quæ quamvis idcirco tamquam prorsus *anecdota* præterire licuisset; ne tamen vim cujuscumque ratiunculæ, quamlibet *capere*, quam putes aliquid stringere, vitatam potius, quàm dissolutam, aut fractam conquararis, agendum sequar, quocumque te impetus tuus tulerit; hæc videlicet lege, ut te subinde lectoremque commonefaciam, etsi omnia, quæ de istis capitibus perquam insulse disputas, verissima esse fateremur, nil omnino te ad justam bellandi causam asserendam promovisse.

## CAPUT II.

*De unctione Regum. Clodoveus delibutus est unctione Baptismi, non Regiæ.*

**R**Eges igitur Franciæ magis abundanter participes esse summæ potestatis Dei, seu potestatem illam supremam esse majorem a in Rege Franciæ, quàm in ullo alio totius terrarum orbis Rege, ex quatuor potissimum jam jam recensitis capitibus probas, quibus per modum auctuarii addis,

a VOL. 12. & 36. & 83. Que l'autorité souveraine des Roys de France est plus grande.

FOL. 12. Par les assurances, & tesmoignages des Papes; par l'antiquité de leur domination, par les hauts faits d'armes pour l'Eglise, & particulièrement par leurs divines générositez.

addis, *Pontificum testimonia, antiquitatem dominationis, eorum gesta gloriosa, & præcipue, inquis, divinam eorum generositatem.* Videamus quid ex tanto promissionis hiatu nasciturum sit.

De sacrosancta Regis unctione tria disputas; primum quidem: Utrum sacra ampulla propter Baptismum Clodovæi, an propter Regis consecrationem allata fuerit: alterum: An verè istud miraculum acciderit: tertium: Utrum unctio Regum sit simplex quædam spiritalis ceremonia. De secundo nulla mihi tecum disceptatio est. Nam quamvis à nonnullis etiam Gallis in dubium revocetur, eò quòd neque Gregorius Turonensis, miraculorum & gloriæ Francorum studiosissimus, qui temporibus istis proximus fuit, neque quisquam nisi trecentis & pluribus annis posterior Clodovæo, rei tam inusitatæ meminerit, quòd tamen à tot sæculis pie traditur, arque creditum est à natione Gallicana, nolim ego argumentis quantumvis plausibilibus convellere. Satiùs est etiam incerta Dei beneficia submissè venerari, quàm Christianam pietatem aliquà disputandi subtilitate refrigerere. De primo igitur ac tertio, quia parerga tuâ disputatione nos cogis, pauca repōnemus.

Quod igitur putas, Chrisma non esse cœlitus delatum propter Baptismum Clodovæi, longè falleris. Nam Hincmarus & Aimoinus, qui primi omnium istius miraculi mentionem faciunt, expressè monent, Chrisma divinitus esse missum, ut Chrisma suppleret, quod à ministris, S. Remigio Regem baptizante, ferebatur. *Cum verò, inquit Hincmarus, a pervenissent ad baptisterium, clerus,*

cus,

2 Hincmar. in Vita S. Remig.

*cus*, qui *Chrisma* deferebat, à populo est interceptus, ut ad *FONTEM* venire nequiret. Sanctificato autem fonte, nutu divino *Chrisma* defuit, &c. Itaq; orante sancto *Remigio*, ecce subito colūba nive candidior attulit in rostro ampullulam *Chrismate* sancto repleta, DE QVO *CHRISMATE* FVDIT VENERANDVS EPISCOPVS IN *FONTEM SACRATVM*. Et statim adjungit: *Baptizatus* est trinâ mersione, &c. & susceptus ab ipso Pontifice de sacro Fonte, perunctus est sacro *Chrismate*, cum signo sancto *Crucis Domini nostri IESV Christi*. *Baptizantur* autem de exercitu ejus tria millia. Et *Aimoinus* a, cum dixisset, *Clodovæum* in sanctificationum fontis alveum descendisse, Quod verò, inquit, grata acceptabilisq; Deo prædicti Regis fides fuit, ostensum declaravit miraculum. Nam cum forte qui *Chrisma* ferebat, interclusus à populo deesset, ecce subito non alius sine dubio, quàm sanctus apparuit Spiritus in columbe visibili figuratus specie, qui rutilanti rostro sanctum deferens *Chrisma* inter manus deposuit Sacerdotis, undas fontis sanctificantis. Quid clarius, quàm in usum sanctificationis Baptismi *Chrisma* esse delatum? Unde mox Baptismo *Clodovæi* connectens Baptismum populi, nullâ omnino de unctione Regis interpositâ vel postpositâ mentione, fit gaudium, inquit, b & exultatio, propter illud miraculum, baptizantur multi de populo. Et multò apertius *Gregorius Turonensis* c, penè contemporaneus filiis *Clodovæi*: Igitur Rex omnipotentem Deum in Trinitate confessus, baptizatus est in nomine Patris, & filii, & Spiritus sancti, delibutusq; sacro *Chrismate* cum signaculo sanctæ *Crucis*. De exercitu verò ejus baptizati sunt amplius tria millia. Quis hîc dubitare finitur, quin eo *Chrismate* delibutus esse significetur, quo bapti-

a *Aimoin* l.1.c.16. b *Ibid.* c *Lib.2.c.31.*



baptizatus in vertice, ex antiquissimo Catholicæ Ecclesiæ ritu, inungi solet? Nam ex istis verbis unctionem Regiam, nec Oedipus quidem, elicuerit, sed ille solus, qui malit suum sensum in auctoribus quærere, quàm sensum auctorum facere suum. Sanctus enim Gregorius etiam alio scriptorum suorum loco apertissimè significat, se, quando de baptismo loquitur, non aliam ei, quàm quæ baptismum ex usu Christianorum comitabatur, Chrismatis unctionem jungere. De sancto Avito quippe Judæos baptizante, *At ille, inquit, a pregau-dio lachrimans, cunctos aquâ abluens, Chrismate liniens, in sinu matris Ecclesia congregavit.*

Sed unctio Chrismatis, inquit Arroyus, *b* non ita Baptismo necessaria est, ut citra illam Sacramenti ratio esse non possit: non ergò Chrisma propter Baptismi necessitatem cœlitus delapsum fuit.

Respondetur, Non propter Sacramenti necessitatem, sed rituum ejus integritatem, Chrisma delatum fuit, Deo ministrorum supplente defectum, quem Aimoinus supra commemoratus attigit. Ritus autem ungendi Chrismate baptizatos, præterquàm quòd in seipso perquàm venerandus, est antiquissimus, & sæculis aliquot ante baptismum Clodovæi præceptus, & tunc temporis quàm maximè necessarius. De præcepto sanctus Hieronymus te instruere potest, quando adversus Luciferianos dicit: *Sine Chrismate neque Presbyter, neque Diaconus jus habent baptizandi.* Et duabus fere annorum centuriis ante baptismum Clodovæi, Constitutio S. Sylvestri, quâ sanxit, *d*, ut baptiza-

lum

*a* Greg. lib. 5. c. 11.

*b* FOL. 14. L'huile sainte qu'on applique au Sacrament de Baptême, n'est pas tellement nécessaire au Baptême, que le Sacrament ne fust, si cette huile n'estoit: doncque ce ne fust pas la nécessité du Baptême, &c.

*c* Dialogo contra Luciferianos, d. 10. Pontific. in Vita S. Sylvest.

*rum liniat Presbyter Chrismate levatum de aqua.*  
**Q**uod & à diversis Conciliis confirmatum fuit.  
 Necessitatem verò ritûs illius adhibendi temporis  
 istius circumstantiæ efficiebant multò maximam.  
 Nam Ariani, qui tempore Clodovæi partem Gal-  
 liæ infestabant, & sororem eius Lanthildem suo  
 errore circumvenerant, ritum illum ungendi per-  
 vicaciter in baptismo respuebant. Adversus hunc  
 igitur errorem diligentissima sacrorum Antisti-  
 tum cura fuit, ut chrismatio baptismo jungeretur.  
 Quod usque adeò verum est, ut, quotquot ab hæ-  
 resi Ariana ad veram fidem revertebantur, quam-  
 vis legitimè baptizati fuissent, à Catholicis ta-  
 men ritum illum suppleantibus, sine infusionis a-  
 quæ repetitione, chrismarentur. Audi testem fi-  
 delissimum istius consuetudinis eundem illum  
 Gregorium Turonensem. Cum enim Clodovæi  
 baptismum præmisset, de sororis ejus Lanthildis  
 ab Ariana hæresi redeuntis nudâ unctiōe sub-  
 jungit : *a* *Conversa est & alia soror ejus, Lanthildis*  
*nomine, quæ in hæresim Arianorum delapsa fuerat, quæ*  
*confessa aequalem Filium Patri, & Spiritum sanctum,*  
*chrismata est.* Chrismationem audis, baptismum  
 non audis, quia jam ab Arianis baptizata fuerat.  
 Nam sedulò Antistites etiam illam præclaram re-  
 remoniam in redeuntibus supplere satagebant.  
 Hinc iterum Gregorius de Gundebaldo Burgun-  
 dionum Rege Ariano *b* : *Cum cognovisset assertio-*  
*nes hæreticorum nihil esse, à sancto Avito, Episcopo*  
*Viennensi, Christum Filium Dei, & Spiritum san-*  
*ctum aequalem Patri confessus, clam ut chrismaretur*  
*expetiit.* Et de Brunichilde Athanagildi filia :  
*Quia Ariana legi subiecta erat, per prædicationem*  
 Sacer-

*a* Lib. 2. Hist. Franc. c. 31.*b* Ibid. c. 34.*c* Lib. 4. c. 27.

Sacerdotum, atque ipsius Regis commonitionem conversa, beatam in unitate confessam Trinitatem credidit, atque chrismata est. Et de Herminichildo Arianæ fallaciæ sectatore: *a* *Conversus ad legem Catholicam, ac dum chrismaretur, Ioannes est vocatus.* Et de Reccaredo, Hispaniarum Rege, qui hæresim Arianam deserens, Gothos reduxit secum ad Catholicam fidem: *b* *Tunc intelligens veritatem Reccaredus, postpositâ altercatione, se Catholica legi subdidit, & accepto signaculo beata Crucis, cū chrismatis unctione, credidit IESVM Christum Filium Dei aequalem, &c.* In quibus omnibus locis vides studiosissimè suppletam esse chrismatis unctionem, quam Arianæ in suo Baptismo prætermiserant, nullâ omninò aquæ factâ mentione, quam in Gentilium Judæorumque baptizatiōe, ut supra vidimus, conjungere solet.

Quod si quis fortè huiusmodi testimonia de Sacramenti Confirmationis unctione intelligi mallet, quæ antiquo ritu, ut perfectè Christiani fierent, Baptismo velut appendix initiationis iungebatur, nec sic vis argumenti nostri eliditur. Nam ex constanti eorum consonantia liquidissimum est, nihil absurdius, & antiquis scriptoribus magis adversum fingi posse, quàm chrismatis unctionem Clodovæo, non propter alterutram jam dictam Baptismi integritatem, sed ut Rex consecraretur, esse collatam. Quod sanè in ipsis Regiæ consecrationis ceremoniis perspicuis verbis Ecclesia Gallicana profitetur, dum Archiepiscopo Chrisma præparante, hanc Antiphonam cantu sacro modulatur: *Gentem Francorum inclytam, simul cum Rege nobili, beatus Remigius, sumpto calitus Chrismate,*  
sacro



*sacro sanctificavit gurgite, hoc est Baptismo, atque Spiritus sancti plenè ditavit munere.* Hanc igitur sacram, & illi tempori utilissimam ceremoniam, vel Sacramentum, noluit Spiritus sanctus in tanti Regis Baptismo desiderari; ut qui nihil in Fidei professione totoque Religionis apparatu cum Arianis commune erat habiturus, sed eos ex totâ Gallia pulsurus, nullam etiam in istis Christiana infantia incunabulis haberet vel specietenus cum illâ sectâ societatem.

Quod si in illis rebus, quas facti, non juris dicimus, quæque veterum historicorum fide ad posterum transmittuntur, antiquioribus esse standum ratio postulat, multò verius dixerimus, Clodoveum à S. Remigio nullâ peculiari Regiâ unctione fuisse delibutum. Nam neque S. Gregorius Turonensis, qui res etiam minimas, maximè sacras, ad gentis suæ gloriam spectantes, accuratè persecutus est, neque Aimoinus Monachus, duo vetustissimi fideque digniores, neque ullus omninò scriptor, qui non fuerit quingentis aut penè sexcentis annis posterior Clodovæo, ullam omninò mentionem istiusmodi unctionis Regiæ facit. Quapropter nullam etiam adhibitam esse, scriptores non ignobiles Gallie, qui minutias quasque studiosissimè perscrutati sunt, ingenuè profitentur, Tillerus, Fauchetus, & Scipio duPlaix: quâ de re infra pluribus.

Sed ut probes Clodovæum hac unctione in Regem consecratum fuisse, addis, eum instar Saulis confestim ab unctione prophetantis, continuò post unctionem prædicasse militibus suis; nimirum ipsâ unctione cum creante Regem, inquis, a *Apostolum, aut Prophetam.* Sed errorem errori necis

B

aper-

a FOI. 25. Ainsi l'unction luy donnant plus que du caractère du baptême, il fut fait Roy, Apostre, ou Prophete.



apertissimum. Testis est enim S. Gregorius, quem falsò ad falsitatem asserendam advocas, concionem istam ante unctionem, imò ante baptismum ejus, contigisse. Nam cum S. Remigius cum ad Christi fidem præparans hortaretur: *a. Libenter, inquit Clodovæus, te, sanctissime Pater, audiam, sed restat unum, quod populus, qui me sequitur, non patitur relinquere Deos suos: sed vado, & loquor eis juxta verbum tuum. Conveniens autem cum suis, priusquam ille loqueretur, præcurrente potentiâ Dei, omnis populus pariter acclamavit, Mortales Deos abigimus, &c. Nuntiantur hæc Antistiti, qui gaudio magno repletus jussit lavacrum preparari. Ac deinceps Baptismum Clodovæi, & militum ejus describit. Idipsum testatur in Epitome, quæ de gestis Francorum scripta est, idem Gregorius *b*, vel quisquis est auctor ejus: idipsum Aimoinus *c* multò luculentius: *Hæc dum Rex fide plenus perarasset* ( præmiserat totam concionem ejus ) *plerosque de populo flexit, ut Christo mitia subderent colla: gaudet Sacerdos, Regem nondum initiatum jam suæ gentis esse apostolum factum. Exornatur baptisterium: descendit Rex velut alter Constantinus in sanctificationis fontis alveum, &c. Idipsum Flodoardus *d* luculentissimè. Cum enim Regem à S. Remigio catechetice institutum, exercitum verò ab ipso Rege exhortante conversum narrasset, jejunium omnibus propter imminentem solemnitatem paschalem, in cujus vigiliâ baptismus dari solet, indictum fuisse, Regem ab Archipræsule ipsâ die passionis Dominicæ visitatum, ac denique postridiè cum tribus millibus Exercitus ejus, baptizatum, distinctè tradit. Quæ antiquorum**

*a* Greg. Turon lib. 2. Hist. cap. 31. *b* Epit. cap. 15. *c* Aimoin. lib. 1. c. 16. *d* Flodoard. lib. 1. Histor. Rhem. cap. 13.

rum Scriptorum undique concinens contestatio perspicuè demonstrat, te nullâ solidæ veritatis habitâ ratione, quidquid tibi spiritus adulationis suggerit, effutire; ut phaleris istis præstrikti rudiores præcipites ad bella quævis tamquam justa concitentur, quæ à successoribus Clodovæi tam Apostolicæ & Propheticæ hæredibus consecrationis inferuntur. Sed jam de tertio tuo articulo, Utrùm consecratio Regum sit spiritualis quædam ceremonia, paulò fufius differendum est.

## CAPUT III.

*An unctio Regum sit spiritualis ceremonia.*

**N**Am quamvis in præcedentibus intemperies illa impotentis ingenii satis emicuerit, hîc tamen totas lascivientis animi habenas laxat. Illic in historiæ antiquæ veritatem; hîc in ipsum Theologiæ limen impingit: illic erroribus perturbat sæcularia; hîc incipit ipsa Ecclesiæ Sacramenta concutere.

Et primò quidem, ut sacrosanctam Regum unctiorem ad summum sacrarum rerum culmen evehat, irridet eos peracerbè velut *vacua cerebro capita*, qui unctiorem illam *simplicem ceremoniam spiritualement* esse censuerunt. Ænigma nàmque inextricabile esse putat, ut corporalis unctio ceremonia spiritualis appelletur. Hîc tonitrua verborum in istos, tamquam profanos sacrarum rerum contemptores, & sacrilegos jaculatur. Quis Mydæ auriculas detrahèt? Itâne homines fungos esse putas, ut credant quemquam ita stolidum, fatuum,

B 2

bar-

bardum, bucconem, blénium fuisse, (ut cum Poëtâ loquar) qui externam & palpabilem actionem naturâ essentiaque spirituales vocet? Noli ita desperare de genere humano. Si quid umquam hujusmodi scriptum legisti, Arroye, lectoris absque dubio, non scriptoris vitium fuit. Ecce fulmina verborum tuorum non pertimesco: fidenter loquor, sacram Regum unctiōem non esse nisi simplicem ceremoniam spirituales; errare illos tecum, qui ei tribuunt, quod tu tribuis. Attende, obsecro, Scripturas sacras, quas profiteris: videbis penè sexcentis loci ea vocari spiritualia, quæ quàm maximè sensibilia sunt, & corporalia. Non legisti in Prophetâ a: *Scitote insanum virum spirituales*? Non in Apostolo b: *Spiritualis judicat omnia*? non potui vobis loqui quasi spiritualibus? An fortè corpori exuti erant, quibus aut de quibus ita loquebatur? Nōne legisti c: *Omnes eandem escam spirituales manducaverunt, & omnes eundem potum spirituales biberunt: bibebant autem de spirituali, consequente eos petrâ: petra autem erat Christus*? Manna, aqua, petra, Christus non erant res palpabiles? Nōne vidisti scriptum d: *Tamquam lapides vivi superedificamini, domus spiritualis, Sacerdotium sanctum, offerre spirituales hostias*? Quis dubitat hîc ipsam Ecclesiam vocari domum spirituales, ipsa opera quælibet bona, ipsam denique victimam Sacrificii nostri sacratissimam spirituales hostias appellari? Nōne audivisti Apostolum exhortantem e: *Loquentes vobismetipsis in psalmis, & hymnis, & canticis spiritualibus*? Nōne penè palpasti manibus illius sententiæ veritatem; f *Seminatur corpus animale, surget*

a Isae 9. b 1. Cor. 2. c 1. Cor. 10. d 1. Petri 2.  
e Ephes. 5. f 1. Cor. 15.

*surget corpus spirituale? Si est corpus animale, est & spiritale: & ita spiritale, ut tamē Apostolis in tali corpore ostenderet Christus manus, & latus a; & eorum unus de se suisq; dicat b: Quod audivimus, quod vidimus oculis nostris, quod perspeximus, & manus nostra contrectaverunt. Ecce tibi demonstratum, quo pacto sacra Regum unctio possit esse valdē corporalis, atque palpabilis, & tamen sine ænigmate cui sit opus Oedipo, vocari possit ceremonia spiritualis. Pudet profectō, pigetque me immorari explicandæ hujusmodi phrasi, quam nec tirones Theologiæ, nec vulgus opificum Christianorum, nec ipsi milites Catholici, quos crassissimā tuā Theologiā fallis, ignorant. Distinguuntur enim tali epitheto sacra unctio, & ceremonia quæcumque corporalis, ab unctionibus corporum, ceremoniisque merē secularibus & carnalibus: ejusmodi sunt ceremoniæ, quibus creantur Equites, olimque Imperatores, & Reges; quæ neque quidquam divinæ & spiritualis opitulationis conferunt, neque ad spiritale quidquam significandum, spiritumque homini juvandum, ornandum, perficiendumque referuntur. Sed hæc de istā trabali incipiā plus quā sātis.*

*a Ioan. 20. b 1. Ioan. 1.*

#### C A P V T IV.

*Unctio Regibus non imprimit Characterem,  
ut Arroyus putat.*

**C**UM ergo tam dextrē acuteq; retudisses istos adversarios tuos, inter quos me esse fateor, qui unctionem Regum ceremoniam spiritualement vocant, eamque tuo iudicio nimis deprimunt,

jam pergis ad extollendas usque ad nubes prærogativas ejus. Nam, te doctore, plus est quàm ceremonia, & gratiam confert, & characterem imprimit, ut idemtidem repetis, *in animas indelebilem*. Quid aliud suspicabimur, nisi quòd eam octavum Sacramentum Ecclesiæ esse velis, quod nobis ex Theo-politicâ & adulatoriâ tuâ officinâ Sapientissimè octavus protulisti? Hoc enim imperitis hominibus omninò te instillare velle, tum illa naturæ & effectuum, quam retuli, similitudo suadet, tū alia deliria, quæ consequenter fundis, modestis religiosisque Lectoribus intoleranda, persuadent. Cum enim fusè declarasses, unctionem Confirmationis atque Ordinis esse corporalem, effectusque conferre spirituales, gratiam in animâ sanctificantem, Characterē qui deleri nequit, auctoritatem denique prædicandi, docendi, administrandi Sacramenta, & à peccatis absolvendi; disertissimīs verbis adjicis: *b Unctio Regum isti par est. Cum enim mediante oleo personis Regum adhibeatur, tribuens eis auctoritatem tuendi subditos suos, & impugnandi gladio adversarios, utique corporalis est. Cum verò etiam tribuat auctoritatem quamdam excellentia imaginis Dei, & imprimat Characterem, hoc est, signaculum istius imaginis in animas Regum, etiā spiritalis est. Et mox*

unctio-

a Fol. 31. & 32. & 33. Vide infra verba citata.

b ARROY Fol. 31. L'unction des Roys est pareille à celle-cy, car estant faite avec de l'huile sacrée sur la personne des Roys, leur donnant le pouvoir de defendre leurs subjets & d'attaquer leurs ennemis par le glaive, elle est corporelle; & donnant encore une autorité de præexcellence d'image de Dieu, & imprimant un caractère, c'est à dire, une marque de ceste image en l'ame des Roys, elle est spirituelle.

Et FOL. 32. Pour le caractère, ou l'impression ineffable, elle se verifie. Sc. David fait mourir cet Escuyer, comme ayant massacré un oingr; c'est à dire, celuy qui par l'unction avoit reçu une impression ineffable.

Et FOL. 33. Si bien que je diray avec raison que comme entre les Prestres le Caractere des Evsques releve leurs personnes, leur donnant de l'autorité, plus que n'ont les Prestres; ainsi entre les Chrétiens le Caractere Royal releve la personne Royale pour avoir plus d'autorité sur les autres Chrétiens, que n'ont les autres Roys non oingts.

unctionem illam *instrumentum* a vocas, quo Deus *gratias corpori & anima communicat*. Et infra: *b Vnctio dat ipsis gratiam vivificantem*. Denique incunctâter clamas, eos, qui Regis unctionem spiritalem ceremoniam esse sentiunt, *tantumdem de Sacramentis posse dicere*. Utrumque autem esse *sacrilegium*: nēpe, ut explicas, quia utraq; sunt corporalia, utraque in animâ spirituales & indelebiles effectus operâtur. Quid evidentius & efficacius rudi populo dici potest, quod unctionem Regum octavum Sacramentum novæ legis esse putet, & hoc ipsum ex professo te persuadere voluisse? Nam illos effectus, quos in animam imprimi doces, *ex opere operato* quoque ab unctione proficisci, fateri cogeris, nisi in alias absurditates intolerabiles te præcipitatum velis. Quid enim est aliud, Characterem fieri per unctionem ex opere operato, quàm fieri vi ipsius unctionis, non ex merito suscipientis aut ministrantis eam? Quod Augustinus istis verbis exprefit contra Donatistas: *a Ipsum per seipsam Sacramentum multum valet*. Quid igitur? Imprimi dices characterem, tuædi regendi quæ populi auctoritatem dari, ex merito ministrantis, ne Sacramentum esse fatearis? Caret ergo Rex characterem, caret regendi auctoritate, si minister est malus. Ad Luciferianos igitur ac Donatistas, ad Albigenes & Apostolicos, ad VViclephistas deniq; tibi fugiendum erit, qui nullos idoneos ministros, nisi bonos, esse sentiebât. Et quid nisi hostis eris Ecclesiæ ac doctrinæ ejus? Aquam enim & oleum, calices &

B 4

pate-

a FOL. 31. Ceste onction doncque est un instrument, par lequel Dieu les (graces) communique au corps & à l'ame.

b FOL. 55. L'onction leur donne la vraie autorité Royale, le Sacerdoce, & le grace vivifiant.

c FOL. 38. N'en pourra il pas autant dire des Sacramens, & le peut il sans sacrilege?

d lib. 4. de Bapt. c. 24.

paternas, virgines & Abbates, Reginas & Reges non minus ab improbis ministris benedici & consecrari docet, quàm ab iis, quos constituerit esse probos. Quòd si ex merito suscipientis conferratur character, & auctoritas; jam nihil auctoritatis aut characteris adipiscetur, non solum improbus, sed etiam de cætero probus, si fortè tempore unctionis in aliquo peccati reatu fuerit. Et quid hoc nisi hæresis VViclephi, & Hussitarum? Articulus enim Ioannis Hus unus erat: *a Sicut Princeps vel Dominus, tempore quo est in peccato mortali, non sortitur nomen illius officii, nisi nominetenus, & satis equivocè: sic, nec Papa, nec Episcopus, vel Sacerdos, dum lapsus fuerit in peccato mortali.* Et iste ejus error. Concilii Constantiensis auctoritate damnatus est: *b Nullus est Dominus civilis, nullus est Prelatus, nullus est Episcopus, dum est in peccato mortali.* Quis enim nescit, ex Ecclesiæ Catholicæ sensu atque doctrinâ, non minus Abbatissas & Abbatres, Reginas & Reges, quàm Diaconos, Sacerdotes, atque Episcopos sine discrimine bonitatis ac malitiæ validè benedici, ungi, & consecrari? Par in utrisque potestas ad operandum, par auctoritas ad regendum. Cum ergò hæc sint certissima, & sine periculo labefactandi Christianæ fidei fundamenta, in dubium revocari nequeant, quisquis per unctionem Regiam, tamquam *per instrumentum*, characterem ineclebilem in ipsam animam imprimi, & regendi potestatem, & gratiam vivificantem tribui docet, cogitur eam, velit nolit, non à ministrantis, non à suscipientis probitate suspendere; & ei proinde ex opere operato effectum illum tribuere. Quid igitur erit, nisi quod-

dam



dam Sacramentum Ecclesiæ, cum quo & in operandi ratione, & in ipso effectui, characteris, inquam, indelebilis impressione, & auctoritatis collatione, imò & gratiæ vivificantis communicatione convenit? Sed bene habet, quòd sine hujusmodi Sacramenti fide salvi esse possumus, imò cum ejus fide salvi esse non possumus. Opinio ipsa, ut mitissimè loquar, profectò hætenus in Ecclesiâ Christianâ inaudita, nova, merè voluntaria, omnis expert Ecclesiasticæ divinæque auctoritatis, sine quâ res tanta doceri sine insigni temeritate non potest. Ubi enim Scriptura, ubi traditio, ubi divina revelatio, ubi Patrum antiquorum contestatio, ubi Concilii cujuscumque auctoritas? sine quibus res tanta nec asseri debuit, nec ulla certitudo ejus haberi potest. Rem enim facti esse, quisque perspicit; characteris impressionem à liberâ Dei voluntate pendere, nemo dubitat; unctionem Regum quadringentis amplius annis à nato Christo ab Ecclesiâ institutam, & usurpari cœptam, in confesso est. Unde ergò characteris impressio, & quidem, ut vidimus, ex opere operato, scriptori isti innotuit, nisi ex fonte, quem digito monstravit August. *à Phantasmata habere pro cognitis, summus error est, &c. sequuntur enim nonnulli phantasmata sua tam precipites, ut nulla sit alia materies omnium falsarum opinionum, &c.*

Quid, quòd istâ enormi unctionis Ecclesiasticæ commendatione, Sacramentis ipsis, aliud agendo, non levis sit injuria? latissimam enim pandit viam, ut ceremoniæ spirituales, quas Sacramentalia Theologi vocant, ad Sacramentorum amplitudinem evehantur, & vicissim Sacramenta ad

B 5. Sa-

Sacramentalium tenuitatem deprimantur, & utraque pariter hæreticis ludibrium fiant. Hoc enim non est ceremonias Ecclesiæ magni pendere, sed Sacramenta contemnere; imò ipsas quoque ceremonias obliquè impactâ dedecorare contumeliâ. Non enim levior eis fit iniuria, dum plus quam fas est evehuntur, quam dum plus æquo deprimuntur. Perinde hominīs dedecus est, si fortè major ei honor impenditur, ac si debitus denegetur. Nam semper adulatores, sicut & mendaces, & hæretici, extrema petunt: veraces & Catholici medium. Manichæi & Calvinistæ dehonestant matrimonium, illi tamquam immundiciam execrando, hi virginitati præferendo. Ita Virgini beatissimæ pariter contumeliosi sunt, qui eam Collyridis oblatione olim colere voluerunt, & qui cultu Sanctis & Matri Θεοτόκῃ debito nunc honorare detrectant.

*a Collyridiani apud Epiph. har. 78.*

## C A P V T V.

*Iteratio unctionibus Regum familiaris repugnat impressioni Characteris. De unctione Reginarum pauca.*

**S**ed antequam tam præceps in illam sententiam labereris, considerandæ erant absurditates, quæ ex eâ nexu adamantino religatæ sunt. Si enim unctio characterem imprimit, profectò etiam repeti nequit: nam ista ratio est à duobus Conciliis generalibus tradita, magnoque consensu à Theologis recepta, cur quædam Sacramenta iterari nequeant, quia characterem imprimunt indelebilem. Audi Concilium Florentinum: *b Sacramenta*

*iria*

*c Conc. Flor. in decreto unionis,*

tria sunt, qua characterem imprimunt in animâ indelebilem: unde in eadem personâ non iterantur Audi anathema Tridentini: *a* Si quis dixerit in tribus Sacramentis, & c. non imprimi characterem in animâ, hoc est, signum quoddam spirituale, & indelebile, unde ea iterari non possunt, anathema sit. Ut quid enim iteraretur, quod semel infixum evelli nequit, & manet omnimodè inconvulsus, sicut hac de re Concilium b Toletanum loquitur? Cum ergo character ille tuus indebilis & inconvulsus sit, profectò initerabilis erit unctio, quâ imprimitur. Quid igitur dices de illis Regibus, qui bis terve uncti & coronati sunt? Nam de Pipino testantur historici, eum primò à Bonifacio Archiepiscopo Moguntino unctum & coronatum esse: *c* Pipinus Rex Francorum appellatus est, & ad hujus dignitatem honoris unctus sacra unctio manu sanctæ memoria Bonifacii. Quod Annales Francorum d, Fuldenses, Regino in Chronico, & recentiores unanimiter verum esse agnoscunt. Triennio verò circiter post à Stephano Papâ, de quo idem statim subjicit: *e* Stephanus Papa, postquam à Rege Pipino Ecclesiæ Romanæ defensionis firmitatem accepit, ipsum sacra unctio ad Regiæ dignitatis honorem consecravit. Cui iidem, qui antè citati sunt, adstipulantur. Exemplum patris Carolus Magnus in filiis suis imitatus est. Nam, ut Adelhelmus, baptizavit f Pontifex (Adrianus) filium ejus Pipinum, unxitq; eum in Regem, & Ludovicum fratrem ejus, quibus & coronam imposuit. Pipino scilicet Italiæ, Ludovico Aquitaniæ, teste Reginone g. Quem Pipinum tamen Sigonius, & Faucherus h à Leone

B 6 Pon-

a Sess. 7. can. 9. b Concil. Tol. 8. can. 7. c Adel. continuat. Aimoini ann. 750. d Annal. Franc. Regino. e Adel. ibid. ann. 754. f Anno 781. g Regino in Chron. h Fauchet. in vitâ Caroli Magni.

Pontifice, Carolum Imperatorē inaugurantē, iterum Regem Italię unctū esse tradunt. Ludovicum verò Regē Aquitanix Stephanus Papa, qui Leonī successerat, postea Rhemis, *a celebratis ex more solemnibus, diadematis impositione coronavit*: quo tota illa inaugurationis & unctionis ceremonia cōprehenditur. Quid, quòd ipse Carolus Magnus bis inunctus & coronatus fuit? Nam, prater Adelhelmū *b*, Annales Fuldenſes conceptis verbis dicunt: *Stephanus duos filios ejus ( Pipini ) Carolum & Carlomannum sacrā unctione unxit in Reges. c* Et idem postea à Leone Pontifice in Missarum solemnibus Imperator coronatus est, unctione à capite ad pedes usque superfusā, juxta antiquum Judaicę consecrationis ritum: *d*.

Οὐ μὲν, ἀλλὰ χροσάμεν & ἡ νόμις Ἰουδαίων

Κάκκιφαλῆς μέχει παδῶν ἐλαίῳ τῦτον χρίει.

*Ceterum Judaicis etiam ritibus usus*

*A capite usque ad pedes eum perfudit oleo.*

Nec est quòd abstrusiora antiquitatum scrinia perlustremus, ubi quotidianum exemplum olim usitatum in promptu est. Romanus enim Imperator usu perantiquo tribus coronis, cingebatur; ungebaturque tribus diversis unctionibus, primā Aquisgrani, ab Archiepiscopo Moguntino; secundā Mediolani, ab Archiepiscopo Mediolanensi, tertiā Romę, à summo Ecclesię Præsule: quas antiquę coronationis istius ceremonias nōnulli ex professo stylo persecuti sunt. Sed quid sæcularibus historiis percurrendis immoror? Ipsa sacrę literę omni exceptione majora exempla suggerunt, omni disputatione superiora, omni ambiguitate luculen-

*a* Adel. an. 816. *b* Adel. an. 754. *c* Adel. infra. Regino.

Annales Fuld. *d* Constantinus Manasses. *e* Petrus à Beuck in Aquisgrano.

lentiora. David ipse, vir secundum cor Dei, paucorum annorum spatio ter omnino diversis temporibus in Regem unctus est. Primum in Bethlehemi à Samuele : *a Tulit Samuel cornu olei, & unxit eum in medio fratrum ejus.* Secundò in Hebron à tribu Judà : *b Veneruntque viri Iuda, & unxerunt ibi David, ut regnaret super domum Iuda.* Tertiò in eadem Hebron à viris Israël : *c Venerunt quoque & seniores Israel ad Regem in Hebron, unxeruntque David in Regem super Israel.* Salomon filius ejus solius pompæ causâ eidem omnino Regno binâ unctione inauguratus est : *d Sumpsit Sadoc Sacerdos cornu olei de tabernaculo, & unxit Salomonem.* Et rursum cum in usum templi offerrent Principes familiarum, ac proceres tribuum, *e unxerunt SECUNDO Salomonem filium David. Unxerunt autem eum Domino in Principem.* Saulem primum Israhelis Regem etiam ter inunctum fuisse, quemadmodum Davidem, auctores *f* non contemnendi tradunt; quamquam istud è sacro textu non ita perspicue convinci potest. Viden' tandem aliquando, ad sacram potius & spirituales ceremoniam, solemnemque inaugurationis ritum adhiberi unctionem, quam ad ullius characteris impressionem? Non enim arbitror eò fatuitatis venies, ut in Salomone, Davide ac Pipino characterem caractere bis tæve cumulatam somnies; vel eundem iterum iterumque repetitum, ne temporis morâ fortè deleteretur.

Nam quod aliquid diversorum Regnorum coronis edimiri, & unctionibus delibuti sunt, non minus luculentè vim veritatis istius ostendit.

B 7

Quid

*a* 1. Reg. 16. *b* 2. Reg. 2. *c* 2. Reg. 3. *d* 3. Reg. 1.  
*e* 1. Paral. ultimo. *f* Abulens, in lib. 1. Reg.

Quid enim? Italia, Aquitania, Gallia, Germania, quemadmodum diversa armorum & vexillorum insignia; ita in animabus Regum diversos characteres postulant? Unus duobus Regnis non est satis? Apage anilia ista nugamenta. Quis enim nescit, Antistitem semel unctum, & caractere consecratum, ad quemcunque Episcopatum vel simul vel temporum successione transferatur, numquam unctionem Episcopalem iterare? Ipse summus Pontifex, quando in totius Ecclesiæ curam jam antè Episcopus consecratus evehitur, nullius unctionis repetitione consecrandus est. Quæ quidem exempla vel tardissimis patefaciunt, nullam omninò characteris impressionem in unctionibus Regum dari.

Mitto Reginas, quæ plures, haud secus ac Reges, cum unctione coronatæ sunt; Clementia *a*, uxor Ludovici Hutini; Constantia *b*, filia Alphonsi Regis Hispaniæ, uxor secunda Ludovici junioris, & Alix tertia; Margareta *c*, uxor sancti Ludovici, aliæque plurimæ. An & illas characteribus insigniri dices? Quis ergo in eis fructus characteris? præsertim juxta principia tua, qui Regibus vi unctionis potestatem administrandi tuendique Regni, hostesque debellandi conferri doces, quorum nihil omninò Reginis in Franciæ Regno competit? Quid si fortè repudientur, ut multis accidit? quid si marito viduentur, nullâ masculâ relictâ prole? nōne ex illâ dignitate in ordinem rediguntur, & privatæ ad patrios lares, ut Maria *d* uxor tertia Ludovici duodecimi, in Scotiam; Elisabetha

*a* Du Tillet in vitâ Hutini.

*b* Idem. *c* Guil. Nangius.

*d* Scipio du Plaix in vitâ Franc. primi; Thuanus, Genebrard.

Sabatha Austriaca in Austriam; Eleonora vidua Francisci primi in Belgium, abeunt, aut remittuntur? Quid ergo character in eis efficit, vi cujus *Reges semper Reges manere* tradis? An & istæ semper Reginae Franciæ manent, etiam aliâ ductâ repudiata? etiam extra Regnum, & reduces in paternam domum? etiam alio Rege Reginaque succedente viduæ? Jocularia sunt ista, & puerilia, irrisione quàm refutatione digniora. Verum est enim, nihil talibus Reginis, abolitâ jam dignitate & auctoritate, superesse, nisi amantem memoriam & quasi olfacta desiderantem. Et si denuò alteri Francorum Regi nuberent, sicut Anna Britannica Ludovico duodecimo post mortem Caroli octavi nupsit, profectò longè majori jure quàm Pipinus, iterum ungi possent, & coronari.

a FOL. 34. Un Roy oint, demeure tousjours Roy oint & sacré.

## C A P V T VI.

*Solvitur argumentum ex Ceremoniali coronationis petatum.*

**S**ed ne sine teste loqui videaris, Ceremoniale profers, in quo omnes, quas recensuisti, gratiæ formaliter, inquis, *b exprimuntur.*

Sed tu formaliter, ut verbis tuis loquar, illudis Lectoribus tuis. Nulla uspiam mentio characteris, nullum vestigium. Dum Rex Francorum ungitur, illa verba pronuntiantur: *Vngo te in Regem de oleo sanctificato, in nomine Patris & Filii & Spiritûs sancti.* Ante & post unctionem, complures, quæ à Præsule funduntur, orationes, ad gratias diversas corporales spiritualesque referuntur, nullâ

omni-

b FOL. 31. Elles sont formellement exprimées dans la cérémonie de leur unction.

omnino facta à characteris mentione. Ex quo fit, ut ceremoniæ, quæ adhibentur, gratiarum virtutumque variarum, quæ petuntur à Deo, potius signa, quàm causæ sint: per quæ signa realia, quemadmodum & per vocalia, tamquam per duplicem, realem vocalemque, precem, impetrantur ea quæ postulantur, & Rex officii sui commonetur. Unctio quippe corporis significat unctionem Spiritûs sancti *ad interiora penetrantem*, quo petitur, ut ungatur spiritus Regis, instar *Christi, qui unctus fuit oleo exultationis præ consortibus suis*: sicut in orationibus adjunctis declaratur. Hanc vim ceterarum quoque ceremoniarum explicat exsertè Pontificale Romanæ Ecclesiæ, quæ non minùs doctrix omnium Ecclesiarum, ac mater est. Nam Pontifex gladio accingens Regem, *Attende*, inquit, *quòd Sancti non in gladio, sed per fidem vicerunt Regna*. Et diadema capiti imponens, *Accipe coronam Regni, quam sanctitatis gloriam, & honorem, & opus fortitudinis* SIGNIFICARE intelligas. Et sceptrum tradens, *Accipe virgam virtutis, ac veritatis, quâ intelligas te obnoxium mulcere pios, terrere reprobos, &c.* Ceremoniis istis igitur omnibus, partim solemnibus & sacro ritu Rex exercendis functionibus veri & Christiani Regis deputatur; partim docetur munera tantæ dignitatis, ne se ad fastum tantummodò sæcularem vocatum putet; partim monetur officii sui; partim denique gratiæ tanto oneri necessariæ postulantur. Deus autem, qui non despicit orationem humilium, & præsertim Ecclesiæ sponsæ suæ, talium sacrorum rituum & orationum intuitu, atque impetratione, pios aliquos effectus, sed animi motus, juxta profundum



dum providentiæ suæ consilium, temporibus ac locis opportunis excitat, quibus ad suæ dignitatis munia cum Christianæ spei fructu exequenda moveatur. Quis enim in Theologicis rebus ita hospes est, qui nesciat, per hujusmodi signa sacramentalia, non gratiās habituales infundi, non characteres imprimi; sed actuales quosdam dumtaxat motus animi, Deo rebus istis & sponsæ suæ precibus assistente & annuente, suscitari?

## CAPUT VII.

*Solvitur aliud argumentum, ex unctione  
Saulis ductum.*

**S**ed ut exorbitatio tua non sine magnâ tibi ratione accidisse videatur, Saulem in præsidium advocas, qui cum non nisi biennium regnasse dicatur, diu tamen postea unctus Domini appellatus; & Amalechita interfectus est, tamquam parricida inuncti Regis, hoc est, inquis, a ejus, qui per unctionem receperat impressionem characteris indelebilem. Noctem nocte fugare niteris: quæ ut sublustrior tibi fiat, scito, si placet, opinionem illam, quæ Saulis regno biennium tantum tribuit, ac tibi placuit, à fabulatoribus Hebræis, hoc est, ex Seder b Olam ortum habuisse; ac talem esse, ut omni historiæ & auctoritati repugnare, sanctumque Paulum mendacii suspectum facere voluisse, videatur. Nam iste perspicuis verbis dicit: c Dedit illis Deus Saul filium Cis, virum de tribu Benjamin annis quadraginta. Quæ verba quomodocumque intelligenda sint, siye ad litteram, uti sonant, quem-

a FOL. 32. Celuy qui par l'ondction avoit receu une impression inéffable.

b Seder Olam. Rabban, cap. 13. c Ader. 13.

quemadmodum Augustinus *a* intelligit, siue alio modo, certum est, regnum Saulis plusquam biennio circumscribendum esse.

Ad locum igitur Scripturæ, qui dicit; *b* *Filius unius anni erat Saul, cum regnare cœpisset; duobus autem annis regnavit super Israël*; duplicem accipe tibi responsionem. Prima est, illa verba cum sequentibus jungenda esse, *Et elegit sibi Saul tria millia*: ut significetur, eum biennium modestiâ, dissimulatione, Samuelis auctoritate, sese tuitum esse; deinceps sibi trium millium adscivisse satellitium. Placuit ea responsio non paucis recentioribus, Varabro; Pinedæ, Genebrardo, aliis. Altera veteribus familiarior, ideoque antiquitatis amatoribus carior, Saulem, *sicut filium unius anni, innocentem fuisse, quando regnare cœpit, & in eadem innocentia duobus annis regnasse*. Hieronymi *c* verba sunt: quibus subscribunt non solum Procopius, Abulensis, Lyranus, & recentiores aliqui in hunc locum, sed etiam ex antiquioribus Rupertus *d*, ac Petrus Damiani *e*, qui jam dictam sancti Hieronymi interpretationem verbotenus referunt; nec non sanctus Gregorius *f* primus: *Licet multis annis regnaverit, illis solis regnare dicitur, in quibus innocens & humilis fuisse perhibetur*. Et ante illos omnes Theodoretus *g* *Hoc significat quàm simplex esset ejus animus, quando fuit Rex electus. Ille autem non diu est usus: unde subjunxit historiographus: Et duos annos regnavit super Israël, nempe, cum eâ simplicitate regnat duos annos*. Utralibet istarum interpretationum vera fuerit, vides utique commentum

*a* lib. 17. de Civit. cap. 7. *b* 1. Reg. 13. *c* Hieron. in trad. Hebr.

*d* Rupert. in 1. Reg. cap. 19. *e* Petrus Dam. opusc. 37. qu. 1.

*f* Greg. lib. 5. cap. 3 in 2. Regum.

*g* Theodor. qu. 28. in lib. 1. Reg.

tuum de charactere Saulis evanescere: nam ultra biennium utique verus Rex Israël Saul fuit, & meritò Amalechita capite temeritatem luit, quòd unctum Domini peremisset.

Quòd si te fortè mover, quòd Saul à Domino reprobatus fuerit, regnoque spoliatus, illis verbis Samuelis: *a Abjecit te Dominus, ne sis Rex*; ac proinde non potuerit *unctus Domini* nisi propter characterem dici: occurreret cogitationibus tuis Augustinus, *b* qui docet hoc ideo dictum primo tempore regni ejus, non quòd tum solio dejectus fuerit, *sed quia nullus de stirpe ejus fuerat regnaturus*. Mansit ergo, Augustino auctore, verus Rex Saul usque ad mortem suam, & tamquam legitimum Regem semper eum David viventem veneratus est, luxitque defunctum: sive hoc eâ consideratione fecerit, quòd unctione suâ jus ad regnum dūtaxat accepisset, cujus legitima possessio Sauli remaneret, donec, Deo ipsum amovente, concederet fatis suo; sive quòd etiam Saul titulū ac jus Regis ad mortē usque retineret, cui David tamquam legitimus hæres à Deo substitutus jure succederet.

Non enim admiratione dignum, aut novum est, ut plures quoquo modo sint simul Reges, sive æquā regnandi sorte, sive concordī quadam subordinatione, sive aliis, quos jam tetigimus, modis. Nam, ut nihil de pluribus simul Imperatoribus post Constantinum loquar, fertilis est exemplorum historia Gallicana. Pipinus utrumque filium suum, quod jam vidimus, Carolum & Carolomanum secum, à Stephano Papā, sub initium regni sui, Reges ungi fecit, & fidelissimos administrationis adjutores habuit. Hugo & Capetus.

sex

sex mensibus post inaugurationem suam Robertum filium throno suo sociavit, & solemniter ungi, consecrari, Regemque agnoscere fecit. Sic Robertus Hugonem primogenitum; sic eo defuncto, Henricum secundogenitum; sic Henricus Philippum, aetate sexennem. Quod sicut ab eis excogitatum fuit, ut successio filiorum in regnum, quod parentes contra legitimos haeredes Childericum & Carolum Lotharingæ Ducem obtinuerant, adversus invasionis labem, novosque quoslibet motus firmaretur; ita Davidem Sauli viventi Deus substituit, ut de post fortantes accersitus, regni onera cum Saule sustineret, regnandi interim peritiam addisceret, partaque auctoritate, & animis sibi conciliatis, morienti in possessionem, plenamque administrationem regni sine difficultate succederet. Nam quemadmodum sciebat David alterutro, quem supra diximus, modo sibi regnum esse debitum, ita constabat ei, non ante mortem Saulis possessionem ejus in se ex Dei voluntate esse transferendam. Hoc enim illa Davidis verba palam indicant: *b Vivit Dominus, quia nisi Dominus percusserit eum, aut dies ejus venerit ut moriatur, aut in praelium descendens perierit, propitius sit mihi Dominus, ne extendam manum meam in Christum Domini.* Hoc ita & Saul ipse cum filio suo intellexit: *c Ne timeas, inquit Jonathas, neque enim inveni-erit te manus Saul patris mei, & tu regnabis super Israel, & ego ero tibi secundus, sed & Saul pater meus scit hoc.* Quid ergo mirum, si verum legitimumque istis modis Regem ac Dominum, atque unctum à Deo, David tantâ veneratione prosecutus fuerit, ut interfectorem ejus tamquam

quam sacrilegum interfecerit? Sed nemo inde nisi Imperitus indelebilem characterē finxerit. Nōne Clerici officio & beneficio propter scelera deturbati manent Clerici, quamvis nullius impressione characteris ungantur? Nōne sacrilega est manus, quæ eos verberando occidendoque temeraverit? Ecce quot modis illud formidabile Saulis telum tibi excussum est, quot vulneribus commentitius ille character tuus interiit.

## CAPUT VIII.

*Unctio non tribuit Regibus summam potestatem, sed alias quasdam prerogativas spirituales.*

**S**ed quorsum tandem hæc omnia? Ecce concedamus tibi characterem tuum, & quidquid tandem hac de re somniaſti potius, quàm disputaſti: quid inde conficis pro Christianissimo Rege? Ergo, inquis, *a major & eminentior* est auctoritas ejus, quàm Regum eorum qui non sunt uncti; & consequenter, quò tota vergit disputationis moles, ergo ex hac parte justior est causa bellandi Christianissimo Regi, quàm cuicumque Monarchæ totius orbis.

*Spectatum admissi risum teneatis amici.*

Homo pèpò, quid unctioni cum justis bellorum causis? Unctione jus tribuit unctis Regibus, ut bellicis cladibus Regna vicinorum atterant, aut unctionis prætermisſio vicinos reos facit? Quid stolidius istâ consequentiæ lege, quid turbulentius? Sed eâ præteritâ, quam suprà utcumque ponderayimus, prioris consecutionis nexum videamus:

mus:

a FOL. 33. Ainsi entre les Chrétiens, le caractère Royal relève la personne royale pour avoir plus d'autorité sur les autres Chrétiens, que n'ont les Rois non oints.

FOL. 36. Leur autorité est plus grande, puis que mieux affermie.

mus : Ergo unctorum Regum potestas major est, seu auctoritas eminentior. Quâ Theologiâ? quâ Politicâ? quâ Dialecticâ? Esto, persona uncta sit sacratior, sit venerabilior Christianis, sit Deo custodia ejus carior, sit benevolentia in eum propensior, sit opitulatio promptior; propter quas causas omnibus meritò Christianis Regibus unctio cordi & usui esse deberet: an ideo quoque potestas major, vel auctoritas eminentior? Magnitudo potestatis & auctoritatis in Regnum proprium, multoque magis in alienum, ut adversus illud iusta bella suscipiantur, non consecratione Regum, non sanctitate quâcumque comparatur, sed legitimâ potestatis & auctoritatis Regiæ collatione: quæ major aut minor est, prout magis minùsve legibus atque conditionibus solvitur aut adstringitur; vel ab alio, sive patrocinii, sive clientelæ, sive tributis, sive feudi juri dependet, aut libera est. Ex quo fit, ut Reges etiam uncti, qui nexibus istis dependentiæ devincti sunt, potestate & auctoritate nō unctis & liberis ab illâ subjectione meritò cedant: & vice versâ, ut etiam non uncti Reges, & Respublicæ quæ neminem in temporalibus superiorem agnoscunt, potestate & auctoritate superent non minùs feudatarios, licet unctos, Reges, quàm eos, quorum auctoritas ac potestas Optimatum adjunctione temperata est. In primo genere jam olim fuit Rex Siciliæ, Bohemiæ, Angliæ: in altero, Daniæ, & Poloniæ. Illi quippe superiorem feudi recognitione venerati sunt, aut adhuc venerantur: isti quodammodò adjunctum patiuntur aut parem, dum in multis rebus eorum potestas Optimatum consensu ac voluntate restringitur. Vera supremæ potestatis & auctoritatis

tis Regiæ nota est, quam efficaciter atque brevi-  
 cer, ut solet, Tertullianus *a* expressit, ut verè sum-  
 mus Rex sit à Deo *secundus*, *post quem primus, an-*  
*te omnes, & super omnes Deos.* Nam verè supre-  
 mam potestatem & auctoritatem Regi tribuit,  
 qui, ut idem ait, *b temperat majestatem Caesaris*  
*infra Deum, qui soli subjicit.* Quà supremæ majesta-  
 tis descriptione omnis dependentia à superiore,  
 omne consortium cum pare secluditur. Hæc qui  
 præditus est, siue unctus, siue non unctus fuerit,  
 summâ profectò potestate & auctoritate pollet,  
 quâ sub cælo in illo ordine, respectu tempora-  
 lium, eminentior dari nequit. Non enim de un-  
 ctis Imperatoribus, ne de Christianis quidem,  
 Tertullianus loquebatur. Nam neque probitas,  
 neque fides, neque unctio talem potestatem Re-  
 gibus tribuit; sed ille, qui per Salomonem dixit: *c*  
*Per me Reges regnant, & legum conditores justa decer-*  
*nunt.* Non Regni angustiis potestas illa contra-  
 hitur, nō amplitudine dilatatur. Hoc ipso nāque,  
 quo Regnum aut Respublica, velut corpus politi-  
 cum ac perfectum, plenissimè seipsum regere, & ab  
 hostibus tueri potest, neminem respiciens superio-  
 rem in temporalibus, nisi solum Deum, à quo sicut  
 spiritum, ita & potestatem illam traxit, absolutâ  
 profectò, & summâ, atque independente pollet  
 auctoritate ac potestate. Quapropter quidquid  
 hic de unctionibus Regum, quidquid de chara-  
 ctere, quidquid de ceremoniis ad adstruendam  
 Francorum Regibus auctoritatis, iurisque bel-  
 landi magnitudinem fabulatus es, quò tandem  
 pertinet, nisi ut appareat, te campos quæsisisse

ver-

*a in Apolog. cap. 30.*

*b Ibid. cap. 33. c Proverb. 8.*

verborum, ubi ventosè atque inaniter curreres? ac tantò ineptius apud imperitos milites, quanto veluti sapientius delirares?

## CAPV T IX.

*Unctio plerisque Regibus Christiani orbis usitata.*

**N**Ec minùs bellè nugari peritis videris, quàm imperitis historiarum gnarus videri voluisti, cum coronationem & unctionem Regibus Franciæ, & Angliæ, Romanoque Imperatori, cæteris seclusis; arrogas, ut etiam sic Rex Franciæ emineat  
*Velut inter ignes*

*Luna minores.*

*Anglus enim, inquis, a hæreticus; Imperator imperium restituere debet.*

Haud scio stoliditas hîc, an ignorantia palmam ferat. Est enim notæ veritatis, omnibus Christianis Regibus coronationem atque unctionem esse licitam, & plerisque jam inde à primis Regnorum exordiis usitatam. Siciliae Rex primus Rogerius Panormi in Ecclesiâ Archiepiscopali sacrâ unctione delibutus, Regiam dignitatem sumpsit, anno millesimo centesimo trigésimo, die Dominicæ nativitatis. *b* Exstat Diploma, cujus auctoritate jus ei tituli Regii, unctionis & coronationis, indultum est. Hoc postea successores ejus, *c* Iacobus, Petrus, Ludovicus, alii plures, imitati sunt. Stephanus *d* Dux Hungariæ anno millesimo primus in Regem unctus, præreptaque coronâ quæ Duci

Polo-

*a* FOL. 38. L'hérésie luy a fait perdre & mépriser cette grace. Pour l'Empereur, quand il aura rendu la couronne Imperiale aux legitimes successeurs de Charle Magne, la France ne luy enuiera point son onction.

*b* Alexand. Abbas lib. 2. de gestis Rogerii.

*c* Chronicon Benevent. Chronicon Aragon.

*d* Chartuinitius in vitâ S. Stephani.



Poloniæ destinata erat, coronatus est. Quin & uxor ejus Gisela, Henrici Imperatoris filia, sacro Chrismate delibuta, Regiaque coronâ insignita fuit. Eodem ferè tempore Poloniæ Princeps Boleslaus, & Gaudentio Archiepiscopo sacris operante, Regio, præmissâ unctione, cinctus est diadema. Qui ritus in nostra usque tempora perdurat. Ungitur enim Rex, olim quidem in Gelnénsi, nunc verò Cracoviensi Basilicâ sacro oleo inter scapulas, ante aram maximam, & coronâ aureâ redimitus, accepto in dexteram sceptro, & in lævam pomo, in solio editiore collocatur. Sic Boleslaus, sic Casimirus, sic alius Boleslaus, S. Stanislai interfector, inauguratus est. Tunc verò intermisso per ducentos & quindecim annos Regno, rursus Præmissus solemnî ritu inunctus fuit. In Norvvegia *b* quicumque tyrannicè Regem occidisset, Rex erat. Huic infami malo ut Optimates occurrerent, anno circiter millesimo centesimo octogesimo primo decreverunt Regem suum, Magnum nomine, unctione mysticâ consecrandum, & coronandum esse, ut nemo de cætero auderet manum mittere in christum Domini. Factum est: sed Rex iterum interfectus à famoso presbytero & latrone Suero, qui ritu jam consueto, mysticâ unctione diadema consecutus est. Rex Daniæ Christophorus *c* Ripis anno millesimo quadringentesimo tertio, die circumcissioni sacrâ inunctus; Regnoq; inauguratus est. Extat Diploma Felicis V. cujus jussu factum fuit. Rex Sueciæ Christiernus *d* patrum nostrorum memoriâ à Gustavo Sueciæ Archiepiscopo, solemnibus ceremoniis

*a* Nengebavarum in hist. rer. Polon. *b* Guil. Neubrigenfis li 3. cap. 6. *c* Cypraus in annal. Siesuicenf. *d* Idem.

niis consecratus est. Rex Navarra Philippus a Eburovix à trecentis circiter annis, qui Ioannam Ludovici Hutini filiam uxorem duxerat, in Pam-pilonensi Ecclesia coronatus est. Quod post ipsum à pluribus, ut Carolo Comite Eburovice, & aliis factitatum fuit. Balduinus *b anno millesimo centesimo primo, in die sancto Nativitatis Dominica in Ecclesiâ Bethleemiticâ, adstantibus Clero & populo, Ecclesiarum quoque Prælatia & regni Principibus, consecratus est in Regem Hierosolymorum, inunctus per manum D. Daberti, & Regio diademate solemniter laureatus*, ut his verbis Guilielmus Tyrius refert. Quod quidem ante Balduinum Godefridus *c* prætermiserat, non quòd consecrationis munus, aut Ecclesiastica Sacramenta contemneret Princeps fidelissimus; sed *coronam perituram humiliter declinavit, ut inmarcescibilem alibi consequeretur.* a Defuncto tamen Balduino Rege, Balduinus e de Burgo, Fulco, & alibi, *solemniter & ex more inuncti, coronati & consecrati sunt.* Edgarum inter Scotos primum, & deinceps alios inunctos & coronatos historię testatum faciunt. Quòd si cætera quoque Regna lustrare operæ prærium esset, haud scio, an ullum in tota Europa sit, aut fuerit, cuius Reges non aliquando illius mysticæ unctionis ritu coronati sint. Sed hæc sufficiunt ad ineptam hominis istius imperitiā retundendam.

Jam verò quòd Reges Aragoniæ non coronari fabulatur, *e* quis tantillâ historię cognitione tinctus æquanimiter ferat? Petrus II. à quadringentis supra triginta circiter annis in æde S. Pancratii

a *Chronicon Regum Aragon.* b *Guil. Tyr. de bello sacro l. 10.*

c. 9. c *Idem lib. 9 c. 9.* d *Idem lib. 12. c. 3. & lib. 14. c. 2.*

e *H. Boetius, Gordonius in opere Chronol. ad annum 1101.*

f *Fol. 37.*

cratii Romæ à Petro Episcopo Portuensi sacro  
oleo perungitur, & ex manibus Innocentii III.  
diadema cæteraque insignia regalia, colobium,  
sceptrum, pomum recipit: qui Pontifex Taraco-  
nensibus Archiepiscopis indulget privilegium, ut  
Regibus Aragoniæ in posterum coronam impo-  
nant. Ipsa Regis Petri professio, & litteræ Pontifi-  
ciæ, quibus res gesta & privilegium continetur,  
exant in rebus gestis Regum Aragoniæ. Sic Pe-  
trus *b*, sic Alphonsus, sic Iacobus, inuncti & coro-  
nati sunt: sic Ferdinandus, Ioannis Castellæ Regis  
filius, sic Martinus. *c*

Quàm verò lautum, quod etiam de causis, cur Reges Aragoniæ non coronentur, quasi magna proditurus mysteria, philosophatur? nimirum, inquit, *quia Comitatus erat*, & quidem tributarius, quando in Regnum evehctus fuit; cuiusmodi Regnorum Reges ungi nequeunt. Nec animadvertit, dum plûbeos istos pugiones jactat, se propriis armis letaliter vulnerari. Quid enim? nonne Anglia, cujus Rex, te confitente, ungitur, Pontifici Romano tributaria est? nam nummus sancti Petri dictus ad Henricum Octavum usque religiosè persolutus est. Sicilia nonne in hunc usque diem, olim etiam Hungaria Romanæ Sedi, Navarra Regi Castellæ, ita pacifcente, auxilium Castellæ Garfia quarto Navarræ Rege, clientelæ jure subdebatur? & tamen istorum Regnorum Reges solemnibus Ecclesiæ ceremoniis uncti & coronati sunt. Quid igitur nisi magnam

**C 2**

a *Chronicon Regum Arag.* b *Ibidem.* c *Lucius Marinus Siculus lib. 11.*

FOL. 37. Mon opinion est, que ces Royaumes d'Espagne comme de Castille, de Portugal & d'Aragon n'estoient que Compter, & quand ils ont esté erigés en Royaume, ils estoient homagers & tributaires, c'est pourquoy leur Princes ne peuvent estre oindz.

ostentas ignorantiam, dum de rebus istis magistraliter disputas: ut hujusmodi Regum Franciæ privilegia decantando, quibus totius orbis Regibus antecellant, militibus rerum istarum imperitis quasi classicum canas; ne, tam justis scilicet bellandi causis freti, veluti clausis oculis præcipientes ad arma vel in interitum suum ruere videantur?

## CAPVT X.

*Prisci Reges Gothorum ante mille annos ungebantur, adeoque ante omnes Reges orbis Christiani.*

QVOD si de hujusmodi prerogativis, nihil omnino ad justas belli causas pertinentibus, pro Regibus Hispaniarum, quos inconsideratè deprimis, gloriari liberet, non essem insipiens: veritatem enim dicerem. Scio Reges Hispaniæ, aliquot sæculis ante Reges Franciæ sacra unctione delibutos, diadema Regni suscepisse de manu Dei. Nam, ut præteream eos Reges, qui post Saracenorum irruptionem Hispaniæ sceptrum moderati sunt, Ordonium *a*, qui ante septingentos annos solemniter à duodecim Pontificibus perunctus & coronatus est; Ferdinandum tertium; Alphonsum octavum, & alios, quorum hic novennis solemnique ritu, ille adultus Toleti, & quidem, ut Scriptores *b* antiqui notant, secundum legem Dei & consuetudinem Regum priorum, coronatus est: ut, inquam, hos præteream, veritate constat explorata, non solum (ut quidam recentiores volunt) Egicam & Vitizam, qui paulò ante Maurorum invasionem Regno Hispaniæ præfuerunt, sed ante

non-

*a* Luc. Tudens, in Ordonio. *b* Idem, Lambertini, in Theatro  
suo Luc. Tudens.

nongentos & quinquaginta annos Flavium Ervigium oleo sacro delinitum fuisse, regnoque inauguratum. Testis omni exceptione major est Synodus Toletana *a*, anno primo Ervigii *Ærâ* 718. celebrata. Nam capitulo primo dicit, se ex scriptis Ervigii documentis cognovisse, quod VVamba Ervigium *per scripturam definitionis suæ prælegerit regnaturum, & sacerdotali benedictione ungenti.* Et paulò inferius, quod Julianus Toletanæ sedis Episcopus eum *instruxerit, ut cum omni diligētia ordine jam dictum Dominum Ervigium in Regno ungere deberet, & sub omni diligentia unctionis istius celebritas fieret.* Et ipse Ervigius *b* in oblato Antistitibus libello supplice proficitur, non latere Episcopos, quo pacto *& regnandi conscenderit sedem, & sacrosanct. Regni perceperit unctionem.* Et ante Ervigium VVamba seu Bamba, prædecessor ejus, simili ritu consecratus est. Nam de illo cœtaneus ejus Julianus, *c* Archiepiscopus Toletanus, testatur, eum, *ne citra locum sacra sedis Toletani Regni sacram susciperet unctionem, distulisse celebritatē usque ad nonam decimam diem; ne videretur ambitione usurpasse, vel furatus esse Regni gloriam, sed potius signum tanti culminis, id est unctionem, à Domino percepisse.* Ad Toletanum enim Archiepiscopum ex Primatūs prærogativā spectabat Regum consecratio, à cujus sede cum abesset Bamba *centum & viginti milliariis*, meritò consecrationem distulit. Postquam autem, pergit Julianus, *d* Toletanam urbem ingreditur, *& ventum est, quo sancta unctionis susciperet signum, Regio jam cultu conspicuus, jurandi fidem populis reddidit, & mores bonos prædecessorum Regum, atque leges firmavit.* Deinde

C 3

curva-

*a* Concil. Tolet. 12. cap. 1. \* *b* Libell. supp. Ervigii.

*c* Chronicon Juliani. *d* Ibidem.

curvatis genibus oleum benedictionis per sacri Primatus & Pontificis Quiritii manus vertici ejus refunditur, & benedictionis copia exhibetur. Ex quibus verbis perspicuum est, jam tum unguendi Reges Hispanos usitatum fuisse ceremoniam. Quod clarius elucescit ex Chronico a Regum VVisigothorum, sub idem tempus conscripto, in quo de Bamba dicitur: *Suscepit Dominus VVamba Regni gubernacula eodem die, quo ille (Recessuindus) obiit in supradictis Kalendis Septembribus, dilatâ unktionis solemnitate usque in diem XIV. Kalend. Octobr. Lunâ 21. Et de Ervigio, ejus successore: Suscepit succedente die, secundâ feriâ, gloriosus Dominus noster Ervigijs Regni sceptrâ, quod fuit Idibus Octobris Lunâ 16. Ærâ 718. dilatâ unktionis solemnitate usque in supervenientem diem Dominicum.* Nempe differebatur unktionis solemnitas, quia ex usitatâ consuetudine continuò Regni suscepti auspicia subsequi debebat. Non enim illi primi fuerunt, qui sacrâ unctione in Regnum Gothicum consecrati sunt. Nam quòd in coronatione Bambæ fit jurisjurandi mentio, cujus *fidem populus reddidit*, respicit Julianus ad sanctionē Concilii sexti Toletani nationalis, quâ jam ante triginta quatuor annos constitutum fuerat sub Cintilla Rege, *ut quisquis succedentium temporum Regni sortitus fuerit apicē, non antè conscendat Regiam sedem, quàm inter reliquas conditiones sacramento pollicitus fuerit, hanc se Catholicam non permissurum eos violare fidem.* Quæ pollicitatio conjungi solet coronationi & unctioni. Et ante Cintillam, sub Sisenando Rege, Præsules Hispaniæ, volentes vitam Regum suorum adversus perfidos munire parricidas, qui

cis

eis violentas manus inferre conarentur, tamquam vulgarâ circumscribentes eos notissimâque periphrasi, *christos Domini Reges* suos vocant: *a* Et cum Dominus dicat, *Nolite tangere christos meos: & David, Quis extendet manum suam in christum Domini, & innocens erit?* illis nec vitare metus est perjurium, nec Regibus inferre exitium. Et quinquaginta annis ante Sisenandum, hoc est, anno quingentesimo octogesimo quinto circiter, celeberrimus ille Catholicæ Fidei susceptione, totiusque Regni sui conversione Reccaredus, in Regno Gothorum eadem unctionis solemnitate coronatus est Regno, vel, ut Lucas Tudenſis legit, *in Regno coronatus est*, prout his verbis testatur successor sancti Leandri, qui Reccaredum converterat, S. Isidorus<sup>b</sup> Hispalensis Episcopus. Nam coronationem in se complecti quoque unctionem, ex antiquo Ecclesiæ ritu, & Regulis Pontificalibus, extra controversiam est. Unde Scriptoribus historię Gallicanæ nihil usitatus est, quàm coronationis vocabulo totam illam ceremoniam unctionis, & sacræ inaugurationis exprimere. Ita Auctor c Vitæ Ludovici octavi: *Ludovicus cum Blancha uxore sua in Regem Francia coronatur: & de Philippo Guilielmus Nangius: Philippus Rex Francia vacante sede Remensi coronatus.* Et de Richardo: *d Richardus Comes Cornubia apud Aquisgranum in Regem Alemanniæ fuit coronatus.* Et Rigordus: *e Philippus à Deo datus, coronatus est Remis.* Et Adelhelmus: *f Stephanus Papa Ludovicum cum diadematis impositione coronavit.* Nec desunt Scriptores

C 4

res

<sup>a</sup> Concil. Tolet. 4 c. 74. <sup>b</sup> S. Isidor. in Chronic. Gothorum.  
<sup>c</sup> Auctor. Anonymus vita Lud. 8. <sup>d</sup> Guill. Nangius in gesti  
 S. Ludovici. <sup>e</sup> Rigord. de gesti Philippo Augusti.  
<sup>f</sup> Adhelhel. in Annal. Franc.

res graves, qui Reges Hispaniæ etiam ante Reccaredum ab initio susceptæ cognitionis Christi, hoc est, ab ipsis primordiis Regni Gothici, facile centum annis ante Clodovæum, unctione in Regnum consecratos esse testantur. Sed, quod nobis abundè satis est, Reccaredus iste, Christianissimus Princeps, jam inunctus & coronatus fuerat primus omnium Catholicorum Regum totius orbis, ante sesqui-seculum quàm fuisset apud Francos de peculiari Regia unctione cogitatum. Centum enim & sexaginta facile annos Pipinum antecessit, qui primus inter Francos Regiâ unctione delibutus fuit.

## CAPVT XI.

*Pipinus Primus Regum Francorum inunctus est.*

**N**Am quod plerique putant, Clodovæum fuisse in Regem à S. Remigio chrismate carlitus misso consecratum, error videtur esse popularis. Neque enim inter antiquos quisquam testis est istiusmodi unctionis Clodovæi, vel cuiuspiam posterorum Regum, nisi quingentis annis Clodovæo posterior. Nam neque Gregorius Turonensis, qui paulò post Clodovæum defunctum natus est, & accuratè quidquid lectione dignum Regibus suæ nationis accidit, memoriæ posterorum tradit, ullam unctionis Regiæ vel Clodovæi, vel cuiusquam successorum ejus mentionem facit: nec Eginhartus, Caroli Magni scriba, qui ultimos primæ familiæ Reges videre potuit: nec Fredegarius, nec Aimoinus, nec Adelhelmus, Monachi Benedictini, nec alius quisquam, qui sæculis Merovingianæ stirpis vixerit, aut proximus fuerit.

Quod



Quod sanè incredibile est, si unctio fuisset usitata; nam simulatque ad Pipinum ventum est, omnes passim ab unctione Regnum auspicantur.

Nec verò causa defuit, cur posteriorum sæculorum Scriptores Clodovæum Regem inunctum fuisse crederent. Legerant enim fortasse veterum quorundam loca, quibus dicunt chrismate, vel oleo cælitus misso, Clodovæum Regem *sacratum, ordinatum, vel consecratum* esse. Sic loquitur Hormisda Pontifex ad S. Remigium, Archiepiscopū Rhemensem: *a quem Clodovæum sacri dono baptismatis consecrasti.* Sic ipse Gregorius *b Turonensis* in baptismo Clodovæi: *Delibutusq; sacro chrismate, cū signaculo crucis Christi.* Itaque cū postea sub Carolina stirpe Reges peculiari unctione in Franciā cōsecrari cernerent, existimasse videntur, etiā istam unctionem eò esse referendam. Hoc eò proclivius ipsis fuit, quòd, juxta doctrinā antiquæ Ecclesiæ, chrismatis unctio baptismo adhiberetur, ut fideles quilibet, ipsique adeò populorum Rectores, tamquam Christo similes futuri, in Reges & Sacerdotes, seu *in Regale sacerdotium* mysticā ratione sacrentur. De quo Hincmarus Archiepiscopus Rhemenensis ad Reges loquens: *Qui fecit eos in baptismo Reges & Sacerdotes Deo nostro, & genus Regum, ac Regale sacerdotium, secundum Apostolum Ioannem & Petrum.* Et Ambrosius unctione capitis significari docet, *Vt fias, inquit, a electum genus, sacerdotale, pretiosum. Omnes enim in Regnum Dei & in sacerdotium unguimur gratia spiritali.* Quæ doctrina sicut etiam apud alios Patres perquàm communis est, ita occasionem fortasse Scriptoris posterioribus præbuit,

C 5

*a* Apud Hincmar in opusc. 55 capite. *b* Greg. Tur. lib. 2 ca. 31.  
*c* Hincmar, de Divortio Lothar. *d* Lib. de iniciand. cap. 6.

buit, ut Clodovæum Regem peculiari distinctâ-  
que unctione à baptismali sacratum esse arbitra-  
rentur, mysticū Regnum in corporale trans-  
formando.

Nec sanè mirum, quòd nullā in Clodovæo, to-  
tâque primâ Regum stirpe mentio peculiaris un-  
ctionis audiatur. Clodovæus enim legitimo & usi-  
tato Francorum ritu jam ante baptismum erat in-  
auguratus Rex; ut nihil opus esset, vel easdem ip-  
sas, vel alias unctionis aut coronationis iterare ce-  
remonias. Porro ritus illos priscos Principum  
creandorū longè alios olim fuisse Francis, quàm  
unctionis, exploratum est. Nam scuto impositus  
Rex novus in altum sublatus per castra circum-  
ferebatur. De Clodovæo ipso Gregorius Turo-  
nensis: *a Plaudentes tam palmis quàm vocibus, eum  
clypeo evehunt super se Regem constituunt.* Et de ele-  
ctione Sigeberti: *b Collectus est ad eum omnis exer-  
citus, impositumque super clypeo sibi Regem statuunt.*  
Idem refert in Chronico Ado c Viennensis. Gun-  
debaldus verò, ut Gregorius tradit alio in loco,  
*d parva superpositus Rex est levatus. Sed cum tertio cū  
eodem gyrarent, cecidisse fertur, ita ut vix manibus  
circumstantium sustentari potuisset.* Barbararum  
gentium ille mos erat, maximeque Germanorum;  
unde Francis velut gentilitius adhæserat. De Bri-  
tione Caninefatum primatē (gens Bataviæ pro-  
xima est) Tacitus: *e Impositusque scuto, more gentis, &  
sustinentium humeris vibratus, Dux deligitur.* Sic Ju-  
lianus à Gallis militibus Princeps renuntiatus  
est: *f impositusque scuto pedestri, & sublatus eminens  
populo silente, Augustus renuntiatus.* Sic Gothi sub-  
inde

*a* Greg. Tur. lib. 2. Hist. c. 40. *b* Lib. 4. cap. 46.

*c* Adh. arate sexta. *d* Greg. Tur. lib. 7. cap. 10.

*e* Tacit. lib. 4. Hist. *f* Amm. Marcell. lib. 20.

inde soboles Germanorum : *a* *Iudicamus* parentes nostros Gothos inter prociñctuales gladios , more majorum , scuto supposito , Regalem nobis contulisse praestante Deo dignitatem , ut honorem arma darent , cui opinionem bella pepererant. Sic & in ipso Imperio Romano , sed postquam cum barbararum Gentium illuvione mores earum imbibissent , Principes inaugurarunt. Zonaras de Hypatio contra Justinianum electo : *b* *Καὶ ἐπὶ αὐτοῦ αὐτὸν μετάρσιον ἄεαυτος, ἀναγορεύσει βασιλεία. Et in scutum sublime eum tollentes , salutant Regem.* Curopalates de officiis Aule : *c* *Ὁ γὰρ βασιλεὺς ἐπὶ σκυταρίῳ κατιοδὲις ἐπαίρειται ἐς ὕψος.* Novus Imperator scuto impositus tollitur in altum. Hujus ergò ritus meminerunt sæpius Scriptores rerum Gallicarum , in primæ familiæ Regibus , sacræ unctionis antiquiores numquam. Hæc enim , fatentibus quoque vim veritatis non infimis Francicarum rerum Scriptoribus *d* , à Pipino ortum habuit. Qui cum sibi Regni præter jus successionis occupati conscius esset , duplicis intra triennium consecrationis auctoritate supplere nitebatur id , quod juri deerat : ut omnes novos legitimi heredis modus , duplicis unctionis , etiam Pontificiæ , veneratione ac solemnitate cōpesceret. Hinc filios secum duos , Carolum & Carolomannum , simul ungi voluit. Idem eadē de causa fecit Carolus Magnus : idem Hugo Capetus , cum successoribus , usque ad tertiam generationem ; qui etiam filios suos Regni habenis moderādis adhuc per ætatem inidoneos sacrā unctione consecrarunt , ut adversus legitimos heredes , stirpem Caroli Lotharingæ Ducis , sese quaquā ratione munirent.

*a* Cassiod. lib. 10. *variar.* *b* Zonaras. *c* Curopalates de off. aula. *d* Tillet, Faucher lib. 6. c. 1.

Illud verò in unctione Regum Hispaniæ consideratione dignum, quòd, cum Ecclesiæ sanctione per Innocentium III. *a* constitutum sit, & in coronationibus Regum usitatum, ut Pontifices ungantur in capite, Reges in brachio & humeris, ad significandam auctoritatis utriusq; differentiam: Reges tamen Hispaniæ peculiari prærogativâ in vertice ungebantur. Hoc enim paulò antè perspicuis verbis Julianus, Archiepiscopus Toletanus, de Bambæ unctione tradit: *b* *Curvatis genibus oleum benedictionis per sacri Primatis manus vertici ejus refunditur.* Quo argumento, Regum Hispaniæ prærogativa præ aliis nonnullis Regibus, inferiori modo inungi solitis, indicatur.

*a* Innocent. cap. I. de sacrâ unctione. *b* Julian. in Chronic.

## C A P V T XII.

*Oleum cœlitus allatum non tribuit majorem potestatis eminentiam, quàm ab Ecclesia sanctificatum.*

**Q**Uod verò hinc tandem potestatis eminentiam in Francorum Regibus, & consequenter justiore bellandi causam, colligis, & quòd chrismatis miraculosa unctione coronatur, eandem ingenii tui dexteritatem sapit. Non hoc sentirèt ipsi Reges Franciæ, si quò bellorum ingruentium vel incendii infortunio sacra ampulla periisset; vel, aliâ quâpiam cogente necessitate, alio quàm Remensi oleo, sicut Henrico IV. contigit, perungi debuissent. Cum enim Henrico ad coronationem adspirante, civitas Remensis forti præsidio teneretur, unde ampulla sacra non nisi magnâ

diffi-

*a* FOL. 38. Or entre tous les Monarches le Roy de France a la grace de cette onction, faite d'un hui'e miraculeusement apporté par le S. Esprit. Son autorité d'auc est plus éminente, plus auguste, & plus divine, &c.

difficultate adferri posset, quodlibet sacrum oleum Proceres & Antistites Galliae ad illam ceremoniam satis esse censuerunt: allatoque non chrismate, ut est Remense, sed oleo sancti Martini, Carnuti consecratus est. An ideo Henrico IV. minus auctoritatis, minus eminentis potestatis adfuisse putas; vel minus divinam, eminentem, augustamque futuram fuisse auctoritatem ejus, minusque justam belli causam, si oleo ab Antistitibus consecrato delibutus fuisset? Non hoc, arbitror, tibi dedisset ipse Rex, non hoc Antistites, non Theologi. Vim habet aliquam sine dubio inter Christianos miraculosa rerum quarundam productio: sed quod earum usus *majorem, eminentiorem, augustiorem, divinioremve*, ut tu loqueris, conferat Regibus auctoritatem, delirium est, vel hallucinatio hominis non satis vim veritatis Ecclesiasticae penetrantis. Quis enim nesciat, Baptismum in aqua simplici, & consecrata, & coelitus missa, ejusdem esse sanctitatis, ejusdem in operando potestatis, ejusdem denique auctoritatis, creare Christianos? Idem de chrismate Confirmationis, de oleo Extremae unctionis, & sacri Ordinis esse sentiendum, veritas docet. Nisi forte eminentioris divinioreisque potestatis Antistitem, & Sacerdotem esse censeas eum, qui oleo coelitus missa consecratus fuerit, quam qui Pontificis benedictione consecrato. S. Petrus Processum & Martinianum *b* aqua, ex petra in hunc usque diem miraculose scaturiente, baptizavit: Deus aquis aliquando implevit baptisterium in Hispaniis *c*; in Sicilia *d* apud Lilybaeum: S. Remigius *e* paganum aegrotantem

C. 7

oleo

*a* Scipion du Plaix. *b* Acta Process. & Martin. *c* Gregor. Tur. de glor. Mart. c. 24. & 25. *d* Epist. Pascaſſi ad Leon. prim. Pont. *e* Hincm. in vita Remigii, & Flodoard. hist. Rem. lib. 1. c. 12.

oleo catechumenorum, & chrismate divinitus misso post baptismum liniit. An tibi illi divinitus allatis aquis baptizati, unctique cœlesti chrismate, diviniore eminentiorisque potestatis aut characteris fuerint Christiani? Facessant illæ nugæ à Christianorum cogitationibus. Divinarum operationum illa supernaturalia instrumenta sunt: quorum vilitas non impedit operantem Deum, neque præstantia magis adjuvat. Stabiliter ille opus idem suum, effectum eundem cujuscumque tandem instrumenti interpositione, peragit. Sal, aqua, oleum, chrisma, undecumque allata, undecumque sanctificata, idem omnino ad effectum illum Sacramentorum conferunt, quem ex Ecclesiæ vel Christi instituto operantur. Minister ipse, qui illis utitur, idem efficit (quod mirabilius) sive sit bonus, sive malus: nisi Donatistarum cuiuspiam fortè sententia placeat, qui bonitati sanctitatiq̃ue instrumentorum tribui volunt, quod competit soli Deo. Sed istos tecum jugularet Augustinus *a*, qui dicit: *Sacramentum tam sanctum est, ut nec homicidâ ministrante polluitur.*

Quia, ut idem optimè *b*, Petrus baptizet, Paulus baptizet, Judas baptizet; hic est, qui baptizat, videlicet Christus, qui solus baptizat potestate, discipuli ministerio *c*. Qualiscumque ergo Sacramentorum minister fuerit, sive sanctus, sive profanus, par effectus est, quem per eum Christus operatur; æqualis potestas, quæ confertur, juxta Augustini regulam, totius Ecclesiæ suffragio comprobata: *d* *Quomodo cum baptizat bonus & melior, non ideo iste bonum accipit, & ille melius; sed quævis*  
*bonus*

*a* Tract. 5. in Ioan. *b* Tract. 6.

em I. 1. 5.

*d* Tract. 6. in Ioan.

*bonus & melior fuerit minister, unum & aequale est, quod acceperunt; non est melius in illo, & inferius in isto: sic & cum baptizat malus, illud quod datum est, unum est; nec impar, propter impares ministros, sed par & aequale est, propter: Hic est, qui baptizat. Quemadmodum igitur istud, Hic est, qui baptizat, nullam agnoscere sinit ministri differentiam, ita nec materiae: ipse est quippe, qui per utrumque nihil naturalis efficaciae conferentem operatur effectum suum. Sit igitur aqua ad baptizandum simplex, sit precibus Ecclesiae consecrata, sit divinitus allata, Hic est, qui baptizat. Sit chrisma aut oleum à ministris Ecclesiae sanctificatum, ab Angelis benedictum, caelitus missum, Hic est, qui confirmat; Hic est, qui Sacerdotes ordinat; Hic est, qui Reges consecrat; Hic est, qui suam cuique, parem omnibus, per instrumenta diversimodè sanctificata tribuit potestatem. Quamquam cum Ecclesia, vel Angeli materiam chrismatis sanctificant, quis nisi Deus invisibilem sanctificationem de caelo pluit? Ergo quisquis etiam materiam sanctificat, sive in caelo sive in terris, Hic est, qui sanctificat. Ita in omnibus effectibus, qui naturam superant, ad ipsum debemus oculos convertere, & ex ipso esse suspensi.*

*Hoc fortassis insinuat nobis fuit, quando in veteri Testamento Reges Deus oleis diversis, diversoque modo sanctificatis, consecratos voluit, sine discrimine collatae potestatis. Nam Salomonem unxit a Sadoc summus Sacerdos ex cornu olei de tabernaculo, hoc est, chrismate seu unguento sacratissimo, consecrationi tabernaculi & Sacerdotum b destinato; quo tamen deinde, ut*

S. Ili-

S. Isidorus *a* tradit, *Reges quoque sacrabantur* : Saul-  
lem *b* verò atque Davidem Samuel oleo commu-  
ni per ipsum sanctificato. Tabernaculum enim, ubi  
sacrum unguentum servabatur, tunc temporis in  
Nobe residebat : & istum præter opinionem,  
hunc clanculum, ut nemo conscius esset, in Reges  
unxit. Rursus Absalon *c* in Regem, totius populi  
voluntate, *unctus est*; nec dubium, quin unguento  
sacro, cum Jerusalem ac templum ejus pareret po-  
testati. Hazaël jussu Dei per Heliam Rex Syriæ,  
Jehu Rex Israël per Helizeum vulgari oleo con-  
secrati sunt. Nec enim ullum indicium est, quo  
sacrum illud unguentum ad æmulos, vel infideles  
ungendos Reges, per homines non sacerdotes ad-  
hibitum fuisse colligamus. Quis tamen agnovit  
in istis ex hac parte discrimen aliquod Regiæ po-  
testatis? Quod profectò nullibi efficacius quàm  
in Franciæ Regibus locum habet. Illi enim, quem-  
admodum non à populo, ita nec à Sacerdotibus,  
vel ipso Papa consecrantibus, sed successionis jure  
sibi potestatem Regiam tradi arbitrantur; quam  
nec augeat, nec minuat adjuncta consecratio. Un-  
de vulgare Francis proverbium : *Francia Rex non  
moritur*. Et cum aliquando Regum anni à conse-  
crationis die fuerint numerati, hoc à posteris in  
usum, ut ajunt Scriptores *d* Franci, meliorem com-  
mutatum est. Quod ut ut sese habeat, verissimum  
certè & extra controversiam esse debet, ut perso-  
na uncti Regis præ non unctâ sit ipsâ Ecclesiæ  
consecratione sacrator, sit Deo propter preces  
sponsæ gratior, sit in Regno administrando, tuen-  
doque felicior; nullam tamen oleo miraculoso  
emi-

*a* Lib. 2. de Eccles. offic. cap. 25. *b* 2. Reg. 10. & 16.  
*c* 2. Reg. 19. *d* Tillot.



eminentiorem, quàm simpliciter sacro, potestatem tribui; nullam, quod stolidissimè fingitur, unctis Regibus belli causam esse justiore. Et hæc de unctionibus Regum satis. Nunc ad alterum caput, sanationem Strumarum accedamus.

## C A P V T XIII.

*Strumarum sanatio non tribuit absolutiorem sublimitéremve potestatem Regibus Franciæ præ cæteris. Potestas illa sanandi recens.*

Cum longâ disputatione gratiam sanandi Strumas, seu, ut alii vocant, Scrophulas, Regibus Franciæ Arroyus a vindicasset, concludit ex ea tandem præclarissimè, ut solet, Regiam eorum auctoritatem esse *augustiore, superiore, maiestate plenior*, Deum enim *istâ miraculorum operatrice virtute fidem istius rei adstruere voluisse*. In quo quidem primum oblitus est propositi sui. Nam ostendendum quoquo modo erat, quid ad justam belli causam adlerendam, vel certè colorandam, faceret Strumarum ista depulsio, etiamsi aliquid forsan facere ad extollendam Regiam auctoritatem potestatemque putaretur. Sed hic aqua ei hæret, ubi cardo rei vertitur.

Deinde nec potestatem diviniorem nemo nisi perquam imperitus ex illa sanitatis operatione colligere potest. Potestas enim Regum, & Pontificum, & cujuscumque legitimi Magistratûs, non à miraculorum virtute, sanitarumque dependet; non ex Prophetiæ, linguarumque variarum dono; non ex demonum ejectione, non ex quorumcum-

que

a ARROY FOL. 46. De cette puissance divine, que Dieu donne à nos Roys, nous devons reconnoître leur auctorité Royale plus auguste, plus souveraine, plus majestueuse : puis que le fils de Dieu a voulu tesmoigne son pouvoir, & en affermir la croyance, par la vertu de faire des miracles, &c.

que mirabilium operatione , religata est. Quid, quod nec pietas ipsa, miraculorum omnium fons, ad altitudinem depressionemque Regiæ potestatis ac majestatis quidquam facit ? Non eam tribuit quæcumque pietas, si quis caret ; non tollit impietas, si quis habet. Tota Regum auctoritas nutat, si à morum probitate, sanitatumque patratione suspenditur.

Quapropter ipsos fidei Christianæ cardines nititur convellere , qui potestatem *sublimiorem* à gratiarum quarumcumque communicatione, quas Deus tribuit , cui vult , & quando vult , & quantas vult, metiendam esse decernit. Fides enim Christiana docet, Magistratum potestatem, quâ Rempublicam & Ecclesiam regunt , nullo pacto à morum probitate vel improbitate, multo minus à sanitatum , vel quorumcumque miraculorum operatione pendere. Ipsi hæretici , quos supra diximus, Hussitæ non ita delirarunt , ut ab hujusmodi extraordinariis beneficiis Dei altiorrem depressioremque potestatem petendam esse contenderent. Virtutem pietatemque præposse-  
re commendarunt ; de miraculis & sanitatibus nulla mentio. Quam si semel opinionem vulgus imbiberet, ut ex miraculorum patratrice potestate majestatem potestatemque Regum augeri aut minui putent, nil proclivius, quam ut aperto per illam doctrinam aditu, ad labefactandam eorum majestatem, & ad seditiones rebellionisque concitandas animentur, quibus contemptâ Principum potestate, prorsus excutiant jugum. Solidioribus profectò fundamentis illa nititur, quàm fluxâ illâ gratiarum, quas gratis datas Theolo-

gi vocant, operatōne, sine qua Regum auctoritas & majestas integerrima, altissima, absolutissima: cum quā decolorata, languida, tributaria, feudataria, denique mortua, & omninō nulla esse potest. Divina enim auctoritas est, quæ eandem omninō potestatem, æquē integram, æquē sublimem, æquē absolutam Principibus, & malis & bonis, & miraculorum virtutes non operantibus & operantibus tribuit. Ille, qui supremam Imperii *Majestatem dedit Mario, ipse & Casari*, inquit Augustinus *a*, qui *Augusto, ipse & Neroni*; qui *Vespasiano, vel patri vel filio, suavissimis Imperatoribus, ipse & Domitiano crudelissimo; & ne per singulos ire necesse sit, qui Constantino, ipse Apostata Iuliano*. Ipse est enim, qui *dat regnum terrenum & piis & impiis*, sicut ei placet, cui nihil injuste placet. Unde nascitur, ut eādē auctoritate, eādē majestate, eādē divinitus datā potestate regant impii, quā regunt pii, miraculorum virtute destituti, quā præditi; & eadem eis submissio, reverentia, obedientia debeat. Si quid venerationis adjicit pietas, probitas, operandorum potestas mirabilium, hoc extraneum est Regiæ potestati ac majestati, quæ nec attollitur earum præsentia, ut sit sublimior, seu *plus souveraine*, ut verbis utar tuis, nec absentia deprimitur.

Quid enim? An Reges Franciæ Merovingios, & Carolinos omnes, sub quibus majestas & potestas Imperii Francici fuit maxima, ipsumque tertiæ familiæ caput Hugonem Capetum, cum filiis & nepotibus, depressoire potestate Reges fuisse arbitraberis? sic enim tua te præclara Theologia de suprema Regum potestate compellit. Lustra  
histo-

historias, antiquitatum abstrusos recessus excute, nullum certum vestigium invenies, quò quemquam priscorum Regum Franciæ ante Philippum Primum, & filium ejus Ludovicum Crassum, illâ pellendarum strumarum potestate viguisse arbitreris. Fatetur hoc ingenuè Scriptor Galliæ diligentissimus, & Francorum gloriæ studiosissimus, Scipio du Plaix: *Ad me quod attinet, nullum adhuc documentum, nullum vestigium hujus gratiæ in duabus primis nostrorum Regum familiis vidi. Nec sanè verisimile est, si eâ pradii fuissent, quin ejus temporis Chronographi, in scribendis multis miraculis minoris momenti satis curiosi, praterissent istud tam frequens, tam nobile, & gloriosum familia Regum Franciæ. Nam quidquid aliqui de Clodovæo, & aliis consequentibus fabulantur, nullius Historici antiquioris fide nititur. Quis enim credat, neminem antiquorum Scriptorum, qui usque ad nauseam delicatiorum hujus temporis minutissima quæque miracula persecuti sunt, Gregorium Turonensem, Aimoinum, Eginhartum, Adelhelmum, Ivonem, adde Annales Fuldenses, Sigebertum, Marianum Scotum, & similes, neminem, inquam, illorum de re tantâ, tam usitatâ, in oculis Franciæ & Europæ gestâ, mentionem facturum fuisse, nisi Reges priores illâ potestate caruissent? Primus bonanum, quantum investigate licuit, Abbas Guibertus rem istam tetigit, qui Philippum Primum, & Ludovicum Crassum, sexcentis videlicet annis post conditum Franciæ Imperium,*

*illam*

a *Scipio du Plaix in Canoniz. S. Ludovici.*

Pour moy je n'ay veu encore nulle preuve ny vestige quelconque de cette grace es deux premieres lignées de nos Roys: & n'y a point d'apparence que s'ils en eussent esté douez, les Annalistes de ce temps là assez curieux d'escrire de beaucoup moindres miracles, en eussent omis un si frequent, si notable, & si glorieux à la maison Royale de France.

b *Apud Scipionem du Plaix,*

illam sanandi potestatem habuisse testatur. Quid ergò de cæteris omnibus dices? non eos habuisse supremam Regni administrandi potestatem? non enim suprema est, si in eodem ordine superior datur. Quid verò de illis, quibus potestas illa semel obtenta periit? An cum illâ etiam Regum periisse, vel emarcuisse potestatem? Nam de Philippo idem Guibertus cœtaneus ejus dicit: *Cujus gloriam miraculi cum Philippus pater ejus (Ludovici) alacriter exerceret, nescio quibus incidentibus amisit.*

De privatis etiam hominibus quid? Nam in vitâ S. Marculphi legitur, b Dominum D'Aumont illam sanandarum strumarum habuisse potestatem. An & illum aliquid Regiæ, supremaque potestatis habuisse somniabis? Per quod enim quidque augetur & minuitur, per hoc etiam vel ex toto, vel ex parte constitui solet. Quid de præcis Austriæ Principibus, qui ab Habsburgensibus oriundi sunt? Strumas, ut ferunt, c vi quadam divinâ sanare poterant. Nam in Alsatia vallem ajunt Alberti dictam, quæ, cum plurimos gignat strumâ laborantes, plurimos quoque manu Principum illorum curatos vidit. An & illorum Principalem potestatem super primos Franciæ Reges, vel super successores eorum, Austriæ Principes, eriges? quod omninò tibi dicendum est, si consequenter desipere velis.

Regibus Hungariæ, Icteri sanandi virtutem concessam esse perhibent; Reges Hispaniæ crucis signo dæmones pepulisse; Aragoniæ, strumas d sanasse. Eduardus Rex Angliæ gestavit annulum, cujus

a Abbas Guibert, b Ita refert Scipio du Plaix. c Ioan. Pauli in Spudopadia. Vide Laurent. in Theat. d Refert Andr. Laur. lib. de Strumis ex Chassaneo in Catal. glar. mundi, & Carolo Tapia. Vide Anton. Benter.

cujus contactus comitiali morbo salutatis erat. *Hinc natum*, testatur Polydorus *a*, ut Reges postea Anglia consueverint in die Parasceves multâ ceremoniâ sacrare annûlos, quos qui induunt hisce in morbis omninò numquam sunt. Idem Reges hac potestate sanandi strumas antè claruerunt, quàm ullum exemplum à Galliæ Regibus editum proferri possit. Solebat, inquit idem, Rex Eduardus divinitus solo tactu sanare strumosos. Quod quidem immortale munus, jure quasi hereditario ad posteros Reges manavit. Nam Reges Angliæ etiam nunc tactu, ac quibusdam hymnis, non sine ceremoniis prius recitatis, strumosos sanant. Eduardus autem viginti tribus annis ante Philippum Rex renuntiatus fuit. quæ si vera sunt, siue prius siue posterius ista virtute præcelluerint, sublimioris profectò potestatis, & augustioris majestatis fuerint ipse & successores ejus, Reges item Hispaniæ, Aragoniæ, & Hungariæ, quàm Pipinus, quàm Carolus Magnus, quàm Hugo Capetus, aliique priores Reges Franciæ, si tuis principiis credimus. Ipse sanctus Ludovicus antecessores & successores suos Reges Franciæ miraculorum virtute superavit: ergò & potestas ejus Regia omnium illorum potestate sublimior fuit. Quis, nisi desipiat, ita sapiat?

Quòd si oculis dignitatis Regiæ splendore præstrictis, ad perspicuam veritatem adhuc hæsitatis, intuere saltem, quàm multos Gallia Antistites, summosque Præsules Roma viderit, miraculorum virtute celeberrimos, quibus nemo, nisi rerum divinarum imperitus, Ecclesiæ gubernandæ potestatem sublimiorem, augustiorem, divinioremque dedit. Hæc enim prorsus eadem in omnibus, etiam sine omnibus gratiis sanctificantibus,

tibus,

ribus, & gratis datis, sine incrementi decrementique vicissitudine, immobilis perstat; ne si semel gubernantium auctoritas per mores aut dotes hominum quoquo modo varietur, illis magis magisque languescantibus, ad interitum vergat. Quis nesciat Petrum Apostolum plerisque successoribus sanctitate præstitisse? nec tamen idcirco Pastoralis auctoritate & potestate præcelluit. Non enim ipsius, sed Dei instituentis, potestas & auctoritas fuit. *Sicut ergò permanet, quod in Christo Petrus credidit, inquit S. Leo, a, ita permanet, quod in Petro Christus instituit.* Cujus institutionis immobilis veritas facit, ut etiamnum *Petri in suâ sede vivat potestas, & præcellat auctoritas.* Nam adversus hujusmodi, qui præfecturæ cujuscunque potestatem, ex hominum administrantium sanctitate, vel miraculorum virtute metiuntur, rectissime dixit idem S. Pontifex: *Petri dignitas in indigno heredem non deficit. b*

Quamobrem ut illam perniciosam Principatibus opinionem Deus ex hominibus tolleret, illa sanitarum quarundam beneficia, quæ miraris, etiam idololatriis quibusdam Regibus conferre permisit, aut ipse contulit, quando hoc occultior ordo providentiæ postulavit. Nemo tamen istis, nisi fortè Arroyus, sublimiorem potestatem, quam Christianis multis Regibus, attribuerit. Vespasianus *oculorum tabe notum, & manu agrum tetigit, statimq; conversa ad usum manus, ac caco, Tacito ac Suetonio testibus c, reluxit dies.* Quæ quâquam rectius geniorum potestati tribuas, ut quæ non magis, quam Strumarum curatio à medicis descripta, & usu-

a Leo serm. 2. in annivers. die Assumpt. b Ibidem.

c Tacit. lib. 4. Hist. Sueton. in Vespas.

& usitata, vires naturæ superaverint, nil mirum tamen fideique contrarium, si quis a Deo, Principum, *qui per ipsum imperant a*, potestatem decorante, mira illa profluxisse arbitretur. Novimus cum & *b* Infantibus exultationes, & *c* Deicidis, & Dæmonumque cultoribus veracissimas prophetias, & *e* Dæmonibus angelicas revelationes, & *f* Asinis dedisse humanas voces. Nihil ergo mirabile, si fortè per idololatrias, nullâ falsitatis vel impietatis eorum attestazione, mirum aliquid extra ordinem perpetraverit. An fortè & asinis inter asinos tribues prærogativas alicujus potestatis? Perge porro; nec istud enim abhorret ab ingenio tuo. Vidésne, homo inconsiderate, temerarias assertiones tuas ab omni parte præbere latus? Quod si tandem aliquando perspicuæ percussus luce veritatis oculos aperueris, noli ad incrementum potestatis Regiæ, quasi absolutioris *sublimiori* *q*, *g*, de hac sanationum virtute gloriari. Prædica nobiscum illam, venerare illam, age gratias beneficiæ Dei, non putidæ adulationis vel superbiæ zelo, *sed secundum scientiam*: ne improvidâ tuâ temeritate amplius Regibus tuis noceas, quam pal-  
pum obtrudendo profuisti.

*a* Proverb. 8. *b* Luca 1. *c* Ioan. 11. *d* Num. 23 & 24. *e* Aug. lib. 2. de Gen. c. 17. & lib. de divin. demon. *f* Num. 22.  
*b* Plus souveraine.

## C A P V T XIV.

*Titulus, Christianissimus, nullam omninò regendi potestatem tribuit, nedum absolutissimam.*

**A**D tertium jam fulcrum absolutæ supremæque præ cæteris Regibus potestatis veniamus, titulum *Christianissimus*, ex quo illam certo

cer-



certius Arroyus a demonstrari putat. Ne verò in lubrico figat pedem, titulum illum, tamquam Regibus Franciæ maximè debitum, laboriosâ disputatione vindicare conatur. Quanto molimine, mi Arroye, quantas aranearum telas texis, minutissimis ludibrium volatilibus! Ecce, disputationis ergo, non repugno. Habe tibi titulum, *Christianissimus*, si vis, etiam *Sanctissimus*, & si quid ultra. Nego vel hilum superioris vel absolutioris inde potestatis vel auctoritatis accedere. Quis enim ita pingui Minervâ Theologiam doctus est, ita, inquam, supinus & crassus, qui nesciat, *Christianum* non esse titulum sæcularis auctoritatis aut potestatis? multò minùs, ut miserrimè deliras, belli causas efficere justiores? *Christus* unctum sonat, quia *unxit* eum *Deus oleo exultationis præ consortibus suis* b, hoc est, ut exponit Princeps Apostolorum, quia *unxit eum Deus Spiritu sancto & virtute* c. Hinc Christiani spiritum Christi, saltem credendo, participantes, Christum se sequi profitentur, hoc est, credendo saltem discipuli Christi fiunt, sicut Aristotelici, discipuli Aristotelis; Platonici, discipuli Platonis. Hoc sacer ipse textus indicat, quando dicit, quòd Antiochiæ cognominati sunt *discipuli Christiani* d. Ex quo fit, ut secundum antiquorum usum etiam non baptizati, Christiani dicerentur, hoc ipso quòd in Christum crederent, & ejus discipulos se esse profiterentur. *Quæris*, inquit Augustinus e, *Paganuses, an Christianus?* Respondet, *Christianus: ovis est enim Dei.* *Quæris*, ne fortè catechumenus sit, & irruat Sacramentis; respondet, *Fidelis*, hoc est, baptizatus. Nam soli Christiani baptizati *Fideles* usu antiquo vocabantur, ut ex solo Augu-

D

stino

a FOL. 18. 64. &amp; 33.

b Psal. 44. c Act. 10. d Act. 11. e Lib. de Pastor. c. 13.

stino plurimis locis ostendi potest. Unde Tractatu 44. in Ioann. de homine se proficiente nec dæum, nec Paganum, sed Christianum: *Adqueris ab eo, Catechumenus es, an Fidelis, &c. Quab eo, In quem credat? eo ipso, quo catechumenus est, cit, in Christum.* Verum ut discipuli Christi non lâ Fidei professione, sed etiam pleniorē spiritus Christi communicatione, fiant magistro simili Baptismo & Confirmatione ungentur Spiritu sancto, sicut & Christus unctus fuit: & hæc interior unctio, quæ verè perfectèque Christianum facit, exteriori quoque unctione verticis adunbratur, frontis etiam efficitur. Unde Apostolus *Qui autem confirmat nos vobiscum in Christo, hoc est in uncto, & qui unxit nos Deus, qui & signavit nos & dedit pignus Spiritûs in cordibus nostris.* Spiritû igitur unctio perfectos reddit Christianos, qui sæculares dignitates ac præfecturas ut non destruit, ita nec tribuit; ut non minuit, ita nec augeat. Propter salutem enim quisque suam Christianus est; propter alios potestate & auctoritate regendos, Rex, Imperator, Episcopus, Pontifex. Docet hæc præclarissimè D. Augustinus, cujus unicâ sententiolâ funditus interimitur, quidquid de Christianissimo ineptissimè fabularis b: *Nos, quos in isti loco, de quo periculosa ratio redditur, Dominus constituit, habemus duo quadam: unum, quod Christiani sumus, alterum, quod Præpositi sumus. Illud, quod Christiani sumus, propter nos est; quod autem Præpositi sumus, propter vos est. In eo, quod Christiani sumus, attenditur utilitas nostra: in eo, quod Præpositi, non nisi vestra. Sunt autem multi Christiani, & non Præpositi, qui perveniunt ad Deum faciliore fortasse itinere, & tantò fortè expeditius*

*ditiùs ambulantes , quantò minorem sarcinam portant. Nos autem, excepto quòd Christiani sumus , underationem reddemus Deo de vita nostra , sumus etiam Propositi, underationem reddemus de dispensatione nostra. Et in alio ad populum loquens loco a: Quid debes esse tu cuicumque loquor vestrum? Christianus, fidelis, ( id est baptizatus ) obediens: hoc tu propter te , hoc & ego propter me. Et paulò antè : Episcopi autem propter Christianos populos ordinamur.*

Viden', Christianum esse , nihil omninò conferre in alterum potestatis aut auctoritatis ? nec Pontificiam ergo , nec Episcopalem , nec Regiam. Nisi omnes Christianos fieri velis, non mysticè, sed realiter Pontifices , Antistites, populorumque Reges. *Christianissimus* igitur salutem propriam Christiani respicit , dans illi fidem; & , si Baptismo & Confirmatione consecratus est , dans etiam Christi characterem, & Spiritum sanctum; & , si perfectus est, incensam in obediendo amandoque voluntatem , quâ fiat promptus ad proficendam , adeoque tuendam Christianam fidem. sed juxta fidei Christianæ cardines , non dat ullam, nec datam auget regendi populi potestatem. Quò fit , ut quamvis baptizatus confirmatusque Christianus tantæ perfectionis fuerit, ut zelo Paulum superet , & miraculorum potestate montes transferat, nihil amplius solâ Christianissimi professione potestatis in populum, & politicæ auctoritatis accipiat , quàm abjectissimus quisque debebe Christianus. Sit igitur fide baptismoque Christi *Christianus* ; sit fide, caritate, zelo crescens *Christianior* ; sit fidei propagandæ tuendæque solûtate *Christianissimus*, sive miles ille fuerit, sive

D. 2

Senator,

*Libro de gestis cum Emerito.*

Senator, sive Rex Franciæ, sive Imperator, ho  
 ipso nec minimum quidem in regendi potestate  
 atque auctoritate superat Christianum. Aliund  
 illa potestas datur, aliunde crescit, aliunde culmen  
 eminentissimum auctoritatis & majestatis adipi  
 scitur. Nimiùm à Christianæ tramine veritatis ex  
 orbitat, quisquis ex Christianissimi professione  
 hoc est, ex ipsâ etiam integerrimâ Christiani no  
 minis conditione; multoque enormiùs, ex titulo  
*Christianissimi*, quæ sæpè est umbra sine corpore  
 supremam absolutissimamq; nititur ultra omnes  
 Monarchas stabilire potestatem. Hippocrati ve  
 rò tradendus est, quisquis bellorum injustitiam,  
 quibus Europa perturbatur, & opprimitur Christi  
 fides, *Christianissimi* phaleris populo & militibus  
 colorare, ac purgare contendit. Cernis igitur,  
 quàm inaniter vires tuas triveris? Ne tamen ali  
 quid magni te fecisse putes, solis Franciæ Regibus  
 præ cæteris titulum illum adserendo, videamus,  
 quibus fundamentis illa nitatur ædificiij moles.

## CAPVT XV.

*Vnctio non tribuit Regibus Francia præ cæteris titulum  
 Christianissimi, nec Sacerdotium.*

**D**Vobis ex capitibus titulum illum emin  
 ter eos mereri, & ab eis possideri, probas ex  
 caractere, præclarisque facinoribus.

Perfectio characteris Regum Franciæ in eo sita  
 est, inquis a, quòd ultra characterem baptismalem,  
 quem

a FOL. 54. Je trouve la perfection de leur caractere en ce, qu'outre l'Onction  
 qu'ils recoivent au baptesme, comme leurs sujets, ils en prennent un autre en  
 leur couronnement, qui leur donne la vraye auctorité royale, le sacerdoce, &  
 la grace vivifiante.

FOL. 53. Les Roys de France ont une espece de consecration Sacerdotale,  
 mais qu'ils sont mediateurs du peuple & du Clergé par l'Onction.

*quem cum subditis communem habent, alium accipiunt in coronatione suâ, qui tribuit eis veram auctoritatem Regiam, Sacerdotium: quam infra vocas speciem consecrationis sacerdotalis, & gratiam vivificantem.* Portenta audio novæ Theologiæ: quæ multò satius esset censoriâ Sorbonæ severitate, quàm cujusquam Theologi disputatione, conteri. Jugulavit illa nuper salubri consilio per Censuram, & eruditissimos Doctores suos, Petrum Aurelium & Franc. Halier, eos, qui baptismalem unctionem in locum Confirmationis obtrudere, & ei penè æquare voluerunt. Sed quantò justius eorum zelus ac stylus in adultores illos Regiæ potestatis inardesceret, qui Regum unctionem Sacramentis Christianis inferre & præferre moluntur? Quod enim tandem est in Ecclesia Christi Sacramentum, quod simul & *characterem* imprimat, & *veram Regis auctoritatem*, & *gratiam vivificantem*, & *Sacerdotium*, *speciemque consecrationis sacerdotalis* tribuat? & quid amplius in Sacramentis Ecclesiæ postulaveris? Hæc verò in Ecclesia Christi ob oculos omnium doceri, librisque spargi, omnibus ad tantum probum conticentibus, ne fortè displiceant eis, qui talibus crepundis milites ad illa funesta Christianæ fidei bella concitari gratulantur, quis probus æquanimiter ferat? Homo miserabilis, unctio Regum nec characterem imprimit, nec gratiam vivificantem, aut Regiam auctoritatem tribuit; quæ jam suprâ satis egimus: nec sacerdotium, ullamque speciem consecrationis sacerdotalis confert. Ecclesia Christi nullam novit speciem consecrationis sacerdotalis, nisi quâ vel simplex Sacerdos, vel princeps Sacerdotum Episcopus consecratur; nullum Sacerdotium,

nisi unicum, quo incruenta victima Corporis & Sanguinis Domini immolatur Deo. Hoc verò Regum unctionibus assignari sine damnato errore non potest. Quid verbis indisciplinatis uteris, ut errores instilles rudioribus? Sacerdotium improprie dictum, quo victimæ bonorum operum offeruntur Deo, neque confertur Regibus in coronatione sua, neque solis illis competit, sed omnibus perinde bonis Christianis; neque Sacerdotium simpliciter vocandum est, nisi fortè ab hæreticis, sed cum illa restrictione atq; cautione, quâ S. Petrus loquitur, & nos loqui docuit a, *Sacerdotium sanctum, offerre spirituales hostias.*

Quòd verò errores tuos ex orationibus, quas inter sacrandum fundit Pontifex, probari putas, toto cælo falleris. Non est vel apex unus, ex quo characterem eis, aut sacerdotium tribui, vel tardissimus Theologiæ tyro arbitretur. Nam quòd ibi mentio fiat Aaronis, & unctionis ejus, quis nisi delirus ad sacerdotii collationem rapiat? An Reges secundum ordinem Aaron ad mactandos boves, animal scilicet sine fraude doloque, Sacerdotes fieri somniasti? Ipse textus orationis explicat, quid sibi velit, sicut ipse retulisti b: *Vt imitetur in servitio Dei Aaronis exempla*, hoc est, ut in colendo Deo imitetur pietatem ejus. Quid hoc ad collationem sacerdotii? Quid item illud, quòd monetur jam inunctus, adeoque coronatus Rex, quando in throno collocandus est? *Quantò Clerum sacris altaribus propinquiorem perspicis, tantò ei potior in locis congruis honorem impendere memineris; quatenus mediator Dei & hominum, te media-*

so-rem

a 1. Petri 2.

b ce que imite au service de Dieu les exemples d'Aaron.

*m Cleri, & plebis permanere faciat.* Quasi verò  
possit Rex permanere mediator, hoc est me-  
s inter Clerum & populum, nihil sibi hono-  
Clericalis aut Episcopalis arrogans, sed Clero  
norem, tamquam sacris altaribus, ipsique nu-  
ni propinquiore impendens, nisi sacerdotium  
conferatur; vel sacerdotium necessarium sit,  
inter utrumque mediator esse queat. Et cum  
n dextrè illulisses imperitis, quasi re confectâ  
ncludis *a*: totum istud in titulo, Christianissi-  
s, comprehenditur: qui significat unctum præ om-  
us Christianis: nimirum, ut Christianissimus,  
em inter Clerum & populum mediatorem  
nstitueras, jam super omnes, & Sacerdotes,  
Anxistites, & summos Pontifices, unctus esse  
edatur. Nam & illos per Dei gratiam Christi-  
s esse puto. En quò prorumpit putida vappæ  
ius assentatio.

OL. 58. Tout cela se trouve au titre de Tres-Chrestien, qui signifie oint  
dessus tous les autres Chrétiens.

## C A P V T XVI.

*Gesta Clodovai utrùm titulum Christia-  
nissimus pepererint.*

**T**Ransis igitur ad alterum istius tituli funda-  
mentum, præclarè gesta, propter quæ Regi-  
us Franciæ præ cæteris meritò debeat. Magna  
sse Regum Francorum merita in Ecclesiam ne-  
no prudens diffitetur. Addere possumus eis,  
quæ recensuisti; possumus & detrahare. Nam, ut  
numerus tantum, vel certè fucum faceres, sine  
lectu in chartam conjicis, quidquid in men-  
em ac buccam venit. Quod si, quàm brevissimè

fieri potest, declaravero, nolim quemquam extimare, me alio spiritu in hac re duci, quàm veritatis, quam ipsi Francorum Scriptores litteris testatam reliquerunt.

Et Primò quidem inter præclarè gesta, quibus iste titulus comparatus est, ponis, quòd Clodovæus *baptizatus & unctus*, ut inquis *a*, *se Christi* (hoc est uncti) *injurias vindicaturum protestatus est*. Falleris. Clodovæus adhuc tum erat catechumenus. Cùm enim ei S. Remigius Dominicæ passionis modum recitasset, Rex ait illi: *Si ego cum Francis meis inibi adfuissetm, ejus injurias vindicassem*. Et postea subjungitur ab Aimoino *b* baptizatus ejus. Quam Clodovæi vocem si sanctus Augustinus audivisset, respondisset ei fortassis id, quod cæco, peccatores non exaudiri putanti, respondit *c*: *Adhuc inunctus* (id est, non unctus, seu catechumenus, nondum illuminatus) *loquitur*. Zelum enim habuit, sed non secundum scientiam; qualem Petrus, cùm percuteret in gladio.

Addis *d*: *Egavit Gothos Arianos*. Rectè. Dicat causam Gregorius Turonensis *e*: *Valdè molestè ferro*, inquebat Clodovæus, *quòd hi Ariani partem Regni teneant Galliarum. Eamus cum Dei adjutorio, & superatis*, REDIGAMVS TERRAM IN DITIONEM NOSTRAM. Ita zelus Christianæ fidei militabat ambitioni. Quantus nunc iret clamor cælo, si quis amicum Clodovæi successoribus Regem, titulo diversæ religionis, vel cujuscumque prætextæ injuriæ, sceptro exueret! Nam Gothi tantò justius Gallias obtinebant, quantò Francis possessione

*a* FOL. 59. Clouis estant baptisé & oiait proteste qu'il vengera les injures faites à IESU-CHRIST.

*b* Aimoin. lib. I c. 16. *c* Tract. 44, in Joan.

*d* FOL. 59. Il chassa les Gots Arieus.

*e* Lib. 2. cap. 34.



fione priores, jureque potiores. Quid contra Gothos eum excitaverit, probant gesta adversus Sigebertum, cujus filium cum pollicitationibus fecisset patricidam, ipsum per subornatos *a, bipenni cerebro illis*, interfecit, & Regno ejus potitus est. Probant gesta contra Chararicum, quem, quia sibi contra Siagrium suppetias ferre recusasset *b, circumventum dolis cepit cum filio*, eosque prius tonsos ritu Monachorum, ne fortè capilli rursus crescerent, *jussit pariter capite plecti*. Quibus mortuis Regnum eorum cum thesauris & populis acquisivit. Probant gesta adversus Regnacarium & Ricarium fratres, Reges Cameraci, consanguineos ejus: qui cum prælio victi se captivos dedidissent Clodovæo, illum, quod se capi siviisset; hunc, quod fratrem non adjuvisset, ipsemet ludibundus, *c elevatam securim capitibus defigendo*, interfecit. Probant gesta contra Rignomerin consanguineum, fratrem istorum quos interemerat. Nam, ut Gregorius *d, Frater eorum Rignomeris nomine apud Cenomaniam civitatem ex jussu Clodovai interfectus est*. Quibus mortuis, quod caput rei est, totiusque zeli scopus, *omne Regnum eorum, & thesauros Clodovæus accepit*. Probant gesta adversus alios multos Reges vel parentes suos primos, quibus pomeria Regni ejus arctabantur: quibus interfectis *e*, utpote de quibus zelum habebat, ne ei Regnum auferrent, Regnum suum per totas Galias dilatavit. Probat animus ille, ex quo, consanguineis interfectis, jam scilicet pœnitēs querebatur? *Va mihi, qui tamquam peregrinus inter extraneos remansi, & non habeo de parentibus, qui mihi, si venerit adversitas, possit aliquid adjuvare*. Nam, ut testatur.

D s

tur.

Gregorius Turon. lib. 2. cap. 40. b Idem c. 41. c Idem c. 42.  
 d Ibidem. e Ibidem. f Ibidem.

tur S. Gregor. Episcopus Turonensis, *a hoc non de morte eorum condolens, sed dolo dicebat, si fortè potuisset adhuc aliquem reperire, ut interficeret.* Quæ tam enormia & Ottomannica visa sunt Stephano Pascaſio, in primis Gallix erudito, ut, cùm declarasset, illos innocentes fuisse, nullamque invadendi causam fuisse Clodovæo, sed potius gratulandi, quòd sibi suppetias tulissent, indignatus exclamet *b: Barbara profectò crudelitas, indignaque Christiano, quàm miserorum istorum Principum terras occupavit. Quo fit, ut penè credam, quando suscepto baptismo factus est Catholicus, non Arianus, plus ei mundana adfuisse sapientia, quàm religionis.* Et paulò post: *Prudentius isto non potuit ab eo consilium capi juxta regulas hujus mundi, ad conservandum statum suum (quàm scilicet interficiendo suos consanguineos) si ex Machiavelli & sectatorum ejus placitis loqui velis.* Et post omnes, consideratis c. sancto Gregorio facinoribus istis, Scipio du Plaix dicit *c, Clodovæum fuisse quidem religiosum, sed egregiè politicum, ambitiosum, invidum, iracundum, vindicta cupidum, sanguinarium.* Quæ epitheta præclare cum primo elogio, hoc est, cum *religioso*, & Christi Religionem proficiente, concinunt. Ecce qualem quantumque virum

<sup>a</sup> *Ibidem.*

<sup>b</sup> *Eſtienne Paschier lib. 5. cap. I. des Recherches.*

Cruautés certes barbaresques, & indignes d'un Chrestien, par le moyen desquelles il s'impatroniza d'un peu de pais, que ces pauvres Roys possédoient. Chose qui me fait presque croire, que quand recevant le S. Sacrement de Baptême, il se fit Catholique, & non Arien, il y avoit en luy plus de sagesse mondaine, que de la devotion.

Plus grand & sage conseil ne pouvoit estre par luy pris selon le monde, pour la conservation de son estat, que cestuy, si vous en parlez en Machiavel & ses escoliers.

<sup>c</sup> Il estoit grand politique, quoy qu'il fust ambitieux, envieux, cholere, vindicatif & sanguinaire. EN LA VIE DE CLOTAIRE.

CHRISTIANISSIMI REGIS: LIB. I. 83  
um in aciei fronte collocasti, ut *Christianissimi* ti-  
ulum cæteris præriperet.

## C A P V T X V I I.

*Gesta Clotharii, & Clodoardi.*

**D**E Clodoardo quod adjungis, nihil ad rem,  
quam agis de Franciæ Regibus, tituloque  
*Christianissimi*, facit. Non enim Rex, sed incisis  
capillis à tenera ætate Clericus, & postea Presby-  
ter Parisiensis fuit.

Clotharium igitur videamus, dignissimum  
Clodovæo patre filium, quem eorum numero ac-  
censes, qui præclaris facinoribus suis titulum  
*Christianissimi* sibi meruerunt. Itane verò Arroye,  
Clotharium? Num & Saul inter Prophetas a? Si  
non nosti rei veritatem, ubi est mens tua? si no-  
sti, ubi frons tua? Quod enim Clothario crude-  
lius, luxuriosius, incestuosius monstrum dabis?  
Gloriæ Francorum amantissimus S. Gregorius  
Turonensis, ejus penè contemporaneus, me vin-  
dicabit à calumnia. Accipe simplicem synceram-  
que rei historiam, nullâ falsi admistione, nullâ ve-  
ri exaggeratione adulteratam. Frater Clotharii  
Clodomeris, Rex Aurelianensis, tres habuit fi-  
lios, quorum primogenitus necdum decimum  
ætatis annum attigerat. Cum eos Clotharius &  
Childebertus, fratres, primùm Burgundiæ par-  
te frustraissent, quam eodem jure, quo Clo-  
dovæus vicina quæque, subjugaverant, in  
interitum conspirant innocentium parvulo-  
rum, ut contra omne jus & fas eorum Re-  
gno potirentur. b Miserunt itaque ad Reginam,  
D 6 ipsa-

a 1. Reg. 10. b Greg. lib. 3, c. 18.

ipfissimam matrem suam Clothildem, dicentes: *Dirige parvulos ad nos, ut sublimentur in Regno. At illa ga-visa, nesciens dolum illorum, dato pueris esu potuque, direxit eos, dicens: Non puto me amisisse filium, si vos videam in ejus Regno substitui. Qui abeuntes apprehensi sunt statim. Tunc Childebertus atque Clotharius miserunt Arcadium ad Reginam, cum forcipe atque evaginato gladio; qui veniens ostendit Regina utraque, dicens: Voluntatem tuam, ô gloriosissima Regina, filii tui domini nostri expetunt, Quid de pueris agendum censeas, utrum incisus crinibus eos vivere jubeas, an utrumque jugulari. At illa exterrita nuntio, & nimium felle commota, præcipuè cum gladium cerneret evaginatum, ac forcipem, amaritudine præventa, ignorans in ipso dolore quid diceret, ait simpliciter: Satius enim mihi est, si ad Regnum non eriguntur, mortuos eos videre, quam tonsos ad Monachatum. Nec mora, apprehensam Clotharius puerum seniore brachio elisit in terram, defigensque cultrum in axillam crudeliter interfecit. Quo vociferante, frater ejus ad pedes Childeberti prostermitur, apprehensisque ejus genibus, agebat cum lacrymis: Succurre, piissime pater, ne & ego peream, sicut frater meus. Tunc Childebertus lacrymis respersâ facie, ait: Rogo, dulcissime frater, ut ejus mihi vitam tuâ largitate concedas, & quæ jusseris pro ejus anima conferam, tantum ne interficiatur. At ille furore actus, ait: Aut ejice eum à te, aut certè pro eo morieris. Tu, inquit, es inceptor hujus causa, & tam velociter de fide resis? Hæc ille audiens, repulsum à se puerum projecit ad eum: ipse verò accipiens, transfixum cultro in latere, sicut fratrem prius fecerat, jugulavit. Deinde pueros cum nutritiis peremerunt. Tertium verò Clodoaldum comprehendere non potuerunt, quia per auxilium virorum sortium liberatus est.*

*est. Hi quoque Regnum Chlodomeris ( id est, fratris sui, cujus liberos trucidaverant ) inter se equalitate dividerunt.*

*Hæc parricidia cum tam feliciter successissent, aliud non minus detestandum adversus alium nepotem, filium Theodotiri, fratris sui, retinuerunt. Consurgentes enim, inquit Gregorius a, Childericus & Clotharius contra Theodobertum, Regnum ejus auferre voluerunt; sed ille muneribus placatis à Leonibus suis defensus est, & in Regno stabilis. Audi tertium. Cum ejus filius Chramnus patri rebellasset, prælio victum, jussit Clotharius non ipsum solum, sed unam b cum uxore & filiabus igne consumi: inclususque in tugurio cujusdam pauperula Chramnus, super scamnum extensus, orario sugillatus est: & sic postea super eos incensa casula, cum uxore & filiabus interiit.*

*Præterea Edictum ejus adversus libertatem Ecclesiasticam: indixerat enim Clotharius Rex, inquit Gregorius c & Aimoinus d, ut omnes Ecclesia Regni sui tertiam partem fructuum fisco dissolverent. Sed cum Injuriosus Episcopus generose subscribere detrectaret, Regemque terrendo, diceret: e Si volueris res Dei tollere, Dominus Regnum tuum velociter auferet, quia iniquum est, ut pauperes quos tuo debes alere horreo, ab eorum stipe tua horrea repleantur; territus tantâ libertate, virtute beati Martini, Edictum revocavit.*

*Libidines ejus nefandas, incestasque nuptias quis non Christianus detestetur? Cum esset nimium luxuriosus, inquit Gregorius f, primò uxorem fratris sui Chlodomeris, cujus filios crudelissimè ab eo occisos g vidimus, Gunthecam nomine*

• D 7 *sibi*

*a Lib. 3. c. 23. b Idem l. 4. c. 20. c Greg. lib. 4. c. 2. d Aimoin. lib. 3. c. 27. e Gregor. ibid. f Lib. 4. cap. 3. g Lib. 3. cap. 6.*

*sibi in matrimonium sociavit. Secundò Vuldotradam a, uxorem Theodualdi, pronepotis sui, copulavit strato suo. Tertiò Radegundem, cujus fratrem postea injustè per homines iniquos occidit : eamque sexennio pòst repudiavit. Quartò, cùm Ingundem b conjugem acceperet, illaque rogasset virum suum, ut sororem suam Aregundem nobili viro collocaret, eam ipsam sibi sociavit matrimonio, respondens Ingundi adhuc viventi, & uxori suæ : Requirere virum divitem, atque sapientem, quem tua sorori deberem adjungere, nihil melius, quàm me ipsum inveni. Itaque noveris, quia eam conjugem accepi.*

Habes parricidia, libidines, incestus, quibus Turcica palmam deferant. Et non erubescis, Auroye, talia Christianæ religionis probra proferre, quæ trophæum tituli, *Christianissimus*, præclaris suis facinoribus pepererint? Etenim ne quidquam à me exaggerari putes, audi Scriptorem Gallum, gloriæ Gallicanæ perquam studiosum; qui cùm barbara illa scelera Clodovæi, Childeberti, & Clotharij retulisset, *Vidisti*, inquit, *c, in historiis umquam gestarum rerum tam atrocium seriem?* Et aliquantò pòst: *Clotharius ille est, qui cùm nullum in anima sua Deum agnosceret, quàm effrenes affectus suos, omnes habenas laxavit incestuosis libidinibus suis, falso nomine matrimonii palliatis, &c. Quis umquam vidit vitam tot incestuum impudentiâ flagitiosam, vel Principem, qui tantâ cum licentiâ sancto matrimonii nomine abusus fuerit?* Et non

com-

a Lib 4. cap. 9. b Lib. 4. c. 3.

c ESTIENNE PASQ. LIB. 10. CHAP. 1. DES RECHER. Vistez-vous jamais en Histoire une suite & liaison d'actes si inhumains, que ceux-cy?

ET PLUS BAS: C'est celuy, qui pour n'avoir autre Dieu en son ame, que les desordonnées volontez, lâche tout bride à ses paillardises incestueuses, les revestans d'un faulx manteau de mariage, &c.

Vist-on jamais tant d'incestes eshontement desbordés, ay Prince, qui si licentieusement abusast du sacré nom du mariage que cestuy? Et non contents de ces beaux traits, il les voulut couronner d'une cruaute barbare.

*contentus præclaris istis facinoribus , barbaricâ crudelitate fastigium eis imponere voluit. Et mox , cum retulisset vivicomburium innocentis uxoris , & filiarum parvularum innocentium, quas unâ cum rebelli filio suo interfecerat , In universis, inquit a, antiquorum historiis non invenietis tam execrabile supplicium , quàm istud fuit. Tu verò satis, ut videtur, esse putas , ut , quibuscumque libidinibus & sceleribus Rex contaminatus fuerit , dummodò pœniteat cum in mortis limine constitutum , hâc solâ pœnitiâ, Christianissimi titulum sibi posterisque mereatur. Nam præclarè gestarum rerum loco profers b, quòd in fine cum signis veri Christiani eum pœnituerit. O ineptiæ cæcitatem ! Cui non ergò Reges illos primæ stirpis postremos, qui sub Palatii moderatoribus Franciæ sceptrâ tenuerunt , Dagobertum, Danielemonachum, aliàs Chilpericum, Theodoricum, Childericum, illosque , qui, Nihil-fecisse c, prænomen sortiti sunt , eorum accenses numero , qui nomen Christianissimi pepererint posteris suis ? Nam neq; vitæ tot scelerum atrocitate maculatæ, neque impœnitentis desperatæque mortis monumenta reliquerunt. Sed, quemadmodum quodam loco sanctus Augustinus ait d, Puto esse satius , cujuslibet inertia pœnas luere , quàm illorum armorum gloriam querere : ita longè satius & Christianius est, nihil horrendorum scelerum istorum perpetrasse, quàm ea perpetrata qualicumque delere pœnitiâ; vel cujuscumq; ignaviæ labe aspersum vivere, quàm crude-*  
 lissi-

a ET PLVS BAS : En toute l'ancienneté vous ne trouverez une punition si execrable , que cette-cy.

b FOL. 60. Meurt avec des grandes contritions & tesmoignage d'un vray Chrestien.

c Ludovic. Carolomanni filius apud Aimoin, lib. 5. c. 41.

d Lib. 3, de Civit. c. 14.

lissimæ luxuriosissimæque strenuitatis gloriâ celebrari. Sed fumo sæcularium cogitationum ebrius nil nisi mundanum fastum admiraris; imperii dilataciones, acies, prælia, victorias quamvis injustissimas, hoc est, ut Augustinus, *magna latrocinia*, quæ tibi statim nominis *Christianissimi* penè præclara merita videntur.

## CAPVT XVIII.

*Gesta Dagoberti.*

**G**Radum deinceps ad Dagobertum promoves, qui titulum illum præclare gestis promeruerit, quia *zelosus*, inquis *a*, *pro Ecclesia, sancti Dionysii adem strui fecit*. Titulum istum pro illius ædis structura datum esse, non arbitror mentem Francorum esse, vel Pontificum, quibus illum acceptum referunt. Nam quamvis reverâ populum suum in Regni exordiis justè moderatus fuerit, si tamen effrenem in vitâ reliquâ licentiam in statèra ponderaveris, quasi arena maris, istius ædis ædificatione, & zelo in ornandis Ecclesiis, hæc gravior apparebit. Adolescentulus institutorẽ suum *b* *Sadregisilum*, *clarissimum virum*, à patre designatum *Aquitania Præfectum*, *loris cecidit*, & *ut barbam more ejus ætatis aluerat*, *totondit*; eò quòd non, quàm reverenter filium Regis oporteret, se ab eo observari existimaret. Vivente adhuc patre Clothario, Chrodoaldum sine formâ juris, quamvis intercederet pro vita ejus Dagoberti pater, & quasi veniam impetrasset, jussit interfici: *cui Bertharius*

<sup>a</sup> FOL. 69. Dagobert zélé pour l'Eglise, fit bastir S. Denis en France,

<sup>b</sup> i aut *Emil*, lib. 1. c. *ad m* Friede, ar. cop. 52.



*harius evaginato gladio ad ostium cubiculi caput truncavit.* Mortuo patre nactus imperium, & quodam die, *a* priusquam lucefceret, balneum ingrediens, Brudolphum avunculum fratris Ariberti interficere iussit, qui ab Amalgario & Arneberto Ducibus, & Vellibaldo interfectus est. Ejusdem Ariberti filius Chilpericus, nepos Dagoberti, *b* factione ipsius fertur fuisse interfectus. Itaque protinus Regnum Ariberti unâ cum Vasconia Dagobertus suæ ditioni redegit. Quod facinus detestabile recentior Scriptor *c* Franciæ ex ambitione regnandi à Dagoberto perpetratum esse dicit, eò quòd fratricidium non successisset.

Morum tantâ fuit incontinentiâ, ut libidinibus Clothario non multum cederet. *d* Gomatrudem Reginam, eò quòd esset sterilis, repudiavit. Nanthildem puellam à monasterio raptam in matrimonium sibi junxit: cui deinde aliam superaddidit, Rangetrudem nomine. Denique oblitus omnis honestatis ac timoris Dei, *e* non solum Ecclesiarum, verum etiam quorumque locupletum inhians rebus, inquit Aimoinus, improbus effectus est prado. Nam inter alia Ecclesiarum Gallia spolia, ex occasione Basilica D. Dionysii exornanda, direptas valvas, fusili ære fabrefactas, à templo S. Hilarii Pictaviensis fertur abstulisse. Ecce quàm Christiana fuerit habita molis Dionysianæ machinatio, quâ titulum Christianissimi promeritum putas. Sed pergit Aimoinus: *f* Luxuria tam effrenata se tradidit, ut, exceptis tribus, quæ cum nomine, cultu etiam fulciebantur regio, plurimus concubinarum ei obsequeretur numerus. Exactius rem tradit Fredegarius *g*: Luxuria supra modum deditus. nam tres habebat maximè ad instar

Reginas,

*a* Fredegar. c. 58. *Aimoin. lib. 4. c. 19.* *b* *Ibid* cap. 23. & Fredegar. c. 68. *c* Scipion du Plaix. *d* *Aimoin. lib. 4. c. 19.* *e* *Ibid.* cap. 20. *f* *Ibid.* *g* Fredegar. c. 60.

*Reginas, & plurimas concubinas. Regina verò ha fuerunt, Nanthildis, ex monasterio rapta, Vulfgundis, & Berchildis. Nomina concubinarum, eò quòd plures fuissent, increvit huic Chronico inseri. Idem Franciæ Historicus; quem suprà memoravi, tantum earum numerum fuisse testatur, ut pluribus Palatiis implendis fuisset satis a. Quam ob causam cùm S. Amandus Antistes eum reprehenderet, Episcopatu pulsus, & in exilium relegatus est.*

Miseret me profectò tui, Arroye, scriptor si quis uspiam gentium miserabilis, qui talibus tituli *Christianissimi* fundatoribus gloriari voluisti. Quantò satius tibi fuisset totam primam Regum tuorum familiam penitus suppressere; quorum decem aut undecim postremos vestri Scriptores prorsus à majoribus degenerasse profitentur, plerosque ceteros adhuc barbaricam paganissimi Germanici redoluisse feritatem. Et reverà si veritatem sine fūco loqui liceat, rem acu tetigere. Horrent Historici facinorum & parricidiorum immanitatem attingere, quibus Regii sanguinis proceres ad multos annos in se mutuo sævierunt. Quam ob causam etiam Deus Regnum ab eorum prosapia videtur transtulisse. Accipe eundem illum scriptorem sine involucris veraciter confitemtem id quod res est b: *Si fas est scrutari arcanas causas, cur Deus Reges illos depresserit; & divinam providentiam ingredi liceat, arbitror oraculum istud, quo dicitur: Virum sanguinum & dolosum abominabitur Dominus; & Visitabit peccata patrum in tertiam & quartam generationem, punivisse crimina majorum* in

<sup>a</sup> Qu'il y en avoit assez pour remplir plusieurs Serrails.

<sup>b</sup> DV PLAIX EN CHILDERIC TROISIÈME: P'estime que l'oracle qui Porte, que Dieu aura en abomination, &c. ayant en horreur les parricides & Parjures, dont aucuns Roys & Princes successeurs de Clouis souillèrent leurs

<sup>a</sup> mains, & leurs consciences, punist leurs crimes en leur posterité.

*in posteris : quandoquidem Deus exhorrescat parricidia & perjuria, quibus nonnulli Reges & Principes, successores Clodovei, fœdarunt manus & conscientias suas.*

In secundâ ad tertiâ Regum stirpe, Carolina atque Capetianâ, nonnulli sunt, à quibus Apostolicæ Sedis dignitas præclare, libertasque defensa est, Pipinus præcipue, & Carolus Magnus, filius ejus: sed privatæ rei studium non hîc egisse in primis partes suas, & Religionis nomine firmandæ novorum hominum auctoritati non esse velificatum, quis ausit polliceri? Probè noverat Pipinus, se nullo jure thronum Regium conscendisse sed, ut Galli sentiunt, qui non audent auctoritatem ~~exauctorandi Reges~~ *exauctorandi* Reges populo aut proceribus dare, sceptrum ex legitimi hæredis manibus ambitu rapuisse; ut nos post Reginonem & Annales Francorum loquimur, per *a mandatum & auctoritatem Apostolicam* accepisse, quæ Gallos à fidelitatis jurejurando liberavit. Sed utcumque se res habeat, quid poterat Pipinus, & omnis posteritas ejus, nisi summam devotionem erga defensionem Sedis illius profiteri, cujus auctoritas injuriam Merovingiis irrogatam populorum animis eximebat, aut tegebat? Cujus unum fulmen, una calamitatis strictura plures ei adversarios ciere poterat, quàm cum omni fortunâ suâ debellare potuisset. Hinc illa humillima Pipini legatio ad Pontificem, quâ per Episcopum VVirsburgensem pericula Christiani orbis exaggerat, nisi Pipino sceptrum deferatur. Hinc illa pathetica ad Pontificem obtestatio: hinc illa pollicitatio, quòd *b uno ex edicto*, solvendi sçq; jurisjurandi religione Francis, plus  
apud

*apud mortales immortalesque gloria inventurus esset, quàm inter mortales ex impietate victa Martellus reportaverat. Hæc publica erat Legatorum oratio: sed, ut optimè notavit Scriptor a iste Galliæ eruditus, secreta in aurem instructio erat: Si Pontifex Pipini placitis faveret, de defensione contra hostes suos, præsertimq; Longobardos, securum esse posse. Quam ob causam etiam Pontifex libenter assensus est omnibus postulatis ejus.*

Ex quibus perspicuum est, vinum Pipini fuisse mistum aquæ, argentum scoriis, devotionem cupiditati, vel, quod deterius, Apostolicæ Sedis devotionem propriæ auctoritati firmandæ militasse. Nam, ut erat homo minimè rerum civilium imperitus, facile pervidebat, se rem tantam non sine gravissimo discrimine effectam dare posse; quam Carolus Martellus pater ejus, tot victoriis inclutus & formidabilis, ne tentare quidem ausus fuerat. Paulus Æmilius id, quod res erat, apertè prodit b: *Vt animi mortalium promi in spem maximarum rerum sunt, Regium nomen non dissimulanter affectare ( Pipinus ) &c. Vna ea res Pipinum deterrebat, quod Regium nomen, in quocumque ac qualicumque foret, sanctum augustumque semper fuerat. Quemnam tanta cervicis, tamque sublimi vertice inveniri posse, qui de Regno transferendo à magni Clodovei stirpe verba facere audeat? Nimirum hanc tantam, tamque novi exempli rem alibi tentandam esse, quàm in Francia, que sacramento Regi dicto devincta religione teneretur. Vbi autem melius, quàm in urbe Roma, tunc virtutis sanctitatisque seminario,*  
*rationem*

a DV PLAIX: Mais le mot à l'oreille estoit, qu'en favorissant les desseins de Pepin, il s'assurait aussi, qu'il le defendroit de ses ennemis, & mesme contre les Lombars. C'est pourquoy aussi le Pape entendoit volontiers à tout ce, qu'ils desiroient de luy.

b Paul. Æmil.

ationem virtutis haberi posse? quam unam umbra Regis, imaginarioq; sceptro, ac Stupido Childerico stangebatur opponendam. Judicent nunc, quotquot publicarum rerum gubernaculum tenent, & inexpectatas istius oceani periculosasque procellas morunt, quæ in tali sceptrorum translatione subitoventorum flatu concitantur, uter utri magis necessarius fuerit, Pontifici Pipinus, an Pipino Pontifex; uter utri plus contulerit beneficii, Apostolicæ Sedis Pipinus armis suis, an Apostolica Sedes Pipino auctoritate suâ: quæ quemadmodum jurisjurandi dispensatione à Childerico subditorum animos avellebat, ita quosvis adversantium motus calculi sui adstipulatione compescebat. Hinc enim & anathematis diras in eos torsit, qui alium in posterum Regem, quàm ex Pipini prosapia, sibi elegerent. Hoc scio, longè sanctius Pontificem dispensationem illam concessisse, quàm Pipinum petiisse; longè purius illum Apostolicæ Sedis defensionem admisisse, quàm hunc obtulisse. Quâ in re sicut devotio erga Sedem Apostolicam non nil ministra ambitionis fuit, ita, nisi arma vitamque illi tuendæ devovisset Pipinus, ac tota posteritas ejus, ambitus magnitudinem ingratitudo suerasset. Quòd ergo Sedes Apostolica à Carolinis maxime defensa est, itemque à Capetianis extorta araccenis Palæstina, vexillaque Christiana per Orientem circumlata? hæc nimirum propriè illa esta sunt, quibus prudentiores Franci titulum *Christianissimi* acceptum ferunt; non illa, quæ tuam in nonnullis secundæ ac tertiæ stirpis Rebus insulse crepas.

## CAPVT XIX.

*Gesia Lotharii & Ludovici Quinti, quibus, auctore Arroyo, titulus Christianissimi comparatus est.*

N Am quis sine risu legat, quòd Lotharium, filium Ludovici Pii, tamquam Herculem aliquem objicis, qui suis meritis *Christianissimi* titulum Franciæ Regibus asseruerit? nimirum, quia monachatum arripuit anno postremo vitæ suæ. Itane ex monachatu Imperatoris Germanici titulum Regum Franciæ derivabis *a*? Nam Lotharius numquam Rex Franciæ, sed, Carolo Calvo ejus fratre Regnum istud moderante, Imperator dumtaxat fuit. Quid, quòd Lotharius, testibus ipsis Galliæ Scriptoribus, inter corruptissimos Principes, quos Francia umquam tulit, referri mercatur? Longa historia est, & facinorum proluxa series. Summam eorum brevissimè recentior Franciæ Historicus complexus est, quam si veterum verbis & attestatiōe diducerem, tragœdias theatro dignas mundo exhiberem. *b Numquam Francia corruptiorem*, inquit ille, *Principem vidit, quàm Lotharium: qui in iuventute sua Franciam ad rebellionem adversus proprium patrem Ludovicum Pium concitaverat; qui patrem ignominiosè Imperio degradari, tonderi, & monasterio includi fecerat; qui Ecclesias spoliaverat; qui Ecclesiasticos depredationibus*

con-

*a* FOL. 16. Lothaire faisant une conversion de saint, se met dans un Monastere, quitant l'Empire.

*b* DV PLAIX EN CHARLES LE CHAUVVE. Il n'y eust jamais Prince Francois plus corrompu que Lothaire, qui avoit en sa jeunesse fait revolter la France contre Loys le Debonnaire, son propre pere, qu'il avoit honteusement fait degrader, tondre, & enfermer dans un Cloistre: qui avoit ravagé les Eglises, rançonné les Ecclesiastiques, faussé ses sermens autant de fois, qu'il en pensoit tirer avantage; qui par une ambition desordonnée avoit voulu ravir à ses freres leur partages; qui avoit esté cause de la tres-sanglante boucherie, qui fust faite de la Noblesse Françoise à la journée de Fontenay: Bref, qui ne respiroit rien qu'orgueil, impieté, tyrannie.

ncusserat ; qui toties pejerando solverat sacramenti firm, quoties putabat commodo suo cedere ; qui effreni ibitione sortem hereditatis fratribus rapere tentaverat ; qui cruentissima illius carnificina , quâ Nobilitas anciancia trucidata est in praelio Fonteneo , auctor fuerat. verbo dicam, qui nihil spirabat, nisi superbiam, impietatem, sanguinem, tyrannidem. En suis coloribus, & ra verum, depictum Lotharium ; quem incredibili stupore inter præcipua Christianissimi nominis fulcra ponis. Recordare, obsecro, te hominem minibus, & non blitis aut fungis loqui.

Quâ verò fide voluisti Ludovicum a V. Lothar accensere , ut & iste titulum *Christianissimi* iuisse censeatur ? Omnes enim Historici Francoprobatiores , Tillerus , Claudius Fauchetus , eforestus, du Haillan, Joannes de Serres, Scidu Plaix , uno ore Ludovicum Quintum vo- filium Lotharii, postremum ex Carolina stir- egem. Cui non solum isti , sed etiam veteres, aber , & Continuator Aimoini testimonium ibent , quod juvenis defunctus sit, nullâ om- re gesta , quæ vel litteris tradi mereatur. De Fauchetus c: *Odorannus vocat eum* Ludovicus fecit , *propter exiguum tempus , quo vixit : quod : Latina minus periti verterunt* FAINEANT. De Bernardus du Haillan : *d Quidam Ludovi- uinum nomine vocaverunt* FAINEANT , quod *vite brevitatem tempus eum defecerit , ne ali- memoratu dignum perpetraret.* De quo Joannes de

Y FOL. 61. Louys Cinquiesme defend le Pape contre l'Empereur. r lib. I. c. 3. Continuat. Aimoini lib. 5. c. 44.

IET EN LOTHAIRE : Odoran Pappelle LVDOVICVS NIHIL c'est à dire , Louys qui ne fit rien , à cause du peu de temps qu'il

cc. LLAN : Louys V. quelques uns ont l'appellé FAINEANT , pour- eust aucun loysir de faire aucune chose memorable , à cause de la e son regne.

de Serres a: Ludovicus Quintus unum dumtaxat regnavit annum: obiit sine herede, sine amicis, sine monumento sui. Vocatus est per Antonomasiam FAINEANT: quod nihil aliud boni fecerit, nisi quod meliori locum cesserit. De quo Scipio du Plaix b: Non aliam sui memoriam reliquit posteris, nisi quod postremus Carolina familia Rex fuit. Miror ita te abuti simplicitate rudiorum, uti eruditorum judicium non vereare. Nullus enim omnino Papa à Ludovico V. defensus fuit.

a DE SERRES: Il mourut sans heritier, sans amis, sans memoire: il fut aussi appellé, FAINEANT, par excellence, pour n'avoir autre chose qui vaille, que laisser la place à un meilleur Prince, & plus utile, que luy.

b DV PLAIX: N'ayant laissé autre memoire de soy, si ce n'est qu'il fut le dernier Roy de la lignée de Charle Magne.

## CAPVT XX.

*Philippi Pulchri gesta ad promerendum titulum Christianissimi.*

**E**Tiam in Philippo Pulchro præclara nominis istius merita commendas, quod c receperit protexeritq; Papam, in Franciam fugitivum. Hic verò omnes limites verecundiæ prætergrederis. Nemo Pontifex, Philippo imperante, in Franciam fugit, protectusque fuit. Ipse potius Philippus, cum Raimondum, ut eum aliqui vocant; vel, ut alii, Bertrandum Gotho, Archiepiscopum Burdegalensem, subditum suum, infami pacto, pudendisque conditionibus interpositis, ac receptis ad implendi securitatem obsidibus, ad Pontificatum promovisset; odiosâ Deo virisque bonis perversitate permovit, ut Sedem Apostolicam Avinionem transferret. non alia sanè de causa, ut Galliæ Scriptores notant d, nisi ut spiritualia temporalibus sub-

*deren-*

e FOL. 61. Philippes le Bel recoit & protege le Pape réfugié en France.

d DV PLAIX: Le Roy ayant trouvé moyen de traduire le S. Siege en France, pour faire servir l'estat spirituel au temporel.



*derentur.* Qui tantâ rabie in Bonifacium VIII. flagravit, ut contra jus gentium Legatum ejus, Episcopum Apameensem, mandata Domini sui perferentem, in carcerem compingeret: ipsumque Bonifacium, hæresios nefandorumque criminum accusatum, à quibus per Concilium plenum absolutus fuit, habitu Pontificali indutum, in thronoque sedentem, ceperit. Siarra namque, capitalis hostis Bonifacii, & Felix Nogaretus, nobilis Franciæ, à Rege subornati, intromissis militibus Gallis in Anaginam, effractis ostiis, strictisque gladiis invadunt Bonifacium. Qui cum constanter Felici Albigenſis hæresis exprobrasset labem, manu ferreâ, cum sanguinis effusione, percussus, per triduum captus, indeque Romam ductus est. Ubi, si fas est verum dicere, quid aliud Philippus, nisi necis Pontificiæ reus & auctor fuit? Nam paucis diebus post Bonifacius morbo ex captivitate & animi egritudine contracto periit. Felix in facinoris patrati præmium Baroniâ remuneratus est. Nec morte Pontificis placatus, etiam cineres ejus persecutus est. Siquidem conatu impiissimo, ipsique cælorum incolis injurioso, sancto scilicet Ludovico Regi Galliæ Philippi avo, quem catalogo sanctorum adscripserat Bonifacius, institit, ut, damnatâ Bonifacii tamquam hæretici memoriâ, ipsius acta rescinderentur, extractoque corpore, ammis ossa comburerentur. Hæc sunt præclara facinora Philippi Pulchri erga Romanam Candelam, quæ commemorare debuisses, ut rectè e gestis ejus, tituli que *Christianissimi* meritis Lector saperet. Nam cum ea sedationi, quàm Arroyus,

E

royus,

royus, maturitate Scriptor Gallia recentior ponderasset, longè sanius judicium tulit. *Hic, inquit a, Monarcha cum à majorum suorum zelo erga Catholicam Religionem deflexisset, Deus etiam suam ab eo gratiam ac benedictionem abstulit. Vehementer vindicta cupidum adversus Bonifacium VIII. se exhibuit, cujus ne memoria quidem ac cineribus post facta parcere voluit. Excusari non potest ab extraordinariis exactionibus, quibus populum Clerumque Regni sui pressit. Sedem Apostolicam in Franciam pertraxit, rationibus ductus politicis, ut RELIGIONEM TEMPORALI STATVI HABERET SERVIENTEM.* Et Gilbertus Genebrardus inter eruditos Franciæ non ignobilis *b: Philippus Rex, cujus operâ captus fuerat (Bonifacius) atque interierat, Deo unctum suum ulciscente, numquam deinceps prosperè se habuit, ut ab aliquo Episcopo pradietum fuerat. Nec sanè Philippus ipsemerito profuit impudentiæ, ut se de Sede Apostolicâ tam benè meritum, quemadmodum tu somniasti, arbitratus fuerit. Nam facinoris sui conscius, eundem istum Archiepiscopum Burdegalensem cum summo Pontificatui admoveret, istam primam interposuit conditionem; ut sibi absolutionem facinoris à se commissi adversus Bonifacium impenderet; secundam verò, ut ejus executores pariter reconciliarentur Ecclesiæ: quarum utramque sicut stipulatus erat, ita obtinuit. Numen profectò ipsum aliter quàm Arroyus, videtur judicasse, dum non solum imminentes ei propter commissi impietatem calamita-*

*a* SCIPION DV PLAIX EN LA VIE DE PHILIPPE LE BEL, A LA FIN. Ce Monarche s'estant esloigné du zele de ses predecesseurs envers la Religion Catholique, Dieu esloigna de luy sa grace & benediction. Il se monstra grandement vindicatif envers le Pape Boniface VIII. n'ayant pas mesme voulu espargner sa memoire apres sa mort, ny ses cendres, &c. Il ne peut estre excusé des impôts & subside extra-ordinaires, dont il surchargea son peuple, & le Clergé de son Royaume, &c. Il attire le S. Siege en France pour des considerations Politiques, voulant faire servir la Religion à l'Etat temporel. *b* Genebrard, lib. 4. Chron.

lamitates per quemdam Antistitem denuntiavit, sed & reipsâ, suas ulciscendo injurias, intulit. Cum enim invidendâ penè sobolis fœcūditate quatuor filios Philippus procreasset, statim stirps ejus radicibus succisa est, ut neminem nepotum in Catalogo Regum Franciæ successorem habuerit. Quo fit, ut Gallus hîc nonnemo exclamet *a* : *Celestis operis prodigium fuit, quod iste ramus S. Ludovici in tot ramusculos diffusus intra viginti tres annos à mortē Philippi IV. exaruerit.* Cujus calamitatis flagellum, sive divinitus ei inflictum fuerit propter malè tractatum Bonifacium, ut Genebrardus censuit; sive, ut alii *b*, quod Sedem Apostolicam in Franciam traducendam curasset, ut *Reipublica Religionem ancillantē subderet*; utrovis modo retunditur inanis garrulitas tua, quâ Philippum ex ista egregia beneficentia *Christianissimi* titulū promeruisse fabularis. Nam sive factum ex isto Philippi scopo metiaris, sive ex effectis, quæ inde in Ecclesiam, ipsamque adeo Franciâ redundarūt, nihil est profectò, quod quisquâ sobrius Philippo gratuletur. Testes enim sunt Scriptores Galliæ, istam evocationem transpositionemque Sedis Pontificiæ, quam tu Papæ fugam & protectionem vocas, malorum gravissimum originem fuisse & Ecclesiæ, & Franciæ, utpote *c* *qua valdè fœdaverit antiquam Ecclesiæ faciem.* Nam prater inauditas, inquit eorum quidam, *dispensationes, & SS. Canonum enervationes, perist illud divinum jus: Sacularia secularibus, & Regularia Regularibus; maxime in Galliâ; dum Pontifices hujus transmissionis plus quàm Babylonica (nā observantiam regerem, disciplinā Ecclesiasticam penè totā, jura denique*

E 2

con-

SCIPION DU PLAIX: Ce fut un coup du Ciel, que cette branche de Louis ayant tant de rameaux faillit neantmoins à ans 23. ans 2, res le décès de Philippe Quatriesme.

Apud Scipionē du Plaix ad an. 1302. c. Genebr. li. 4. Chren

hæreticos fuisse confiteris, a se *Christianissimos* existimasse, non, arbitror, diffiteberis.

Nam qui Clodovæo, primo Christiano Francorum Regi, titulum *Christianissimi*, velut prærogativam aliquam præ cæteris vel Regibus, vel non Regibus, à S. Remigio in testamento suo inditum arbitrantur, non satis phrasin Sancti, illaque non satis Christiana Clodovæi gesta ex antiquioribus commemorata, considerant. Quis enim hominem, tantâ furentem in innoxios crudelitate, tanto flagrantem ambitionis æstu, *Christianissimum*, &, quod absurdus est, *Piissimum*, sicut ibidem dicitur, appellaverit, ad aliquam ei prærogativam præ cæteris tribuendam? Sed Sanctus ille de defuncto loquebatur: quos *Christianissimos*, *piissimos*, *sancta recordationis*, sicut eum ibidem vocat, nuncupare soliti sumus, ut spem, quam de omnibus in Christianâ pace defunctis gerimus, illâ Christianitatis, & pietatis, & sanctitatis nomenclaturâ estemur. Argumento est, quod in eodem testamento Jovinum, privatum, hoc est, extra Regiam omnemque supremam dignitatem constitutum hominem; jam vitâ functum, *virum Christianissimum* vocat: *Vbi ipse vir Christianissimus Jovinus equiescit*. quem nemo sani cerebri tituli istius dignitate, in istis circumstantiis, cuiquam Regum relatum esse judicaverit. Fuit enim iste Jovinus quando Romanæ militiæ bis Magister, quemmodum testatur ipse versibus, quos Basilicæ Jovianæ, hoc est, ab se fundatæ, frõispicio præfixit:

*Felix militia sumpsit devota Jovinus*

*Cingula, virtutum culmen provectus in altum,*

*Bisq; datus meritis equitum peditumq; magister.*

E 3

Ita-

Itaque Flodoardus <sup>a</sup> S. Remigium imitatus, non dissimili phrasi appellat Jovinum *Christianissimum Romanæ militiæ magistrum*. A Pipini igitur temporibus, Francorum Regibus per modum solemnibus tituli dari cœpit; non ut hujusmodi tituli splendore, se vel plus *summa potestatis* <sup>b</sup>, quàm cæteros accepisse, vel justam bellandi causam nactos esse censeant, ut tu deliras: sed ut posteris perpetuum esset monumentum, quid ab eis Christianæ fidei *Christianissimi* appellatione deberetur: ne fortè à majorum virtute degenerantes, vim nominis istius abundè se implevisse crederent, si titulo *Christianissimi Regis* gloriantes, medullam ejus, Christi religionem, consiliis, incentivis, fœderibus, barbarorum evocationibus, armis everterent. Quid enim juvat virtutum antiquarum trophæis inflari, quibus majores floruerunt, & novis vitiis eorum gloriam pessumdare? Nisi fortè, ut non divinis vocibus tantum, alienisque testimoniis, quorum vim taciti præterimus, sed nostrâ ipsorum voce damnemur? Et quid tibi, quæso, Arroye, de titulis gloriari? Rebus oportuisset, non majorum, sed prorsus tuis. Verus honor non in splendore titulorum, sed in rebus, in præclaris pro fide facinoribus, in sanorum hominum judiciis reponendus est. Nescis, quò pectus est veritatis inanius, eò ardentius vanitatis umbram sequi? Ea demùm est vera prærogativa dignitatis atque titulorum, non titulos hereditate consequi, sed suâ virtute facere: non prærogativis nominibusque celebrari, sed dignum videri.

C A-

<sup>a</sup> Flodoard. lib. 1. *Hist. Remens.*

<sup>b</sup> Plus souveraine.

## CAPVT XXII.

*Titulus Christianissimus, aliquot seculis antè quàm summi Pontifices eum Regi Gallia concessissent, Hispania Regibus usitatus, æ debitus fuit.*

**Q**Vapropter, cum tu tot paginas tam preposteris & fallacibus quorumdam laudibus impleveris, *a utinam jam sustineres modicum quid insipientia mea, ut & ego modicum quid glorier.* Sustinetis enim, si quis hereticos impiosque Principes, præclarissimos, nemini secundos, incomparabiles, Catholicis æquissimos, gemente licet dispersoque per eum Germaniæ Clero, & squalentibus Catholicorum Ecclesiis, prædicet. Ita scriptis exaratum oculis æquis legitis, vulgatis, spargitis: ne fortè fœdera cum ipsis pacta, *Christianissimi* nomine indigna videantur. Liceat ergo mihi tantillum pro veritate loqui, si pro falsitate tibi tanta licuere. In quo quis audet gloriari, audeo & ego. *Christianissimi* nomen Franciæ Regi antiquæ possessionis jure vindicas *b*, tamquam *Carolo Calvo* in sua coronatione datum, ab *Innocentio*, *Honorioque III.* repetitum, & ante illos à *Mauritio Cæsare* attributum. Si de possessione, antiquitate, firmitateque loqueris, causâ, mi *Arroye*, cecidisti. Sesqui-sæculo, & amplius, antequàm ullus Pontifex Maximus, aut ulla Synodus Ecclesiæ *Carolus Calvum*, vel quemquam Regum præcedentium, *Christianissimum* nuncupasset, Reges Hispaniæ jam possessione ejus occupaverant. Non historici

E 4

cujus-

a 2. Cer. II.

b FOL. 63. Charles le Chauve, en son sacre est appellé Roy Tres-Chrestien en l'an 869. il y a environ 800. ans, les Papes Innocens &amp; Honore III, appellaient les Roys de France Tres-Chrestiens,

cujuspiam obscuri attestatio, non epistolii inscriptio, sed integra Ecclesiæ Concilia plenissimam faciunt fidem. Nam anno quingentesimo nonagesimo octavo, hoc est, centum & quinquaginta annis ante Pipini Regnum, Reccaredus, qui totam Gothorum gentem ad Catholicam fidem exemplo & verbis traxerat, à Concilio Toletano *a*, sub ipso celebrato, vocatur *Christianissimus, & amator Dei, gloriosissimus Dominus*. Et anno sequenti statim in ingressu Concilii Barcinonensis *b* dicitur, *Christianissimus & piissimus Dominus Reccaredus Rex*. Itaque Ioan. Biclarensis Abbas, à S. Ildoro Hispalensi ante mille plus minùs annos commendatus, Reccaredo coætaneus, à quo Gerundensi Episcopatu admotus fuit, in Chronico, quod Reccaredi ætate terminavit, *c* In quâ, inquit, Synodo memoratus Christianissimus Reccaredus, &c. Quam honorificam ejus nomenclaturam à ducentis annis Rodericus Sanctius *d*, Episcopus Palentinus, aliquoties imitatus est. De Sisebuto testantur, qui res Hispaniæ jam ab aliquot annorum centuriis memoriæ mandaverunt, eum à Scriptoribus antiquioribus *Christianissimum* nuncupari solitum. Hic (Sisebutus) *Christianissimus per Historiadores vocatur*, ait Alphonsus *e* Episcopus Burgenfis. Et Rodericus Sanctius *f*, Hic *Christianissimus & Religiosissimus appellatur*. Et à quadringentis annis ante utrumque, Rodericus Toletanus *g* eodem eum nomine appellat. Anno verò 638. Concilium nationale totius Hispaniæ & Galliæ Narbonensis de Chintilano Rege dicit *h*: *Inspiratione*

*a* Conc. Tol. sub Reccaredo. Era 635. *b* Conc. Barcinon. *c* Ioan. Biclaren. in Chron. *d* Rodericus Sanct. in Reccaredo. *e* Alphonsus in Anacephalao. *f* In Sisebuto. *g* Roderic. Toletan. lib. 2. *h* Conc. c. 6. Tel. Era 676. cap. 3.

*ramine summi Dei excellentissimus & Christianissimus Princeps, ardore fidei inflammatus, Regni sui Sacerdotibus pravaricationes & superstitiones eorum eradicare elegit funditus. Et rursus a: Gratias agimus Christianissimo & gloriosissimo Chintilano, Principi nostro, cujus studio advocati, & instantiâ collecti sumus. Et Leo II. b Papa Romanus ad Quiricum Episcopum dicit se destinasse Petrum Notarium ad præcellentissimum atque Christianissimum Regem (Ervigium videlicet) filium suum. Ecce quot annis, imò sæculis, ante Carolum Calvum, Innocentium, & Honorium, à quibus tu nominis istius decus trahis, imò ante Carolum Magnum, & Pipinum, omnemque Rom. Pontif. indulgentiam, etiam tempore Mauricii Cæsaris, Hispaniæ Reges Christianissimi titulo utebantur.*  
*a Cap. 19. b In Epist. ad Quiricum.*

## CAPUT XXIII.

*Vñ tituli Catholicus expenditur: & cur, neglecto Christianissimi titulo, quem obtinuerant Hispani Reges, Catholici dicti sint.*

**C**Ur ergo, inquires, ille titulus succedentium sæculorum lapsu ab Hispanis Regibus præteritus est, si eis antiquæ possessionis usu ac jure debeatur? Causa in promptu est: quòd in Catholicæ Ecclesiæ fide & phrasibus eruditi Principes, nomen *Christiani*, fidelibus impositum esse sciunt, ut fideles Christi à Paganis ac Judæis, hoc est, Christi fidem omninò detrectantibus, non verò à schismaticis atque hæreticis distingueret. Hinc etenim fit, ut, quicumque se Christianum dixerit, hoc ipso quidem neque Paganus, neque



Judæus esse intelligatur; manente tamen ambiguitate, quam sectam Christiani nominis profiteatur. Inde illa phrasis Augustini *a*, quâ Christianorum plures hæreses esse scripsit. Et in Epistolâ 56. Videmus nullum jam errorem se audere extollere, ad congregandas sibi turbas imperitorum, qui non Christiani nominis velamenta conquirat. Inde illud examen, de quo suprâ diximus, ex diversis Augustini locis, quo initiandi rogabantur, Christianus est Cui quæstioni, inquit Augustinus *b*, respondet, Non sum, si Paganus est, aut Judæus, &c. ut ostenderet Christianum hoc nomine à Pagano Judæoque secerni. Hâc ergo doctrinâ instituti Hispaniæ Reges & Antistites, alia nomina quæsiuerunt, quibus propriè à sectis, quas, relicto Arianismo, repudiaverant, hoc est, ab hæreticis capitaliter sibi inuisis, & à schismaticis, unitatis Ecclesiasticæ vastatoribus, disjungerentur. Quare, relicta Christianissimi nuncupatione, cujus possessionem vacuum ultrò Francorum Regibus reliquerunt, Orthodoxi & Catholici appellati sunt; ut Orthodoxi titulus eos distingueret ab hæreticis, Catholici à schismaticis; vel potius ab utrisque. Nullus enim hæreticus orthodoxam fidem tenet, sæpè schismaticus: nullus hæreticus aut schismaticus, Catholicus esse potest. Nam ista nomenclatura Christianum à quocumque schismatico & hæretico evidentissimè certissimeque distinguit. Hinc illud S. Augustini de hæreticis *c*: Tenet me ipsum Catholicæ nomen, quod non sine causa inter tam multas hæreses sic ista Ecclesia sola obtinuit, ut, cum omnes hæretici se Catholicos dici velint, quarenti ta-

men

*a* Lib. de util. cred. cap. 11. *b* Tract. 44, in Joan.

*c* Lib. contra Epist. fund. cap. 4.

*men peregrino alicui, ubi ad Catholicam conveniatur, nullus hereticorum, vel basilicam suam, vel domum audeat ostendere. Et ante Augustinum, S. Pacianus Barcinonensis, hoc est Hispaniæ, Præsul a: Ego fortè ingressus populosam urbem hodie, cum Marcionitas, cum Apellecianos, Cataphrygas, Novatianos, & ceteros hujusmodi comperissem, qui se Christianos vocarent, quo cognomine congregationem mea plebis agnoscerem, nisi Catholica diceretur? Quid clarius, quàm Ecclesiam Catholica nomine ab omnibus hæreticorum conciliabulis discerni, à quibus tamen nomine Christiane nullâ ratione discernitur.*

*Jam vide, qui non tantum ab hæreticis, sed etiam à schismaticis, hoc est, ab omnibus pestibus fidei, unitatiq; inimicis, eâdem appellatione separaretur. Velint nolintve, ait Augustinus b, ipsi quoque hæretici, & schismatici alumni, quando non cum suis, sed cum extraneis loquuntur, Catholicam nihil aliud quàm Catholicam vocant. Non enim possunt intelligi, nisi hoc eam nomine discernant, quo ab universo orbe nuncupatur. Et idem ille sanctus Pacianus, cum docuisset, ingruentibus post Apostolos hæresibus, quæ Ecclesiam in partes lacerabant, opus fuisse proprio nomine, quod incorrupti populi distingueret unitatem, nullâ scilicet hæresi vel schismate divulsam, statim subjicit c: Ne astues, frater, Christianus mihi nomen, Catholicus verò cognomen. Illud me nuncupat, hoc ostendit: hoc prodor, inde significor. Et sanctus Cyrillus Hierosolymitanus Antistes d: Μηδὲ ἐξέταξέ, πῦ ἐστὶν ἀπλῶς ἐκκλησία, ἀλλὰ, πῶς*

E. 6

ἐστὶν

a. Pacian, epist. 1. ad Sympron.

b. Lib. de Vera relig. cap. 7.

c. Pacianus epist. 1. ad Sympron.

d. Cyrill. Hierosol. catech. 18.

ἐστὶν καθολικὴ Ἐκκλησία. Τοῦτο γὰρ ἰδικὸν ὄνομα τυγχάνει τῆς ἀγίας παύτης, καὶ μητρὸς ἡμῶν πάντων. *Ne petas, ubi sit Ecclesia, sed ubi Catholica Ecclesia. hoc enim nomen proprium est hujus sancta Ecclesia, matris omnium nostrum.* Catholicum enim proprie est nomen unitatis, atque communionis cum Ecclesia totius orbis, repugnans ex diametro scissioni unitatis Ecclesiasticæ, sive per hæresin, sive per schisma divellatur. Ex quo nascitur, ut Catholicus hoc ipso, quo Catholicus, utrâque & schismatis & hæresis labe careat: quorum utrovis tota Catholici nominis ratio prorsus perit. *Nec hæreticus, inquit Augustinus a, pertinet ad Ecclesiam Catholicam, que diligit Deum; nec schismaticus, quoniam diligit proximum,* de quo non est jam pluribus dicendi locus.

Cum hæc igitur, juxta antiquorum doctrinam, certa sint, ut nomen, *Catholicum*, rationem Christiani vagam, hæreticis schismaticisque communem, includat, contrahat, & à capitalibus Christianismi vitiis, hæresi atque schismate, discriminet, Hispaniarum Reges, ut Christianæ suæ fidei sinceritatem, unitatisque Ecclesiasticæ dilectionem propriissimè potentissimeque testarentur, præclarissimo isto & propriissimo cognomine ipsius Ecclesiæ Dei, *Catholicos* se nuncuparunt, & à Præsulibus, Pontificibus, Ecclesiæque Comitibus appellati sunt. Quam nominis Catholici præ Christiano præcellentiam ut Augustinus designaret, plerumque quando non quolibet modo Christianum, cujusmodi & hæreticus esse potest, sed Orthodoxum, unitatisque sociatum Ecclesiasticæ vult exprimere, *b. Christianum Catholicum* vocat: *quarum (hæresin) aliquam qui tenuerit,*  
Chri-

*Christianus Catholicus non erit.* Et præclarissimè Collationis Carthagenensis Patres, quorum Augustinus choragus fuit *a*: *Astorum Christianorum Catholicorum hæc vox est*: Nos universo orbi Christiano communionē coheremus. Nimirum, quia non sufficit esse Christianum, nisi sit in Christianæ fidei professione, in ipsa quæ Ecclesiastica unitate, sine hæresis, sine schismatis labe, Catholicus. Unde proficiscitur, ut, si Francorum Regum aliquis in hæresin laberetur, quemadmodum duos lapsos esse dicis, vel etiam in schismata, sine scrupulo se Christianissimos appellarent, Catholicos nullo modo. Τοῦτο γὰρ, ut Cyrillus dixit *b*, ἰδιὸν ὄνομα, τυγχάνει τ᾽ ἀγίας ταύτης, καὶ πάντες ὁ ἡμῶν ἀπάρτων. Hoc enim nomen proprium est hujus sanctæ Ecclesiæ, matris omnium nostrum. Ecce tibi causam, Atrope, cur Hispaniarum Reges, cū Christianissimi titulo ab ipsis fidei suæ exordiis insignirentur, glorioso Orthodoxi, maxime quæ Catholici cognomine delectati ac designati sint. Ex quo perspicuum est, quàm imperitè dicas, Catholici nomen, non virtutis esse, sed amplitudinis vocabulum. Complectitur enim duplicem illam virtutem excellentem Christiani hominis, Orthodoxam Christi fidem, & gluten unitatis, hoc est, fidem, unitatis quæ charitatem: quarum alterutrâ qui caruerit, nã ille non Catholicus, sed Christiani hominis umbra, fumus, nihil est, quantumvis Christianissimus sub hæresi vel schismate appelletur. Quamquam casu rebus ipsis congruentissimo, vel potius magno arcano quæ Dei consilio contigerit, ut illud ipsum, quod invidiosè carpis, Amplitudinis vocabulum, quo Ecclesiæ Dei vivi propriè Catholica

E 7

cogno-

*a* In Collat. Carth. 3. diæi num. 100. *b* Cyrill. sup.

TIO DE JUSTITIA ARMORVM  
 cognominatur, solis istis Regibus communica-  
 tum sit. Nulla quippe ab orbe cōdito Monarchia,  
 ut fufius paulò pōst dicturi sumus, potentiùs con-  
 stantiùsque laboravit, ut Ecclesia gloriosissimæ  
 istius nomenclaturæ effectū, hoc est, ipsā sui ipsius  
 per totum orbem diffusionē potiretur, quàm ea,  
 cujus isti Reges habenas tractant. Quid mirigitur  
 Sponsa Dei solos istos Reges gloriosi sui cogno-  
 minis participes afficeret, quorum fidelitate atque  
 strenuitate se vim nominis istius reipsā per uni-  
 versum orbem implevisse, & quotidie implere  
 gratulatur?

#### C A P V T XXIV.

*Antiquitas tituli Catholicus, quatenus Hispania-  
 rum Regibus tribuitur. Aliqua de titulo Or-  
 thodoxus.*

QVòd verò *Catholici* cognomen à centum cir-  
 citer annis Hispaniæ Regibus adhæsisse ca-  
 villaris a, prodit hominis supini imperitiam atque  
 temeritatem. Nam, ut præteream Ferdinandum  
 Magnum, qui ante centum & triginta circiter an-  
 nos à Romano Pontifice; & prædecessorem ejus  
 in Aragoniæ Regno Petrum, qui ante quadrin-  
 gentos annos ab Innocentio III. *Catholici* cog-  
 nomen honorati sunt; jam ante octingentos  
 annos Alphonfus b primus, statim ab irruptione  
 Saracenorum, scriptorum omnium attestatiōe,  
 glorioso *Catholici* nomine illustris fuit. Post quem  
 & cæteris Hispaniarum Regibus vulgò tributum  
 esse, exemplis Ordonii primi, Sanctii Crassi, Al-  
 phonfi

a. POL. 44. Les Roys Catholiques sont appellez ainsi depuis environ  
 cent ans.

b. Vaz. au, Roderic. Arch. Tolet. Linc. Tudens. &c.

ionfi sexti, Alphonfi octavi, Joannis primi, & aliorum; recentiores & plerique probant. Et antequam istud infidelium, Reccaredo Regi, annongentos & quinquaginta annos, ab universis Episcopis Hispaniæ in Concilio tertio Toletano, acclamatum est b: *Cui à Deo æternum meritum, si vero Catholico Reccaredo Regi?* Et quia Catholicus, ut diximus, sine Orthodoxâ seu Catholicâ le esse non potest; usque adeò, ut Orthodoxus

Catholicus pro iisdem sæpè usurpari soleant; nec est, quòd communissimâ appellatione Res Hispaniæ jam à nongentis & quinquaginta nis titulo proprio *Orthodoxi* vocabantur: quo nil aliud Ecclesiæ Patres quàm Catholicos designare voluerunt. Nam anno Domini 693. Concilium Toletanum XVI. sic inchoatur e: *Dum no sexto Inclyti & Orthodoxi Dom. Principis nostri Egicani.* Et postea Concilii Patres laudant eum, quòd *Orthodoxi Principis (cor) intimo se sui amoris reddiderit fervidum.* Et anno 691. Concilium Cæsaraugustanum III. d. inscribit conventum suum, *anno quarto Orthodoxi & Serenissimi Domini nostri, Egicani Regis.* Et in fine Concilii: *Orthodoxo & Serenissimo Domino nostro Ispanico Regi multiplices gratiarum actiones persolvimus.* Et anno Dom. 688. Concilium Toletanum V. sic exorditur e: *In nomine Dom. IESU Christi ipit Synodus Toletana XV. sexaginta unius Episcoporum, acta anno primo Serenissimi & Orthodoxi Egicani Principis.* Et anno sexcentesimo quinquagesimo

videndi Illescas, Reuterus, Ambros. Moral. Zurita.  
Concil. Tolet. 3. Æra 627. hoc est, anno Christi 589.  
Concil. Tolet. 16. Æra 731.  
Concil. Cæsaraug. 3. Æra 729.  
Concil. Tolet. 15. Æra 726.

quagesimo tertio Concilium Toletanum VIII. sic auspicatur acta sua *a*: Anno quinto Orthodoxi, atque gloriosi, & verè clementia dignitate præcipui Recesuindi Regis. Et anno sexcentesimo trigesimo octavo in Concilio VI. Toletano Antistites congregati dicunt *b*: *Convenientibus nobis Hispaniarum Galliciaque Pontificibus summis; Orthodoxi, & gloriosi Chintilani Regis salutaribus hortamentis, &c.* Et in ipsis primordiis susceptæ Catholicæ fidei sub Reccaredo Rege, anno quingentesimo octogesimo nono, Concilium III. Toletanum totius Hispaniæ acclamat Regi suo *c*: *Cui præsens gloria, & aterna, nisi verè Orthodoxo Reccaredo Regi? Quibus acclamationibus & inscriptionibus Conciliorum nil aliud indicatum volebant Orthodoxi nomine, quàm id, quod alio vocabulo Catholicum dicimus, ut perspicuum est ex Concilio VIII. Toletano, quod de Recesuindi fide loquens, Ob hoc, inquit d, sui Regni apicem à Deo solidari præoptat, si Catholica fidei pereuntium turmas acquirat, indignum reputans Orthodoxa fidei Principem sacrilegis imperare, & infidelium societate pollui. Ubi Catholicam & Orthodoxam fidem, eandem omninò duobus vocabulis indigerat. Et Hieronymus in Dialogo contra Luciferianos, qui schismate ab Ecclesia discesserant; Orthodoxum disputatorem, tamquam Catholicum, Luciferiano opponit.*

*a*. Conc. Tolet. 8. *Era* 691. *b* Concil. Tolet. 6. *Era* 676.

*c*. Conc. Tolet. 3. *Era* 627. *d* Concil. Tolet. 8. c. 12.

## CAPUT XXV.

*Perfringuntur breviter Hispaniarum antiquorum gesta, quibus Catholici, Orthodoxi, Christianissimi, nuncupari meruerunt.*

**N**Ec inani dumtaxat affectione titulorum Hispaniarum Reges se *Christianissimos*, *Orthodoxos*, *Catholicos*, sed rebus ipsis luculentè probare. Cum enim Deo per horribilem Saracenorum irruptionem Gothorum peccata flagellare placuisset, difficile dictu est, quid primùm in illius cladis reliquiis admirare; an fidem immobilem, quâ, totâ jam Hispaniâ per Saracenos occupatâ, primi religionis vindices se sublevare posse crediderunt; an spem infractam, quâ non desperaverunt; an fortitudinem incredibilem, quâ per octo sæcula Barbaros, Christianæ fidei pestes, reputerunt, attriverunt, extinxerunt? Quoties *a* quadraginta, *b* quinquaginta, *c* septuaginta, *d* octoginta, *e* ducenta, *f* quadringenta, & amplius, millia infidelium, Reges Hispaniæ uno prælio cecidere? Quoties neque *g* numerus cadaverum prostratorum iniri præ multitudine immensa potuit? Quoties, undarum loco, hostilem sanguinẽ *h* flumina cruentata volverunt? Decem millia magnatum Saracenorum unum prælium cæsos vidit. Cantet Gallia Regum suorum adversus infideles præclara facinora: non succensemus eorum virtuti, sed libenter

*a* Petrus 1. Rex Arag. *b* Froila, Alphonfi Catholici filius.

*c* Alphonfus Castus, & Ramirus primus *d* Ramirus 2.

*e* Alphonfus 9. in prælio de las Navas de Tolosa.

*f* Alphonfus 11. alii ducenta, alii quadringenta, quinquaginta millia. *g* Ordon. 1. & 2. itemque Alphonfus 9. juxta

Luc. Tudenf. *h* Sub Sanctio 5, Rege Lusitaniz.



benter applaudimus. At duodecim citra hyperbo-  
len, & plures, Hispania dabit, qui rerum adversus  
infideles gestarum magnitudine, Saracenorum,  
nunc uno, nunc diversis præliis occisorum, multi-  
tudine, copiarum confligentium imparitate,  
æquent aut superent. Quot illic Reges a sangui-  
ne suo contra Mauros fuso sua delicta deleverunt,  
animas profuderunt, cadaveribus suis iter infide-  
libus obstruxerunt! Non est provincia, quaquâ  
patet Hispania à Pyrenæis montibus usque Ocea-  
num, quam non infesto Marte subegerint Chri-  
sto; non oppidum, quod non hostibus crucis ex-  
torserint; non fossa civitatis, quam non corpo-  
ribus suis impleverint; non mœnia, quæ non  
cruentaverint; non passus penè terræ, quem non  
Christianæ fidei sanguine suo redemerint *b*. Quàm  
crebrò desperatis rebus quasi ad certam carnifici-  
nam obtulerunt se, lacrymisque in cælum cla-  
mantibus auxilium impetrarunt! Omnia gentis  
illius insignia, quibus domi militiæque clari sunt,  
nil nisi facinora contra Saracenos, hoc est, hostes  
fidei, perpetrata, testantur. Quid enim leo ru-  
beus Legionis, castrum in campo rubente Castel-  
lanum, nisi sanguinem Saracenicum à Pelagio  
Alphonsoque nono fusum profitentur? Quid Ca-  
tenæ Navarræ, nisi ruptas à Sanctio Forti Mauro-  
rum catenas? Quid quinque scuta Lusitanica, ni-  
si quinque Reges Agarenicos, ab Alphonso pri-  
mo inauditâ strage superatos? Quid quatuor Mau-  
rorum capita antiquitus Aragoniis, nisi tot Reges  
uno prælio cæsos clamant? Crux in arbore priscis  
Su-

*a* Alphonf. 5. apud Vazzum. Alphonfus 7. apud Phragam.  
Garfias Ennicus Rex Aragoniæ. Sanctius pater Petri, apud  
Oscam. Sebastian. Rex Lusit.

*b* Pelagius, Ramirus Primus, Alphonfus I. Rex Lusit.

Suprarbrensis, flammea primis Aragoniis, cærulea Lusitanis, querneæ Pelagii & successorum ejus, quæ *Crux Hispania* dicta in Overensi Ecclesia etiamnum cerni dicitur, quid nisi auxilia cœlitus itæ præliis impetrata protestantur? Quid denique cruentæ cruces in chlamydibus, sanguineus ensis in pectoribus, nisi decora illa prisca majorum à Saracenis reportata, & pectora neci devota pro gloria Crucis probant? Parum abest, quin exclamem, O felix culpa Roderici, quæ tales meruit habere expiatores! Uno infelix natio, quod tot Achilles, tot facinora priscis Romanis invidenda, multorum sæculorum lapsu Homeris caruere, quorum voce nobilius in totius orbis theatro, ad veritatis testimonium majoribus virtutisque documentum posteris, resonarent. Sed quemadmodum olim ille de Romanis dixit *a*; *Optimus quisque facere, quàm dicere sua; ab aliis benefacta laudari, quàm ipse aliorum narrare malebat.* Barbaries etiam illa Saracenica, contra quam tot sæculis luctati sunt, quemadmodum eorum virtutis campum præbuit patentissimum, ita, extinctâ passim Græcâ Romanâque litteraturâ, posteritati invidens, præclarorum facinorum monumenta atque ornamenta subtraxit. Paucula dumtaxat in brevibus Chronicis vestigia rerum, in ipsisque Regum cognominibus, quasi extrema facinorum capita, vastarumque quasi ædium fundamenta remansere: ex quibus conjicias, quanta eis substructionum moles incubuerit. Cum enim in longa Regum serie vix unus aut alter plerumque præ cæteris caput efferat, qui præclaro virtutis aliqujus epitheto celebretur; quis non miretur, in hac una Iberica natione, plerosque Reges, in quam-

a. *Salust.* cumque

cumque te Hispaniæ plagam verteris, fortitudinis bellicæ, aut civilis; humanæ, Christianæve virtutis nomine fuisse celebratos? Testes sunt tot illustria Regum cognomina, quasi totidem trophæa, quibus eorū virtūs æternitati consecrata est. Hinc enim à religiosa in Deum pietate alius *a Amator Religionum*, alius peculiariter *b Catholicus*, alius *c Christianissimus* dicebatur; alius à civili virtute *d Sapiens*, *e Bona memoria*, *f Castus*, *g Munificus*, *h Iustus*, *i Desideratus*, *k Benignus*, *l Honestus*, *m Pater pauperum*, *Defensor viduarum*, *Tutor pupillorum*, *Iustus Iudex omnium*; alius à bellica fortitudine, præclarisve facinoribus contra Saracenos perpetratis, *n Bellator*, *o Imperator*, *p Expugnator*, *q Magnanimus*, *r Nobilis*, *s Fortis*, *t Africanus*, *u Magnus*, *x Verè magnus*, *y Maximus* & *Fortissimus*. ut non Regis virtutibus fulsisse, sed de palma quasi inter se contendisse videantur. Hinc alii adversus infideles in *z Mauritaniam*, alii in *aa Africam*, alii in *bb Palæstinam* trajecerunt, ut Crucis gloria in media infidelitatis nocte rutilaret.

CA

*a* Sanctius 3. *b* Petrus 2. Rex Arag. *c* Ramirus 1. Arag. *d* Alphons. 10. & Alphons. 5. Aragon. *e* Ioannes 1. Rex Lusit. *f* Alphonsus 2. & Alphonsus 2. Arag. *g* Alphonsus 3. Arag. *h* Iacobus 2. Arag. *i* Sanctius 3. *k* Alph. 4. Arag. *l* Ferdinand. 1. Arag. *m* Sanctius 3. *n* Alphons. 1. Arag. *o* Alphons. 8. & Sanctius 3. Arag. *p* Iacobus 1. Arag. *q* Alphons. 5. Arag. *r* Alphonsus 9. & Carolus Rex Navarra. *s* Sanctius Rex Navarra. *t* Alphons. 5. Rex Lusitan. *u* Alphonsus 3. Ferdinandus 4. Petrus 3. Aragon. *x* Ioannes 2. Arag. *y* Carolus 5. Imp. *z* Sebastianus Lusit. *aa* Theobaldus 7. Navarra. *bb* Theobaldus.

## CAPUT XXVI.

*Gesta Hispanorum Regum recentiora pro fide Christi  
inter Paganos propaganda.*

**S**ed quia proverbium incarnatæ Veritatis falsum esse non potest *a*, *Qui fidelis est in minimo, & in majori fidelis est*; par tantis animis ac virtuti stadium parabatur. Cum enim gentem Ibericam Deus, & Reges ejus tantæ fidelitatis probavisset, ut, quidquid majorum quorūdam flagitia posteris ademerāt, locupletato fœnore refarcirēt, pulsus deletisq; omnibus, à quibus pulsī, tantumq; non deleti fuerant, æquissimam exploratæ virtuti mercedem dedit. De Christi imperio jam pridem Psaltes Regius cecinerat *b*: *Dominabitur à mari usq; ad mare, & à flumine usque ad terminos orbis terrarum*. Jam quindecim sæculis expectabatur, ut impleretur id quod Isaias vaticinatus erat *c*: *Ecce isti de longè veniēt, & ecce illi ab Aquilone, & mari, & isti de terra Australi*. ubi textus originalis sonat, אֲרָץ סִינִי de terra Sinim. Aquilo jam crediderat; sed saturatus, & impinguatus de veritate nauseabat. Restabat mare, quo nomine Scripturæ Occidentem notant. *Terra Sinim*, hoc est, Chinarum, Indiaque decrat: de quibus in eodem loco sponsæ suæ, Ecclesiæ suæ, interpositâ jurisjurandi firmitate, promiserat *d*: *Vivo ego, dicit Dominus, quia omnibus his velut ornamento vestieris, & circumdabis tibi eos quasi sponsa*. Sed qui, quâ ratione mirabili fiet, ut res tanta, tam expectata compleatur? *e* *Ecce levabo ad gentes manum meam, & ad populos exaltabo signum meum, & afferent filios tuos in ulnis, & filias tuas super humeros portabunt.*

*a* Luce 16. *b* Psal. 71. *c* Isaiæ 49. *d* Ibid. *e* Ibid.

*bunt.* Hæc signum, hanc, inquam, Crucem fili in dexteris illis fixit, quæ illam octingentorum annorum laboribus, sudoribus, sanguine, Saracenorum manibus extorserant, & innumeris victoribus rutilantem in altissimâ Europæ speculâ constituerant; ut ad longinquas illas barbarasque nationes, gloriam ejus pari constantiâ circumferrent. Nec expectationem Domini probata toties Regum istorum virtus ac fortitudo delusit. Quantâ enim Dominici signi gloriâ, quanto Religionis incremento, quantâ animarum ad Ecclesiam properantium vindemiâ, terram Sinim, Orientis & Occidentis Indias, extremos denique abstrusosque mundi recessus, vexillum Crucis Hispania manibus gestatum circumvolitet, nemo potest nisi gloriæ Regum istorum amulus distituti. Ipsa Ecclesia, rei inexpectatæ magnitudine quasi attonita, & præ lætitia tamquam impos sui, in eodem loco & sibi, & salutis tantæ auctoribus ita gratulatur *a*: *Quis genuit mihi istos? Ego sterilis, & non pariens, transmigrata, & captiva: & istos quis enutrivit? Ego destituta, & sola: & isti ubi erant? Quanto affectu quærit, quanto stupore miratur! Ego jam in Europa sterilis, & non pariens: ego, hæreticis pleraque occupantibus, partim transmigrata, partim captiva: ego, Regibus Christianis me deferentibus, imò oppugnantibus, destituta & sola; quis genuit istos? quis enutrivit istos? ubi erant isti? quos quindecim sæculis quæsieram, nec eorum vel famam audiveram, ubi erant isti? quis genuit? quis enutrivit? Nempe Hispaniarum Regibus provincia illa, laus illa solis debebatur: qui Crucis gloriam altius extulere, qui Domini sui imperium latius*

*a Ibid.*

diffundere, qui Ecclesiæ pomeria longius protulere, quàm quidquid simul Regum & Imperatorum à Constantini Magni temporibus in hunc usque diem fuit. Nolite putare, me affectibus erga Deum, vel homines perturbatum, extra metas rapi, vel hyperboles beneficio rei ipsius magnitudinem velle superare. *a. Veritatis & sobrietatis verba loquor.* Nec enim Italia, aut Gallia, aut Anglia, aut magna pars Germaniæ, cuiusquam Regis armis debet, quòd fidem veritatis acceperit, extinctamve ab infidelibus recuperaverit. Pleræque plagarum istarum Christianæ Reges suos fecere Christianos, non ab illis factæ sunt: aliæ traditam Regibus fidem, illis veritatem repudiantibus, aut indirectè oppugnantibus, iterum perdiderunt. Denique quidquid ab aliis Regibus Ecclesiæ finibus adjectum est, Europæ terminis ita comprehenditur, ut vix extremos Asiæ limites radat. Hi verò præclarissimam Europæ partem Deo suâ constantiâ reddiderunt; Africæ Asiæque diffluentem undique vestem veluti limbo quodam, Monasteriis, Ecclesiis, Christi que Cruce variegato, cinxerunt; insulas remotissimas Dei laudibus impleverunt; partem Americæ, totâ Europâ vastiorem, Ecclesiæ imperio adiecerunt; Christi gloriam orbis terrarum limitibus terminarunt. Hoc verò, Arroye, est esse Christianissimum, *non verbo, neque lingua, sed opere & veritate b.*

Sed hîc occlamant, dominationis magnitudinem, non fidem Catholicam, Hispanos quærere. Quibus vicissim ego: Si facerent, pares essent Pipino, aliisque non paucis Galliæ Regibus, qui propter privata sua, aut publica Regni commoda,

da, Sedem Apostolicam coluerunt. Quid enim? An maiorem hîc intentionis puritatem à Regibus Hispaniarum exigere volunt, quàm à suis, quos inter præstantiores ponunt; quàm à Religiosis ipsis & Ecclesiasticis passim præstari vident, qui dextrum oculum in cælum, sinistrum in terram & temporalia commoda defixum gerunt? Nam quamquam satius, & rectius, & divinius esset, utroque oculo cælum aspicere, verumtamen ut possumus, quando non ut volumus. Et, ut hodie rerum cælestium frigus aut neglectus est, multum promovisse nos arbitramur, si, non dico à Regibus, sed à vulgo mortalium impetraverimus, ut temporalium saltem utilitatum blandimento allecti, ad res spiritus divinasque se sublevare sinant. Mirum interim, Hispanorum Regum ambitionem, quam accusant, ita æquitatis ac Dei legibus esse temperatam, ut non se exserat, nisi cum fidei dilatactione conjuncta sit. Magnum profectò frenum esse necessarium est, cujus metas iste dominationis impetus ita vereatur. Utinam & Gallicam istis pietatis cancellis coërceret Deus! Utrum enim, quæso te, Reipublicæ Christianæ utilius, fidem Catholicam, aliquo temporalium emolumentorum impulsu, per Ortum & Occasum sparsum ire, an vano (sic plerique sapientes existimant) unius Gallici Regni metu, sparsam jam à temporibus Apostolorum in utraque Germania, per suppetias hæreticorum, extinguere?

## CAPV T. XXVII.

*Gesta pro fide Catholicâ contra hæreses tuendâ, quibus titulus Christianissimus, & Catholicus, debetur.*

**E**T hæc quidem adversus eos, qui Christum execrantur, Saracenos, & pro illis, qui cum hætenus ignoraverunt, Paganis, per Hispaniarum Reges perpetrata sunt. Quòd si bella Christiana cum hæreticis gesta delibavero, quis Regum, ut isti, publicæ veritatis luce factis attestante, gloriari potest? Cùm Hispania penè ducentis annis sub Arianorum impietate genuisset, simulatque Gothicam gentem Catholicæ radio fidei perfudisset Deus, Reges ejus, ipsâ coronationis & unctionis die *a*, Catholicam fidem ante altare profitebantur: deinde sacramento devovebant caput suum, se non permissuros, ut ab infidelibus illa violaretur. Nam in Concilio Toletano VI. *b*, sub Chintillano, à nongentis & nonaginta sex annis celebrato, sancitur, ut, antequàm Regiam cõscendat sedem, inter reliqua conditionum sacramenta polliceatur, *hanc se Catholicam non permissurum eos violare fidem*. Et si ipse, inquit Concilium, temerator hujus extiterit promissi, sit anathema. Hinc tantus erat primorũ Regum zelus, ut Chintillanus jam tum, testibus istius Synodi Patribus *c*, non sinneret degere in Regno suo eum, qui non esset Catholicus. Et quindecim annis pòst, de Recesuindo Rege Concilium Toletanum VIII. testatur, quòd *d* ob hæc sui Regni apicem à Deo solidari præoptaret, si Catholica fidei peremptum turmas acquireret, indignum repu-

F

tans

*a* Chron. Juliani, & Roderic. Tolet. lib. 3. cap. 1. *b* Concil. Tolet. 6. cap. 3. *c* Ibid. c. 3. *d* Concil. Tolet. 8. cap. 11.



*tans Catholica fidei Principem sacrilegis imperare.* Quod hunc usque diem Hispaniarum Reges in universis ditionibus suis, in Europa, Asia, Africa, America, imitantur, ubi nullus publicus alterius religionis, quàm unius Dei in Catholica fide cultus floret. Et multis annis ante Reccaredum, & Chintillanum, statim in ipsa Gothorum conversione, Reccaredus *a neminem in regno suo* ne quidem militare permisit, qui regno Dei per hæresin hostis existeret. Quo ardenti Catholicæ fidei zelo hoc effectum est, ut, cum ante Reccaredum vehementissimè ad usque carceres, & capitis supplicia in Catholicos Ariana secta sæviret; post paucos annos, quod admiratione dignum est, sub Cindasuindo *b* Rege, nullus in Hispaniâ infidelis reperiretur.

Hanc fidei sinceritatem, post illatam Hispaniæ à Saracenis cladem, tantâ posterì æmulatione servarunt, ut ex gravium Scriptorum *c* testimonio, ab acceptâ primùm per Gothos Catholicâ fide, in hunc usque diem, nulla hæresis apud Hispanos publicè recepta fuerit.

Quid, quòd in hac horrendâ diversarum hæresium irruptione, quibus scelera Christianorum hoc præterito præsentique sæculo flagellata sunt, sola & omnia Regna, quæ Hispaniarum Regi parèt, ab illis pestibus integra perstiterint, Castella, Aragonia, Lusitania, Navarra, Sicilia, Neapolis, Baleares, India, Orbis novus? Omnia cætera Europæ Regna, in Oriente Polonia, Hungaria; in Occidente Anglia, Scotia; in Septemtrione Suecia, Norvvegia, Dania; in Austro Francia, Na-

varra-

*a Francii Taraphs. b Roderic. Tolet. lib. 2. cap. 21.*

*c Roderic. Sanctius p. 2. c. 2. Alphons. à Carth. in Anaceph. c. 27  
Ioan. Vazani, Lambertini. &c.*

varraque Gallicana; in omnium meditullio Romanum Imperium, ac Bohemia, sectariorum erroribus dederint manus. Quid verò mirabilius, quàm quòd in ipsa Hispania, tot monarchiis olim distracta ( id quod inter Patriarchales Cathedras sola Romana Sedes meritò gloriatur) nullus unus in omnibus omninò Regnis Rex inventus fuerit, à primo Catholico Rege Reccaredo usque ad Philippum IV. qui ab avita Christiana, Orthodoxa, Catholica fide deviaverit? Quamvis enim hæreticorum ope non-nemo in thronum evectus, eis pristinam libertatem revocandam, aut indulgendam, quemadmodum nuper Henricus IV. Francorum Rex, præposterâ gratitudine cogitaverit, morum ille, non fidei error aut labes fuit. Navarræ tamen Gallicanæ Reges hîc excipio, qui statim à Regni laceratione, istâ cælesti benedictione caruerunt. Prodigii profectò loco non injuriâ hoc censuero, nisi tot sæculorum decursu compertum esse scirem, quemadmodum in insulæ Galatæ & terra scorpiones, & in Baleari serpentes, ita in Hispaniarum solo hæreses mori; &, ut manus Francorum Regum strumis, ita majori miraculo, Regum Iberorum oculos fidei pestibus esse fatales. Hoc probat illa quodammòdò naturalis eorum cum sectariorum erroribus antipathia, quâ fidem Christi, ubicumque & quantumcumque per improbam perduellium pervicaciam licet, amissam revocant, collapsam integrant, stantem sartam rectam omnium thesaurorum suorum profusione conservant. Quis enim, nisi invidus vel rerum prorsus imperitus, neget, quidquid synceræ Religionis in Belgio, à pecuniis, fœderibus, militibus, armis Francorum & Batavorum intactum

permanet, id Hispani Regis fidelitate defensum esse? Quidquid fidei Christianæ in Germaniâ, Francorum hæreticorumque fœdera, consilia, arma reliquere; hoc Catholici Regis armis, militibus, sumptibus, Rempublicam debere Christianam? Non res in angulo, aut ultimâ Thule gestas loquor: totius, præter æmulos, Europæ theatrum annuit applauditque veritati. Propter hanc fidei defensionem sævit invidia; hinc rumpuntur ilia Codri; hinc impatiens jugi rebellio, & hæresis libertatis avida mordet frenum; hinc patrimonia Regia, hinc gentilitiæ familiæ decus periclitantur; cui nihil antiquius, quàm Christianam subditorum suorum salutem omni temporali Regnorum suorum tranquillitate, splendore, opibus, thesauris, habere potiozem. Nam quidquid Asia & Africa transmittit opulentia, quidquid opum visceribus Indiarum eruitur, quidquid omnium Regnorum census usitatus, & inusitata subditorum liberalitas fundit, hoc totum fidei Catholicæ propagandæ tuendæque dedicatur. Nimirum ut Regnorum omnium Regis Hispani opulentia, vires ac salus illius honori militent, qui Regibus summâ potestate dominatur; & quâdam Christianæ pietatis reciprocatione, cuncta in fontem refluant, unde cuncta prodierunt. Hoc verò est, Arroye, iterum dico, hoc est, inquam, esse Christianissimum, non apicum titulorumque suffragiis, sed rerum ipsarum testimoniis; *non verbo, neque linguâ, sed opere & veritate.*

a 1. Ioan. 3.

## CAPUT XXVIII.

*Titulus Gloriosissimus, & Religiosissimus, antiquâ possessione, & novo jure est Regum Hispania.*

**Q**Uæ cum ita sint, nihil justius quisquam paulò æquior judex, nihilque rebus gestis congruentius arbitrabitur, quam si Reges Hispaniarum duos illos titulos, *Gloriosissimus & Religiosissimus*, antiquissimæ certissimæq; possessionis jure postliminiò sibi vindicarent. Est enim compertæ veritatis, utrumque titulum fuisse priscis Gothis familiarissimum: quorum alterum quidem spectata pietas post susceptam fidem, alterum rerum gestarum magnitudo peperisset. Utriusque usus in monumentis antiquis ad Saracenicam usque vastationem testatissimus est. Nam statim in Concilio III. Toletano, ubi hæresis Ariana à Reccaredo Rege, totâque Gothicâ natione abjurata est, sic Antistites præfantur *a*: *Cum pro fidei sue sinceritate idem Gloriosissimus Princeps omnes Pontifices in unum venire mandasset.* Et in sermone, quem Catholicus Antistes ad Gothicam nationem ibidem habuit *b*: *Officii nostri curâ de fidelissimi ac Gloriosissimi Principis admonitione compellimur.* Ipsum quoque Concilium tertium inscribitur sub *Gloriosissimo Reccaredo* Rege celebratum: quæ honoris nomenclatura facilè sexies aut octies in eadem Synodo repetitur. Et sanctus Gregorius, Romanus Pontifex, ad S. Leandrum, Episcopum Hispalensem *c*: *Explere nullatenus valeo gaudium meum, quòd communem filium Reccaredum Gloriosissimum Regem, ad Catholicam fidem integerrimâ*

F 3

agno-

*a* Concil. 3. Tolet. *b* Ibid. *c* Gregor. lib. 1. epist. 41.

*Suam Majestatem* dicimus, tunc Reges Gothorum, *Sua Gloria*, vocarentur. de quo non pauca apud antiquos exstant testimonia; ut in *a* Synodo Toletana decima tertia sæpissimè, itemque duodecima, & aliis locis plurimis: usque adeò, ut singuli penè tituli vel subscriptiones Legum VVisigothicarum, quarum Codicem *b* Pithæus edidit, isto elogio consignatæ sint.

Alter honorificentie titulus erat, *Religiosissimus*; nota pietatis antiquorum Regum, ad tuendam Catholicam fidem. Qui quidem ante cladem Saracenicam Regibus tanto consensu attributus fuit, ut non minùs, quàm alter ille, *Gloriosissimus*, hereditarius fuisse videatur. Nam Concilium Toletanum XVII. sic inscribitur *c* *Decurrente Imperii anno Religiosissimi ac Serenissimi Domini nostri Egicani Regis septimo*. Et in gratiarum actione Antistitem, qui confluxerant *d*: *Orantes*, ut *Orthodoxo & Religiosissimo Principi nostro Egicano longevitatem largiatur*. Quæ nuncupatio Egicani Regis aliquoties in Concilio Toletano decimo sexto iteratur. Et ante Egicanum, Ervigius vocatur à Concilio Toletano XIII. *e* *Religiosissimus Princeps*, *divino igne succensus*. Et circa finem Antistites dicunt *f*: *Inviectissimo quoque atque Religiosissimo Principi Ervigio Regi multiplicem gratiarum exhibitionem persolvimus*. Et ante Ervigium Concilium Toletanum X. inscribitur habitum *g* *anno octavo Gloriosissimi Domini & Religiosissimi Recesuindi*. Et ante Recesuindum Concilium Toletanum VI. Chin-

F 4

tillani

*a* Concil. Tolet. 13. in libel. Ervigii & in edicto confirmat, &c.

*b* Codex Leg. VVisigoth. 12. lib. editus per Pithæum.

*c* Concil. Tolet. 17. *d* In Prefat. & post. libel. Regis. *e* Concil. Tolet. 13. c. 1. *f* Ibid. c. 13. *g* Concil. Tolet. 10. in frontispicio.

tillani *a Religiosissimi Principis devotionem cum magna veneratione suscipit. Et ante Chintillanum Concilium Toletanum IV. de Sisenando Rege loquens, Dum studio, inquit b, Religiosissimi Sisenandi Regis convenissemus : quam Regis nuncupationem sæpius ibidem repetit. Et ante Sisenandum fons Catholicæ religionis inter Gothos Reccaredus à Concilio Toletano III. vocatur non tantum c Princeps Religiosissimus, sed etiam, propter ardorem fidei, summumque studium propagandæ religionis, d Piiissimus, Deo Fidelissimus, Gloriosissimus; adeoque e Sanctissimus, in Concilio Cæsaraugustano.*

Ut verò Hispani radicem scirent, unde tanta & tam constans in Regibus suis Catholicæ fidei æmulatio promanaverit, in eadem Toletana Synodo, ubi hæresis Ariana à tota Gothica natione, zelo Reccaredi Regis eam provocante, abjurata est, eidem Regi tamquam Apostolo suæ nationis acclamatur *f : Ipse mereatur veraciter Apostolicum meritum, qui Apostolicum implevit officium. Et ista ratio est, cur in picturis Crucem Reccaredus, nempe tamquam Gothorum Apostolus, manibus tenet. Nam propter expulsionem hæresis Arianae Crucem ei datam esse, testis est Alphonsus Carthagenag. Apostolatûs verò, quem ei Toletana Synodus tertia, hoc est, totius Hispaniæ Episcopi acclamarunt, Crucem esse documentum ac testimonium, S. Stephani primi Hungariæ Regis exemplo manifestum est. Is enim cum Hungaros ad Catholicam perduxisset fidem, Pontifex Romanus*

*a Concil. Tolet. 6. c. 2. b Concil. Tolet. 4. in Prasat. & c. 58. & 75. in fine. c Concil. Tolet. 3. cap. 1. d In Prasat. Concil. e In Concil. Casaraugust. initio. f Concil. Tolet. 3. in fine. g Alphons. Carthag. in anacephalosis c. 27.*

nus ei facultatē dedit, ut Crux ante Regem, tamquam *Apostolatūs insigne*, gestaretur, cum hoc elogio, ut Chartuitius refert *a*, *Ego sum Apostolicus: ut ille meritò Christi Apostolus dici potest, ejus operā tantum potulum sibi Christus acquisivit.* Crux igitur in manibus Reccaredi, muneris *Apostolici* argumentum est: ut non miremur, ex tali Catholicæ religionis basi ac radice tam stabilē in fide surrexisse Monarchiam. Nam ex istò *b Religiosissimi, & Piiissimi, Deoq; Fidelissimi, & Gloriosissimi, & Christianissimi, & Sanctissimi, & veri Orthodoxi, & veri Catholici, & Apostolici* Reccaredi sanguine, qui Catholicum imperium primus fundavit, & ex Pelagii, qui primus restauravit, & ex generi ejus Alphōsi Catholici, qui restauratum primus amplificavit, Philippus IV. cui hodie Hispaniarum Regna parent, non interruptā majorum imperātium serie propagatus est. Quapropter cum fidei tuendæ propagandæq; zelo, & rebus gloriosissimè gestis, posterī post Saracenicam calamitatem majores suos, hoc est, omnes post Reccaredum usq; Rodericum longè superaverint, juxta id, quod S. Isidorus jam jam moriturus, post prophetatam Hispaniis imminentem cladem, in Synodo Toletana vaticinatus fuerat,

*Gloria major erit vobis, & gratia Christi*

*Extollet Gothos uberiore bono;*

quis non utrumque titulum, *Gloriosissimus & Religiosissimus* jure avitæ stabilisq; possessionis, jure defensæ propagatæque Religionis, jure facinorum, omnem priscam Catholicæ nationis gloriam pietate, zelo, constantia, magnitudine, multitudine, splendore superantium, Regibus

F s

Hispa.

*a Chartuitius in vitâ S. Stephani Regis Hungariae.*

*b Ita vocatus fuit à Concil, ut supra.*

Hispaniarum debitum esse fateatur ? Sed nimirum factis præcellere malunt , quàm nominibus ; modestiâ morum , quàm titulis honorum : ut , quod religiosius est atque gloriosius , non minùs mihi gloriam contempsisse , quàm gloriæ meritum appetisse videantur. Et hæc de titulis sufficiant , ad insulsam jactantiam hominis istius retundendam , qui ex titulo *Christianissimus* , qui meritò Christianis venerationi est , rebusque pro fide gestis , nescio quam supremæ super omnes Reges potestatis prærogativam , justioremqûe bellandi causam somniavit.

## C A P V T XXIX.

*Mens Arroyi exorbitans de Lege Salicâ proponitur.  
Inanitas conatus ejus.*

**V**Eniamus nunc ad Legem Salicam , Scriptoris hujus Palladium , vi cujus Regum Franciæ auctoritatem , supremamqûe potestatem tueretur a morem esse , quàm cæterorum Regum , justioremqûe suscipiendi belli causam effici. Nam ista duo sunt , quæ vinculis adamantinis ex Lege Salicâ sequi ac dependere profitetur. Hinc nullius Hispanicæ Metaphysicæ subtilitate vim argumenti , quod ex hac Lege petitur , enervari frangi que posse putat. Lex enim Salica , ut ipse citat <sup>b</sup> , ex titulo de matrimonio , ista est : *De terrâ verò Salicâ nulla portio hereditatis mulieri veniat , sed ad virilem sexum tota terra & hereditas perveniat* <sup>c</sup>. Quâ lege sancitur , ut Regia auctoritas , inquit ad successores

<sup>a</sup> FOL. 67. Tant y a , on ne peut se defendre de cet argument : i'en desse tous les Esmonels , qui sont si grans Metaphysiciens , si on n'apporte une loy supetieure , &c.

<sup>b</sup> Apud Arroyum fol. 67. <sup>c</sup> Vide fol. 67. & 68.



cessores & masculos, majoris firmitatis ergò, tanta transmittatur, quanta in prædecessoribus fuit, exclusis omnibus extraneis, propter quos excludendos lex ista est condita. Cum igitur Ludovicus decimus tertius Carolo Magno, cæterisque Regibus, masculinâ serie succedat, *eadem est in ipso auctoritas*, seu *idem jus*, quod in Carolo Magno fuit: sed hujus auctoritas sive jus in universam Germaniam, Italiam & Hispanias se porrigebat: igitur & Ludovici decimi tertii. Hanc igitur Legem, tamquam ex quâ tota Regum Francorum auctoritas & jus pendeat, immutabilem, omnibus telis inconcussam, omnibus tormentis inexpugnabilem reddere conatur, utpote quam *b naturalem, divinam, eternamq;* legem sine tergiversatione agnoscere debeamus, omni lege *connubiali, testamentaria, donatione, apochâ, præscriptione* superiorem. En tibi, Lector, mysteria Salicæ Legis arcana, abstrusa hætenus nec fâdo quidem Politicis aut Theologis audita. Lex ista naturalis, divina, æterna: hinc auctoritas Regum Franciæ super omnes Reges, hinc potestas in omnia penè Europæ Regna, hinc belli pacisque jura religata sunt. Hæccine monstra cogitationum, Arroye, ascendunt in cor tuum, & non perturbant frontem tuam?

Sed antequam de præclaris illis tuæ Salicæ Legis elogiis, natura, vi, ut ea tu depingis, quid-

F 6

quam

a FOL. 68. L'auctorité de Charle Magne, qui a esté sur l'Alemagne, sur l'Italie, & sur les Espagnes, doit estre en Louis le Juste. Le le montre clairement par la vertu de la loy Salique, &c.

b FOL. 70. On ne trouvera jamais une loy superieure à la nostre, qui l'ait ruinée: car elle est divine,eternelle,naturelle,& juste, selon le droit des gens.

ET FOL. 78. Doncques la loy Salique n'est pas seulement juste, mais eternelle.

ET FOL. 81. Or, ces loix humaines ne sont pas au dessus de celle qui est si divine & eternelle.

ET IBID. D'ailleurs ces loix humaines, desquelles nos ennemis se peuvent prevaloir, sont loix de mariage, testamentaires, de donations entre vifs, de prescriptions: tout cecy sont de petites toilles d'aragons.

quam dicam, attende, quæso, quàm levi impulsu universa machina tam operosa, quam struxisti, tota irrita & cassa corruat, nec aliud nisi crepundiorum instar puerilium, inanem strepitum excitet. Ecce nego ex Lege Salica tua majorem Regi Franciæ auctoritatem, sublimiorem potestatem, jus prægnatius in ulla Regna, vel Provincias accedere, quàm si citra Salicam Legem, jure successionis aliis Regnis usitato, etiam feminæ succederent. Veritas ista tibi ipsi, Arroye, velis nolis ineluctabilis est, nisi Regum tuorum auctoritatem, & potestatem, & jura, quæ tu Coronæ Franciæ indissolubili vinculo unita esse putas, uno ictu letali interempta velis. Quid enim; quando prisca Franciæ Reges masculâ prole destituti, non jure Salicæ successionis, sed adoptionis Regna sua transtulerunt, ut Guntranus, Rex Aurelianensis, in Childebertum, istâ verborum formulâ, *a Peto, ut hic nepos meus mihi sit filius: una nos parma protegat, unaque hasta defendat*; an auctoritas, potestas, & jura Regia, si nulla fuisset Lex Salica, diminuta transivissent? Et quando Odo *b*, non heres sanguinis, electus & consecratus fuit Rex, contra Salicam sanctionem; ideòne auctoritas, potestas, & jura Regia decolorata transierunt? Et quando Pipinus *c*, suppressâ penitus stirpe Merovingicâ, adhuc vivente, & Capetus Carolinâ, non jure successionis, sed electionis, Regno cum consensu omnium inaugurati sunt; ideòne minori auctoritate, potestate aut jure regnarunt? Quid, si etiam omnes rami sanctæ arboris Ludovici, ut Valesius nuper, ita &

Bor-

*a* Greg. Tur. lib. 5. cap. 18. *b* Otto Frising. lib. 6. cap. 10.  
*c* Aimoin. lib. 5. c. 42.

Borbonius, exarescerent, quod de Merovingica familia & Carolina experti sumus; ideóne auctoritas Regum languidior, potestas depressior, jura Regia in aliquo labefactata censerentur? Non arbitror, Arroye, nec arbitrabitur in Frácia, quisquis tantillo acutiús, quàm tu, sapit. Nimis pingue de rebus istis philosopharis. Auctoritas, & potestas, & jus in Regna extranea, quod Regibus tamquam Regibus competit, non à masculinæ serie successionis pendet. Nam siue masculi, siue feminæ, successionem, adoptionem, electionem, vel aliâ quâcumque legitimâ transmissione Regnorum sceptrâ suscipiant; eâdem auctoritate, & potestate, & majestate, & juribus regnat, quisquis regnat, ac si ex Salica Lege succederet. Quasi verò in Romano Imperio, & in Regno Poloniæ, ubi electio Imperatores & Reges facit; vel in Regno Hispanico, & Anglicano, ubi & feminarum successio locum habet, non eâdem prorsus auctoritate, & potestate, & alio quocumque in exteras Provincias jure potirentur, quo majores eorum potiti sunt; haud secus atque ea ad Reges Franciæ integra à majoribus illibataque transferuntur. Regni, Arroye, non Regis jura sunt, maximè juxta te, quæ successoribus majores tradunt. Coronæ, quæ nec oritur nascente Rege, nec moriente moritur, auctoritate, potestate, majestate ac juribus fruitur, quisquis quacumque legitimâ substitutione, maximeque successionem, siue masculus fuerit, siue femina, ad illum apicem dignitatis admoveretur. Quæ enim potestate primi populorum Rectores à Republicâ in illo majestatis, & potestatis, & auctoritatis culmine, jurisque plenitudine, siue in Republicam, siue in alias etiam exteras plagas ei conjunctas,

junctas, constituti sunt; eâdem etiam quâcûmque probatâ, siue masculinâ, siue femininâ successione, siue etiam electione, Regnorum auctoritas suis numeris absoluta transmittitur. Sic Abbates, sic Antistites, sic Pontifices, non minùs nunc electione, quàm olim carnali masculorum successione, totâ præcedentium auctoritate, potestate, jure potiuntur. Quæ cum sint plana, lippisq; & tonsoribus nota, quid opus nescio ex quibus abstrusis Salicæ Legis antris tantâ falsitatis admixtione tenebrosis, Principalem auctoritatem in successores, perpetuaq; coronæ jura proferre? Nimirum, ut imperiti ad Salicæ Legis nuncupationem attoniti, nescio quam mysteriosam præ cæteris Regibus potestatem, & jura in vicinorum Regna Provinciasq; somniarent, & quasi pro tuendis aris & focis præcipites in arma ruerent. Huc enim tota ista ambitiosa & insidiosa spectat oratio: huc illi aculei, in Francorum animos hîc illic sparsi, quibus ad recordandum Salicæ Legis, & unctiōis, & obliorum rancidorumq; jurium stimulantur.

### C A P V T   X X X.

*Deteguntur errores ac deliria Arroyi de  
Lege Salicâ.*

**C**VM igitur tam inaniter lacertos tuos exserueris, ut neque stante Lege Salicâ, quæ solis masculis sceptrum defert, Frâcorum jura in extraneas terras juventur, neque cadente lædantur; sed potius, seminis in Francia sceptrum hereditantibus, roborentur; quidquid illâ de lege disputasti, tamquam somnium egrotantis contemni poterat.

Sed

Sed ne infirmitate te potius, quàm judicio præteritum conqueraris, non gravabor nonnulla capita in tui gratiam perstringere, ut, quid de te sentire debeas, vel ipsi tibi, si aliquid luminum tibi reliquum est, vel certè aliis elucescat.

Primum itaque, quòd tamquam Legem Salicam illa verba profers *a*: *De terra verò Salica nulla portio hereditatis mulieri veniat, sed ad virilem sexum tota terra & hereditas perveniat*; vi cujus masculi soli Franciæ sceptrum moderentur, perspicuè falleris. Lex illa non de Regno, & juribus ejus, sed de privatorum successione tractat. Loquitur enim, ut ex ipso titulo liquet, de *allodiis*, quæ juxta Iurisperitos cum jure Coronæ commune nihil habent. Itaque non ignobiles Galliæ Scriptores *b* *crassam ignorantiam* eorum, *erroremq; popularem* vocant, qui Legem illam Salicam putant pro Coronæ successione sancitam. Excute univèrsam Salicarum Legum Codicem, sive à primis illis Consiliariis, VVisogasto, Bodogasto, Salogasto & VVidogasto conditum, sive à Clodovæo, ut volunt, correctum, & à successoribus ejus, Caroloq; Magno, meliori ordine digestum; nullam invenies constitutionem, quæ de Coronæ successionè quidquam, vel de juribus ejus sanciat. Ipse Legum prologus satis ostendit, eas ad privatos in officio, pace & concordia continendos, latas esse. Quamobrem quòd masculis masculi in Regnum Franciæ ab initio hucusq; successère, potius consuetudini, vim legis obtinèti, quàm Legi Salicæ; vel certè Legi Salicæ à privatis, quos illa cōstringebat,

per

*a* FOL. 67. *b* DV PLAIX PROLOG. s. Leur ignorance est bien plus grossière en ce, qu'ils ont creu que la loy Salique fust establie pour la succession de la Couronne, &c.

ET PLUS BAS: Partant c'est un erreur populaire de rapporter à la loy Salique la preference des mâles aux femelles en la succession du Royaume.

per similitudinem ad Regni successionem translata, tribuendum est ; utpote quæ multò potior in Regno, quàm in allodiis, vel feudis, rationem habere videbatur.

Secundò, quòd hanc legem latam esse dicis, *ut extranei seu allophyli à sceptro arcerentur*, falsum est, & à te confictū. Extranei sæpenuerò in Franciæ Regno rerum potiti sunt. Testis est Ægidius Romanus, qui Francis non invitis octo annos, fugato Childerico, præfuit. Testis Pipinus, qui auctoribus *b* Galliæ Scriptoribus, ex Senatorio Romanorum sanguine per Ansbertum Principem Austrasium oriundus fuit. Testes Odo, & Robertus, cōsecrati Reges. Testis denique Hugo Capetus, viginti octo Regum parens, quos tres Saxonicæ generis fuisse, vel certè ex prisca Gallorum stirpe, non Francorum, Scriptores multi tradunt: ut sanè, si allophyli Reges esse nequeāt vi Salicæ Legis, Regibus legitimis à nongentis ferè annis, contra tuam Salicam Legem, carueritis. Itaq; non extranei seu allophyli à Regno, sed feminæ vi Salicæ istius Legis exclusæ sunt, quemadmodum ex ipsis verbis perspicuum est. Vera legis ratio duplex fuit. Una, quòd sexus masculinus majori prudentiâ, fortitudine, auctoritate polleat, ad Rempublicam administrandam necessariis. Altera, quòd primi Franci, cum Galliam subegissent, masculâ sibi virtute opus esse cernerent, ad tuendum armis, quod armis comparaverant. Quòd si non alia fuisset legis ad feminas arcendas ratio, quàm ne allophyli sceptro potirentur ; quid expeditius, quàm

*a* FOL. 66. Si cette loy n'a pas voulu, qu'un estrange regnast dans l'Empire des François.

*b* Paul. *Emil. lib. 1. De Sainte Marthe, Scipion du Plain.*

quàm ut eâdem lege ad nubendum Francis homophylis feminæ cogerentur?

Tertiò , quòd Salicam Legem infringendam dicis, si alienigena sceptrum obtineret, falsum est. Non est apiculus in istâ Salicâ , quam retulisti; sanctione , quæ masculum alienigenam Regem Franciæ esse veret, si Rex Francorum fortè sine liberis defungatur, vel liberos habeat , deficiente Regiâ stirpe Francorum , ad sceptrum regendum inidoneos.

Quartò , alienigenam Francis imperare *a Moy-  
saica legi contrarium*, ideoque cavendum esse tradis. Error est, vel delirium. Quis ita peregrinus est in Ierusalem Christianâ, qui nesciat , neque Francos, neque Hispanos , neque ullos omninò Christianos judicialibus Iudæorum legibus adstringi; multaque à Christianis Regibus rectè usurpari, quæ Judaicis vetabantur? Nisi fortè libertatem Christianam in veteris legis abolitam redire servitutem velis. Quasi verò lex Moysaica Reges illos Christianos premat, qui aliâ, quàm Salicâ, utuntur successionis lege: vel sanctionibus ejus Frâcorum Reges premantur, ne uxores alienigenas ducant, vel, ne *multiplicent sibi equos b*, ut Deuteronomium jubet; vel, ut sibi *describant Deuteronomium, legant que omnibus diebus vite sue*, aliaque sexcenta, quæ Judaicis Regibus præscribebantur.

Quintò , Legem Salicam ais esse *naturalem c*. Nihil falsius. Omnium Theologorum sensus est, legem naturalem ab humana distinctam esse. Ipse sanctus Thomas te retundat, quem toties inquisi-  
simè

a FOL. 68. Un étranger regneroit sur l'autre ( partie du Royaume ) qui est contre la loy Salique, & la loy de Moÿse.

b Deut. 17.

c FOL. 70. Elle est divine, éternelle, naturel, & juste, selon le droit des gens.

simè vanissimeque Doctorem tuum nuncupas *a*:  
*Ex præceptis legis naturalis, quasi ex quibusdam prin-*  
*cipiis communibus & inde monstrabilibus, necesse est*  
*ratio humana procedat, ad aliqua magis particulariter*  
*disponenda. Et ista particulares dispositiones adinven-*  
*ta secundum rationem humanam dicuntur leges hu-*  
*mana. Quis enim nisi insipiens dicat, Legem Sa-*  
*licam esse principium commune, & indemon-*  
*strabile? aut quis nesciat, eam, si aliqua talis est, se-*  
*cundum rationem humanam à primis Regibus, vel*  
*sapientibus eorum Consiliariis, adinventam esse?*  
*Nec ipse negas, quando dicis b, Priscos Francorum*  
*legislatores ita sanxisse. Quomodo ergo naturalis*  
*est, si homines eam sanxerint? Nónne omnium*  
*doctorum judicio, lex naturalis, instar propieta-*  
*tis naturæ rationalis, cum ipsa, & visceribus ejus*  
*impressa nascitur? Unde Augustinus c: Furtum cer-*  
*tè punit lex tua, Domine, & lex scripta in cordibus*  
*hominum, quam ne ipsa quidem delet iniquitas. Et*  
*libr. de Serm. Dom. in monte d: Quis scribit in*  
*cordibus hominum naturalem legem, nisi Deus? De in-*  
*de, nónne, quòd ista terra mea vel tua sit, mascu-*  
*lorum vel feminarum, lege humanâ factum est?*  
*Vnde quisque, inquit August. e possidet quod possidet*  
*nónne jure humano? Tolle jura Imperatorum: & quis*  
*audet dicere, Mea est ista villa, aut, Meus est ille ser-*  
*vus. &c? f Per jura Regum possidentur possessiones.*  
 Quomodo ergo Lex Salica, quâ terra masculis tri-  
 buitur, potest esse naturalis? An & illa Salica Lex  
 naturalis est, quâ feminis res familiares, supellex,  
 &

ET FOL. 74. Elle est naturelle, puis que naturellement, &c.

a I. 2. §. 91. art. 3.

b FOL. 66. La raison, pourquoy les anciens sages legislateurs des Francois l'ordonnerent ainsi, fust, &c.

c Aug. lib. 2. Confess. d Aug. de serm. Dom. c. 9.

e Tract. 6. in Ioan. f Ibid.



& hujusmodi conceduntur? Cum verò nemini dubium sit, naturalis legis violationem esse peccatum, an ceteras Respublicas & Monarchias, quotquot non utuntur Salicæ successionis lege, contra legem dices peccare naturalem? Perge porro, Arroye, adde & hoc paradoxis tuis, ut, absolutâ commediâ, cum sibilo pueri possint plaudere.

Sexto addis, eam esse *a legem gentium*, eò quòd lex gentium sit, quæ ad *solos homines*, inquis, *pertinet*, non ad cætera animantia. Et ad illam insulsam absurditatem tuam cõprobandam etiam D. Thomam obtorto collo trahis. S. Thomas *b* ad solos quidem homines jus gentium pertinere testatur: sed non ita ineptus est, ut quamcumque legem, ad solos homines pertinentem, legem gentium esse puet. Nam in eodem loco exserte adducit ex Cajo Jurisconsulto *c*: *Quod ratio naturalis inter omnes homines constituit, id apud omnes homines, siue gentes, custoditur, vocaturque jus gentium*. Legemne Salicam inter omnes natura constituit? apud omnes homines illa custoditur?

Septimò, esse *d legem divinam*, eò quòd *sit naturalis*, inquis, & *singulariter à divina derivetur*: tum quòd Sapientia dicat, *Per me Reges regnant*, & *legum conditores justa decernunt*: tum quòd eam *Deus ipse per os Moysis instituerit*. Quot sententiæ, tot lapsus, Theologe miserabilis. Lex Salica non est naturalis, non est à Deo per os Moysis instituta. Alia lex est, quâ Deus per Moysen, ac de solis Iudæorū

Regl.

a FOL. 74. Partant étant naturelle & des hommes, elle est des gens.

FOL. 72. Elles sont dites loix des gens, quand elles appartiennent seulement aux hommes.

b 2.2 q. 57. art. 3. c l. 9. D. de just. & iure.

d FOL. 74. Elle est divine, en tant qu'elle derive particulièrement de la divine providence, & qu'elle est naturelle: elle derive de la divine providence, 1. Parce que les Rois regnent par icelle. 2. Parce que Dieu même l'a établi par la bouche de Moysè.

Vide & alia verba paulò antè citata.

Regibus tulit. Ipse factus es, & omnes unanimiter auctores, qui de Salicis Legibus aliquid litteris mandaverunt, humanum inventum esse, ab hominibus, Deum verum ignorantibus, Paganis, idololatriis institutum. Quid hinc te juvat, quod per sapientiam conditores legum justa decernunt? Nonne omnes leges justæ, quibus vel populo, vel Optimatibus, vel Regibus, electione, adoptione, successionē, sive masculorum, sive etiam feminarum, gubernacula committuntur, isto modo à divina lege derivantur? Humana quippe ratio scintilla quædam divinæ lucis est, quæ super homines fulgente constituitur, quidquid æquum & justum humanâ legislatoris cujuscumque lege sancitur.

Octavò, esse *a legem æternam*. Adjice, esse Deum; ut nemo imperitorum vim legis æternæ fortè nescientium dubitet, *multas te litteras ad insaniam convertisse* b, erroresque te severâ Sorbonæ censurâ dignos eructare. Quid enim est lex æterna, nisi ipse Deus? Omnium namque Theologorum consensu, S. Thomæ concinentium c, *lex æterna est oratio divina sapientia, secundum quod est directiva omnium actuum & motionum*. Ratio verò divinæ sapientiæ nihil est nisi sapientia Dei, atque ipse Deus. Quamobrem S. August. *Lex æterna est*, inquit d, *ratio divina, vel voluntas Dei, ordinem naturalem conservari jubens, perturbari vetans*. Quantæ igitur dementiæ est, Legem Salicam etiam æternam perspicuis verbis appellare; & quidem excogitatis argumentis probare e, *quod æterna esse debeat?*

Nam

a FOL. 79. La loy Salique n'est pas seulement juste, mais éternelle. Vide supra.

b *Ad. 26. c. 1. 2. q. 93. a. 1. in corpore. d. l. 22. cont. Faust. c. 27.*

c FOL. 75. Que la loy Salique doit être éternelle, il se prouve, parce qu'elle derive de l'éternelle, divine, &c.

Nam quòd lex Salica nonnihil in suo genere de æterna lege participat, adeoque data est, ut publicum bonum perseveret, nemo, nisi insigniter delirare velit, satis esse dixerit, ut propterea etiam æterna nuncupetur, ac sit. Etenim omnibus justis legibus convenit, ex æterna lege, sicut radios à Sole fluere, & commune bonum perpetuâ, quantum fieri potest, stabilitate munire. Quibus tamen cum nihil veteret, per novas leges, & consuetudines, & contractus, & præscriptiones, & hujusmodi, fieri præjudicium, ut vel certis casibus fortiori cedant, vel etiam hominum voluntate prorsus intereant: ita nihil accidet impossibile aut inusitatum, si & lex Salica subinde multas patiatur exceptiones, quemadmodum secundum principia tua nonnullas passa est, legibusque aliis & consuetudinibus fortioribus paulatim irrepentibus concedat locum, justis præscriptionibus cedat, aliâ humanâ potestate aboleatur. Quidquid enim humanâ potestate constitutum est, nihil absurdum, si humanâ potestate destruat.

Cum igitur tantâ dexteritate atque soliditate, quantâ vidimus, argumentum tuum ex *unctione* Regum Franciæ, ex *curatione strumarum*, ex elogio *Christianissimi*, ex *Lege Salicâ*, tam scilicet naturali, tam divinâ, tam æternâ, texuisses, concludis acutissimè solidissimeque *propositionem tuam*, quâ dixeras *a*, *Supremam Regum Francorum potestatem majorem esse, quàm cæterorum Regum totius orbis esse indubitata veritatis*. Cum quilibet potius, cum est mens sana in corpore sano, concludendum esse videat, penè totum, quod illis de rebus incomparabili

a FOL. 33. Ma proposition doncque est indubitable, par laquelle je disois, que l'autorité souveraine des Rois de France est plus grande, que celle des autres Rois du monde, &c.

aitur, Salicâ videlicet successionis Lege, in omnia omnino, quæ majores Francorum armis sibi subegerunt; unio istorum omnium ad Coronam Franciæ; jus gentium, quod ipse prædicat, aliaque singularia in singulos quosque existimata jura, neminem istorum sinunt esse securum. Videamus igitur, quibus cardinibus vertatur vastæ & inauditæ prætensionis hujus immanitas.

Prima & capitalis ratio est *a Salica Lex* : vi cuius masculi soli majoribus suis in omnia sibi transmissa jura succedunt. Quæ lex semper, inquit, in usu Francorum fuit, quàm diu memoria eorum in monumētis reperitur: atqui Ludovicum XIII. *b* masculinâ serie ex Carolo Magno propagatum esse, ex auctoribus liquet: ergo in omnia Caroli Magni & successorum jura succedere debet. Ecce totam argumenti vim breviter comprehensam. Sed nonnulla istorum tot difficultatibus implexa sunt, vel potius tam perspicuè falsa, ut, si causa ex illo principio religata pendeat, nihil proclivius sit, quàm ingentem illum promissoris hiatum solidâ veritatis demonstratione frustrari, totamque prætensionum segetem uno. ictu succidere.

Et quamvis non multum intersit ad hujus causæ victoriam, ut Scriptor iste putat, utrum masculi, an etiam feminæ in sceptrum Franciæ jure succedant, omniumque bonorum paternorum heredes sint, ut jam suprà satis superque declaravimus, operæpretium tamen est ostendere, legem illam successionis, quâ masculos terræ Salicæ à majoribus relictæ heredes esse cōstituitur, eo sēsu (sicut

*a* Fel. 86 87. 88. & 89.

*b* Louis le Juste aujourd'huy regnant vient de tous les Rois ses predecesseurs par la voye masculine selon la mesme loy, &c. FOL. 87.

(sicut iste sentit) ut non solum feminæ, sed etiam masculi extranei per illam excludantur, non ita semper inter Francos observatam fuisse, quin quoties vel Regno vel Proceribus potentioribus usu venerit, legem istam formamque successionis immutaverint. Argumento sunt exempla manifestissima. In ipsis Regni exordiis, jam institutâ Salicâ Lege, Childericus masculus Regno pellitur, & prætermisiss omnibus consanguineis ejus, hoc est, filiis Clodionis, patris ejus, in quos, vel posteros eorum, postea Clodovæus sævit, Ægidius Romanus Procerum consensu ei substituitur, nullâ Salicæ Legis habitâ ratione, multosque annos Francis præfuit, & in hunc fortè diem in posteritate sua præfuisse, nisi domesticorum prodicione periisset *a*. Quid? Childericus III. & Carolus Dux Lotharingiæ, nōne veri ex illâ Salicâ lege heredes erant? Nōne alter, non expectatâ amplius liberorum propagatione, tonsus ac depositus, alter etiam liberis florens præteritus fuit? Causas si probas, possunt ergo heredes masculi, cum Proceribus Regni visum est, Salicâ illâ successionē deijci, si parens dissolutior, ut Childericus primus; si ignavior, ut ille tertius; si Francis invisus, sicut Carolus fuit. Si non probas, jam prima familiarum vestrarum capita usurpationis & tyrannidis labe afficis. Et ubi jam illa præclara tua disputatio de *æternitate, divinitate, naturalitate, immutabilitate* Salicæ Legis, adversus quam nulli cōtractus, nulla donatio, nulla præscriptio, utpote fuitiles atque fragiles, *tamquam aranearum tela* *b*, prævalere queant? Nam, quod deterius est, secundum principia

*a Abbas Vrsip. Greg. Turon. in Epist. c. 18. & lib. 2. c. 42.*

*b FOL. 31. Tout cecy sont de petites toilles d'araguc, &c.*

capia tua, utrique & Childerico & Carolo successerunt Principes, quorum neuter Salicus heres erat, & prosapiam suam, ut acceptiores essent Francis, ad Merovingicam & Carolinam stirpem ex sola feminarum propagatione referebant.

Quòd si ad aliorum Principatuum successionem oculos convertamus, quæ non minùs, quàm ipsius Regni, Salicâ illâ Lege gubernari debet; non rarò etiam feminæ terrarum hereditatem, contra præscriptum Salicæ, quam protulisti, Legis adierunt. Ducatum Normandiæ per Mathildem, matrem suam; per Leonoram verò Guilielmi Aquitanix Ducis heredem, uxorem suam, Ducatum Aquitanix, & Comitatum Pictaviensem, Rex Angliæ Henricus accepit. Frater S. Ludovici Carolus, cum duxisset Beatricem Comitissæ Provinciæ filiam, Comitatum illum adeptus est: alter frater ejus Alphonsus Comitatum Tholosanum, uxore ductâ Raymundi filiâ. Comitatus Burgundiæ filiæ Ducis Othelini Ioannæ tamquam heredi cessit, quâ nuptâ Philippo Philippi Pulchri filio, Coronæ unitus est; rursusq; avulsus, ac Ioannæ Philippi Longi filiæ in dotem datus. Ioanna Henrici Navarræ Regis filia, tamquam heres patris, Philippo Pulchro nupsit, Comitatumque Campaniæ & Briensem in dotem attulit, qui ex illo temporæ Coronæ affixi manent. Quæ satis perspicuè probant Legem Salicam, prout illam explicuisti, tam in capite, quàm in membris, hoc est, tam in Regno, quàm in terris inde dependentibus, sæpenumero esse violatam.

## CAPVT XXXII,

*Ludovicus decimustertius non est ortus ex stirpe Clodovæi masculinâ serie, & ita non ex omnibus Regibus prædecessoribus suis.*

**S**ed, quia parum ad præsentem causam interest, dum constaret, Ludovicum XIII. reverâ præcedentibus Regibus masculinâ procreatione succedere, ad alterum caput accedamus, quo Arroyus confidenter dicit, eum *ex omnibus Regibus prædecessoribus suis masculinâ serie propagatum esse* a.

Ubi mihi sine temeritate multò confidentiùs dicere posse videor, duobus ex capitibus hæc perspicuè esse falsum, idque tantâ certitudine, quantâ in rebus historicis jure à pervicacissimo quoque postulari possit. Ludovicus enim decimustertius Clodovæo succedit; ex cujus tamen progenie masculina constat eum nullo modo esse procreatum. Nam Historici uno ore testantur, Regnum Francorum ex Merovingica stirpe, cujus erat Clodovæus, ad Carolinam esse translatum: neque tamen Carolus Magnus, neque Pipinus Brevis, pater ejus, ex illa stirpe procreati sunt; multò minus Ludovicus decimustertius, cujus profapiam in Carolum Magnum usque subvehere conaris. Hanc Regni ex unâ familiâ in aliam translationem disertis verbis asserunt Annales Francorum b: *Hil-dericus Rex, qui ultimus Merovingorum Francis imperavit, depositus, & in Monasterium missus est: Pipinus* vero

a FOL. 87. Vide verba paulò ante citata.

b Annal. Franc.

*verò Regni honore sublimatus, &c.* Hoc idem testatur iisdem ferè verbis Marianus *a* Scotus. Hoc Otto Frisingensis *b*: *Pipinus, detonso Hilderico, & in Monasterium detrusus, postmodum in Regem ungitur. Hic Merovingorum Regno finito, Carolinorum, &c. cœpit.* Hoc Andreas Sylvius *c* in Synopsi Merovingica, quam à quadringentis annis scripsit: nam ad Pipinum veniens, *Hic, inquit, est finis regni Merovingorum.* Hoc VVernerus Rollevvinck *d*, de Zacharia Papa loquens: *Regnum illud famosissimum transtulit de veris heredibus ad genus Pipini.* Hoc Paulus Æmilius *e*, qui Pipinum de Regno transfereudo à magni Clodovai stirpe, apud Pontificem verba fecisse scribit: *unumque Childericum Regem, aliquam fuisse magni Clodovai sobolem, sine liberis, cum Pipinus Rex renuntiatus fuit.* Hoc ante omnes istos profitetur Eginhartus, Caroli Magni Scriba, Pipino coætaneus *f*: *Gens Merovingorum, de qua Franci sibi Reges creare soliti erant, usque ad Hildericum Regem, qui jussu Romani Pontificis depositus, ac detonsus, atque in Monasterium trusus est, durasse putatur. Quæ licet in illo finis a possit videri, tamen jam dudum nullius vigoris erat. Ubi quòd languidis illis utitur vocabulis, putatur, finita videri possit, causa est, quòd Pipinus, ut populo Francorum esset gravior, videri vellet saltem per feminas ex illorum Regum stirpe satus. Nam alioquin sanguine masculino Romanus erat, ex stirpe Senatoria, ut Galli quidam*

G 2

*a* Marianus Scotus in Chronic.

*b* Otto Frisingens. lib. 5. cap. 23.

*c* Andreas Sylvius, lib. 1. Synops.

*d* VVernerus Rollevvinck in Fascie. tempor.

*e* Æmilius lib. 2. *f* Eginbartus in vitâ Caroli Magni.



dam & Scriptores notant. Hoc deniq; magno consensu tradunt recentiores, Ioannes Tilletus *b*, qui dicit hoc necessariò esse confitendum; Claudius Fauchetus *c*, Belleforestus *d*, du Haillan *e*, Ioannes de Serres *f*, Scipio *g* du Plaix, aliiq; plurimi: quorum plerique magnum aliquid se Pipino tribuere putant, quòd eum femininâ saltem serie ex Clodovæo descendisse commendant. Nam scriptor *h* Vitæ S. Arnulphi, Andreas Sylvius *i*, itemq; vetus quoddam Chronicon *k* sancti Martialis Lemovicensis, quo fortè Nangius adjutus fuit, prosapiam ejus ex Blithilde filia Clotharii, nempe secundi, vel rectius primi, trahit. Hæc enim ex marito suo Ansberto genuit Arnoldum, Arnoldus Arnulphum, qui, mortuâ uxore, Episcopus Metensis fuit, Arnulphus Anchisum, hic Pipinum cognomine Grossum, Pipinus Carolum Martellum, Martellus Pipinum, primum Carolinæ familiæ Regem: quam genealogiam & Paulus Warnefredus *l* in serie Episcoporum Metensium agnoscere videtur. Vides igitur, Arroye, quantâ temeritate contra antiquorum Scriptorum fidem dicas, Ludovicum XIII. ex omnibus Regibus, prædecessoribus suis, masculinâ serie descendere. Hoc itaque est primum, quod dixi, falsitatis caput.

C A.

*a* De Sainte Marthe. *b* Ioannes du Tillet. *c* Claud. Fauchet. lib 6. *d* F. Bellefor. in Pipino. *e* Bernard. du Haill. in Pipino. *f* De Serres. *g* Du Plaix. *h* Geneal. S. Arnulphi. *i* Andreas Sylvius in Synopsi. *k* Chronic. Lemovic. *l* Warnefred. de Episcop. Metens.

## CAPVT XXXIII.

*Scriptores tam antiqui quàm recentiores tradunt, Hugonem Capetum, & Ludovicum XIII. non esse satum ex progenie Carolinâ per masculos.*

**A**lterum falsitatis caput est, quòd non minùs perspicuè falsum sit, cum ex Carolo Magno, quemadmodum tu maximè cõtendis, masculorum procreantium serie esse propagatum. Sed ut nubem quamdam densissimam testium, paradoxam illam assertionem tuam jugulantium, à te avertas, aliquos esse dicis *a*, qui seriem illam, in Hugone scilicet Capeto, interruptam esse tradant, sed celebriores esse, qui tecum sentiant. O fidem qualiumcumque Theologorum ! Itane verò aliqui sunt, qui catenam propagationis Carolinæ per masculos fractam scribant, & celebriores, qui tecum negent ? Veniam mihi dabis, Lector, si suis verbis loquentes antiquos novosque auctores proferam, qui uno ore Carolinum genus in Ludovico V. defecisse, & in aliam familiam Francorum Regnum translatum esse, testantur. Quid enim aliud significat scriptor per antiquus Glaber Rodolphus, Capeto pænè cõtaneus, quando de Lothario & Ludovico, Capetum præcedentibus, dicit *b*, *In his duobus Regale seu Imperiale illorum genus regnandi finem fecit ?* Et rursum, cum alibi dicit *c*, *Finitum esse tam regnâdi, quàm imperandi apud Italiam & Galliam magnorum Regum genus, ac sui generis caterorum Regum ?* Quid aliud si-

G 3

gnificat

*a* FOL. 87. Il est vray, qu'il y en a des Historiens, qui ont escrit, que la loy a esté interrompue; mais aussi en y a il, & des plus celebres, qui soustiennent, & tesmoignent le contraire.

*b* Glaber libr. I. c. 2. *c* cap. 3.

gnificat antiquus quoque scriptor, Continuator  
 Aimoini a: *Eodem anno unctus est in Regem in Remen-  
 si civitate Hugo Dux. Hic defecit Regnum Caroli Ma-  
 gni?* Et adhuc clarius, quando Robertum, Hugonis  
 Capeti avum b, *virum Saxonici generis* vocat. Quid  
 aliud significant *Gesta Francorum*, ab Ivone Car-  
 notensi in Epistolis introducta, in quibus similiter  
 dicitur c, *Robertum Comitem Andegavorum*, ex quo  
 Hugo Capetus propagatus est, *fuisse Saxonici ge-  
 neris?* Quid aliud significat ipsemet Ivo Carno-  
 tensis, quando dicit d: *Ludovicus captus à Francis  
 Lauduni interiit; sicque progenies Caroli Magni defecit.  
 Hugo filius Hugonis Capeti* (fortè Capetus) *Rex Fran-  
 corum XXIX. regnavit annis decem?* Quid aliud si-  
 gnificat auctor *Genealogiæ S. Arnulphi* ex Me-  
 rentis scholæ membranis erutæ, quando dicit e:  
*Hic (Ludovico) mortuo sine liberis, translatus est  
 Regnum ad Hugonem Capet, filium Hadevvidis?* Quid  
 aliud significat Fragmentum quoddam historiæ  
 ex antiqua membrana Floriacensis cœnobii in lu-  
 cem a Pithæo editum, quando dicit f: *Ita, mor-  
 tuo scilicet Ludovico V. Francorum Regum secun-  
 dâ deficiente lineâ, Regnum in tertiam est translatus?*  
 Quid aliud significat Andreas Sylvius in Syn-  
 opsi ante quadringentos annos exaratâ, quando  
 dicit g: *Eodem anno unctus est Hugo Dux in Regem:  
 & hic defecit progenies Caroli Magni?* quod paulò  
 superius etiam pluribus declaraverat. Quid aliud  
 significat Fragmentum historiæ de vita Ludovi-  
 ci VIII. ab Anonymo quodam antiquo scriptum,  
 quando

a Continuat. Aimoini lib. 5. c. 44. b c. 41.

c Apud Ivonem epist. 70. d Ivo Carnot. in Chronico.

e Geneal. S. Arnulphi. f Fragment. histor. Flor. canobii.

g Andr. Sylv. in Synopsi Merovingica.

quando dicit *a*: Hugone Caputio, Comite Parisiensi, & Duce Francorum Regnum invadente, translatum est de genealogia Carolorum in progeniem Comitum Parisiensium, qui de genere Saxonum processerunt? Quod iterum iterumque ibidem repetit. Quid aliud significat Platina, quando in Gregorii V. Vita dicit *b*: In Ludovico, Lotharii filio, genus Caroli Magni defecerat, Regnumque illud ad Hugonem Ducem, cognomento Caputium, venerat? Quid aliud significat VVernerus Rollevvinck, quando dicit *c*: Carolina stirps ejicitur de Regno Francia, & Comes Parisiensis arripuit Regnum circa hac tempora? Quid aliud significat Hermanus Scheidelius in Chronico, ante sesquisæculum circiter conscripto, quando dicit *d*: Ludovico IV. (alii Quintum esse volunt) ejus nominis Francorum Rex & ultimus ex Caroli Magni genere natus, &c. Hugoni strenuissimo militi ex testamento Regnum & uxorem donat? Quid aliud significat Ioannes à Leydis, Trithemio Abbati Spanheimensi coætaneus, quando dicit *e*: Ludovico post tres annos Regni sui sine liberis defuncto, terminatâque in eo lineâ Caroli Magni, quantum ad Regnum Francia, &c. usurpat iterum Regnum Francorum Hugo Capetus? Hoc ipsum tradūt & alii unanimiter; Naclerus, quando dicit *f*, translatum esse Regnum à Ludovico ad Capetum; nimirum quia à stirpe in stirpem Regnum translatum fuit. Hoc ipsum tradit Sabellicus *g*: In Ludovico, Lotharii filio, Caroli Magni gens defecerat, Regnumque ad Hugonem venerat, cognomento Caputium. Et paulò inferius de Roberto, Capeti filio, addit: Robertus primus bonis artibus Gallorum & ceterarum

G 4

rum

*a* Fragment. hist. Ludovici VIII.. *b* Platina in Greg. V.

*c* VVerner in Fasc. temporum. *d* Herman. Scheidel. in Chronico.

*e* Ioan. à Leydis lib. 7. Chron. Belgic. c. 14. *f* Naclerus Gen. 33.

*g* Sabellicus Ennead. 9, libr. 2.

rum gentium studia de Caroli Magni stirpe ad novitatem sui generis traxit. Et cœperant non tantum novum in Rege genus pati, sed novorum etiam virtutes mirari. Hoc ipsum tradit Chronicon magnū Belgarum a: Cū Ludovicus ultimus de stirpe Caroli Magni uno anno regnasset in Francia, veneno mortuus est. Et sic Regnum Gallia à Caroli Magni familia post annos 237. ad familiam Comitum Parisiensium transfertur. Hoc ipsum tradit Massæus in sua multiplici Chroniconum historia b: Defuncto Ludovico, patruus ejus Carolus debebat succedere: sed Hugo Capetus Comes Parisiorum usurpavit Regnum. Et hic primus à stirpe Caroli Magni alienus. Et infra: Quam stirpem Carolinam omninò abolere studuit Hugo. Hoc ipsum tradit Paulus Æmilius c: Ludovicus, Lotharij filius, ultimus, qui ex agnatione Caroli Magni Regium nomen gesserit. Et paulò inferius: Ita tertium stemma (Hugo Capetus) in folio locatur, haudquaquam Francis pœnitendum. Hoc ipsum tradit Ioannes Aventinus in Annalibus Bojorum d: Hugò nepos ex sorore Imperatoris Ottonis primi, paternam quoq; originem ex Saxonia trahens, Galliam Romanam invadit. Et aliquantò post: Progenies Caroli Magni, dum pro Germania Imperiò decertat, Celtarum quoque Regno exclusa est. Hoc ipsum tradit Volaterranus in sua Geographia e: Ludovicus postremus sanè in Caroli familia: cui Hugonem Capetum, tamquam tertii generis seu progeniei caput, successorem subjicit. Hoc ipsum tradit Ioannes Tilius f: Ludovicus Rex generis Caroli Magni & Francorum postremus. Et ad Hugonem Capetum transiens, Tertium, inquit, Regum Franciæ genus; quod usque ad nostram

a Chronic. magnum Belgic. b Christ. Massæus libr. 15.  
c Paulus Æmil. lib. 3. d Ioan. Aventin. libr. 5. Annal Bojorum.  
e Raphael Volater. libr. 3. Geograph. f Ioannes Tilius in Chronico.

*nostra tempora regnat. Hoc ipsum uno consensu vo-*  
*lunt recētiore Franciæ Scriptores Belleforestus a:*  
*Iste, Ludovicus, postremus ex stirpe optimi Regis &*  
*Imperatoris Caroli Magni fuit: nullos enim liberos ha-*  
*buit qui succederent, atque ita Regnum Francia extra*  
*stirpem Caroli Magni in genus Hugonis Magni transla-*  
*tum fuit, quem ex antiquis Gallis oriundum esse*  
*declarat. Bodinus in sua Republ. b Hugo Capetus,*  
*inter mortuâ Caroli Magni stirpe, cum Præfectus Præto-*  
*rio opibus & gratiâ plurimum valeret, Carolum, Lotha-*  
*ringia Ducem, qui unus cum Ottone filio ex omnibus Ca-*  
*roli Magni nepotibus restabat, de Imperio dejecit. Ioan-*  
*nes du Tillet in Ludovico V. c Ludovicus ultimus*  
*fuit stemmatis Caroli, quod non duravit nisi ducentos*  
*trigintaquinque annos. Et mox masculinum Cape-*  
*tiorum genus ex Saxoniâ accersit. Claudius Fau-*  
*chetus d: In ipso (Ludovico) defecerunt Reges Fran-*  
*corum ex stemmate Carolino, 235. annis, postquam Pipi-*  
*nus fuisset coronatus Rex à Bonifacio. Stephanus Pas-*  
*chasius, antiquitatū Franciæ explorator curiosus e:*  
*Hugo Capetus Coronam Francia ex familia Caroli*  
*Magni ad suos transfudit; prolixèquè demonstrat*  
*eum ex Saxonica familia propagatum esse. Bernardus*  
*du Haillan f: Hugo Capetus sacratus & unctus*  
*fuit Remis: atque ita Regnum Francia à stemmate*  
*Caroli Magni distractum est, & in novum stemma trans-*  
latum.

G 5

a BELLEFOREST EN LOVYS V. Cestuy-cy fust le dernier de la lignée du bon Roy & Empereur Charle-Magne: car il n'eust nuls enfans pour luy succeder, & par ce fust le Royaume de France hors de la lignée dudit S. Charle-Magne, &c.

b Rodin. lib. 4. de Rep.

c DU TILLET EN LOVYS V. A esté le dernier de la lignée des Charliens. d FAUCHET. En luy defaillirent les Roys Francois de la lignée Charliène. &c.

e PASQUIER LIV. 6. DES RECHERCHES CAP. 1. Hugo Capet transmit aux nens la couronne de France de la famille de Charle-Magne.

f DU HAILL. Et ainsi fust le Royaume de France distrait de la lignée de Charles le Grand, & transféré à une nouvelle race. ET PLUS BAS: Tant y a, que la couronne de France fust ôtée de la droite & masculine ligne de Charles le Grand.

*latum.* Et infra, cum dixisset, aliquos velle, quòd ex parte matris à Carolo Magno procreatus esset, subnectit ista: *Corona Francia saltem ex recta & masculina linea propagationis Caroli Magni ablata fuit.* Gilbertus Genebrardus, scriptâ Chronologiâ celebris a: Carolini etiam ipsi Monarchiam perdiderunt, & in alienam familiam Hugonis Capeti transmiserunt. Unde novam & tertiam progeniem vocat Comitum Parisiensem. Michael Naucerus in sua Monarchia b: Vltimus Regum Francia de generosissima religiosissimaque Caroli Magni stirpe Ludovicus hujus nominis quintus fuit. Et sequenti capite Capetum inducit tamquam c primum fontem Regum tertiae radicis atque prosapie: cujus stemma tantum maternum, secutus Nangii Chronicon, ex Carolo Magno deducit. Ioannes de Serres in Inventario suo d: Vt progenies Pharamundi, quæ Romanos pepulerat, è Pipino pulsa fuit, ita Hugo progeniem Pipini expulit, &c. Quid enim ad ostendendum, legitimum Regem fuisse Capetum, iuvat, quòd ex sanguine Caroli Magni, ex parte matris Haigonda filie Ottonis, Duxis Saxonie & Imperatoris, procreatus dicitur? Nam istâ consideratione illa non potuit esse ex stirpe Caroli Magni, quæ citra dubium in Ludovico quarto Arnulphi filio defecerat. Iacobus Gordonius in Opere suo Chronologico e:

Obiit

a Genebrard, libr. 4. Chronolog.

b Naucerus, de Monarch. parte 4. lib. 7. c. 12.

c Idem cap. 13.

d DE SERRES EN SON INVENT. Comme la race de Pharamont fust depossédée par Pepin, ainsi Hugues Capet chassa celle de Pepin, &c.

Car à quoy sert pour legitimer la royauté de Capet, de dire, qu'il estoit du sang de Charle Magne du costé de sa mere Avoye fille de Ottho, Ducq de Saxe, & Empereur? Elle en cet egard ne pouuoit pas estre du sang de Charle Magne, qui sans doubte defaillit en Louis IV. fils d'Arnoul.

e Iacob. Gordon. in opere Chronol. ad annum 987.

*Obiit Ludovicus Carolinorum Rex ultimus sine liberis. Hugo Capetus fortunâ, viribus, & mortalium studiis superior (Carolo Lotharingo) evasit primus Gallus Gallorum Rex; hoc est, ex stirpe priscorum Gallorum, non Francorum, procreatus. Scipio du Plaix in suis Annalibus a: Ecce secundas viçes, quibus Franci fundamentalem Monarchiæ suæ legem infregere, Regum sceptrum ex manibus naturalium successorum in extraneos transferendo. Dionysius Petavius, in historiis perquàm eruditus b: Postremus è Caroli genere Ludovicus, Lotharii filius. In eo Caroli progenies, ac secunda Regum familia desit, anno post inaugurationem Pipini ducentesimo tricesimoquinto.*

Sed omnium, quos produxi, testium, & omnium, quos produxisti, tamquam adversantium, auctoritatem superat Venerabilis ille Fulco, Archiepiscopus Remensis, coætaneus tam Corolo Simplici ex Carolinâ stirpe Francorum Regi, quàm Roberto & Odoni, fratribus germanis, ex eodem Roberto Forti natis: quorum Robertus, pater Hugonis Magni, avus Capeti, Odo propatruus ejus fuit. Testis est enim iste Fulco, Odonem, qui tamquam tutor impuberis Caroli, ut majori polleret auctoritate, Rex Franciæ cum solemnibus unctionis ceremoniis consecratus fuerat, à Regiâ Francorum prosapiâ, quæ tunc inter Francos in solo Carolo Simplice remanserat, alienum fuisse. Nam se excusans apud Arnulphum Trans-Rhenensem Regem, quòd Carolum Simplicem

G 6

tra-

a SCIPIO DU PLAIX TOM. II. Voicy la seconde fois que les François ont enfreint la loy fondamentale de leur monarchie, en traduisant le sceptre royal de la main des successeurs naturels en vne estrangere.

b. *Dionysius Petavius in Rationar. temp. lib. 9. cap. 16.*



tractandis Regni habenis admovisset, inter cætera dicit, se, cum nullum ab Arnulpho, tamquam Caroli consanguineo, consilium vel consolationem accipere potuisset, coactum Odonis istius dominatum suscepisse *a, qui ab stirpe Regiâ existens alienus, Regali tyrannicè abusus fuerit potestate.* Hinc postea se hoc solum, quod restabat, egisse, ut eligeret *eum Regem habere, quem solum post ipsum (Arnulphum) de Regiâ ipsius habebant progenie, & cujus predecessores & fratres extiterunt Reges,* hoc est, Carolum Simplicem. Repetit iterum, quod, cum Regalis culminis successio semper huc usque vigeret, tunc verò ille tantum Princeps, & hic parvus propinquus ejus Carolus de totâ Regali stirpe remanserint. Ad-  
dit denique, tot jam de alienâ stirpe Reges existere, & adhuc esse plures, qui sibi Regium nomen affectent. Ad extremum supplicat, ut hi, qui ex alieno genere Reges extabant, vel. existere cupiebant, non prævalerent contra eos, quibus ex genere honor Regius debebatur. Quibus verbis aliquoties iteratis perstringuntur Odo & Robertus, qui sibi & posteris jam tum, cum exarescere Carolinum stemma cerne-  
rent, ad Regium thronum viam sternebant. Si-  
quidem utrique consecrationem Regiam adepti sunt, & sceptrum Francicum partim rapuerunt, partim tyrannicè moderati sunt. Quod si Robertus, Capeti avus, & Odo propatruus ejus, germanus Roberti, à Regia Francorum stirpe alieni fuerunt, solusque Carolus Simplex in Francia ex illo stemmate superstes erat, quod Fulco Regii sanguinis & juris studiosissimus, & inter primos Regni Proceres, ignorare non potuit, profectò Capetum ex Regiâ Carolinâ stirpe per masculos propagatum esse,

*a Fulco in litteris ad Arnulphum apud Flodoard. lib. 4. dist. 6. 5.*

esse, impossibile est. En tibi ultimas, Arroye, Carolinæ profeminationis fibras radicitus excisas, ex quibus germen aliquod Capeto, aut ejus posteritati, pullulare potuisset: en jus omne sanguinis ei extinctum, causamque damnatam, aut equam nasceretur.

Sed quid opus pluribus? Plerique auctores etiam Hugonis genealogiam texunt, & ad Magnum usque Witikindum Saxonem perducunt, quem Carolus Magnus vix tandem multis præliis domuit. Witikindus enim, inquiunt, filium genuit Witikindum, cui quidam tertium eiusdem nominis adjungunt; Witikindus Robertum fortem, iste Robertum secundum Regem vel tyrannum Franciæ, Robertus Hugonem Magnum, Hugo Magnus Hugonem Capetum. Quæ latius tradunt Ioannes Tilletus, de Serres, Paschasius, du Plaix, locis citatis; ac breviter attingit du Hailan, Franciscus Haræus in Annalibus suis: itemque ex antiquis, Gesta Francorum apud Ivonem Epistolâ septuagesimâ, Continuator Aimoini, Fragmentum historiæ Ludovici Octavi, dum Robertum Hugonis Capeti avum, *Saxonici generis virum* appellant, Andreas Sylvius in Synopsi, Auentinus, alii.

Vides arbitror, ex istis, Arroye, quanto consensu tum veteres tum recentiores, præsertim rerum Francicarum Scriptores, qui res istas ex professo indagarunt, & nihil intactum reliquerunt, ut familia Caroli Magni perpetuata videretur, tradant Carolinam prosapiam in Ludovico defecisse, & Regnum ad novam stirpem in Hugone translaturum. Cujus rei constantissima veritas ita omnium Francorum animis hæret, ut inter eos nil sit cele-

bratius , quàm tres hæcenus Regum familias Regni habenas tenuisse. Nónne istud cantent & in montibus pastores vestri , & in theatris poëtae , & indocti in circulis , & docti in bibliothecis , & magistri in scholis , & ipsæ mutæ picturæ in parietibus vestris ? Ad me quod attinet , neminem hæcenus Historicum , vel Scriptorem antiquiorem , qui hoc cum aliquo fundamento inficias iuerit , vidisse memini. Quid verò tibi , Arroye , si quid superest , post istos Historicorum flores , quos recensuimus , nisi fæces , reliquum esse potest ? Videamus interim , quid tanto Scriptorum exercitui opponere , vel , quod mirabilius est , etiam præponere audes.

## C A P V T XXXIV.

*Transitus ad objectiones. Non adversatur nobis  
Ioannes Papa VIII.*

**S**Vnt, inquis a, ex celebrioribus, qui contrarium sustinent ac testantur : uti probatur duorum Pontificum testimonio , Innocentii III. & Ioannis VIII. nec non attestatione magni Cardinalis Baronii , qui non solum istud asserit , sed etiam probat. Habemus pro nobis magnum illum Cuiacium , Guilielmum Nangium , antiquum Chronicum Senonense. Hæc ex Cassano malâ fide rapuisti. Ipse vera dixit , tu falsa : ipse , ut probet Capetum esse ex stirpe Caroli Magni satum , nihil illo loco de masculina vel feminina definiens , quod

a FOL. 87. & 88. Mais aussi en y a il, & des plus celebres, qui souviennent & tesmoignent le contraire , comme on verifie par le tesmoignage de deux Papes Innocent' III. & Iean VIII. par l'attestation du grand Cardinal Baronius, qui ne le dit pas seulement , mais qui le prouve. Nous avons ce grand homme Cuias pour nous, Belleforest, Guillaume de Nangis, l'ancienne Chronique de Sens,

quod aliquorum Scriptorum testimonio probari potest; tu substituis solitâ temeritate masculinam, vel, si fortè uterque masculinam intelligit, cæcus cæcum in foveam præcipitavit. Singulos pressio pede exploremus.

Primus igitur, ut cum, qui tempore præcessit, præponamus, *Ioannes Papa Octavus* est. Verba, quibus niteris, ex inscriptione quarundam litterarum ad Hugonem Abbatem petita sunt *a*: *Hugoni strenuo, nobili, Regali prosapia edito, atque excellentissimo Abbati*. Præclara basis, cui tanta moles, jus in maximam Europæ partem, imponatur. Sed multiplici responsione facillimè everti potest.

Prima est, Hugonem illum Abbatem non esse Hugonem Magnum, patrem Hugonis Capeti; sed alium longè seniores, qui defunctus est anno octingentesimo octogesimo septimo, centum annis ante Regnum Capeti. Testis est Regino in Chronico istius anni *b*: *Eodem tempore Hugo Abbas, magna pietatis vir, & magna prudentia, Aurelianus moritur*. Cujus Ducatus traditur patruo Hugonis Magni Odoni, postea Regi Franciæ, qui in tutorem Caroli Simplicis assumptus fuit. Hugo verò Magnus vixit facilè septuaginta annos postea. nam mortuus est circa annum 956. Itaque quamvis ille Hugo Abbas Regalis esset prosapiæ, non continuò etiam Hugo Magnus, vel Capetus, filius ejus. Utrùm homonymia nominis (*Hugo Abbas*) te non fefellerit, ut, quemadmodum proclive est, id, quod de primo illo Hugone à Papa dictum est, tamquam de secundo Hugone, patre Capeti, prolutum arripueris, equidem nescio. Hoc scio, utrumque illorum, imò & Hugonem

*a* Ioan. Papa ad Hugon. Abb. ep. 305. *b* Regino ad an. 887.

nem Capetum, Abbatem fuisse nuncupatum. De Hugone illo seniore res est vulgatissima, de quo sic Continuator Aimoini *a*: *Robertus supradictus Princeps cupiditate magis ductus, quàm curâ animarum sollicitus, Abbatiam S. Germani accepit, seque Abbatem post supradictum Hugonem Abbatem vocari fecit.* De Hugone Magno, patre Capeti, sic ibidem *b*: *Sub hoc etiam Rege Rodulpho, Hugo Magnus Abbatie nomen post obitum patris sui Roberti supradicti sumpsit.* Qui Hugo Magnus, cùm jam defunctus esset apud Dordingam villam, sepultusque Parisiis, sic loquitur de filio ejus Hugone Capeto *c*: *Anno 4. Lotharii Regis sub Abbate Hugone, & Duce Francorum, Galtierius Archicustos exstitit Decanus cœnobii S. Germani.* Ex hac ergo nominum *Hugonis & Abbatie* homonymia fortasse contigit, ut Hugo Abbas, qui *Regalis prosapia* fuisse dicitur à Ioanne Papa, à te existimatus fuerit fuisse Hugo Magnus, itidem Abbas, pater Capeti.

Nam quòd aliqui putant istam seniore *Hugonem Abbatem* fuisse fratrem Roberti primi, qui *Hugonis Magni* avus fuit, hoc nonnihil fluctuat. Etenim Regino & Aimoinus, qui sæpè istius *Hugonis Abbatie* meminere, numquam eum fratrem Roberti nominant, cùm tamen in Roberti genealogia deorsum pertexenda satis accurati sint.

Secunda est. Etiam si Hugo ille primus Abbas esset Roberti frater, illius, unde Capetus natus est, non tamen idcirco *ex prosapia Regali* Caroli Magni fuisse, rectè probaretur. Possunt enim & alii esse, qui Regiâ vel dignitatè, vel titulo fruerentur, vel sanguine nati essent extra stirpem Caroli, ad quos *Hugonis* istius stemma referretur. Sic enim

vide-

*a* Contin. Aimoini lib. 5. c. 41, *b* Ibid. c. 42, *c* Ibid. cap. 44,

videmus nepotem Hugonis istius Rodolphum se Regem Burgundie vocasse, de quo Regino *a*: *Coronam sibi imposuit, Regemque appellare se iussit*. Eodem ferè tempore Berengarius & Guido, Lamberti filius, Principes Italiae, se Reges, eodem Reginone teste, vocaverunt; cum ille esset Dux Forojuliensis, hic Spoletanus. Ioannes verò Papa, quia Berengarii in Italia, non minus quàm Hugonis Abbatis operâ in Galliis indigebat, utrique *prosapiam Regalem*, sive reverâ, sive quodam fortassis honorificentiae magis excessu, quàm veritate, tribuit. Sic enim scribit ad Berengarium *b*: *Dilecto filio Berengario, glorioso Comiti, Regiâ prosapiâ orto*; quem nemo tamen ex Caroli Magni prosapia procreatum statuit. Antiquo usu non tantum provinciarum, sed etiam urbium Domini, subinde Reges ac Reguli dicebantur, ut Gundebaldus Rex Burgundionum, Ragnacharius *c* Rex apud Cameracum, Charaicus, Sigebertus, & similes à Clodovæo devicti, Reges vocantur.

Tertia est, nihil mirum esse, si Hugo Magnus, ipseque adeò Hugo Capetus, *Regalis prosapia* diceretur. Constat enim, nonnullis antiquis attestantibus, Hugonem Capetum ex Hatvide, (alii *d* Aigundem vocant) natum *sorore primâ Ottonis Imperatoris*, ut ait Sigebertus *e*. Nam Hugo patër ejus tantæ erat auctoritatis, ut nomine Magnus, connubiis major, duas Regum filias duxerit, Isabellam filiam Eduardi Regis Angliæ, cæque sine liberis mortuâ, Hatvidem filiam Henrici primi Imperatoris, quam Sigebertus sororem Ottonis dixit. Quid ergo mirum, si Hugo Capetus, vel Hu-  
go

*a* Regino l. 2. ad an. 888. *b* Epist. 85. *c* Greg. Turon. lib. 2. c. 32. 41. 42. *d* Gaguinus, *e* Sigebertus.

go Magnus, vel Hugo Abbas, vel alius quispiam majorum, vel agnatorum ejus, *ex Regali prosapia*, stirpe scilicet femininâ, propter matrem, aviam aut proaviam, à Papa dictus sit? Nam hinc proficiscitur, quod nonnulli tradunt, Hugonem Capetum ex Carolo Magno per feminas, Mathildem scilicet, tamquam filiam Ludovici, Carolini generis, esse procreatum, Nangius, Belleforestus, du Hailan, Paschasius, & alii. Cum ergo tot modis objectio tua ex Ioanne Papa evanescat, contemptu potius, quàm refutatione operesâ, digna est: ut mirum sit, hujusmodi ludibria ad universam Germaniam & Italiam absorbendam, à prudentibus proferri.

## CAPVT XXXV.

*Nec Innocentius III. nec Baronius.*

**S**ecundus testis tuus est *Innocentius Tertius*. Tantummodò ille dicit de Philippo Augusto, Rege Franciæ *a*, quod Carolus (Magnus) innovavit, de cujus genere Rex ipse (Philippus) noscitur descendisse. Sed non dicit, utrum materno an paterno genere. Ex quo fit, ut Guilielmus Nangius *b* de maternâ stirpe loqui Innocentium, quem iste in illum finem citat, apertè tradat. Quid igitur generalia hujusmodi verba torquentur ad ea comminiscenda, quæ nemo vetustiorum graviorumq; Auctorum attingit, relictis iis, quæ certissimâ veterum novorumque consensione firmantur?

Tertius est, *Magnus ille*, ut ais, *Cardinalis Baronius*, qui non solum hoc dicit, sed etiam probat. Næ tu magnus es imperitorum illusor, ut nil deterius dicam.

*a Innocentius III. cap. Novit ille, de judiciis.*

*b Nangius in Chron. ad ann. 987.*

am. Baronius expressissimis verbis in eodē, quem  
 itas, loco dicit *a*: *Ludovicus Francorum Rex novissi-*  
*mus Carolinorum moritur, anno vix uno Regno potitus.*  
 Audis *novissimum Carolinorum*? Et rursus in eodem  
 loco: *Cumq; sine liberis decessisset, Regnum Francorū non*  
*collatum est Carolo Lotharii Regis defuncti fratri, sed*  
*magis, eo contempto, ad extraneos est delatum, nempe ad*  
*Hugonem, Ducem Parisiensem.* Audis, extraneos? Quod  
 igitur Baronius inferius adducit, progeniem Caro-  
 linam non defecisse in Ludovico, Capetumque ex  
 eādē esse satum, de materna intelligit. Nam in  
 probationem adfert Chronicon Guilielmi Nan-  
 gii, & genealogiam S. Arnulphi: in quibus ex pro-  
 fesso maternum Hugonis genus, non paternum, ad  
 Carolum usque perducitur, eā scilicet ratione, quā  
 suprà dictum est. Innocentius, quem allegat, eo-  
 dem Nangio interprete, de materna stirpe loquit-  
 ur. Quis credat hominum Sacerdotem, Theolo-  
 gum, Doctorem imperitis tanta cum licentia abuti  
 velle, ut peritorum oculos non vereatur? Sed non-  
 dum est imposturarum finis.

*a Baron, ad ann. 987. Tom. 10.*

## C A P V T XXXVI.

*Nec Belleforestus, nec Guilielmus de Nangis.*

**Q**uartus est, inquis, *Belleforestus*. Nimis enor-  
 miter istud falsum est. Verba ejus jam suprà  
 dedimus. Vin' clariora? *b In isto (Ludovico) finita*  
*atque*

*b BELLEFOREST EN LOVYS s. A cestuy Roy, comme dit est, fust finie &*  
*terminée la lignée du grand Roy Charle Magne.*

ET PLUS BAS: Et ainsi, comē dit l'annaliste Flamend, le royaume de  
 Gaules fust remis entre les mains des vrayz Gaulois; en tant que Hue Capet  
 estoit descendu non des Merovinges ou Pepins, ains de la vraye race ancienne  
 des Seigneurs de Gaule, & des Princes d'Anjou: rendant la gloire de la Cou-  
 ronne aux Gaulois, que les Francois & Allemans leur avoyent usurpé.

ET PLUS BAS: Mais il m'est advis, que celuy Hue Capet peut estre, &  
 fust en aucune maniere d'aucun costé, non pas directement en ligne masculine,  
 du lignage de Saint Charle Magne, si comme vous oirez cy apres dire.



atque terminata fuit prosapia Caroli Magni. Et ne relinqueretur ullus cōtroversię locus, mox uberius: Sic, ut loquitur *Annalium Belgicorum Scriptor*, Regnum Gallia in manus verorum Gallorum rediit. Hugo enim Capetus non ex Merovingiis, aut Pipinis, sed ex vera antiquaque stirpe Gallorum, & Principum Andegavorum ortus est. Et quia dixerat, Hugonem ex Regali prosapia descendisse, statim explicat hoc de materno latere accipiendum esse: *Videtur mihi Hugonem istum Capetum esse posse atque fuisse aliquo pacto, ex aliqua parte, non tamen directe per lineam masculinam, ex prosapia Caroli Magni, ut statim audies.* Quod infra exponit contigisse, quatenus Hugo Magnus, pater Capeti, filiam Ottonis Hatvidem, vulgò Avide vel Haygunde, uxorem duxit.

Quintus est *Guilielmus de Nangis*. Æquè falsum est. Nangius a perspicuis verbis deducit genus Capeti ex Carolina stirpe per feminas, hoc est, per Mathildem, uxorem Henrici Imperatoris, & matrem Ottonis primi: quæ cum esset, ut ipse sentit, filia Ludovici junioris adhuc ex stirpe Carolina Imperatoris, peperit primum Ottonem Imperatorem, & duas, inquit, filias, Gerbergam, uxorem Ludovici Regis, patris illius Ludovici, sine herede mortui, & Hatvidam, matrem ipsius Hugonis Caputti. Per quæ patet, quòd ipse descenderit de progenie Caroli Magni. Sed quomodo patet, nisi quia ex Ludovici junioris stirpe per filiam ejus Mathildem propagatus est? Eodemque sensu addit de Innocentio: *Hoc etiam attestatur Innocentius Papa, &c.* Vidēsne uno eodemque testimonio Nangii, & Nangium & Innocentium tibi esse subtractum, & te erroris vel imposturæ redargutum?

C A-

## CAPVT XXXVII.

*Nec Chronicon Senonense, nec Cuiacius.*

**S**extus est *Chronicon*, ut ais, *antiquum Senonense*. Hoc nondum ad manus meas venit. Fides verò tua nimium prostrata est, ut mihi fas sit acquiescere nude assertioni tuæ. Juxta Cassianum, *Chronicon Senonense* tantum dicit, Hugonem Capetum ortum esse ex Carolo Magno. Idem Innocentius III. Nangius, Belleforestus, aliique nonnulli tradunt. Sed quid hoc ad causam nostram? De latere feminino se hoc intelligere plerique eorum palam profitentur. Aliud quære, quò stringas eos, qui masculinâ propagatione ex Carolo fluxisse Capetum negant. Itaque ubique hallucinatio, & fallacia.

Septimus est *Cuiacius*. Falsum est. Non dicit aliud quàm Innocentius, cujus verba refert: *Notandum interim*, inquit *Cuiacius a*, quod in hoc *Cap.* obiter ait Innocentius, *Philippum Augustum* (qui scilicet *Augustus* appellatus est, non quòd esset Imperator) descendisse ex genere *Caroli Magni*. Nam ex eo sequitur necessario, Hugonem Capetum, cujus *Philippus* fuit trinepos, ex *Carolo Magno* originem genusq; traxisse: quod & verius esse hodie plerique autumant, tum *Franci*, tum *Itali*. Quid hîc *Cuiacius* novi dicit, quos nos non suprâ diximus, auctoribus nonnullis suffragantibus? Sed ubi dixit, Hugonem ex *Carolo Magno* masculinâ procreatum serie traxisse genus? Quòd si *Cuiacius* sine teste antiquo & gravi, de re facti, à sexcentis annis præterita, nobis diceret, vel adversus

*a Cuiacius ad cap. Novit. tit. de judiciis, in opere paralipom.*

sus unanimem tot tantorumque Scriptorum veterum & novorum auctoritatē, daret veniam, si non crederem. Vides, Arroye, si non oculi tibi extincti sunt, quanto errore vel fallaciā septem testes istos pro te produxeris: quorum nec unus quidem tibi favet, plerique damnant exsertissimè. I nunc, & gloriare de tua Casuistarum regula, quā ridiculo, plus quàm dici potest, modo jactas in hac materia, *Plausibilis esse jus possidenis*; ideoque, quia Ludovicus XIII. est in possessione istius seriei masculinæ progenitorum Carolinorum, jus ejus esse firmitus.

## C A P V T XXXVIII.

*Hugo Capetus, & posteritas ejus, ne quidem ex maternâ stirpe, prosapia Carolina, est.*

**E**T hætenus quidem ita rem istam egimus, ut saltem ex materno latere Capetum Carolinæ stirpis fuisse fateremur: non tamen desunt, qui hoc ipsum firmo fundamento niti negant. Nam Scipio du Plaix disertè asserit, falli eos, qui propter Hatvidem, filiam Henrici Imperatoris, Capetum Carolino sanguine procreatum volunt, propterea quòd Henricum Saxonici sanguinis fuisse certum sit. Sed alii fortasse Scipionem redarguerent. Nam etsi Henricus pater Hatvidis esset stirpe Saxo; uxor tamen ejus, inquit, Mathildis, avia materna Capeti, ex Ludovico juniore, stēmatibus Carolini Principe, propagata est. Sed istis meritò opponi possent Scriptores graves, qui omnes, quotquot ea de re citavimus, ætate æquant aut superant. Testatur enim Sigebertus, Mathildē seu Mathildam, Henrici

rici Imperatoris uxorem, matrem Hatvidis, ex qua Caperus natus est, non fuisse Ludovici junioris filiam, sed Theodorici seu Thiaderici, ex stirpe Magni VVitikindi Saxonis *a: Post quem* (Henricum) *Otto filius ejus ex Mathilda, filia Theodorici, Regis Saxonum, imperavit.* Nam iste Otto frater erat Hatvidis, matris Caperi. Et ante Sigebertum hoc tradidit Continuator Reginonis ejusdem sæculi cujus Mathilda, Scriptor: *Henricus Rex sexto Nonas Julii diem clausit extremum, cui filius suus Otto ex Mathilde filia Theodorici, ex stirpe Magni VVitikindi Saxonis, consensu primorum Regni successor eligitur.* Quibus verbis auctorem istum citat Franciscus Haræus. Quamquam aliis exemplaribus Reginonis usus fuisse videatur, quàm vulgatæ editionis Francofurtensis, in qua ista verba citata non reperio. Et paulò ante Continuatores Reginonis, vel certè eodem tempore, Luitprandus Diaconus Ticinensis, ac postea Cremonensis Episcopus, vir propter conditionem ac prudentiam magnæ auctoritatis, patris Hugonis Caperi & Mathildæ coætaneus, cum corpus Henrici defuncti in Saxoniam deportatum, & in ipsius Regis prædio Quintelingaburch repositum esse narrasset, mox subjungit *b: Vbi & venerabilis ejus conjux, Regniq; consors, ex eadem gente nomine Mathildis, ultra omnes quas viderim & audiverim matronas, pro delictorum expiatione celebre exequiarum officium vivamq; Deo hostiam offerre non desivit.* Audis hic ex eadem gente fuisse, quâ Henricum? quem stirpe Saxonē fuisse unanimiter Auctores tradunt. Et eadem ætate VVitichindus Saxo, Scriptor gravis, Mathildæ itidem contemporaneus, sub cujus filio Ottone primo Imperatore, adhuc

huc vivente Mathilda, floruit, & Saxonum historiam ejusdem istius Imperatoris filiaë dedicavit, disertissimis verbis isti veritati testimonium reddit. Nam cum de liberis Mathildæ præmisisset *et Aliam quoque filiam genuit, qua nupsit Hugoni Duci*, patri Hugonis Capeti, de cujus stemmate disputamus, de prosapia ejus rem ita definit: *Erat namque ipsa domina Regina (Mathilda) filia Thiedorici*, hoc est, ut recentiores loqui malunt, Theodorici: *cujus fratres erant VVidekind, Iaumet, Reginbern. Reginbern autem ipse erat, qui pugnavit contra Danos, multo tempore Saxoniam vastantes, vicitque eos, liberans patriam ab eorum incursionibus usque in hodiernum.* ET HI ERANT STIRPIS MAGNI DUCIS VVIDEKINDI, QUI BELLVM POTENS GESSIT CONTRA MAGNVN CAROLVM PER TRIGINTA FERME ANNOS. Quid in re historica evidentiùs & certius postulari possit ignoro. Exprimit enim & patrem & fratres Mathildæ sibi coætaneæ; gesta eorum describit; nomina ipsa clamant esse Saxones. Quàm pudendæ esset imperitiæ & impudentiæ, imò stoliditatis non ferendæ, prosapiam Mathildæ matris, cum qua vivente vixerat, sub cujus filio florebat; cujus nepti genealogiam ejus nuncupabat, ex Saxonia accersere, si ex Gallia fluxisset! in vasallum rebellem & victum terminare, si ex ejus victore Imperatore prodiisset! Itaque talium, tam gravium, tam veterum, imò oculatorum, ut ita dicam, testium, res sui temporis enarrantium, auctoritate nixus, fidenter asseruerò, falli quotquot eis posteriores Capetum ex Carolina matre, Mathilda tamquam Ludovici filia, geni-

a VVitich. Saxo lib. 1. de gestis Saxon.

b Luitprandus dicit se explicare narranda, quibus interfuit, lib. 4. cap. 1.

genitum tradunt. Primis enim istius auctoribus opinionis, Capetianæ stirpi fortasse blâdientibus, (cui nihil gratius fieri poterat, quàm Gallis suis Carolini sanguinis propagatione commendari) non erat difficile fucum apud imperitos prosapiæ Germanorum jam ab uno aut altero sæculo defunctorum facere. Cæteri recentiores bonâ fide præcedentium istorum vestigiis institerunt.

Ex his, arbitror, luce meridianâ clariùs liquet pessima fides Scriptoris hujus, quâ in auctoribus citandis usus est; animus quoque haud scio an satis Christianus, qui per tot fraudes ad victoriam, animosque popularium suorum in arma concitandos nititur; causa denique desperata, in qua nec unus auctor, contra torrentem Scriptorum omnis generis & ætatis, ab eo inveniri potuit, qui cum aliquo colore Capeti genus per masculos ad Carolum usque Magnum subvexisse doceretur. Ita inflati istius montis parturitio, qui totius Europæ Imperiis gravidus erat, ridiculi muris, imò inanis ludibrii, nativitate detumuit. Ut illis mihi similis esse videatur, qui multâ febre insanientes, coronas & sceptrâ totius orbis terrarum somniant, de quibus mirum in modum sibi delirâdo blandiuntur: sed mox universa, redeunte sanitate, velut inania furoris domestici simulacra disparent. Quid enim inanius, quid insipientius, imò verò quid insaniæ vicinius, quàm totius Imperii, prout omnia penè Europæ Regna comprehendit, successionem, tamquam hereditario masculorum succedentium jure Ludovico XIII. debitum, asserere, ambitionisque magnitudine omnium ferè Christianorum Principum status ab sorbere: cum verò ad rem venit, totam hujusmodi

successionis excogitatæ scenam, tamquam inani mentis ludificatione confictam, evanescere ?

Cum ergo nihil omninò juris Ludovico XIII. ex ista sola carnali per masculos Carolini stemmatis propagatione competat in Europæ Regna vel Imperium ; videamus, utrùm solidius erit jus, quod ex Unione aliorum Regnorum & Imperii cum Corona Franciæ proficiscitur.

## C A P V T XXXIX.

*Secunda justitiæ ratio est Unio subactarum Provincia-  
rum cum Corona Franciæ. Ostenditur, nec omnia  
uniri solere, nec Imperium ei unitum fuisse.*

**S**Ecunda igitur juris ratio ex istâ unione peti-  
tur. Quidquid enim, ut ais a, à Regibus Franciæ  
acquisitum est, Corona ipsorum unitum fuit; uti testan-  
tur ea, quæ Clodovæus & Carolus Magnus armis pepe-  
rerunt. Titulus iste latior atque firmior est. Jus  
enim parat Regibus, non solum illis qui masculi  
ex masculis prædecessoribus propagantur, sed  
omnibus, quotquot legitimè sibi tradita capeffunt  
scepra sive masculi, sive femina, Principatum,  
sive naturali propagatione, sive adoptione, sive  
electione, consequantur. Hoc igitur juris patrocini-  
um ut ad occupandas Christianorum Princi-  
pum ditiones tibi servire possit, hanc velut basin  
ei collocas, Omnia, quæ sibi Francorum Reges  
armis aliquando subegerunt, sub Coronæ ambi-  
tum nexu indissolubili esse comprehensa, nec esse  
fas ut inde divellantur. Næ tu mihi perperitus  
ratiocinationum architectus videris. Nam ubi  
alii

alii certis perspicuisque ad incerta demonstranda principijs uti solent, tu perspicuè falsa sumis, ut paradoxis hallucinationibus tuis concilies fidem. Nam siue historias ab orbe condito, bellorumve primordiis, lustremus universas, siue Francicis vicinisque contenti simus, victis victores provinciis quas voluerunt leges imposuisse comperiemus; ut victoriæ suæ præmio ad arbitrium uterentur, conjungendo, divellendo, alienando, donando, aliisque utendo, ut visum esset, modis. Populus Israel subegit Regem Arad, deleuit Moabitas, nec tamen hæreditati suæ eorum Regna univit, sed suis eos Regibus uti permisit. Saul universam Amalecitarum regionem subjugando vastavit; quam tamen non esse coronæ Israelis unitam, posteriora testantur Amalecitarum latrocinia. David quarundam gentium Reges vicit, urbesque cepit, quas non esse in unum Regnum redactas, satis manifestum est. Quis nesciat Regnum Israel à Salmanassar esse subjugatum, Regnum Iuda ab Assyriis sub Manasse, ab Ægyptiis sub Ioachaz, qui alio Rege constituto, in Ægyptum captivus ductus est; à Chaldeis sub Ioakim, & iterum sub Joachin, filio ejus? Nec tamen Regna ista toties devicta, Regnis Assyriorum, aut Ægyptiorum, aut Chaldæorum, hoc ipso unita sunt, sed ex victorum Regum voluntate propriis legibus ac Regibus uti sinebantur. Non omnia in provinciam Romanos confestim redegissemus notum est. Nam & victos licet, esse tamen permiserunt Reges, novosque creaverunt, in Judæa Herodem & Agrippam, alios alibi; terrasque gentibus integris habitandas, Regibusque propriis suo jure possidendas regendasque donaverunt. Alexander



nónne quidquid armis decennali bello pepererunt non Regno univit Macedonico, sed in quatuor vastas Monarchias *a divisit Regnum suum, cum adhuc viveret?* Cujusmodi exempla, quibus & Romana & barbara historia plena est, perspicue ostendunt, in libera victorum potestate plerumque constitutum esse, ut vel Regnis suis provincias bello partas uniant, vel Regibus, sive tributariis sive liberis, uti sinant, vel denique Principatuum earum plures solâ in unam Regis personam, non in unam Regni coronam, associatione cōjungant, quos iterum à se invicem divellant, cum vel plurimum liberorum successio, vel regia munificentia, vel alia publica privatâve ratio postulaverit. Non libi testatior, quàm in Francorum Regibus, hujus rei fides: qui Regna plura, tam armis à se primum parva, quàm à parentibus transmissa, multorum sæculorum decursu non aliter partiendo distinxerunt, quàm privati homines relictum à parentibus patrimonium: ut sanè per primos quingentos annos non sit ullum hujusce unionis, neque Imperii cum Corona Franciæ, neque provinciarum potissimarum ipsius Franciæ inter se, vestigium.

Quantum ad Imperium, hoc satis perspicuè declarat, quòd Carolus Magnus ipsum Regnum Galliæ veluti provinciam Romano Imperio annectere meditatus sit, ut sic unum ex utrisque Regnum fieret. *Carolus Augustus*, inquit *Æmilius b*, Imperium virtute bellicâ longè lateque propagatum, legibus ab se conditis firmare statuebat, & quàm proximè poterat, ad antiquam urbis Romæ gloriam magnitudinemque pervenire. *Pulchrum esse, in terris exstare.*

Unum

Unum summum regimen rerum, quod mortalibus iuraret; cui Reges omnes gentesque per aquam pareant, quod supra cetera emineat; quod Unum secundum Deum optimum maximum rerum arbitrium moderetur; ad quod Unum mortales omnia referant; quod sanctum sit, unde cuncta petantur. Et ut ceteras gentes Imperio venerando assuefaceret, primos Francos Augustorum legibus teneri volebat, easque ipse novas condere. Sed Franciæ Proceres unionem istam averſati, Cur, inquiunt, milites tuos, Regnum tuum, Franciam tuam, Imperii provinciam facere studes, Imperioque subicere? Argumento profecto perquam evidenti, non existimasse Carolum, unum ex omnibus provinciis subactis, ipsaque adeo Francia, Regnum coaluisse, utpote quod adhuc unire cogitabat. Quid enim opus erat ista cogitatione, si jam unum Regnum, ex unione cum Corona Franciæ coagmentatum?

## CAPUT XL.

*Olim Provincia, etiam Francia, non ita fuerunt Corona unita, quin in liberos Regum distraherentur, ita ut singuli summo jure regnarent.*

Quantum verò ad ipsam Franciam attinet, etiam Provincias ejus divelli à se mutuò in diversa Regna, & à Coronæ unitate, quæ præcessisse videbatur, alienari potuisse, evidenter probat prima illa partitio filiorum Clodovæi. Nam illo defuncto, teste Gregorio Turonensi a, quatuor filii ejus, id est Theodoricus, Chlodomeris, Childebertus atque Clotharius, Regnum ejus accipiunt, & inter se aqua lance dividunt. Hoc probat secunda partitio filio-

H 3

a. Greg. lib. histor. Franc. cap. 1.

filiorum Clotharii, de quâ idem dicit *a*: *Sic inter se hi quatuor, id est, Charibertus, Gunthramnus, Chilpericus atque Sigebertus divisionem legitimam faciunt: deditque sors Chariberto Regnum Childeberti, sedemque habere Parisios: Gunthramno verò Regnum Chlodomeris, ac tenere sedem Aurelianensem: Chilperico verò Regnum Clotharii patris ejus, cathedramque Sueffionas habere: Sigeberto quoque Regnum Theodorici, sedemque habere Remensem. Hoc probat tertia partitio, quam inter filios suos fecit Dagobertus, de qua Aimoinus *b*: Rex suggerentibus iis, qui utilitatibus Regni consulere videbantur, equâ lance inter hos duos filios Regnum dividere statuit. Sigebertum itaque seniore ex liberis, Austrasia, ut prælibatum est, Regem instituit; Clodovæum verò minorem natu pari dignitate Neustria ac Burgundia præfecit. Ecce etiam Regno utilem talem partitionem Consiliarii putant. Nempe quia tunc stabilis videtur fuisse lex, ut omnes filii Regum ex æquo Regnum, & omnes parentum opes, partirentur. Hac enim de causâ cum Clodovæus iste jam dictus Dagoberti filius, omnes patris thesauros occupasset, Sigebertus nuntios ad fratrem misit *c*, qui debitam sibi portionem ex paternis poscerent thesauris. Cui petitioni tamquam justæ tantum Clodovæus detulit, ut omnis thesaurorum Dagoberti supellex in speciebus variis, inter fratres equâ lance divisa sit, tertiâ parte ex omnibus, quæ acquisiverat Dagobertus, Reginę viduę reservatâ. Hinc etiam duæ præcedentes partitiones filiorum Clodovæi, itemque Clotharii, nō tam à patre, quàm ab ipsis filiis, tamquam ex lege successionis ordinariâ, peractę sunt. Ex Germania quippe cum originem traxissent,*

Ger-

*a* Idem lib. 4. cap. 22. *b* Aimoin. lib. 4. c. 27. *c* Cap. 36.

Germanica successionis ratio inter eos, & posteros eorum, aliquot sæculis observata est. Hoc rursus probat quarta partitio filiorum Pipini, qui vivente patre Reges à Stephano Papa a uncti & consecrati sunt: & post mortem ejus suam quisque portionem divisæ hereditatis accepit. de qua Regino: b *Pipinus diem clausit extremum octavo Idus Augusti. Et dominus Carolus (Magnus) & Carolomannus elevati sunt in Regnum, Carolus in Noviona civitate, Carolomannus in Sueffiona septimo Idus Octobris. Cui c Sigebertus & d Aimoinus concinit. Hoc probat quinta partitio, quam fecit Carolus Magnus multis annis antè quàm esset Imperator Occidentis, de qua Adelhelmus Continuator Aimoini e: Baptizavit Pontifex (Adrianus) filium ejus Pipinum, unxitque eum in Regem: unxit etiam & Ludovicum, fratrem ejus, quibus & coronam imposuit. Quorum major, id est Pipinus, in Longobardia; minor vero, id est Ludovicus, in Aquitania Rex constitutus est. Hoc probat sexta partitio, quam idem Carolus diu antè mortem suam, defuncto jam Pipino, fecit f: Habito generali conventu evocat ad se apud Aquasgrani filium suum Ludovicum, Aquitania Regem, coronam illi imposuit, & Imperialis nominis consortem fecit, Bernardumque nepotem suum, Pipini filii sui filium, Italia prefecit, & Regem appellari jussit. Hoc probat septima partitio, quam idem Carolus Magnus testamento jam antè fecerat, de qua Adelhelmus & Regino g: Imperator cum Primoribus & Optimatibus Francorum de pace constituenda, & conservanda inter filios suos; & de partitione Regni*

## H 4

placi-

a Ado, Regino, Sigebertus in Chronicis & Aimoin. b Regino ad ann. 768. c Sigebertus ad ann. 768. d Aimoin. Contin. ad ann. 768. e Adelhelm. apud Aimoin. ad an. 781. f Adelhelm. ad ann. 813. g Idem. ad ann. 806. Regino eodem ann.

placitum habuit. Et divisione factâ in tres partes, Imperium suum paritus est inter tres filios, ut scilicet unusquisque sciret, quam partem tueri & regere debuisset, si ille patrem superviveret. De hac divisione testamentum fecit, & sacramentum interpositum à Francis confirmatum est, & Leoni Papa transmissum, ut hac decreta manu suâ firmaret; quod & factum est. Porro divisio ista in tres partes talis fuit, ut, si quis trium filiorum sine liberis ante cæteros duos decederet, portio ejus rursus in duas partes à duobus superstitibus divelli juberetur. Exstat ipsum testamentum apud Naclerum *a*, Baronium *b*, & Hulticū & Mutium, in quo limites primùm trifariam, deinde septifariam, factæ divisionis accuratè describuntur. Hoc probat octava partitio, quam Ludovicus Pius, Caroli Magni successor, inter filios suos fecit; de qua Aimoinus, seu Continuator ejus *d*: Imperator equo, ut suis sibiq; visum est, libramine omne suū divisit Imperium: præter Bajoariam, quam Ludovico reliquit, atque ideò in partem eorum nemini cessit. His peractis, & filiis universq; populo evocatis, datâ sibi optione, Lotharius à fluvio Mosa Australem sibi tenendam delegit partem, Occiduam verò Carolo fratri habendam reliquit, & ut haberet, coram cuncto populo se velle, verbo signavit. Imperator verò letabatur in his, & cunctus populus talibus factis applaudens, omnia sibi placere dicebat. Postquam divisionem, cùm inter se contenderent fratres, aliâ, quæ nona est, divisione Regna partiti sunt *e*. Carolus enim, qui appellabatur Calvus, Regnum Francorum, & postmodum Imperium Romanum, obtinuit; Lotharius verò partem Francia sibi vindicavit, quæ usque in hodiernum diem, ex suo nomine,

*a* Naclerus gen. 28. *b* Baron. an. 806. *c* Hultic. Mutius l. 8. Chron. German. *d* Aimoin. l. 5. c. 18. *e* Idem lib. 5. c. 19.

*nomine, Lotharii Regnum appellatur; Ludovicus autem Burgundiam sibi vindicavit, unctusq; est in Regem: Pippinus autem Aquitaniam possedit. Hoc probat decima partitio, quam idem iste Lotharius, filius Ludovici Pii, fecit, antequam in Prumiensi Monasterio sæculi vanitatibus valediceret: a Lotharius Imperator, inquit Sigebertus, partito inter filios Regno, abrenūtiat saculo. In qua partitione Ludovico b Italia, Lothario Lotharingia, Carolo obtigit Provincia, omnibus Regio nomine ac dignitate imperantibus. Cum verò Lotharius iste corpore & sanguine Domini ad innocentiam suam probationem irreligiosè sumpto periisset, Carolus Calvus & Ludovicus fratres undecimam partitione c equaliter inter se Regnum fratruelis, hoc est Lotharingiam, divisere, cujus divisionis limites apud Aimoinum accuratè describuntur. Hoc denique probat illa duodecima partitio, quā Ludovicus & Carolomannus, filii Caroli Calvi, Regnum Franciæ inter se ita partiti sunt Ambiani d, ut Ludovicus, quod de Franciâ residuum erat ex paterno Regno, sed & Neustriam cum Marchiis suis haberet, & Carolomannus Burgundiam & Aquitaniam cum Marchiis suis obtineret. Quæ postrema divisio non nisi centum circiter annos e ante Hugonem Capetum contigit. Quæ toties iteratæ divisiones cui-libet, quantumvis pervicaci, ad oculum probant, nullam omnino Provinciarum sive Regnorum, quæ Clodovæus jure vel injuria belli occupaverat, & Carolus Magnus multum auxerat, esse factam unionem: sed eos de omnibus, tamquam de patrimonio, propriâ virtute & armis parto,*

H s. sum-

a Sigeb. ad an 855. b Du Tillet. c Sig. ad an. 871. d Aimoin. lib. 5. c. 25. & c. 40. e Anno 880, Hugo verò successit an. 987.

summâ potestate tractasse; summo jure filios queque velut propriam hereditatem, consuetudine successionis ordinariæ divisisse.

Quid enim refert, quod istæ partitiones inter filios contigerunt? Coronæ unitas <sup>a</sup> nec in filios distrahi potest, quemadmodum ex usu Francorum hodierno perspicere potes, quo subsidium quoddam fiduciariû Reges filiis secundò genitis, cum Coronæ recognitione, sine Majestatis læsione, largiuntur. Olim verò jus Regni ex æquo dividebant, & quilibet eorum in limitum suorum forte summâ auctoritate regnabat, sine ulla ab altero dependentia; Imperiique majestatem, quoad posteritas deficeret, ad filios filiorum, & qui nascerentur ab ipsis, trans mittebat, perinde ac si nostrâ ætate duo fratres Regum Galliæ casu aliquo in sceptrâ divisâ Daniæ, Bohemiæ, Angliæve succederent. Quis igitur neget Germaniam, Italiam, cæteraque externa Regna, imò ipsas quoque nobiliores Galliæ Provincias, mansisse etiam sub eodem Rege separatas, vel certè pro libitu divelli potuisse, nisi qui nesciat quid loquatur? Nam in ipso statim exordio per multos annos distinctis Regibus servierunt; Italia Pipino & Bernardo, Aquitania Ludovico; Germania filiis Ludovici Pii, eorumque successoribus. Quòd enim uno fratre defuncto pars hereditatis ejus ad superstitem redibat, non ex unionis, sed usitatâ successionis lege nascebatur; quemadmodum & inter privatas personas consanguineas usu venit. Quantumvis enim singulorum patrimonia separata sint, nulloque unionis vinculo in unum corpus nexa, pars tamen morientis sine liberis ad superstitem redit. Quod ergo quingentorum annorum con-

<sup>a</sup> *Appennaze.* suctu.

suetudine à Francorum Regibus, & Proceribus probatum fuit; id extra Franciam jam inde à primis Monarchiarum exordiis, jam tandem velle, novo potius vanitatis quàm subtilitatis impetu, tamquam injustum reprehendere, hominis esset contentiosi magis, quàm religiosi, qui ad perspicuam hodieque in Europa lucentem veritatem claudit oculos, ut, quando ejus splendore victus fuerit, quasi in tenebris vicisse videatur. Quasi verò quemquam, qui ultra paterni agelli limites tantillum sapiat, latere possit, quot Regna & Principatus unus Monarcha, nullâ Coronarum confusione, vel Principatuum unione, possideat atque regat; quos à se divellere, liberisque vel consanguineis consignare, citra injuriam cujusquam potest. Quod enim Philippo secundo in Belgio ab Hispaniis nuper distrahendo licuit, & in Legionè à Castella divellenda à quingentis penè annis Alphonso Imperatori dicto, & à sexcentis Ferdinando, hoc in Castella ab Aragonia, Lusitania, Belgio, aliisque nonnullis Principatibus abstrahendâ, quoties libet, licet. Ut sic intelligamus, si Principatus, naturali successione in Reges devoluti, non propterea statim Coronis eorum, sed personis dumtaxat, uniuntur, quantò rectius hoc de Provinciis illis Regnisque sentiamus, quæ sibi Reges virtute suâ, vulneribus suis, sceleribus suis parricidiisque pepererunt.

Cujus sanè rei evidentia tam luculenta est, ut Scriptores Galliarum prudentiores, etiam qui ex professo jus Francorum in Imperium stabilire conati sunt, utrumque caput, hætenus à nobis assertum, ingenuè verum esse fateantur. Iacobus enim Cassanus, Christianissimi Regis Consiliarius,



duos errores in Imperii inauguratione à Carolo Magno commissos esse tradit a. *Vnus est*, inquit, quod Carolus Magnus, cum ei satis esset quod Imperium esset hereditarium familia sua, non unierit & annexuerit illud Corona, vi fundamentalis alicujus legis. Hoc enim fuisset vinculum perpetuum & inviolabile, quo dua ista Corona conglutinata nunquam divelli potuissent. Alter in partitionibus filiorum commissus est, quod status suos sine ullâ reservatione post mortem suam obtinendos ita divisit, ut quisque partem sibi relictam ex aequo, ut propriam, possideret. Consuetudo ista pessima, in prima secundaque stirpe observata fuit.

CASSAN. lib. 2. DE LES RECHERCHES DES DROITS, &c. L'une (faute fust) que Charle Magne se contentant, que l'Empire fust hereditaire à ceux de sa maison, manqua de ne l'avoir uni & annexé à sa Couronne par une loy fondamentale : car ce fust esté un lien perpetuel & inviolable, qui avoit tousjours joint ces deux Couronnes sans pouvoir estre separées, &c.

L'autre faute fust au partage, qu'il fit à ses enfans, ayant divisé ses états entre eux après son décès, sans aucune reservation, chacun possédant également & en propriété ce que luy avoit esté laissé. Coustume tresmauvaise pratiquée en la premiere & seconde race : qui a failli en demembrant cette Monarchie de mettre tout l'estat en pieces, &c.

## C A P V T XLI.

*Reges Franciæ etiam Provincias Regni extraneis dederunt.*

**Q**Uæ sanè ratio videtur esse, ut præci Reges Franciæ, qui meritò nemini nisi Deo & gladio suo Regnum se debere gloriantur, non solum provincias in liberos cum summæ Majestatis imperio distrahendo, sed etiam exteris largiendo, aliisq; modis testati sunt, in Regni non solum administratione, sed etiâ ipsius alienatione, nullâ se cujuscunque lege constringi. Hinc enim est, quod nonnulli, de quibus diximus, etiam adoptione sibi heredes cooptarint, alii in magnificentiæ suæ testi-

testimonium Duces exteros, vel etiam Reges, quamvis cum Coronæ recognitione, creaverint. Carolus enim Calvus Bosonem, uxoris suæ fratrem, Ducem; ut alii, Regem Provinciæ; Balduinum, Comitem Flandriæ constituit. Quod enim ad hodiernam normam, Arroye, cuncta vis exigere, quâ Regnum indivisum ad primogenitum transmitti vides, nec inde quidquam licet, nisi formularum multarum observatione, distrahi, non animadvertis, vel posteriorum istud sæculorum consuetudine, vel Principum sanctione esse constitutum. Capetus enim Prudens Princeps, cum Imperii firmitatem ac majestatem istis partitionibus infringi cerneret, intestinisque bellis & cladibus Regni vires atteri, tranquillitatem turbant; primus, ut multi a volunt, auctor fuit, ut indivisum Imperium primogenito, cæteris exclusis, & fiduciariâ quâdam sorte contentis, traderetur. Quod etiam à Roberto, filio ejus, quamvis uxore Constantinâ in favorem alterius renitente, usurpatum, & in hunc usque diem inviolabili lege observatum fuit. *Sed ab initio non fuit sic.* Ut enim Paponius observavit, nemoque nisi imperitus rerum antiquarum diffiteri potest *b*, antiquo usu Regnum inter filios dividebatur: postmodum fiduciaria fors introducta fuit. Ex quo usu Coronam, & ejus jura, quatenus à prædecessore unita, quantum ad ejus personam saltem, possidebantur, dividi necesse erat, singulasque tamquam hereditatis divisæ partes in perpetuum alienari, haud secus atque

H 7

priva-

*a Carolus le Bret. lib. 1. de la souveraineté des Rois c. 4.*

*Du Plaix in Childebert. Cassan. lib. 2. c. 1.*

*b Papon. lib. 4. titulo 20. art. 1. in fine.*

Convient noter, qu'à anciennemens les d. cez du Roy. advenant, le Royaume distribuoit entre les enfans, depuis a esté introduit l'appennage.

privatorum patrimonia ; nullo amplius manente unius Coronę jure, ad quam redintegrandam partes deberent coalescere.

Quę quidem alienandi potestas, quamvis in Capetianis Regibus restrictior propriā voluntate fuerit, in aliis tamen Coronę juribus distrahendis, priscorum Regum licentiam imitata est. Nam ipsi, Belleforesto auctore, magna multaque feuda ex dominiis suis divellerunt: cum pleręque familię Francorum potentiores ortum suum ex Regum liberalitate traxerint, quemadmodum ex ea, quam præstant Regibus, fide, ex reuisione, quę multis casibus accidit, iterataque subinde divulgatione, perspicuum est. Quod munificentię genus posteriores Reges non raro in subditos exercuerunt, ut facillimo negotio pluribus exemplis demonstrari potest. Quid arctius Regno junctum est, quàm jus quod *Regalium* vocant? hoc tamen nonnumquam à Regibus alienatum esse ferunt. Quę quidem quamvis minora sint, hoc tamen evincunt, Reges Gallię non solum priores, sed etiam posteriores, non tantum in liberos suos, sed etiam in extraneos, partes Regni sæpius validā alienatione distraxisse, ita ut novā unionem esset opus, per quam, extinctis heredibus, rursus cum Corona necerentur.

a In Hug. Capeto.

## CAPVT XLII.

*Arroyi principia conuincunt, omnia donaria, quibus Pontifices à Regibus Francia affecti sunt, esse nulla, & armis repetenda.*

**D**E donariis verò, quæ Reges Franciæ Romanis Pontificibus largiti sunt, quid, Arroye, dicere, quid obtendere potes? Si donatio eorū rata fuit, quidquid de lege Salica, de unionē cum Corona, de alienationum nullitate, de conscientia Regum præjudicio protulisti, totum instar pulveris à facie venti dissipatum est. Jam enim non minuta quædam jura, non feudatarias Baronias & Comitatus, sed urbes, terras, provincias integras in perpetuum jure Regio alienare possunt. Nec mirum sanè. Nam simile quid jam olim in assignato etiam diuinitus Regno fecit Salomon, qui Regi Hiram dedit *viginti oppida in terra Galilee a.*

Sed quis credat, animum, totius Europæ Imperiis gravidum, propter Pontifices omnibus principiis suis velle valedicere; omnes ambitionis suæ machinas dissolvere; vastissimas nationis suæ prætensiones interimere; consequentiarum scilicet insuperabilium suarum nervos succidere? Arroyus enim sic adsumit *b: Reges Francia non possunt*

*a. 3. Reg. 9.*

*b. FOL. 92.* Cette loy d'inalienation est si juste, que les Rois de France qui y contreuenient, pechent, &c.

*FOL. 97.* Les estrangers retiensants ces biens, soit par usurpation, soit par cette injuste alienation, retiennent le bien, qui est deu à autrui, & ne luy rendent pas: donc les Rois qui ont injustement donné, & ceux qui ont injustement reçu, pechent contre la justice.

*FOL. 93.* Les Rois de France en leur Sacre jurent d'observer, & de faire observer les loix du Royaume; ils pechent doncques contre la religion de leur serment d'y contreuenir, &c.

*possunt bona semel acquisita, quia Corona unita sunt, alienare: peccant contra justitiam, jurisjurandi sui sanctitatem violant; tenentur possessores ea restituere, tenentur Franci animo, manu, armis ea repetere. Franci subsumunt: Reges nostri Romam, Ravennæ Exarchatum, magnamque Italiæ partem sibi subegerunt, Coronis univerunt, Pontificibus dederunt. Non ego, sed ratio insuperabiliter concludit, præmissis illis positis: Ergo Roma, Exarchatus, Italia per Francos armis reperenda sunt. Suspicio Romanis non tam fungem esse cerebrum, vel obesas nares, quin syllogismi istius virus odorentur, cujus conclusionem jam sentire cœperunt, cujus executioni jam in Italia, Lotharingia, Alsacia palam, in reliqua Germania per cuniculos, viam sterni vident: ad quam promovendam Arroyus Francorum animos tam ardentem ciet, tam disertè buccinat. Hæ namque sunt voces ejus, quibus egregius iste tubicen, postquam nihil à Regibus Franciæ, Pipino, Carolo Magno, & successoribus, alienari potuisse probavisset, universis penè Principibus Europæis bellum indicit; & peractâ quasi legatione classicum canit a: Bona, quæ nobis exteri detinent, ô generosa soboles Francorum, nostra sunt: vis hostilis, ne repetamus, impedit. Sed neque natura, neque ratio sinit, ut occasiones recuperandi*

a ARROY FOL. 98. Le bien que les estrangers nous retiennent, genereux Francois, nous est deu, la violence de l'ennemy nous empesche de le reconquerir: mais la nature, ny la raison ne nous doit point faire perdre le courage, ny les occasions de le r'avoir. Dieu, la nature, le droit des gens, & la justice mesme sont les grands, qui autoriseront nos justes entreprises: & il y va de nostre conscience ne l'entretenant pas, si nous le pouvons: car nous sommes negligens ou imprudens, & en l'un & en l'autre contraires à la justice, qui est une liberté de l'ame, rendant à un chacun ses honneurs, ses biens, & ses dignités. Ce n'est pas tout de ne nuire à personne, il faut empeschèr, qu'on ne nous nuise, & qu'on nous satisfasse du donage. Car ne nuire à personne n'est pas juste, mais abstinance du bien d'autrui. Or le bien, qui n'est pas bien acquis, n'est pas à celuy qui le tient, mais à autrui. La guerre doncques est juste, quand elle est faite pour opprimer une nation, qui neglige de reparer le tort, que ses predecesseurs ont fait, ou de rendre ce qui a esté injustement osté.

*randi negligamus, Deus, natura, jus gentium, ipsa justitia cœpta nostra tuentur, & probant. De conscientiiis nostris agitur, nisi, quando possumus, aggrediamur. Vel enim negligentia, vel imprudentia rei sumus, quarum utrâvis justitia violatur: quæ cum sit libertas anima, suos cuique honores, sua bona, suas dignitates tribuit. Aliis non nocere non est satis; impediendum est, ne noceatur nobis: nemini nocere non est justitia, sed abstinentia. Bona injustè parta aliena sunt, non possidentis. Iustum igitur bellum est, si suscipiatur ad opprimendam nationem, quæ injurias à majoribus factas resarcire detrahat, vel quæ injustè ablata sunt, restituere. Hæ tuæ insanæ voces, quæ ex commentitiâ tuâ masculorum successione, confictâque alienationis injustitia, ac donationis nullitate, fluunt, non minùs Pontificum, quàm aliorum Principum, caput petunt.*

*Quid enim Pontificum causam juvat, quòd, cum adversùs sæculares Principes bacchareris a, Imperator, aut predecessores ejus, nobis Imperium rapuere: quidquid parvorum Principum in Europa reliquum est, nihil possident, nisi quod, intestinis in Francia savientibus dissidiis, contra nos usurparunt: statim tuis rationibus & clamoribus æquè Pontifices stringi vident, eorum capita demulcendo. Non hic, inquis b, Summos Pontifices comprehendo. Ut enim eos Reges nostri magnis bonis auxerunt, & auctoritatem eorum armis propugnarunt, ita nihil spectamus, nisi ut fides fiat auctior, & Ecclesiæ splendor gloriosior; quemadmodum videlicet Gravia, Sylva-*  
ducis,

a FOL. 100. & 101. L'Empereur ou ses predecesseurs nous ont ravy l'Empire. Tout le reste des petits Princes de l'Europe n'ont que le bien-qu'ils ont en-vahy sur nous pendant les troubles & divisions intestines de la France.

b FOL. 101. icy je ne comprends point les souverains Pontifices, parce que, comme nos Roys leur ont donné de grands biens, & conservé leur autorité par leurs armes, ainsi n'ayons nous autre pretension, que de travailler à l'augmentation de la foy, & de conserver, & d'accroistre le lustre de l'Eglise.

ducis, Venlona, Ruramunda Trajectum in Belgio, præsertimque Germania locuples testis est. Si seriò Pontifices tutos esse cupis, dele, quod scribis, non potuisse Reges ditiones armis partas alienare; retracta, quod clamas, eos jam ab octingentis scilicet annis peccasse, justitiam violasse, pejerasse. Sin istud ratum ac fixum esse putas, dele putidam & adulatoriam inconstantiam tuam. Dexterâ quippe armatâ rapis, quidquid sinistrâ lenocinio porrexisti, ut & Pontificum sis assentator, verbo tenus dando; & Regum tuorum, rationibus repetendo. Utrobique perduellis innocentissimæ veritatis, quam & ficto Regiæ donationis patrocínio, & seriâ Coronæ defensione atrociter lædis. Jam enim ostendimus, insullos tuos de lege Salica errores nihil omninò ad rem præsentem facere, neque Ludovicum XIII. ullis omninò Carolini stemmatis, qui provincias Franciæ olim dominationis justè heredarunt, masculinâ propagatione succedere, ut heres eorum esse posset; neque provincias bello partas Coronæ Francorum unitas fuisse; constantissimum denique priscorum Regum usum, quo provincias non solum extraneas, sed ipsa viscera quoque Franciæ, tamquam nullo populi suffragio ad se delata, sed suâ industriâ, bellicâque virtute comparatâ conjungere, distraxere, alienavere, donavere, quibus, quando, quoties videretur, nemine non solum resistente, sed neque querimoniam præse ferente, vel injuriam suspicante, quâ vel Corona, vel quisquam mortalium læderetur. Funditus ergo corrui omne jus Coronæ, quod in Imperium, & exteras Provincias, tamquam sibi unitas, numquam habuit; omne quoque jus masculinæ successi-

successionis , quod post Ludovicum V. Carolini sanguinis postremum , in Francia nusquam fuit. Arbor quippe Carolina ramorum omnium præcisione , ipsiusque adeò radicis extirpatione , mortua est. Si esset , qui redderet , non esset , qui vi successionis masculæ reciperet. Quid ergo Arroyus , nisi magnarum venditor præstigiæ erit , ad insigne plebis & omnium imperitorum ludibrium ?

## CAPUT XLIII.

*Provincia Coronis unita, integrâq; Regna præscriptione aliisq; modis legitimè retineri possunt à posteris, etsi à majoribus illegitimè occupata sint. Ostenditur id ex multorum Regnorum exordiis.*

**S**ed ut rationum tuarum infirmitas luculentius innotescat , statuamus aliquem , discutiendæ veritatis ergò , liberaliter tibi largiri , quidquid postulas. Esto, inquit, Italia, Germania, Europa-que adeò universa , sicut satagis , Coronæ Francorum per Carolum Magnum unita fuerit , quid promovebis , quid obtinebis ? An inde numquam ullo fortunæ vel providentiæ casu , excidere potuisse ? Nimiùm te imperitum rerum humanarum arbitrum peritior quisque demirabitur. Etiam gemmæ coronis excussæ in alienas subinde deferuntur manus. Nónne Theologorum atque Jurisperitorum calculo, quæcumque tandem hominum vocantur bona, etiam sacratissima, præscriptionis beneficio transferuntur ? Quidquid enim tu de tuæ Salicæ legis ( quæ ad hoc negotium nil omnino pertinet ) æternitate divinitateque

contra



contra præscriptionem disputasti, Jurisprudenter non minùs quàm Theologiæ Mystæ, tamquam cerebri egrotantis delirium, rident. Etiam Urbes Provinciæ, Regna, non minùs quàm Romanæ Ecclesiæ patrimonia, præscriptionis, quamvis prolixioris, aleam subeunt. Non est difficile in tantis distrahendarum Provinciarum licentia, quàm primi Reges usque ad Capetum usi sunt, bonam subesse fidem, titulum sive verum, sive probabilem, temporis longitudinem. Quæ si concurrerint, frustra de injuriis queritur, quisquis se postea trita-  
vorum suorum, primorumque Francorum bonis exutum videt. Cum enim sæculum dictum sit, *quod sit tempus longissimum senescendorum hominum*, nihil rectius est, nihil æquitati naturali magis consentaneum, quàm ut sæculo saltem, si non tempore breviori, omnes hominum inquietudines, & controversiæ de rebus transitoriis nugatoriisque sopiantur.

Sed quid ego hîc temporum lapsum, bonamque fidem, ac titulos coloratos memoro? Omnium penè Regnorum legitimorum exordia intueri: videbis hujusmodi scrupulos Theologicos, nec per somnium in mentem venisse primis Monarchiarum fundatoribus. An ideo successores eorum præfatos Provinciarum possessores heredesque quæsituri sunt, ut hereditarii peccati, quod à majoribus aliena rapientibus perpetratum est, religione liberentur? Nec usus habet, nec mores hominum sinunt, nec Theologia postulat, nec veritas jubet. Non quòd Christianam doctrinam iniquitatum patronam rapinarumque faciamus; sed quòd nihil vetet, iniquam parentum occupationem in legitimam detentionem transire posterorum,

um, longâ serie in avitorum bonorum possessionem succedentium. In privatorum patrimoniiis hoc quotidie fieri, quis, nisi rerum humanarum nospes & ignarus, neget? rectè fieri, quis, nisi veritatis? Doctorum virorum consensus probat, ratio suffragatur. Quæ in Provinciis Regnisque transferendis ed. exploratior est, quò pluribus hoc modis, & fortassis expeditioribus, longèque brevioribus ac solidioribus contingere potest. Quâ de re uberiori sermone differerem, si argumenta tua postularent. Unum dico, miseram esse, ac ter miseram Regum sortem, nisi vitia majorum, quibus Regnorum suorum fundamenta locaverunt, Coronisque unita excusserunt bona, nullis legitimis detinendi rationibus, siue præscriptione longâ, siue alio breviori compendio, de successorum conscientia delectantur. Quis enim Regum se cor castum habere gloriabitur, si Regnorum penè omnium prima exordia repetamus? Quo jure Childebertus & Clotharius filios fratris sui Chlodomeris trucidarunt *a*, & ejus Regnum aquâ lance diviserunt? Quo jure Clodovæus tot miseròs Principes vicinos, & sanguine junctos, interfecit, ut eorum terras occuparet? Quo jure Gothos *b* pepulit Aquitania, quæ multis nominibus erat eis obnoxia, quasi proprium gentis istius patrimonium? Nam eam Alarico Gothorum Regi Honorius Imperator ex pacto cesserat *c*. Cui (Honorio) *ad postremum sententia sedit*, inquit Iornandes, *quatenus provincias longè positas, id est, Gallias Hispaniasque, quas jam penè perdidisset, Gizericiq; Vandalorum Regis vastaret irruptio; si valeret, Alaricus*  
*sua*

*a* Gregor. Turon. l. 3. c. 18. *b* Idem l. 2. c. 41. & 42.

*c* Iornand. de reb. Geticis.

*sua cum Gente*, TAMQVAM LARES PROPRIOS VINDICARET, DONATIONE SACRO ORACVLO CONFIRMATA. *Consentiunt Gothi, hac ordinatione, & ad traditam sibi patriam proficiscuntur.* Et Paulus Diaconus a: *Post hac autem (Alaricus) Italiam ingressus, cum ab Honorio sedes, quò cum exercitu consistere possis, expeteret, Honorius deliberato consilio GALLIAS EISDEM CONCESSIT.* Cumque pacem istam, sive Stiliconis perfidia, ut aliqui volunt, sive alia causa turbasset; vastatâ Româ, Placidiaque Honori sorore captâ, & in uxorem ductâ, Ataulphus blandimentis ejus & prudentiâ delinitus, pacem ultrò ab Honorio expetiit, Galliasque suis concessas, tamquam dotem videlicet Placidiaë, consentientibus Romanis adiit. *Mariti animum acerimo ingenio, inquit ibidem b, subtilibus blandimentis iniecit, ut ultrò à Romanis pacem expeteret.* Qui ad Gallias proficiscens, deinde ad Barcinonem fraude suorum occisus est. Et post Ataulphum Vallia rursus novo contractu sibi Aquitaniam, & quasdam vicinas urbes ab Honorio donatas accepit. *Hoc in tempore, ut idem Paulus c, fœdus firmissimum cum Rege Gothorum Vallia pepigit, tribuens ei ad habitandum AQUITANIAM PROVINCIAM, EIVSDEMQUE PROVINCIÆ ETIAM QVASDAM CIVITATES VICINAS; quas fuisse Arvernam, Massiliam, & similes vicinas civitates, paulò post ab Eurico occupatas, non abludit à vero.* Et S. Isidorus Hispalensis Antistes in Chronico Gothorum d: *Qui (Vallia) per Constantium Romanum patricium ad Gallias revocatur, DATA AB EO GOTHIS OB MERITVM VICTORIA AD HABITANDVM*

DVM

a Paul. Diacon. lib. 13. Miscell. b Ibidem. c Idem lib. 14.  
d S. Isidor. Hispal. in Chron. Gothor.

DVM SECUNDA AQUITANIA VSQVE AD OCEANVM, *cum quibusdam civitatibus confinium provinciarum*. Et rursus post Valliam Theodoricus Gothorum Rex, ut idem ipse S. Isidorus tradit *a*, pro eo, quod Imperatori Avito sumendi Imperialis fastigii cum Gallis auxilium praeuisset, AQUITANIAS cum ingenti exercitu, ET CVM INGENTI LICENTIA EIVSDEM AVITI IMPERATORIS INGREDITVR. Toties igitur iteratâ Imperatorum donatione munitus Euricus Gothicę nationis Rex Aquitaniam, & quascumq; potuit ei vicinas urbes, tamquam suis maioribus donatas, suo jure occupavit. quod aliquoties testatur Iornandes scriptor peratiquus *b*: Euricus Vesegetarum ( seu Visigothorum ) Rex crebram mutationem Romanorum Principum cernens, GALLIAS SVO IVRE *nissus est occupare*. Cumque occupatam Arvernâ, Arelatum, Massiliam, quarum antè meminimus, exposuisset, iterum adjicit: *Quod Euricus e grato suscipiens animo, totas HISPANIAS GALLIASQUE SIBI IAM IVRE PROPRIO TENENS, simul quoq; Burgundiones accepit*. Hinc ergo fluxit, quod Gallia Narbonensis aliquot sæculis à Gothis possessa, adeoque Gallia Gothica nūcupata est: cujus Antistites usq; ad irruptionē Saracenicā Conciliis Hispaniæ, ad quā Gallia ista pertinebat, interesse consueverant; quæadmodum in Concilio Toleranensi, tertio sub Reccaredo, quarto sub Sisenâdo, quinto sub Cinthillano, octavo sub Recesuindo, decimotertio sub Ervigio, decimoquinto ac decimosextimo sub Egicano, partim ex præfationibus, partim ex quibusdam Canonibus, partim ex subscriptionibus Præsulum Narbonensis, Carcassonensis, Nemausensis, Agathensis,

• Maga-

*a Ibidem. b Iornand. de rebus Geticis. c Ibidem.*

Magalonensis, &c. perspicuè patet. Ut sanè, si principia Gallicana ab Arroyo prodita defensaque, vera sunt, nihil profectò justius sit, quàm ut Hispaniarum Rex Galliam Narbonensem, Aquitaniam, vicinasque civitates Massiliam atque alias repetat, recuperatasque non restituat, quas Antecessores ejus diversis contractibus ac fœderibus debitas, secutâque multorum annorum possessione tamquam proprias tenuerūt. Quid enim ineptius ac stolidius, quàm Francis, aliena rapiendi, Coronisque suis indivulsè nectendi privilegium asserere; exteris verò spoliatis sua repetendi aditum intercludere? Quo igitur jure Gothos pepulit Aquitaniam Clodovæus? Eodem nempe, quo majores ejus homines vagi, terrarum indigi, Tungros, Tornacum, Cameracum, Galliam Belgicam, inde reliquam, cædibus & incendiis omnia vastantes, pulsos Romanis, quadringentorum circiter annorum possessoribus, invaserunt. Eodem Gothi primum Græciam, Macedoniam, Illyricum, depopulati sunt: inde Aquitaniam & Hispaniam, VVandalis, Romanorumque reliquis fugatis, occuparunt: sic VVandali Silingi Bæticam, quam Andalusiam quasi VVandalusiam dicunt, deinde Africam; Suevi Galiciam; Longobardi Italiam; Burgundiones Transrhenanam; vagabûdo populorum confusaque manu Adriatici insulas maris; Scoti Pictique Britanniam, ut florentissimorum Regnorum ac Principatuum primordia nascerentur. Quid horum initiis injustius fuit? quid progressu, tempore in peris que raptæ possessionis vitium purgante, justius? inspectantibus licet Romanis Imperatoribus, quorum purpuram lacera-verant, & ex laciniis, vicina quæque consuendo,

novas

novas Regnorum totas concinnaverant, quæ similes injuriarum subirent rapinarumq; vices. Omnium quippe rerum vicissitudo est. Ludit in humanis curis Deus. *a Ipse mutat tempora, & aetates, transfert Regna, atque constituit.* Hanc providentiæ divinæ rotam nemo Regum aut Pontificum sistere potest. Altior est, qui eam torquet, quàm omnis humana cogitatio; fortior, quàm ut eam ulla Salicæ legis vis, ullæve Coronarum unio remoreretur. Nam si antiquiora repetamus, etiam alia vetusta Regna suas habuerunt immobilis successionis leges, suasque cum Coronis uniones, & nexus adamantinos, quos eodem jure, quo nationes illæ barbaræ, quas jam diximus, quasi plexas arancarum telas diruperunt. Eodem jure Nemrod *b cœpit esse potens in terrâ, robustusq; venator populorum coram Domino fuit.* Cujus, ut putatur, filius Ninus primus, inquit ille *c, intulit bella finitimis, & rudes adhuc ad resistendum populos, ad terminos usque Lybiæ perdomuit; quas itaq; dominationis magnitudinem continuâ possessione firmavit.* Eodem Chaldæus Assyrios evertit, Persa Chaldæos, Macedo Persas: qui novis etiam inhiabat mundis, quos eadem juris æquitate subjugaret. Nam, ut rectissimè Augustinus *d, inferre bella finitimis, & inde in cetera procedere, ac populos sibi non molestos solâ regnandi cupiditate contere- re, & subdere, quid aliud quàm grande latrocinium nominandum est?* Hoc jure Respublica Romana, prostratis protritissq; cæteris Imperiis, successit. Nam ex facinororum hominum manu, quam *e contra civitates, quarum leges timebant, mercede impunitatis*

I arma-

*a* Daniel. 2. *b* Genes. 10. *c* Justinus lib. 1. *d* Aug. lib. 4 de civis. cap. 6. *e* August. lib. 1, de consens. Evang. cap. 12.

*armaverant*, veluti torrente proxima quæque secum rapiente, maximam effecerunt. Qui enim sine injuriis vastum illud sibi imperium pepererint, qui nec prima mœnia sua, nisi fratricidio; nec prima conjugia, nisi raptu; nec primas nuptias, nisi socerorum sanguine; nec primum Regni consortium, nisi Tatii amici Regis morte; nec primam Albanorum societatem, nisi Albæ matris suæ deletione, dedicarunt? nimirum ut Romulus atque Roma sine cujusquam, aut fratris, aut Regis, aut Urbis æmulatione & consortio, latius securiusque regnarent. Causa enim dicatur Albæ, cur deleta sit, sicut Troiæ adulterium dicebatur. Nulla talis, nulla similis. Tantum ut desides moveret

*Tullus in arma viros, & jam desueta triumphis  
Agmina.*

Libidine videlicet dominandi Roma victa Albam se vicisse gestiebat, sui que sceleris laudem gloriam appellabat. Hoc virio Romanis proprio Regnum istud inchoatum, Respublica dilatata fuit: iisdem quippe artibus, quibus cœpit, & crevit; iisdem, quibus crevit, & stetit, penè quamdiu sub idololatria stetit. Erat enim eis cum populis, Regibus, Rebuspublicis una vetusque bellandi causa, cupido profunda Imperii, quam vehementer in eis culpavere Christiani. Sed peritissimi amplificandæ Reipublicæ artifices dextrè noverant bellum ex bello serere, & fœderatis infirmisque sociis, sive jure sive injuriâ laceffitâs, opitulando, sternere fortiores, quorum ruinis ipsi crescerent. Hac prurigine laborantes *Dex Quietis* Ædem extra portam Collinam

nam constituerant, nec eam publicè recipere voverunt. Quamvis igitur hoc Imperium non sine magnis latrociniiis in tantam surrexisset magnitudinem, non solum tamen à piissimis postea Imperatoribus sine conscientiae noxâ administratum, sed etiam cum adhuc falsos Deos coleret, à Christianis militibus defensum, & Sanctorum orationibus stabilitum fuit. Nam hinc illa Dionysii apud Æmilianum Præfectum oratio *a*: Καὶ τὸ τῶ δινεκῶς ὑπὲρ τῆ βασιλείας αὐτῶν, ὅπως ἀσάλευτῶ διαμείνη, προσευχόμεθα. Huic etiam sine intermissione pro eorum (Valeriani & Galeni Cæsarum) regno, ut stabile & firmum maneat, preces adhibemus. Et illa Tertulliani *b*: Precantes sumus semper pro omnibus Imperatoribus, vitam illis prolixam, Imperium securum, domum tutam, exercitus fortes. Sciebant vitia Regnorum ingentia, sine quibus effici magna vix possunt, non solum temporis ac præscriptionis, sed etiam alio forsan, ut suprâ indicavimus, breviori fortiori que beneficio obliterari posse; ut quod patres, uvam acerbam comedendo, comparaverant, hoc filii filiorum sine dentium stupore retinerent. Quasi verò Capeti successores, Franciæ Reges, Regnum adversus Carolum Lotharingum, & proles ejus usurpatum, conscientiae religione restituerent, nisi ille cuncta regnandi obstacula removendo, legitimum hæredem occidisset. Fallunt me Principum mores, si facerent; fallit me ratio, si facere debuissent. Hugonem enim contra legitimos Carolinæ stirpis ramos Franciæ Regnum usurpasset, non ignobiles Francorum Scriptores tradunt.

*a* apud Euseb. l. 7. Hist. c. 10.

*b* Tertull. in Apolog. c. 30.



Hugo Capetus, inquit Gaguinus *a*, animi magnitudine & rebus potens, cum ejus conatus nemo reprimeret, vi atque armis se diademate insigniri obtinuit; jactans ad eam rem se à sanctis VValerico & Richerio per quietem fuisse admonitum. Et infra: Hugo Magnus hunc Regni usurpatorem Capetum ex Aigunde primi Ottonis Imperatoris sorore tulit. Et ante Gaguinum Continuator Aimoini, qui non ita multum post Capetum vixit *b*: Cui (Ludovico Regi Franciæ) successit Carolus, frater Lotharii Regis. Eodem anno rebellavit contra Carolum Hugo Dux Francorum, eò quod accepisset Carolus filiam Herberti, Comitis Trevarum, &c. Itemque Sigebertus *c*: Ludovico Francorum Rege mortuo, Francis Regnum transferre volentibus ad Carolum Ducem, fratrem Lotharii Regis, dum ille rem ad consilium defert, Regnum Francorum usurpat Hugo filius Hugonis Parisiensis. Concinit Andreas Sylvius, scriptor antiquus, in Synopsi Merovingicâ *d*: Hugo Caputius, Comes Parisiensis; & Dux Francorum contra dominum suum, & consobrinum Carolum, Ducem Lotharingia, Regnum Francorum, contra præceptum Romanæ Ecclesiæ, quod omnes invasores Regni anathematizaverat, injustè invasit. Ubi respicit ad illud interdictum Stephani Papæ, qui cum consecraret Pipinum, teste Reginone, *d*, Francorum Proceres auctoritate sancti Petri à Christo traditâ obligavit, & obtestatus est, ut nūquam Regem nisi ex stirpe Pipini sceptris admoverent. Quam Hugonis usurpationem agnovit & antiquus ille Anonymus, cujus de Ludovico VIII. fragmentum superest *f*: Hugone Caputio, Comite Parisiensi, & Duce Francorum

Regnum

*a* Gaguin. lib. 5. *b* Continuat. Aimoini lib. 5, c. 44. *c* Sigeb. in Chron. ann. 986. *d* Andr. Sylv. Marchian. in Synopsi, *e* Regino in Chron. *f* Fragmentum vite Ludovici VIII.

*Regnum invadente, translatum est de genealogiâ Carolorum. Ubi etiam istius anathematis à Stephano interpositi mentionem facit.*

Nec meliori jure Pipinus, secundæ familiæ caput, Regnum assecutus est, si Scrip̃toribus recentioribus Francorum credimus, vivente adhuc hærede legitimo Childerico. Ex quibus Scipio du Plaix apertè a usurpationem Pipini adversus Merovingicam stirpem nuncupat : eumque supplantasse Childericum ambitu suo tradit, contra *fundamentales monarchia istius leges*. Quod utrum verum sit, alia quæstio est : de quâ nonnihil juxta sensum nostri alibi locuti sumus : propterea tamen commemoratum volui, ne quis Francus impossibile judicaret, ut injustitiæ & apertæ usurpationis nota, quæ parentibus inoleverat, in posteris, quasi extinctâ originali labe, deleatur. Nam etiam hæredes legitimi istius Caroli post Capetum superstites fuerunt. Quod si igitur & cōtractibus, & præscriptione, sive cum titulo, sive sine titulo, à posteris continuatâ, & aliis remediis efficacioribus atque brevioribus, usurpationes majorum, legitimæ possessiones posterorum fieri queunt ; etiam si sanè & progenies mascula Carolina superesset, & Coronæ suæ Franci Germaniam, totamque Europam nexuissent, nihil omnino efficeres, nisi etiam ceteros omnes juris titulos, quibus Regna transferri solent, omni ex parte defecisse constaret. Et hætenus de istius duabus primis Quæstionibus. Nunc, præteritâ tertiâ, quæ de ju-

I 3

ribus.

a. SCIPIO DU PLAIX : La Royauté de Pepin usurpée sur la race Mérovingienne. &c. FOL. 294. Tom 1.

Et FOL. 235.

Êtant faite directement contre les loix fondamentales de la monarchie Francoise.

Vide dicta *supr. c. 19. ex Regis. & Annal. Franc.*

198 DE JUST. ARM. CHRISTIAN. REG. LIB. I.  
ribus singularibus in singulas Provincias vel Re-  
gna tractat, cō quoddā diversis historiarum Scri-  
ptoribus, vel Jurisperitis, ad quos propriè spe-  
ctat, delibata est; ad quartam, de fœderum cum  
infidelibus & hæreticis paciscendorum naturâ,  
transcamus, tamquam quæ Theologiæ fines ir-  
rumpat, & ejus principiis decidenda sit.

*Finis libri primi.*



ALE-


# ALEXANDRI PATRICII

ARMACANI, THEOLOGI,

De Iustitiâ Armorum & Fœderum  
Gallicorum cum infidelibus,

LIBER SECVNDVS.

P R Æ F A T I O.

 NTER alia Reipublicæ Christianæ  
mala non illud postremum est, quod ni-  
hil in sacratioris ejus doctrinæ sanctio-  
nibus ita ratum fixumq; sit, quod non pruriente  
quâdam ingeniorum petulantia, novandiq; li-  
bidine, in dubium revocetur. Nam ex isto fonte  
hereses scaturiunt, sectisq; subnascentibus Eccle-  
sia in frustra scinditur: dum infrenis disputantium  
animositas suo ipsius arbitrio statas à Deo regulas  
Christianæ fidei vult figere & refigere; atque instar  
torrentis impetuosius nullis Ecclesiasticæ auctoritatis  
repagulis coërceri potest. Quem animi lascivientis  
impetum si qua scintilla pietatis intra limites fidei  
compescuerit, non desinit tamen indisciplinatis ar-  
gutandi motibus vellicandiq; quidlibet, quod non  
palam Scripturarum aut Traditionis auctoritate

munum sit, intra ipsa Ecclesia septa tumultuari. Cui malo si qua placēdi Magnatibus, eorumq; perspectis cupiditatibus blandiendi pestis accesserit, nihil est post fidei decreta ita in moribus usu doctrinaq; tritum, quod labefactare vel tentare non audeat; nullum ita manifestum, insolens, & alienum ab omnium verè Christianorum ore & corde paradoxum, quod non verisimilibus ratiunculis asserere moliatur. Hinc alii damnatas à Scripturâ fornicationes in Ecclesiâ palliare ausi sunt; alii omnem usuris fœditatem detrahere, ut pulsa foro vix nisi in palestris disputantium vivat; alii Sacramentis necessitatem auferre; alii penè novâ condere; alii ceremoniis Ecclesiasticis characteres affingere: ut sanè seculum Philosophorum, de omnibus omnindè rebus innumerabilium opinionum varietate disceptantiū, in Ecclesiâ Christianâ revixisse videatur. Quod si exquisitior veritatis ratio non nihil abstrusa lateat, vel phantasmatum, velut atomorum oculis obvolitantium, similitudine in popularibus animis obumbretur, ut non ita facillè vultum veritatis à falsitate discernere queant, quos non triumphos, ridētib; eruditib; & lugentib; piis, errorib; ebrui quasi de victoriâ partâ canunt? Sufficit enim eis imperitorum quoquo modo assensum rapuisse, vel potius oculis illusisse, quorum aciem rerum similium discrepantia, & verisimilium discretio fugere solet.

In quo sanè Scriptorum genere auctor iste mihi

*non injuriâ reponendus videtur, qui fœdera cum infidelibus, non quacumque, sed in interitum Religionis ac virtutis armata, non solum à labe purgare ausus est, sed etiam velut justa, & recta, & laude digna defendere. Cujusmodi fœderum patrociniū in nullo, fateor, Catholico, bonaq; notæ scriptore, à conditâ Christi Religione in hoc usque sæculum, quo refrigescente, prò dolor, multorum charitate fervere cœperunt, & abundante paucorum assentantium iniquitate laudari, me vel vidisse, vel legisse, vel audivisse memini. Quid igitur? ideone solidioris doctrinæ, Christianaq; disciplinæ amatores receptui canere debebunt; & silentio contumelias veritatis ulti, de conscientia portu errantium ridere naufragia? Non hoc benignitas patitur, atque charitas, quam generi humano debent: non fiducia, quam in Deo fixam gerunt, ut qui fecit de tenebris lumen splendescere, gratiæ suæ beneficio candescere faciat veritatem: cujus luce adjuti, rectum à pravo, verum à verisimili, pium ab impio, judicii sanitate discernant; ut cognitâ fœderum istorum certâ fœditate, pacem Ecclesiæ reddere, suæ saluti consulere, piorum lacrymas abstergere, omnium Catholicorum gemitus de tantâ Religionis desolatione lugentium, pacare dignentur.*

## CAPVT I.

*Quarta Quæstio de fœderibus, & sensus  
ejus proponitur.*

**H**Ac igitur spe bonâ pleni, quartam Arroyi  
Quæstionem aggredimur, quam ipse propo-  
nit his verbis *a: Vtrum Rex Francia fœdus inire possit  
cum infidelibus & hæreticis.* Quæstio ista, quamvis  
generalibus verbis per modum thesî expressa,  
vim tamen hypothesis valde singularis habet, ex  
factis orta, quæ in murmura & reprehensiones  
Catholicorum incurrerunt. Non enim agitur de  
quacumque confœderatione, quam quis posset  
cogitandi libertate comminisci, sed de illâ parti-  
culari, quâ Rex Christianissimus Hollandis, Pala-  
tino, Protestantibus Germaniæ, Suecis, ad illa bel-  
la, quibus Religio Catholica vastatur ac pessum-  
datur, gerenda, fœderatus est, & olim Turcis fuit.  
Quidquid igitur hîc ab Arroyo de aliâ quacum-  
que confœderatione profertur, quâ infidelibus fi-  
delis jungitur; sive ut habitet quietè instar pere-  
grinantis in terris ejus, ne illi sibi, vel ipse illis no-  
ceat, ut Abraham cum Abimelech, Israëlita & Io-  
seph cum Ægyptiis; sive ne infidelem fidelis in-  
terficiat, ut Josue cum Gabaonitis, tamquam ser-  
vis futuris ac subditis suis; sive ut in civilibus offi-  
ciis infideles fidei serviant, ut Moyse cum Ho-  
bab, ut per deserti loca ductor esset exercitûs ejus;  
sive ut vitam in terris infidelium à persecutioni-  
bus tutam servet, ut David cum Achi; sive ut fide-  
lis cum infideli, sine bellorum tumultibus, pacem  
atque

*a FOL. 190. q. 4. Scavois si le Roy de France peut s'allier avec les infidèles & heretiques.*

atque fraternitatem colat, ut Judæi cum Spartianis : nihil ad illa spectat fœdera, de quibus nata est ista controversia. Solum ideo ab Arroyo coacervata sunt, ut tanto fœderum diversorum strepitu, ad rem præsentem non pertinentium, nihil dicendo, aliquid imperitis dixisse videatur. Quamobrem cuncta exempla fœderum, ex Scripturis petitorum, quibus tamquam basi præcipuâ totius probationis Arroyi moles niti videbatur, sicut machina succisis nervis, solâ quæstionis explicatione, jacent inutilia. Unus inde dumtaxat fructus in Lectorem redundabit, ut ex eorum veluti colorum antithesi clariùs videat, quanto intervallo fœdera Francorum à fœderibus istis, quibus se tegunt, pictate superentur.

## C A P V T II.

*Prima ratio adversus fœdera Francorum, quia quemadmodum rebellio, ita favor, & fomes ejus grave crimen.*

**Q**Vapropter ne super arenam ædificando, lubricis incertisque probationibus Lectoris animum distineam, hoc immobile fundamentum orationi meæ substerno : Humanis divinisque legibus damnatum esse subditorum adversus legitimum Principem rebellionem. Hoc nemo mihi Principum, neque Christianorum, neque hæreticorum, neque Turcarum inficiabitur. Omnes enim Monarchias & Respublicas funditus everfas cupit, qui obediendi præcipiendique subordinationem inter Principem ac subditos tollit, illaque vincula incidit, quibus membra capiti ad



204 DE JUSTITIA FOEDERVM GALLICOR.  
 motum gubernationemque subnectuntur. Hinc  
 illa tam sollicita Apostoli inculcatio a: *Omnis ani-*  
*ma potestatibus sublimioribus subdita sit. Non est enim*  
*potestas, nisi à Deo. Itaque qui resistit, Dei ordinationi*  
*resistit. Qui autem resistunt, ipsi sibi damnationem*  
*acquirant.* Et vim talis obligationis exponens,  
 Ideò, inquit, *necessitate subditi estote, non solum pro-*  
*pter iram, sed etiam propter conscientiam.* Hinc acer-  
 ba illa Moysis contra Iudæos increpatio b: *Audite*  
*rebeldes & increduli.* Ut verò istius criminis ex-  
 crabilis magnitudinem Propheta patefaceret, ait c:  
*Quasi peccatum ariolandi est, repugnare: & quasi sce-*  
*lus idololatria, nolle acquiescere d, non solum impe-*  
*ranti Deo, sed etiam, qui per Deum regnant, Re-*  
*gibus, & per ipsum imperant, Principibus.* Etenim  
 ipse per os incarnatæ Sapientiæ de vicariis suis  
 præfectis dixit e: *Qui vos audit, me audit; & qui vos*  
*spernit, me spernit.* Quam ob causam Augustinus  
 inter cetera belli injusti mala, rebellandi ferita-  
 tem graviter culpat f: *Nocendi cupiditas, ulciscendi*  
*crudelitas, impacatus atque implacabilis animus, feritas*  
*rebellandi, libido dominandi, & si qua similia, hæc sunt,*  
*quæ in bellis jure culpantur.* Sed quid in re perspicuâ,  
 Christianæque religionis ac pacis fundamento  
 capitali, opus pluribus satagere? Reges, Principes,  
 Rectores rerum quarumcumque publicarum, uti-  
 lissimam istam sanctissimamque doctrinam esse,  
 uno omnes ore clamant; eamque Christianissimi  
 Reges præcipue probant; adversus quos, nescio  
 quo suo vel gentis faro, rectus ille jubendi & ser-  
 viendi ordo, crebrius, quam vellent, rebellandi le-  
 vitate ac feritate turbatur.

Sed

a Rom. 13. b Num 20. c 1. Reg. 15. d Proverb. 8.  
 e Luc. 10. f August l. 22. cont. Faust. c. 74.

Sed non molestè, obsecro, ferant etiam reliquam Christianissimæ doctrinæ partem, ut plenissimâ Regni sui tranquillitate potiantur. Quemadmodum rebellare legitimis Principibus, injustissimum est; ita rebellibus opitulari perversissimū, & eâdem humanâ, & divinâ, & æternâ lege damnatum. Perversissimum est igitur, ac divinīs humanisq̃ue legibus contrarium, Batavis, Palatino, Protestantibus Germaniæ, Principi suo legitimo pertinacissimè rebellantibus, opem ferre, rebellionemq̃ue consiliis, armis, fœderibus, pecuniis, incitare, fovere, roborare. An fortè aliquis dissimulatur, scelerum apertorum cooperationem esse scelus? Non arbitror. Nefarium scelus esse rebellionem nemo Principem prudentum negat. Eamdem ergo suscitare, fovere, roborare, gravissimum profectò fateatur necesse est. Nam, ut Apostolus de *contentione & inobedientiâ*, & aliis criminibus, rebellionem longè mitioribus, dicit *a: Qui talia agunt, digni sunt morte*: ita de consentientibus, multoq̃ue magis incitantibus, ac foventibus subnectit *b: Et non solum qui ea faciunt, sed etiam qui consentiunt facientibus*. Quâ Apostolicâ veritate nihil sanctius esse sentiunt, dicuntq̃ue Reges, quando eorum Imperium rebellionem subditorum quatitur, quorum audaciam extraneorum Principum opes, favor, ac miles munit. Tunc enim occultius in cordibus Principum scripta veritas indignissimum facinus esse vociferatur, adversus legitimum Regem, quem Deus populis ac natura præfecerit, rebellionem machinari; nec multò inferius esse crimen, consiliis, armis, nummis, fœderibus rebellantium ferociam accendere, & nutrire perviciam. Rectissimè. Sed quid tibi veritas fecit, Chri-

stianissime Rex, ut eam causa tuæ patrocinantem  
 probes, exosculeris, in cœlum feras; te ipsum verè  
 redarguentem respuas, & æquissimam ejus vocem  
 averferis? Memento immobilis oraculi æterna  
 Veritatis: *Quod tibi non velis fieri, nec alteri esse fa-*  
*ciendum.* Rebellionum fautores damnas, quando  
 premeris; damna, cum premis. Amas lucentem tibi  
 veritatem; ama pungentem. Ipsa semper innocen-  
 tissima, & blandissima est, sine furo rectissimam  
 æquitatis regulam proferens: sed cui animus glo-  
 riæ, vel invidiæ facibus incitatus ardet, illi mo-  
 lesta est veritas, quæ omnes omnium rebelliones  
 cum omnibus earum incentoribus & fautoribus  
 damnat. a *Palato enim non sano pœna est panis, qui*  
*sano suavis est: & oculis agris odiosa lux, quæ puris ama-*  
*bilis.* Sed ita justus & misericors Deus est, ut, qui  
 nullis internis externisque clamoribus æquissimæ  
 veritatis erudiri potuerint, factis ejus, eventisque  
 doceantur. Reddere enim solet in caput eorum id,  
 quod aliis ipsi reddidère. Conjuratibus, hære-  
 sibus, rebellionibus injustitiam eorum distorram  
 contundit, & animositatem frangit: ut vel sic di-  
 scant rebellium patrocinio non perturbare alienæ  
 Reipublicæ tranquillitatem, qui in suâ pacem &  
 obedientiam quærunt. Non animadvertunt, quid  
 populis sibi subjectis, quid Principibus extraneis  
 propinent imitandum. Nam qui rebellibus opitu-  
 latur, subditos suos rebellare, externos eis opitulari  
 docet. Si tunc domestici, si vasalli Principes, si po-  
 puli adversus hujusmodi Reges tumultuentur,  
 non est, quòd de summi Dei conquerantur inju-  
 stitiâ. *Amen dico vobis, receperunt mercedem suam.*  
 Hoc enim justum, hoc æquum, hoc immutabi-  
 libus Dei legibus cõsentaneum est, ut subditi do-

*Strinæ tyrocinium in ejus Regno faciant, à quo illam didicerunt: quique rebelles in alieno Principatu fecit, aut juvit, in suo vicissim rebelles ipse patiatur. Quam inculpabilem justitiæ regulam, in plectendis criminibus intuebatur Augustinus, quando dicebat a: Injustum erat, ut, qui non crediderat Deo vero, non deciperetur à falso. Et propinquius alibi b ad rem præsentem: Injustum erat, ut obtemperaretur à servo suo ei, qui non obtemperaverat domino suo. Ecce & ego dico, nec vereor, ne redarguar: Injustum est, ut, qui rebelles adjuvat, non subditos quoque suos rebelles, & extraneos rebellium adiutores ferat. Non quòd cujusquam crimina, sed justitiæ æquitatem defensam velim; cujus immutabili normâ sancitum est, ut, per quæ peccat quis, per hæc & torqueatur. Sed quis sapiens, & intelliget hæc? Scio equidem, rariores in Principibus sunt, quorum oculi in illam justitiæ cynosuram ita fixi sint, ut non foveât seditiones ac rebelliones, quas pati nolint. Sed cur de illo desperemus, qui præclarum sui cognominis decus à justitiâ trahit? Veniet, spero, annis labentibus ætas, quâ remotis perversorum consiliorum flabris, quibus à statu illius æquitatis dimoveretur, velut aqua ab igne circumstante liberata, ad naturalem justitiæ splendorem redeat, & omnes hujusmodi pravissimorum fœderum nexus, non sibi minus, quàm exteris Principibus perniciosos, abrumpat.*

*a Aug. lib. 5. cont. Jul. cap. 4. b lib. 1. de nupt. c. 6. c Sap. 11.*

### C A P V T III.

*Batavi perfectissimè rebelles Regi suo.*

**S**Ed jam diu taciturni quorūdam murmur mihi audire videor, non esse rebelles Batavos Principi

cipi suo, non Palatinum, non Protestantes. Ut proinde percussa cum eis, & cum Sueco, propter illos adjuvandos, fœdera, nullâ rebellionis participatione maculentur. Nam omnibus rebellium adiutoribus & fautoribus istam fœdissimam labem adhærere tam perspicuum est, ut nec ipse Arroyus hoc voluerit aut potuerit diffiteri. Cum enim statisset, neminem subditum, quisquis fuerit, posse adversus Principem suum arma capere; sic de rebellium patronis loquitur a: *Quod ad bellum attinet, quotquot sequuntur eum* (rebellem Principi suo Ducem) *sive milites, sive tribuni arma ferant, ejusdem criminis rei sunt, cujus auctor: nec enim eis nescio fas est, arma contra Principis sui obsequium ferri, si ejusdem sint nationis: sin verò extranei, scire debent, eum, cui serviunt, non esse supremum Principem.* Itaque quisquis in bello Domini cujuspiam non supremi stipendium facit, scire debet, illum, quandoquidem subditus est, arma ferre non posse. Et infra adhuc luculentius b: *Omnes, qui rebellionem magnatis, sive verbo, sive scripto, favent, licet fortè aliquid reprehensione dignum ex parte Principis inveniretur, eodem peccant crimine, quo rebellis. Turbant enim pacem Reipublica, nam, ut S. Thomas ait, leges etiam injustæ Principum supremorum subditos obligant,*

a FOL. 205. Pour la guerre, tous ceux qui le suivent, soient soldats ou Capitaines, portant les armes, sont coupable du même crime, que leur auteur, parce qu'ils ne peuvent ignorer, qu'on ne porte les armes contre le service de leur Prince souverain, s'ils sont nationaux: & s'ils sont étrangers, ils doivent savoir, que celui qu'ils servent, n'est pas souverain. Or qui sert en guerre un Seigneur, qui n'est pas souverain, doit savoir (qu'étant sujet) il ne peut lever les armes.

b FOL. 211. Tous ceux qui favorisent la révolte d'un Seigneur par paroles ou par écrit, quand mêmes il y auroit quelque chose à redire du côté du souverain, pechent du même crime, que le rebelle, parce qu'ils troublent le repos public: parce que, dit S. Thomas, les loys mêmes injustes des souverains obligent les sujets, quand elles ne peuvent être méprisées sans scandale, & sans trouble, excepté celles, qui obligeroient à suivre l'idolâtrie ou à quitter la vraie religion. Si tels fauteurs sont homagers & tributaires, ils sont felons: & s'ils sont souverains, ils pechent contre les loys des gens, & peuvent être attaquez comme ennemis, par ce qu'ils sont injure, & favorisent la brutalité des révoltes.

gant, quando sine scandalo ac perturbatione spernunt; illis exceptis, quibus ad idololatriam, vel veram religionem deferendam cogeremur. Si tales fautores vassalli ac tributarii fuerint, majestatis rei sunt: si supremi, jus gentium pravaricantur, & hostiliter tractari possunt. Injuriam quippe inferunt ac rebellionum brutalitati favent. Ita Arroyus asserit istius criminis injustitiam, cuius nos radices paulò clariùs detegere conati sumus. His ergo in hunc modum constitutis, paulò attentius ponderemus, quo loco Batavi, Palatinus, Protestantes, haberi debeant, ut, quod par est, de fœderibus Francorum, subsidisque statuamus.

Batavos perfectæ rebellionis reos esse, nemo, quantumvis expertus Theologiæ, vacuus Jurisprudentiæ, ac tardus ingenio, infitias ire poterit, si animi æquitatem ponderibus lancis afferre velit. Rerum tantummodò gestarum cognitione imbutum esse oportet, ut quis absque fluctuatione & erroris periculo judicium ferat. Duo omninò sunt, quæ rebellionis naturam absolvunt: ut legitimus quis habeat Principem seu superiorem, cui pareat; &, ut ab ejus fide deficiat, detrectando imperium ejus: quod Græci apposito vocabulo ἀφυσίαζεν, hoc est, *frenum excutere*, vocaverunt, quemadmodum contumaces equi solent. Regem Hispaniarum legitimum fuisse Principem confœderatarum Provinciarum, nec ipsi Batavi negant. Numquam eò adhuc erupit insolentia, ut istud vel dicerent initio tumultuum Belgicorum, vel etiam nunc dicant. Habet enim nonnumquam veritas vocem ita manifestam, ut eam cujuscunque frontis impudentia dissimulare non possit. Quis enim nesciat, Philippum Secundum, Belgarum

210 DE JUSTITIA FOEDERVM GALLICOR.  
 rum Principibus esse satum? Nec enim eis bellum  
 Belgium parta praeda est, ubi novum jus arma ple-  
 rumque cudere solent; sed longâ progenitorum  
 serie transmissâ indubitatae successionis hereditas.  
 Quod ita perspectum iis fuit, qui telam istius re-  
 bellionis orsi sunt, ut in illo temulento convivio *a*,  
 quo Bruxellæ trecenti fœderati nobiles strenuè  
 publicarum rerum curam, atque consilia, inter po-  
 cula, in ædibus Culenburganis, agitabant, nihil  
 clamarent vehementius, quàm, *Vivat Rex, vivant*  
*Genſij*. Nam & numisma cudi *b* curarunt, in cujus  
 uno latere effigies Principis his verbis circumscri-  
 pta, *Fideles Regi*: in altero duabus fœderatis mani-  
 bus quasi symbolo conspirationis implicata man-  
 tica, cum hisce characteribus, *Vſque ad manticam*.

Quid, quòd per multos annos, quibus jam fer-  
 vebat rebellio, sub obsequii Regis prætextu acti-  
 tabantur omnia? Nam Regis abdicatio non nisi  
 quindecim integros annos post inchoatam sedi-  
 tionem, anno 1581. septimo Kalendas Augusti pro-  
 clamata est. Tunc enim, crescente rebus jam fir-  
 matis audaciâ, detracta larua est, & fronte retra-  
 ctâ Regem ejurantes, publicum Edictum Hagæ-  
 Comitis affixerūt, cujus inscriptio promittebat *c*,  
*Regem Hispania excidisse Praefecturis ac Dominiis Pro-*  
*vinciarum inferiorum*: & prohibebat, *ne quis deinceps*  
*ejus Nomine, aut Insigniis, in dictis Provinciis uteretur*,  
 Batavos ergo & fœderatas eis Provincias Regem  
 Hispaniæ, legitimum Belgarum Principem, agno-  
 visse, extra controversiam est.

Quid igitur? Dubitabimus fortè, an à fide sui  
 Principis defecerint, atque ejus imperium detre-  
 ctave-

*a* Anno 1566. mense Aprilis.

*b* Floren. vander Haer lib. de initiis tumult. Belgic.

*c* Edictum datum Hagæ-Comitis 26. Jul. 1581.

taverint? quod erat alterum rebellionis consti-  
 tuendæ caput. Sed eò insanix necdum ab ipsis Ba-  
 tavis ventum est. Vela prætexerunt facinoribus  
 iis, ut sub iis, tamquam ficuum foliis, quemad-  
 modum à primo rebellionis auctore factum no-  
 verant, impudentia delitesceret. Nec enim existi-  
 mo, si omnes historias revolvamus, expressior  
 idea, & iniquior causa rebellionis sese offeret,  
 quàm ea, cujus effigiem in scenam orbis terrarum  
 Batavi protulerunt. Etenim ut majestatis læsæ, ita  
 & rebellionis, gradus sunt. Teterrimus ille est,  
 quando non temporalis cujuscumque commodi af-  
 sequendi cupiditate arma capiuntur, ut sæpè fie-  
 ri solet, quo obtento, salva manet aut redit sub-  
 jectionis erga Principem fides; sed quando ipsa  
 in universum obedientiæ Principalis fides hor-  
 teretur, impugnatur, evertitur, & seditionum ra-  
 bies in odium ipsius Monarchici Principatûs e-  
 rumpit. Hoc verò ipsissimum hujus rebellionis  
 Belgicæ malum fuit. Nam cum factio illa popula-  
 ris primùm in Religionem execrandis modis, ex-  
 cussio Magistratum Regionum & municipalium  
 jugo, sæviisset; mox credendi libertate in licen-  
 tiam rebellandi versâ, armis impietatem tueri co-  
 nati sunt. *a* Nobilium quippe conspiratione & *b*  
 Conventibus, Magnatumque *c* freti conniven-  
 tiâ; nihil insolentiæ non sibi audendum consue-  
 verunt. Hinc *d* urbium occupatio, *e* delectus mi-  
 litum, *f* præsidiorum recusatio, *g* Regionum Lega-  
 torum contumelia & captivitas, antequam ullus  
 cum

*a* Ann. 1565. & 1566. *b* Breda mense Martio ann. 1565. &  
 Bruxella Nonis Aprilis. *c* Orangi, Hornani, Egmondani, &c.  
*d* Valencena, Busciducii, &c. an. 1566. & initio 1567.  
*e* à Bredenrodio, Tholouso & aliis. *f* Valencena, Busciducii.  
*g* Sylvaducii per Bombergium: Amstelodami per Bredërodiano.



212 DE JUSTITIA FOEDERVM GALLICOR-  
cum Albano Duce in Belgium appulisset milie  
Hinc legati in Gallias, Angliam, Germaniam, d  
missi; hinc consilia turbandæ Reipublicæ quib  
cum videretur, suscepta; hinc subsidia ab exteri  
postulata.

Cum verò, crescente successu cum insolentia  
impunitatem sibi ex auctis viribus pollicerentur  
publicis Ediētis<sup>a</sup> abjurarunt Regem suum, ac d  
turbatis Insignibus ejus, Diplomata lacerarunt  
atque à se nova, tamquam summis rerum moderat  
toribus, petenda curaverunt. Nimirum non solam  
persona Principis, sed, quod culmen rebellionis  
Principatus ipse displicebat. Hoc enim ipsum i  
Gubernatoribus sibi adsciscendis, hoc in Princip  
novo deinceps diligendo spectavit rebellantium  
furor. Nam Archiduci Matthiæ, quem in Guber  
natorem adsumpserant<sup>b</sup>, tot articulis atque con  
ditionibus circumscripsere potestatem, ut tam  
quam statua nomen Gubernatoris quasi frontibus  
inscriptum gereret, ipsi totâ agendi auctoritate  
pollerent. Hinc pertæsus ignominiosæ potestatis,  
& ludibrium se Belgarum ratus, in Germaniam,  
unde venerat, se proripuit. Id ipsum Lycestrius  
Comes & litteris<sup>c</sup> ad Junium datis, & peculiar  
libello graviter adversus Ordines questus est. Spe  
ciosior, non melior, Ducis Andegavensis, quem &  
Alenonium dicunt, conditio fuit: <sup>d</sup> quem Du  
cem Brabantia & <sup>e</sup> Comitem Flandriæ, sed pote  
statis expertem, inauguraverant. Itaque postea  
coram Ordinum Legatis questus est <sup>f</sup>, *Ipsos tuto  
res, se pupillum: Ipsos legumlatores, se circumscriptum  
earum*

<sup>a</sup> Anno 1581. Hagacomitis 26. Julii. <sup>b</sup> An. 1577. 17. Sept.  
<sup>c</sup> Littera data 10. Junii an. 1587. 7. Sept. ejusdem anni.  
<sup>d</sup> Mense Januario anno 1582. <sup>e</sup> 25. Augusti ejusdem anni.  
<sup>f</sup> In Oratione ad Deputatos Ordin. Antverpia anno 1582.

*armis executorem esse. Quamobrem, ut sibi securitatem pararet, auctoritatemque Duce dignam, præcipuas Belgii civitates occupare conatus est. Quâ spe postquam cum jacturâ militum suorum, & nobilitatis excidisset, in Franciam reversus est; ipsâ edoctus, quod spargebat, Non Principem Belgas, nisi cui imperarent: non veritatem ejus, sed umbram postulare.* Nempe hætenus ignoraverat, non Principes, non Gubernatores, haud secus Gallos, Anglosque, quam Hispanos, eos quæsisse, sed fulcra rebellionis, personata ludibria potestatis, larvas auctoritatis: ut ipsi dominatum sibi affererent, tragœdiamque, quam jugi Regii excusatione auspiciati fuerant, omnis odio Principatus, præterquam sui, se agendam suscepisse testarentur. Quâ calumniarum impudentiâ non lacerarunt Principem suum? quas conjurationes ei non continnarunt? quos æmulos ei hostesque non excitarunt? Ab Oriente in Occidentem totum terrarum orbem terrâ marique lustraverunt, ut aliquem ei Satanam, tempestatemque commoverent. Hæc si Rex Christianissimus probat, si violatæ fidei damnatæque rebellionis notâ carere putat, quam portam subditis suis aperiat profectò videt. Exemplum enim illustre præ oculis habent; successum fœdera Francorum conciliarunt optatissimum; animum audēdi faciliè occasio proclivis dabit. Et quid non meritò audeant sub tanto fœderum Christianissimorum adversus legitimos Principes patrocinio? sub tanto rebellium Batavorum magisterio? Ad inflammandam seditionis rotam paratissimi sunt: odio est ipsis, quisquis ubique locorum Princeps, aut Principatus est, nisi fortè, qui ipsis adversus Proprium opituletur. Jam spiritus eorum sensit ipse

ipse Francorum Rex in clandestinis eorum cum Hugonottis contra se machinationibus. Et quis in Europâ Princeps non eorum expertus est in difficultatibus intestinis pervicaciam? Emdanus, Brülwicensis, Brandenburgensis, Anglus, Cæsar interrogentur. Quid enim nisi rebellionem rebellis pariat? Inde nutritur unumquodque, unde nascitur. Sin verò nemo, quantumvis humani diviniq; juris imperitus, dubitat, execrabiles istiusmodi conjurationes factionesq; subditorum adversù legitimum Principem, omniù tam fidelium quam infidelium judicio, illicitas, omnium gentium legibus proscriptas, omnium jurium, civilis, Ecclesiastici, diviniq; sanctionibus damnatas esse; illicita igitur, proscripta, damnata fœdera sunt, quibus Christianissimi Reges rebellibus istis ad eundem Principem amicum terris suis arcendum consiliis, pecuniis, armis, militibus suppetias ferunt, omnibusq; modis id unum agunt, ne saniora capiant, depositâ rebellionem, consilia.

Quæ quidem eò magis in Christianissimo Rege miranda sunt, quòd neque plenæ pacis veneratio, nèque a pactorum religio, quæ à majoribus jurata sunt, fœdera ista cum rebellibus retardare potuerunt. Nam inter cæteras Pacis Verviniana leges una capitalis fuit, ut illo tractatu *renunciare omnibus fœderibus, commerciisq; , quæ quoquo modum in præjudicium Regis Hispaniæ redundare possent, neque cuiquam favorem in ejus detrimentum præstaret.* Adversùs quæ jam inde ab initio in hunc usque diem subsidia militum atque pecuniarum

**ARTICLE SECOND DE LA PAIX DE VERVIN :** Ils ne soutiendront ni favoriseront personne, quel qu'il soit au préjudice l'un de l'autre.

ITEM : Ils renonceroient par ce présent traité à toutes les pratiques, liques, & intelligences, qui pourroient en quelque manière resulter au préjudice de chacun d'eux, &c. en l'an 1598.

num Batavis destinata sunt, quibus diu ante inducias Belgicas ex pacto ad bellum adversus Regem conferendis Henricus Quartus se devinxerat: quemadmodum & auctores *a* Galli, & ipsæ *b* patrum leges, & effecta inde consecuta testantur. Nam nō ita multò post initam pacem, duæ legiones Francorum in Ordinum confœderatorū exercitu militabant: quorum operâ Gravia Catholico Regi extorta in hæreticorum potestatem venit. Ita ipse Pontifex *c* Clemens VIII. Henrici IV. Legato graviter de fœderibus istis, suppetiisq; questus est, ut quæ nō minùs initæ juratæq; pacis pietate, quàm fore rebellionis impietate, dānarentur.

*a* SCIMON DV PLAIX EN HENRY IV. Il estoit bien aise de faire descendre les Eitars de ces Pais Bas à une bonne paix ou à une longue ireve avec l'Hispaniol, afin de se decharger luy mesme DE LA CONTRIBVTION A LAQUELLE IL S'ESTOIT OBLIGE EN LEVR FAVEVR DV RANT LA OVRRE.

*b* L'ARTICLE 4. DE L'ALLIANCE FAICTE AVEC LES ESTATS L'AN 1603. PARLE AINSI: En recognoissance de quoy, & des autres grandes faveurs & assistences, que les dicts Sieurs Estats ont receu de sa Majesté, ils ont promis & seront tenus, &c.

*c* Apud Ossatum Cardinalem epist. 327.

## C A P V T IV.

*Libertas nova Religionis appetita non purgat  
maculam rebellionis.*

**Q**uid enim ad maculam rebellionis eluendam facit, quòd de novis Religionibus repressis, Edictisq; sanguinariis, tam invidiosè Batavi conqueruntur? Hæc enim Princeps Orangius & *d* Responso ad citationem Regis, & postea in *e* Apologiâ suâ, & ipsi Ordines confœderati in *f* Edicto, quo Regem suum abdicarunt, præcipuè & vehementer inculcant. Quasi verò

non

*d* Edita est anno 1567. *e* Edita est an. 1580. & 17. Septemb in Ordinum conventu exhibita. *f* Editum est ann. 1581. Haga Comitiu 26. Julii.

216 DE JUSTITIA FOEDERVM GALLICOR.  
non ante omnem Albani severitatem universa penè Belgii templa spoliaffent, calcataque a vitâ Religione, Deo ac Regiis Magistratibus rebellassent. In circulis hæreticorum aliquid loci & ponderis habeant istæ querimonix, quibus licentia novandæ Religionis lapis Reipublicæ condendæ angularis est. Nam isto obtentu & Hugonottæ in Franciâ egregiè purgant causam suam: qui severitatem Francisci I. & Henrici II. & Caroli IX. matutinasque Parisienses invidiosissimè canunt. Sed apud Christianissimos Reges quis talia nugamenta probari credat? Christiani sunt, Catholici, ac Romani sunt: duodecim sæculorum usu sciunt hæreses à Regibus, & à Cæsaribus compressas esse, legibus, mulctis, gladio. Nihil actum à Belgarum Principe, quod non durius antiquissimis tam civilibus quàm Canonicis legibus præscriptum fuerit. Sciunt easdem difficultates majores suos esse passos; licentiam cõcionum hæreticarum primò repressisse, deinde dicta a laxasse, sicut ea & in Belgio in ipsis initiis relaxata sũt. Quid in hac tota re Christianissimi Reges culpent, quod non à majoribus eorum vel factitatum sit, vel justissimè ab ipsis, aut seipsis factitari posse concedant? Quis ergo Catholicus, sive Belga, sive Francus, non omnibus numeris absolutam istam rebellionem fateatur, nisi qui velit capitalem legem atque sententiam adversus Regem etiam suum, antiquosque Cæsares, ipsiusque adeò Ecclesiæ Catholicæ disciplinam scribi?

a An. 1565. 24. Martii pro Brabantia; & postea mense Aprili pro omnibus Provinciis.

## CAPVT V.

*Dilinitur objectio ex Induciis petita, quibus Provincia confœderata liberæ declarari videntur.*

**S**ed alia est in ore Francorum frequens tergiversatio, Regem Hispaniarum liberas agnovisse, vel fecisse Provincias fœderatas. Nam Induciarum primus articulus, ab Hispaniarum quoque Rege probatus, fuit a: *Serenissimi Archiduces profitentur, tum suo, tum Catholici Regis nomine, se paratos agere cum Ordinibus Generalibus Provinciarum fœderatarum, sub qualitate, & tamquam eas liberas agnoscentes, in quas nullum dominii jus pretendunt; & cum iis inducias transigere, iisdem nominibus & qualitate, uti his presentibus scriptis transigunt in hunc modum.* Objectio ista popularis est, ex ignorance non solum phrascos istius, alioquin per se perspicuæ, sed etiam juris summi imperii, & subditorum, & rerum gestarum profecta. Quo efficitur, ut eam viri in Republica tantillum versati, non solum extranei, sed etiam ipsi Batavi, velut frivolum prætereant. Nam verborum formula per se ipsa clamat, non Provinciis absolutam libertatem adseri, sed personis tractantibus certam ad tractandum qualitem tribui; quam nisi inducerent, ne pacisci quidem cum Principibus ullâ ratione potuissent. Nam Ordines fœderatarum provinciarum esse jure subditos suos, Belgarum Principes, tamquam rem luce meridiana clariorem, semper statuerunt. Hoc est autem imperii summi, Principumque supremorum jus,

K

ut

ut cum eis vel pacisci de propriis eorum urbibus provinciis, atque Religione, subditis capitale finiri ultro ipsi Principes suo jure decedant. Partitur enim imperium unius in multos, Majestatem quæ Principis lædit, quisquis ei subditus conditiones ponit: nam hoc ipso vel subiectum Principi vel Principem subiecto parem facit. Principi vero subditos dominatu ac potentia æquare, aut Imperii socios adungere, criminis gravissimum loco semper habitum fuit. Nam ista paritas, aut adjunctio Monarchicum principatum tollit, atque in Aristocratiam vel Democratiam degenerare facit. Unde nata illa usitata sententia quam à Themistocle & Catone, principibus Reipublicæ suæ viris, profectam volunt, Nec mortales adversus Deum immortalem, nec privato adversus Rempublicam, hoc est, adversus summum imperium, præscribere posse. Et quisquis privatus aut subditus quâcumque potestate injura Majestatis involaverit, capitali fraude obligatur. Irritum est igitur ipso jure, quidquid subditus cum suo summo Principe de urbibus ejus, & provinciis, & jurisdictione, & similibus, paciscitur, nisi expressâ vel tacitâ Principis consensione vel renuntiatione ratum fiat. Subditi est enim, conditiones accipere, non Principi suo dare; obedire, non præscribere; multoque magis à Majestatis ac Sceptri juribus temperare manus. Unde fit, ut non cum Principe suo tantum de jure Principatus, sed neque cum exteris quidem jungere possit, sine Principis veniâ, propriæ securitatis fœdus. Quam ob causam cum Dux Aurelianensis, qui Lutetiæ cæsus est, multorum calumniis preme-

premeretur, nihil gravius cæsi manibus obiectum ferunt, quàm quòd fœdus cum Duce Lancastrio clàm percussisset. Quod quidem si quibus, cùm sint subditi, licet, hoc ipso erga illos jus supremæ majestatis relaxatum est.

Quapropter, ut omnis suspicio fraudis, de qua ex isto fortassis etiam capite solliciti erant Ordines confœderati, trepidantibus omni ex parte tolleretur; conceptis illis pactorum verbis Principes expresserunt, se ( quantum ad illum tractatum attinet, ) ex Principibus se fecisse pares, hoc est, se jus majestatis exuisse, & conditionum pactarum ultrò subiisse jugum. quod nemo subditorum sine crimine eis injicere potuisset. Nam *aquum fœdus*, ut loquuntur, numquam inter Principes, tamquam tales, atque subditos coalescere potest. Numquam ergo ex Principibus Belgarum auditum est, se Provincias fœderatas *absolutè liberas agnoscere*, se *nullum dominii-jus prætendere*: numquam dictum, numquam scriptum est: cujusmodi renunciatio in re tanta, multò majori profectò solemnitate fieri debuisset. Ubi enim hîc cessio juris? ubi resignatio? ubi abdicatio proprietatis? ubi donatio? ubi translatio dominii? sine cujusmodi formulis ex ordine consueto juris, nec privatorum prædia & hereditates, quantumcumque coram publicis pactorum perscriptoribus, quos Notarios dicimus, atque testibus stipulationes consignentur, in possessores novos transeunt. Quanto minùs Dominia, Ducatus, Principatus, Coronæ? Nudè igitur & solertissimè dixerunt, se cum Ordinibus Provinciarum fœderatarũ paratos agere, *sub qualitate*, itemq; *tamquam* eas liberas agnoscentes, in quas nullũ dominii-jus prætenderet:



& rursus , cum iis transigere inducias *iisdem nominibus* , & *qualitate*. Si de industria cavillationibus Batavorum occurrere studuissent , non potuissent accuratius absolutam renuntiationem Provinciarum à personarum paciscentium temporariâ qualitate secernere , utpote quas istis clausulis , tamquam quâdam summi Imperii voluntariâ depressione , habiles ad paciscendum secum declarare , securasque de conditionum pactarum præsentis obligatione , & futura observatione , reddere voluerunt.

Enimverò , si vim verborum ipsorum justis ponderibus trutinemus , quis nesciat , *tamquam* , plerumque similitudinis , non veritatis , esse notam ? *Hic error* , inquit Sapiens *a* , *tamquam lex custoditus est* , & *tyrannorum imperio colebantur figmenta*. Et Apostolus *b* : *Tamquam purgamenta huius mundi facti sumus* , *omnium peripsēma usque adhuc*. Et ipse Christus de se *c* : *Tamquam ad latronem existis*. Quemadmodum igitur his verbis nec error iste *lex* , nec Apostolus *purgamentum* , & *peripsēma* , nec Christus *latro* constituitur : ita nec Provinciæ confœderatæ agnoscuntur liberæ , sed *tamquam libera* , *tamquam* in quas nullum domini jus prætendant , hoc est , eo , quantum ad istam conventionem , habentur loco , ut , quamvis Dei atque hominum prudentum iudicio rebelles sint , cum Dominis tamen ac Principibus suis *æquo fœdere* pacisci possint , de illis ipsis urbibus , provinciis , statibus , dominiis , juribus , quæ Principibus suis per fas & nefas rapuerunt ; nec eis fraudi sit abjectio propriæ conditionis , quæ non ex æquo cum Dominis suis loqui , sed dignitati eorum modestiam ,

*a* Sap. 14. *b* 1. Cor. 4. *c* Matth. 26.

tiam, majestati verecundiam, jussis obedientiam  
 debet. Hinc ergo proficiscitur, ut ista agnitio li-  
 bertatis, sicut propter tractatum illum inchoan-  
 dum & peragendum præfractis ingeniis indulta  
 fuit, ita etiam non nisi ad præfixum induciis tem-  
 pus protendatur: quo præterlapso, in eundem  
 cuncta redeunt, quo ante pacta conventa fuerunt,  
 statum; jus Principale quasi nubibus rectum rur-  
 sus emicat; radii Majestatis supremæque pote-  
 statis iterum subditorum suorum vultum feriunt;  
 nota Rebellionis tantisper quasi sopita reviviscit.  
 Verum enimverò Belgarum Principibus num-  
 quam in mentem venisse, ut Provincias fœdera-  
 tas illâ solâ induciarum pactione à suo domino  
 abdicarent, tot indiciis ex ipsis actis manifestum  
 est, ut vel malignissimos esse necessum sit, vel rei  
 gestæ prorsus imperitos, qui ex verbis commemo-  
 ratis libertatem Provinciis illis assertam volunt.  
 Nam in primis, cum à sexta Februarii ann. 1608.  
 quæ primæ sessioni destinata fuit, usque ad vige-  
 simam Augusti, crebrò instantissimeque Ordines  
 confœderati postulassent, ut Rex Hispaniæ & Ar-  
 chiduces *summo imperio a* Provinciarum istarum  
 renuntiarent, cum quibus jam *tamquam* cum  
 liberis Provinciis tractare cœperant, eamque  
 clausulam mandatis aliquoties inseruerant; tan-  
 dem accepto responso ex Hispaniis, denuntiarum  
 eis fuit, Regem Archiducemque paratos esse,  
 dummodò & Catholicæ Religionis usum publi-  
 cum, jam diu abolitum, in Provinciis suis restitue-  
 rent, & ab Indica navigatione temperarent. Quâ  
 lege non acceptâ, operosus ille tractatus abruptus  
 est. Si illa *tamquam* liberarum Provinciarum agnitio  
 & confessio, & cum eis *tamquam talibus* tractatio,  
 a La souveraineté.

& induciarum octimestrium sub tali clausula conventio, abdicationem Provinciarum libertatemque continebat; quid ulteriùs de renuntiatione summi imperii satagebant? Retinebant, igitur adhuc Principes, ipsorum Ordinum judicio, jus suum in Provincias, utpote cui adhuc renuntiandum esse putabatur.

Sed illud multò luculentius, quod, cum Legati Regum Franciæ & Angliæ vehementissimè confæderatos Ordines premerent, ut saltem inducias in annos aliquot paciscerentur, trigésimo Augusti responsum eis fuerit, se consentire, hac tamen lege, *ut simpliciter & absolute status eorum liber, sui que juris pronuntietur, neque postea, cessantibus induciis, eorum libertas in dubium revocetur*: hoc est, quemadmodum Præses Janninus, Christianissimi Regis Legatus, eorum petitionem exprimit, caveri voluerunt, ut Provinciæ declararentur libere, nō pro induciis tantum, sed *a in perpetuum*. Quæ declaratio ut à Rege Hispaniarum fieret, per eosdem illos Regum Legatos petendum urgendumque curaverunt, sicut b Janninus ipse locuples testis est. Sed ab Archiducum Delegatis tertiâ Septembris responsum est, se nihil de paciscendis hac lege induciis in mandatis habere: cæterum se Legatorum Franciæ & Britaniæ Regis postulata Bruxellas misisse, atque intra quatrimum responsum expectare. Quo ad septimam Septembris accepto,

Prin-  
a Pour tous jours: le Pres. Jannin en la Remonstrance man-  
scripte aux Estats Generaux le 14. Octob. 1601.

Item en un autre escrit, où il deduit les raisons pour embras-  
ser cette Treve, dressé un peu auparavant.

b LE MESME: Mais nous ayant esté dit lors, qu'on pouvoit esperer éclair-  
cissement, & voyans aussi, que plusieurs le desiroient avec ardeur, comme s'il  
eust esté nécessaire pour la seureté publique, il nous sembla, qu'on le devoit  
suivre.

Principum suorum mentem aut consilium nequaquam esse dixerunt, ut his conditionibus induciæ cum fœderatis Provinciis coalescerent. Cumque Ordines efflagitarent, quid causæ esset, cur Rex & Archiduces illam *necessariam declarationem* addere detrectarent, *respondent*, inquebat Legatus Regis Christianissimi a, *se ad nihil amplius obstringi: hoc esse totum, quod nomine Regis Hispaniæ sponponderunt, & ab ipso extorquere magnâ cum difficultate potuerunt; cum Concilio ejus, potius omnia abrumpenda, quàm concludenda sub illis postulatis conditionibus, videretur.* Hæc ille. Nónne ista libertatis perpetuæ declaratio, tam sollicitè instanterque postulata, & Regis Archiducumque tam abrupta recusatio, omni tubâ sonoriùs clariùsque proclamat, discrimen inter perpetuam ac momentaneam istam libertatem, inter veram & umbraticam, utrimque optimè intellectum fuisse, magnoque judicio, unâ concessâ, alteram flagitatam & negatam?

Sed quamvis nihil istorum perspicuæ suffragaretur veritati, ipsa induciarum ratio totam vim istius tergiversationis evertit. Nam induciæ quid aliud sunt, quàm inter hostes à bello ad certum tempus pacta pax? ita nimirum dictæ, quòd in diem certum à pugnando otium præbeant, atque, ut Agellius b, ex tribus dictionibus, *Inde mi jam*, quòd elapso tēpore cessationis, deinceps omnia, sicut antè, jure belli agantur. Quid verò ineptius, imò quid insanius fingi potest, quàm jus

K 4

pro-

a LE PRESIDENT IANNIN AV MESME ESCRIT: Pourquoi les Deputez des Archiducs sont difficulté d'y adjouster cette condition requise? Ils respondent, qu'ils ne sont tenus ny obligez à rien de plus: que c'est aussi tout ce qu'ils ont promis au nom du Roy d'Espagne, & peu obtenir de luy, encore avec tresgrande difficulté; son Conseil estant plustot disposé à rompre aux conditions par vous requises, qu'àider à les conclure.

b Lib. 1. Noth. Attic. cap. 25.

provinciarum tuarum bello petere; deinde per inducias absolute & in perpetuum abdicare, ut, iis finitis, id ipsum restaurato bello repetas? Hoc enim induciæ ipso suo nomine profitentur, nolle paciscentes jure quemque suo cedere, de quo contenditur, sed, cum tantisper dumtaxat respiraverint, redintegratis viribus causam velle prosequi, & belli aleam experiri. Si enim alteri ceditur jus, de quo est controversia, jam profectò pax est, omnis belli & victoriæ finis. Quid enim bello suum petat, qui renuntiando nihil suum esse profitetur? vel, si quod suum est, sibi seriò post inducias vindicatum cupit, cur renuntiat? cur alienum esse declarat? An ut ante inducias justè, post eas injustè stolidèque se arma movere, peritis juxtà atque imperitis probet?

Vides igitur, quàm inanis illa sit & fucata cavillatio, quâ inolitam rebellionis notam verâ istâ Regis, & sincerâ, & tractantibus necessariâ, sed perperam intellectâ, declaratione dealbare conantur. Sed, ut antè monui, non tam Ordinum confœderatorum est ista, quàm Francorum palliatio; ne à fœderibus illis, quæ diu ante inducias, & istâ larvam obtentæ libertatis pepigerant, discedere ipsâ rei indignitate ac rurpitudine cogerentur. Ordines *a* enim, sicut & Legatus Regis Angliæ *b*, & ferè novatores fidei, sæpè protestati sunt, Batavos propter conscientia libertatem asserendam, Editorumque violentiam fugiendam, arma cepisse, vindi-

*a* In Editto ann. 1581. 26. Jul.

*Orangius in Apologia adversus litteras Regis.*

*b* Rudolphus VVinwood Ambassadeur du Roy d'Angleterre, en une remonstrance faite aux Estats pour embrasser la treve. 20. Octobr. 1608.

La liberté de vos consciences a été le premier subject, que les armes ont été prises.

vindicasseque libertatē suam. Quam causam cum Catholici Franci ex Catholica fidei sensu injustissimam esse sentiant, fucum falsæ libertatis fœditati veræ rebellionis inducunt. Sed verissima manent, quæadmodum ante inducias, ita multò magis post expertam Principis humanitatē, illa Clementis VIII. verba *a: Galli adversus Regem Hispania & Archiduces, ad Hollandos se Zelandosque conferunt, Deo & Principi suo rebelles: cum tamen Francorū Rex expertus sit, quàm sit Principibus molestum ac durum, quando subditis adversus se arma capeissentibus subsidium datur. Et illa Cardinalis Aldobrandini b: Manifestum est Hollandos ac Zelandos rebelles esse, neque legitimum Reipublica corpus posse constituere.*

Sed agendum, demus amantibus idolum libertatis suæ, ut sibi somnia fingant: humanum est. Concedamus naufragantibus tabulam illam in tantis mortis impendentis angustis, ut istā tamquam juris Principis renuntiatione liberi facti sint. Quid moribundi isto conatu obtinebunt, nisi ut certius pereant, & stigmatē rebellionis indelebili posteritatis monumenta consignent? Quis enim eò veniat heberudinis, ut non advertat, hujusmodi renuntiationem, quā sibi, tamquam de manumissione servi, blandiuntur, antecedentem quadraginta annorum contumaciam purgare non posse? Hæc enim cum illis, quas factiosorum animositas ei affricuit, notis transiit; nec futurā Principum cessione, sed subditorum pœnitentiā deleri potest. Quapropter si,

K 5

post-

*a* LE CARDINAL D'OSSAT EN LA LETTRE 176. Les François vont contre eux pour les Hollandois & Zelandois rebelles à Dieu & à leur Prince, tellement que la meilleure Cavallerie & Infanterie qu'ayent lesdits rebelles, est des François: & toutefois le Roy a expérimenté en soymesme, combien il sache à un Prince, quand on donne secours à ses Sujets, qui luy font la guerre.  
*b* LE MESME: C'est une chose manifeste qu'ils estoient rebelles, & que ce n'estoit point un corps & potentat legitime,

postquam seditionibus suis Belgicam pacem turbavere, adversus Principem suum arma capessere, cælum factionibus terramque miscuere, nunc tandem aliquando legitimi Domini sui renuntiatione facti sunt liberi; quis non videat, ea facinora, quæ libertatis indulgentiam præcessere, nefandæ rebellionis essent? Nisi fortè iterum laboriosâ nobis disputatione satagendum quis arbitretur (quod jam suprà satis egimus) ne Principi avitum jus in terras suas, & hereditariæ dominationis auctoritatem adhuc retinenti (sicut antè retinuit, sic nunc cessit) subditos sine scelere rebellionis tantâ perviciâ obluctari, totiusque mundi arma concitare posse, credatur. Ingessit eis hoc opprobrium Præses Janninus, Christianissimi Regis Legatus, cum eos ab illa impetrandæ libertatis aviditate revocaret. *Quod tamen, inquit, vobis contingeret (quod videlicet Regi subditi, ei que rebelles in præteritum fuisse censeremini) si ab Archiducibus ambire & obtinere deberetis non simplicem confessionem ac declarationem, quod vos agnoscant liberos, sed titulum libertatis vestra integrum atque absolutum: qui illo casu initium capere non posset, nisi ab ipsa die indultæ concessionis.* Sed filiis tantus ardor fuit delendæ in posterum fœditatis propriæ, ut paternam ac præteritam taciti prætermiserint.

Quàm verò præclare sibi consuluerint, operæ pretium est porro videamus. Induciarum pactione sibi libertatem indultam jactitant: jure ergo, inquit,

EN LA REMONSTRANCE MANUSCRITE FAITE AUX ESTATS SUR LE FAIT DE LA TREVE: Ce que toutefois avieudroit, (qu'on vous qualiferoit subjets & rebelles) s'il falloit rechercher & obtenir d'eux, non une simple cōfession & declaration, qu'ils vous tiennent pour libres, mais le titre entier & absolu de vostre liberté: lequel ne pourroit commencer en ce cas, qu'au jour de la concession, qui vous en auroit esté faite.

inquiunt, liberæ Provinciæ sumus. Eadem prædonum omnium ratiocinatio est, postquam vi armatâ viatorem spoliaverint; eadem lex, idem jus. Nihil enim eis promptius atque iustius, quàm sicarum intentatione alienorum bonorum, & libertatis, & vitæ dominium sibi obnoxium stipulari, & arreptæ possessionis titulo mox defendere. Jus istud in Codice Batavorum capitalibus exaratum est characteribus, quo per Oceanum quaquâ patet universum, cædibus rapinisque sua compendia cumulando, utuntur strenuissimè. Quo fit, ut sua repetentes, velut importunos, imperitos, injustos occupatæ possessionis jure retundant. Nam hujusmodi pacta ex parte latrocinantium esse infamia Jurisperitorum suffragio proscripta, turpia, nulla, jure gentium ac naturæ damnata, auribus Batavis incompertum est: quibus exiguum est hujusmodi facinora perpetrasse, nisi etiam remuneratione Principali, orbis terrarum judicio, digna censeantur. Ecce quàm præclaro vínculo Principem suum vinctum tenent, qui tamquam ad pileum vocati istâ tam immobili libertatis concessione gloriantur. Et audent homines fidelissimi fractæ fidei notam Principibus inurere, quòd expirantibus induciis Provincias suas repetiverint. Excidit eis præclarissimum propriæ fidelitatis testimonium, Ultrajectina confœderatio, Edictumque Hagæ-comitanum, quo, abjectâ Domini sui auctoritate, suam substituerunt; deturbatis insignibus ejus, sua suffecerunt; ejurato ejus homagio, suum subditis obtruserunt. Itâne miseri non vestri ipsorum tantum, sed & naturæ obliti estis, quæ adamantino stylo in rationis humanæ libro



228. DE JUSTITIA FOEDERVM GALLICOR.  
scripsit a: *Frustrâ sibi fidem quis postulat ab eo servari,  
cui fidem à se præstitam servare recusat?*

Sed nulla eis fides à Principe violata est, quia nulla data est. Sciunt hoc, & scientes prudentes-  
que illudi populo, Batavi & Galli in sinu rident.  
Quod ex ipsis cardinibus, quibus Gallicana po-  
litia vertitur, & jam aliquot sæculis utitur, ubi  
potest, liquidò perceperis. Docent enim, & praxi  
probant, sponfiones Principum, quibus alien-  
nant partem Regni sui, multoque magis totum,  
non adstringere successores ejus, imò verò nec  
ipsum Principem. Quâ lege Ducatus Burgundiæ,  
quem Franciscus I. pactis Madritensibus se red-  
diturum receperat, in hodiernum usque diem  
non restituitur. Quâ lege cum tabulis nuptialibus  
Carolus VIII. irrevocabiliter resignasset omnia  
jura, quæ in Ducatum Britannia ei compete-  
bant, quantumvis Anna Britannica vicissim in Re-  
gem omnia jura sua resignasset; nihilominus  
Galli Scriptores b non potuisse hoc Regem as-  
severant. Non erant ignari hujusce conditionis  
Batavi. Nam idem iste Præses Janninus & istam  
pacti Archiducalis naturam eis explicaverat:  
Non debetis, inquit c, postulare, ut Archiduces vo-  
bis aliquid suum dimittant, aut cedant, Principes enim  
supremi non nisi nudi Statuum suorum administra-  
tores sunt; nec illis eos fas est diminuerè cum successo-  
rum suorum præjudicio, cujuscumque tandem tracta-  
tus obtentus: cum non nisi vis potentior eis, quod ipso-

rum

a Cap. Frustrâ 75; de reg. Juris, in 6.

b Scipio du Plaix in Carolo VIII.

c EN LA REMONSTRANCE SVSDITE: Vous ne leur devez non plus de-  
mander, qu'ils vous quittent, cedent, & remettent quelque chose du leur; pour-  
qu' les Souverains ne sont que simples administrateurs de leurs Estats, & ne  
leur est loisible de les amoindrir au prejudice de leurs successeurs par quelque  
traité que ce soit, qu'y aient que la seule force, qui, leur puisse ôster & faire  
perdre ce qui leur appartient, &c.

*rum est, auferre queat.* Ut sanè mirum sit, Francos hodiernos tam impotenter de tam cariosâ resignatione gestire, quam prudentissimus iste senex, ex prudentioris adhuc Regis mente loquens, tantâ securitate contempsit. Quod eò rectius in istâ præsentî casu fecit, quòd Jurisperitorum communem calculum firmasse non ignoraret, donationes ac privilegia, quibus enormiter læditur Respublica, successorum arbitrio posse revocari. Potestas enim Principibus in ædificationem, non in destructionem, data est. Quod exemplis & Hispaniæ, & Angliæ, & Galliæ non difficile esset confirmare.

Quæ profectò si uspiam locum habent, in ista libertatis, quam sibi somniant, concessione multò maximè; idque propter diversas causas sponsoni, de qua tractamus, omninò singulares. Nam jus Archiducum in Provincias confœderatas tot conditionibus circumseptum erat, ut quidquid quàm maximè serid ipsi cederent, & ipsâ suâ naturâ esset irritum, & Philippum IV. nequaquam stringeret. Nam isti limites erant, cum quibus Archidux Isabella dominium earum in se translatum acceperat, Primus quidem *a*, quòd *successores ex matrimonio cum Archiduce Alberto nascituri, heredes essent omnium pariter Provinciarum*, ita ut inde nihil detrahere aut decidere queant. Secundus *b*, ut, *si prole careret istud matrimonium, prædicta donatio & concessio esset nulla, nulliusque valoris.*

K 7

Ter-

CONDITIONS DE LA DONATION FAITE PAR PHILIPPE SECONDA LA SERENISSIME INFANTE ISABELLE.

*a* Que les enfans & successeurs seront de main en main héritiers en mesme degré de toutes les dites Provinces unanimement, sans rien en pouvoir repartir ny eclipser.

*b* Item à condition, & non autrement, qu'au cas qu'il n'y eût ne fils ne fille de ce mariage, &c. la dite donation, concession & transport sera nulle, & de nulle valeur.

Tertius a ; ut herede deficiente , Provincie ad Regem Hispaniarum redirent , usque adeò , ut jam tum donatio ei cessisse censeretur : Ex quibus perspicuum est , Provincias istas tam arctè constrietas fuisse , quàm bona gravata fideicommissis , quæ in præjudicium legitimi heredis distrahi non posse , certum est. Unde proficiscitur , ut , quidquid Archiduces in præjudicium Philippi IV. stipulati sunt , actionem si quam dederunt Batavis , personalem profectò , quæ cum morientibus moreretur , in se stipulantes pepererint , Philippum verò IV. heredem nihil obligarint. Nam quòd Philippus III. existimari posset in illa pacta consensisse ; ille pro se consensit quidem , cui tempore consensus nil aliud quàm jus reversionis , si casus in donatione expressus accidisset , competebat ; pro illo verò , qui de se natus esset , herede , consentire , ei quæ jus ipsâ donatione partum auferre non potuit. Quæ si vel Batavi vel Franci sedatiore paululum animo ponderare dignarentur , non istis inanibus crepundiorum ludificationibus se prudentioribus ridendos propinarent.

a Item à condition & non autrement , qu'advenant que tous les descendants viennent à defaillir , &c. en tel cas ils auront à retourner tous ensemble au Roy d'Espagne , qui sera descendu de nous. Et suivant cette donation & concession , en tel cas nous le faisons des maintenant donatoire , comme luy étant donnez. Donné à Madril le 6. jour de May 1598.

## CAPV T XIII.

*Ordo belli Germanici declaratur.*

**N**Ec sanè honestius , sed fortè fœdius atque dirius , illud cum Sueco fœdus eadem rebellionis labes efficit. Nam toti Europæ notum est , ex qua scintilla funestum illud bellum , quo Germania

Ragrat,

flagrat, excitatum fuerit. Matthias, Romanorum Imperator Augustus, cum se prolibus destitutum cerneret, consentientibus Archiducibus Maximiliano & Alberto, totaque Austriacâ Domino, filium adoptavit *a* Ferdinandum, Archiducem, patruelem suum; quem etiam Regni Bohemiae, & postea Hungariae, successorem designavit. Electio illa tribus Ordinibus Bohemiae in Comitibus perplacuit, magnoque applausu post triduum confirmata est. Paucis diebus elapsis, ornamenta Regalia Carlostenio Pragam allata sunt; in cujus aede Cathedrali *b*, praesentibus Regni Ordinibus, Ferdinandus Rex Bohemiae, omnibus adhibitis caeremoniis, nemine dissentiente, vel tergiversante, ab Antistite Pragensi coronatus, unctus & consecratus est. Sequenti anno *c*, mense Majo, quidam ex Ordinibus Bohemiae, qui se vocabant *Evangelicos*, contra Imperatoris Matthiae vetitum, Pragae coeunt, Collegium Carolinum occupant, tamquam de Republica deliberaturi. Praetextus erat, sed commentitius, quod eis libertas Religionis, quam sub utraque communicantes colunt, à nonnullis factionis auferretur, quam tamen Caesar eis semper sanctam testamque conservaverat. Praemissa concione, Psalmorumque modulis, velut caestros perciti, capita factionis Evangelicae ad castrum sclopis armati tendunt *d*, ubi Concilium Status Regii, quam Cancellariam vocant, habebatur. Burchgravius & plerique Consilarii seditione territi, partim taecent, partim in speciem annunt querimoniis. Praeses Concilij Slabata & Consiliarius Smefantius,

una

*a* In Comitibus Praga habitis 6. Jun. 1617. *b* 19. Jun. 1617.  
*c* 27. Maii 1618. *d* 23. Maii.

232 DE JUSTITIA FOEDERVM GALLICOR.  
unà cum Philippo Fabritio, à Secretis Concilii,  
cùm facinus istud reprehenderent, extemplò è fe-  
nestris in profundissimam arcis fossam præcipita-  
ti, multisque scloporum ictibus salutati sunt: sed  
Deo tuente innocentiam, nec fracti, nec læsi,  
incolumes evaserunt. Hinc ad aliorum Consilia-  
riorum, Præfectorumque Regionum ædes circui-  
re, terroreque semimortuo spoliare officiis ac  
dignitatibus, ornamenta occupare Regalia, coro-  
nam auream, sceptrum, pomum, gladium, quæ  
velut sacratissima jam inde ab erecta in regni di-  
gnitatem Bohemia servabantur. Postridie fervent  
iterum Comitia, creantur triginta, quos *Directores*  
nuncupant; ut summo imperio Regnum Bohemiæ  
administrarent, ne quod res publicæ detrimentum  
caperent. Pecuniæ indicuntur, miles conscribitur,  
equitum peditumque exercitum cogunt, quibus,  
ut aiebant, *inimicos Dei, Regis, atque Religionis op-  
pugnarent.* Quid interim Ferdinandus? Matthiæ  
Cæsare ad meliorem vitam translato, monet, hor-  
tatur, instat, ut sanioribus auscultent consiliis; of-  
fert Privilegiorum confirmationem, Religionis  
libertatem, impunitatem, quidquid denique vel  
æquitas ipsa postularet; sed incassum omnia. Re-  
gnum impletur armis, sollicitantur ad defectio-  
nem Moravi: Brinum astu occupant, interfectis  
Centurionibus ac Præfectis omnibus; vi Olmu-  
tium: Magistratus Præfectosque Catholicos ab-  
dicant, rebelles creant, templo Catholicam Reli-  
gionem pellunt, urbe Ecclesiasticos, exutos bonis  
ac dignitatibus; Monachos, sacrasque Virgines  
deposito Religionis habitu ad concubinatum co-  
gunt. Hinc in Austriam pergit tumultuantium  
furor: Laam oppidum limitaneum vi superant,  
transi-

transitoque Danubio, Viennam usque metropolim Archiducatus populando grassantur. In cujus castrum ac mœnia explodunt tormenta sua, ut aliquod relinquerent posteris argumentum contumaciæ suæ.

His ita gestis, in Matthiæ Cæsaris defuncti locum Ferdinandus omnium Electorum consentientibus suffragiis, in Comitibus Francofurtensibus, suffectus est. Citatus eò fuerat litteris a Electoris Moguntini tamquam legitimus Rex Bohemiæ, & utilitalis, legitimè investitus, coronatus, publicatus, denique agnitus & admissus ab ipso Electore Palatino, quemadmodum eum omnes Imperii Principes agnovisse manifestum est. Ipse Palatinus, Ferdinandi elector, litteras sigillatas *b* ad Ferdinandum dedit, quibus eum de cooperatione in Imperatorem certiorem fecit, & peculiari scripto transmisit ei sui consensûs testimonium.

Interim Bohemi, Regis sui indulgentiâ contumaciores, & istâ novâ electione duriores, Duci Saxoniz, deinde Duci Bavariz, Bohemicam Coronam offerunt: quibus temeritatem detestantibus, Comitem Palatinum Regem eligunt. Accipit ille conditionem, Pragam advolat *c*, ac more Hufitico in fronte ungitur, & coronatur. Paulò pòst *d* à sacrilegio Regni reformationem auspiciatur. Ministro ejus adversus idololatriam intonante, jussu ipsius omnes cruces & imagines fractæ *e*, omnia altaria destructa sunt. Hinc arma Cæsaris ad reparendam Coronam suam, & Palatini ad tuendam usurpationem suam. Hinc Bethlehem in subsidium

a 18. Aug. 1619. b Imperatoris Edict. Vienna dato 17. Febr. anno 1620. c 26. Aug. 1619. d Eodem anno 4. Novembr. e Mense Decembr. ejusdem anni.

234 DE JUSTITIA FOEDERVM GALLICOR.  
dium adscitus; hinc Protestantes unione fœderati,  
hinc Palatinus, ut rebellis, post multas mōitiones  
à Cæsare proscriptus, Palatinatu & Bohemiâ exu-  
tus; hinc denique excitus ex ultimo Septemtrione  
Suecus, ut instar Helix restituat omnia. Hæc est  
genuina origo ac status Bohemicæ seditionis,  
prout à nobis quàm fidelissimè ex eorum potissi-  
mum scriptis, qui rem tractarunt, Ducum, Ele-  
ctorum, Imperatoris, paulò fusiùs concinnata  
est, ut Lector de omnibus majori facilitate ac  
sinceritate judicaret.

## C A P. V. T. VII.

*Suecicum fœdus iniquissima rebellionis macula  
fœdissimum.*

**N** Vnc in ipsam causam, quisquis is fuerit, siue  
Christianus, siue Mahumetanus, ingredia-  
tur velim. Quid est exordium tragoediæ, nisi in-  
solentia? quid progressus, nisi furor? quid epilo-  
gus, nisi rapina & sacrilegium? quid denique to-  
tus à capite ad calcem usque contextus ejus, nisi  
contumacissimæ insolentissimæque rebellionis  
insania? In toto corpore non est ulla species alicu-  
jus, vel color simulatæ æquitatis. Rex Angliæ, de  
cujus genere & filia agebatur, palàm protestatus  
est a, *Se numquam consilio auctorem fuisse genero suo,  
ut Regnum Bohemia sibi delatū acceptaret, sed quoties-  
cumque se offerret occasio, dissuasisse.* Ipse Rex Fran-  
ciæ rei insolentiam, & exempli perniciem aver-  
sus est, quando per Ducem Angolismensem Le-  
garum

a- Déclaration Regis Angliæ coram Concilio, & habetur in  
litteris Bucquingam ad Comitem de Gondemar, sub finem  
an. 1620, datis,

gatum suum Principibus Protestantibus Ulmæ congregatis ponderandum inculcavit, *Hic agi de Corona ex capite Principis rapta, quam jam possidebat. In isto cardinem rei verti; hinc dependere pacem Germaniæ; hinc portas professo inimico Christianæ fidei aperiri. Hæc sano judicio de progressu rerum esse statuendum, uter aggressor sit, uter origo mali. Oculos æquitatis, non perturbationis, in fontem istorum motuum conjiciendos esse. Nam quamvis dici possit, Palatinum absq; pensatione sua electum esse à Bohemis Regem, non continuo tamen justo titulo cavere Cæsarem, quo malis, quibus premitur, remedium asferre velit, id reddendò Palatino, quod ab eo perpeffus est, malum. A sola Palatini voluntate pependisse, ut Coronam sibi delatam acciperet, aut repudiaret, quemadmodum ab aliis repudiata fuit. Ipsum Transilvania Principem Gaborem plus modestia præstitisse, &c.*

Hic tunc Christianissimi Regis sensus, hæc oratio fuit, quando, solâ adhuc oculos feriente æquitate, omnis ab animis exulabat perturbatio. Etiam victricem Cæsaris optasse dicitur; vidisse eam, externisque lætitiæ testimoniis gavisum esse. Sed simulatque proscriptio Palatini, & arma Cæsaris justam perduelli vindictam intulere, omnis confestim rerum facies in Francia mutata est. Pro suppetiis per Cæsarem expetitis, verba reddita, pro amicitia, hostes exciti toti Europæ formidabiles; pro favore, fœdera cum rebellibus. Ita monstratum, non Cæsaris causam, sed fortunam displicere; affectibus, non æquitate negotiorum rotam rapi. Causam enim neque Tartarus, neque Turca damnare potuisset. Etiam probavit,



bavit, & subsidia crebrò à rebellibus flagitata in hunc usque diem constanter negat. Justificata nimirum est Sodoma præ Jerusalem. Nam quia non usque adeò in anima humana imago Dei terrenorum affectuum labe detrita est, ut nulla in ea velut lineamenta remanserint; tantam vim habuit rebellis illius enormitas impietatis, ut etiam horrorem & execrationem animabus illis tenebrosis incusserit. Hæresis ipsa Palatini, quamvis Christianismi professione blādior, hostilitate tamen acerbior paganismo, sceditatem præ religionem detestata est. Rex enim Angliæ affinitate socer, superstitione consanguineus, rationes improbatæ rebellionis istas dedit: primam, *a*, propter conscientiarum religionem; alteram, propter exemplum. Quod ad conscientiam attinet, sibi constare dixit, non sinere religionem, quam profitetur, ut obtentu religionis Corona transferantur. Obedientiam in ea Regibus & superioribus temporalibus præstandam, commendari etiam Turcis, aut infidelibus. Exemplum verò esse omnibus Christianis Regibus periculosum, si subitam istam Coronæ translationem, populi susceptam auctoritate, probant. Et quamvis ipse sit monarcha hereditaria successionis, fingi tamen imaginatione non posse, quantum hoc malum, si semel egerit radices, glisceret. Pupillam oculi Regis Dania socii sui in hoc exemplo tangi, qui electione regnum adeptus est, &c. Non sit, obsecro, honestior & religiosior hæreticorum Turcarumque Philosophia; quam Christianorū, ut, quod illa solius naturalis ductu æquitatis improbat, hoc Christiana pietas prober. Probat autem, quisquis perduellibus, in tam iniqua rebellionis causa, favet, quisquis fovet, quisquis

*a* Ex litt. Bucquingam ad Comit. de Gondemar sub finem anni 1620.

quis fœderibus jungitur, opitulatur. Quem verò alium habet fœdus initum cum Sueco scopum? Verba fœderis ista sunt *a: Fœdus iniri pro defensione omnium amicorum qui oppressi sunt, pro securitate commercii maritimi, & ut restituantur in status suos omnes Principes atque Ordines Imperii, quemadmodum ante Germanicum bellum fuerant, &c. Denique ut omnia restituantur in eundem locum, quem ante tumultus Germanicos habuerunt.* Ubi ante omnia restitutio Palatini, & omnium rebellium Bohemorum Germanorumque comprehenditur. Injustè ergo à suo Principe damnati sunt, si justè ab alieno restituti. Nullius ergo rebellionis, læsæque Majestatis rei sunt; rectè Coronam domino suo rapuerunt; armis cum Bohemiâ, Moraviâ, cæterisque terris hereditariis justè pepulerunt; meritò Turcas Christianæ fidei hostes acciverunt; jure necem Cæsari machinati sunt. Quod si nec Christianissimus, nec Christianus, nec Lutheranus, nec Turca, nec Barbaries ipsa dixerit; rebelles ergo sunt, divinæ humanæque majestatis læsæ rei, bonis, terris, honoribus, statibus juxta divinas humanasque leges exuendi. Taline causæ Christianissimos Reges, Justos cognomine, præbere patrocinium? Excitètur à rebellibus Protestantes, Suecus, Turca, Tartarus, inferi; ferendum est. Quis furiosos furere vetet, aut à domesticis perfidiæ subsidium flagitari? Sed quæ Christiana ferat æquanimitas, Christianissimos Reges causam rebellionis ini-

quissimam,

*a ALLIANCE DE SA MAJESTE TRES-CHRESTIENNE AVEC CELLE DE SVEDE, FAITTE L'AN 1631. 13. JAN. STILE ANCIENNE ART. 1. Premièrement, que l'alliance qui se fait présentement entre leurs Majestés, est respectivement pour la defenſe de tous leurs amis oppressez, & pour la leuree des comercez sur mer: comme aussi pour remettre en estat tout les Princes & elats de l'Empire, comme ils estoient devant la guerre d'Allemagne, &c. & en somme, pour remettre tous les affaires en estat, ainsi qu'ils estoient avant les troubles d'Allemagne.*

do: annuo, laudo. *Sed non sit iustitia labiorum, sit & factorum.* In rebus humanis es, Rex magnæ, in societate humana Principum Regumque detineris. Noli facere injuriam, quam non vis pati. Displicet rebellio patienti; displiceat & fulcianti, atque facienti. Facis enim injuriam, dum tu-eris: crimen contrahis, cujus semper audendi, & contumaciter consequendi, auctoritatem & vires præbes. Quidquid enim in isto bello latrocinii, quidquid hostilitatis adversum Cæsarem dominum suum, quidquid exercitus ejus insolentiæ, quidquid criminum execrandorum adversus innocentes, virgines, Monachos, Sacerdotes, Antistites, altaria, Ecclesias, Sacramenta, rebellium, Protestantium, Suecorumque designat furor; hoc armis ac fœderibus Christianissimi Regis Catholici Germaniæ jam per tot annos, & veritas ipsa acceptum ferunt. Fœdera, pecunias, arma subtrahe rebellibus istis Christianissima, totius factio-perduellionis sine spiritu, sine nervis, sine unguibus trunca jacet. Quis igitur cunctorum criminum istorum Deo rationem redditurus est, nisi qui cunctorum criminum istorum in radice consiliis suis suator est, erario suo incentor, fœderibus suis auctor, militibus suis executor?

2 August. in Psalm. 57.

## CAPVT XXV.

*Non sufficit, esse fœderatos, quibus dantur suppetia.*

**S**ed tritus usu fucus huic veritati prætexi solet, Sociis atque fœderatis esse succurrendum.

Fateo

240 DE JUSTITIA FOEDERVM GABRIEL  
 Fateor & ego; sed injuriâ affectis. Sic Philoſophus  
 iſtam belli ſuſcipiendi regulam fixit a: Δεικνύει  
 καμίνους ὑπὲρ ἑαυτῶν πολεμεῖν, ἢ ὑπὲρ ſυγγενῶν  
 αὐτοκρατῶν, ἢ ſυμμάχοις ἀδικουμένοις βοηθεῖν. *Oportet*  
*injuriam paſſos pro ſeipſis arma capere, ſive pro*  
*natis & beneficiis, itemque ſociis injuriâ affectis*  
*liari.* Sic Auguſtinus b: Nihil homo juſtus pro  
 cogitare debet in his rebus, niſi ut juſtum bellum  
 piatur. Nec juſtum definit, quod pro fœde  
 geritur, ſed quod ulciſcitur injurias. Unde Iſrahel  
 adverſus Regem Ammon querebatur, non quod  
 ſe bello laceſſeret, ſed injuſto c: *Non ago peccatum,*  
*ſed tu contra me malè agis, indicens mihi bella injuſta.*  
 His igitur æquitatis cancellis circumſcripta  
 pro fœderatis opitulandis regula, plana, ſana,  
 cta eſt; ſecùs, omnium ſclerum rebellionum  
 patrocinium. Nam quemadmodum inter privatos  
 homines conſenſus animorum ad quolibet amicitia  
 concedenda, non amicitia, ſed conſpirantium  
 ctio eſt: ita inter Principes pacta ſocietas ad fœde  
 das invicem quomodolibet ſuppetias, non fœdus  
 ſed conjuratio eſt, Dei legibus, quas ab ipſa natura  
 hauſimus & expreſſimus, proſcripta. Quid ſi enim  
 fœderati noſtri bellis injuſtis vicinos premant,  
 quid ſi Oceanum latrociniis infament, Principem  
 rebellionem, Deum ſacrilegiis petant; an ad  
 fœderatis opitulandum? Quis non videt, criminibus  
 fœderatorum cooperari, ac præbere ſatellitium,  
 grâviſſimum eſſe cooperantis crimen? Nec  
 opitulari tantùm, ſed ipſum cum hujusmodi  
 criminofis fœdus, eſſe criminofum? Miſerabilis pro  
 fectò, & tamen frequēs, larva Principum; ſub qua  
 jan

a *Ariſtot. in Rhetor. ad Alexand.* c *Aug. q. 10. in Joſue.*  
*Judic. cap. 11.*

am olim ambitio Romana latuit, & quorundam  
 n Germanicis illis suppetiis ferendis etiamnum  
 aret. Gaudent bellis socialibus, incitant ea, fovēt,  
 promovent, ut lacinias, alienæ vesti detractas, in  
 ista rerum perturbatione assuant suæ. Vestigia  
 nempe Romana solerter premunt, quorum Tul-  
 lius industriam ingenuè patefecit *a*: *Noster*, inquit,  
*populus sociis defendendis terrarum jam omnium po-*  
*titus est.* Sed hæc justitia, Romana fuit, qui maxi-  
 mam gloriam in maximo imperio posuerunt. Ju-  
 stitia Christiana cēlestes leges intuetur, juxta quas  
 maximum non est semper optimum. *b* *Nec de regni*  
*latitudine gaudere pertinet ad viros bonos.* Quapro-  
 pter justitia in fœderatis adjuvandis unicè spe-  
 ctanda est. Ut enim nostra, ita & sociorum bella,  
 iniqua esse possunt. Non igitur satis est, Palati-  
 num, Batavos & Protestantes esse fœderatos, nisi  
 injuriis priores lacessiti sint. Etiam Francorum  
 Hugonottis nonnulli fuerunt fœderati: an & illis  
 suppetias latas cupis? Non arbitror quidem: huc  
 tamen ducit ista vulgò jactata sententia. Justissi-  
 mum est enim subsidium, quod Hugonottis ac  
 Rupellensibus Anglus præbuit; si justum, quod  
 Germanis Hollandisque Francus præbet. Ille &  
 fœderatis, & in eandem Religionem secum con-  
 spirantibus, iste dissonantibus: ille tot urbium se-  
 curitate, quæ à Regibus ipsis concessa fuerat, spo-  
 liatis, iste spoliantibus: ille Orthodoxis, ut putat,  
 fideique, cujus se defensorem gloriatur, columi-  
 nibus, iste hæreticis: ille fidem suam laborantem  
 tuentibus, iste expugnantibus suam. Quòd si Re-  
 ligionis conformitas, ademptæq; sociis civitates,  
 non eluunt in Anglo societatis initæ, latarumque

L

suppe-

suppetiarum labem, quomodo Religionis difformitas in Franco eluet? An ita fortè miscuit ima summis sera dies, ut ruptores Coronarum, faces rebellium, suscitatores Turcarum, fax hæresum, in interitum fidei conspirantium, etiam injuriam ab iis pati dicantur, quorum sceptrum, honorem, majestatem, vitam, barbarâ immanitate persecuti sunt? Nimirum huc tandem veniendum esse video, ut Circumcellionum vox ab inferis revocetur *a*, *Quod volumus, sanctum est*. Longè hoc abest, scio, a Christianissimi Regis animo. Novit ipse, non voluntatem suam, sed incommutabilem Veritatem esse normam æquitatis, non Lesbiam, sed cælestem; non plumbeam, quæ se Principum aptet libidinibus, sed *ferream*, hoc est inflexibilem, cui curvari debeat omne collum, & flecti genu. Ipsa est enim Veritas æterna Deus noster, qui de se dixit *b*: *Ego sum veritas*: cui cantamus *c*: *Virga directionis, virga regni tui*. Novit ergo Rex Christianissimus, id esse sanctum, quod Veritas æterna vult, quæ subditorum rebelliones, magnatum conspirationes, Coronarum raptus, Majestatis vilipendia, machinata parricidia, incorruptâ damnat æquitate. Illorum igitur ista vox est, *Quod volumus, sanctum est*, qui indignâ Christianis, & indecorâ Regibus ipsis adulatione dicere & scribere nuper inter Francos ausi sunt: *Rex fœdus iniit, quia sic voluit: bellum hujusmodi justum est, quia suscepit*. Quibus responderet Tertullianus *d*: *Magnus est, quia calo minor est*. Siquidem in cælo, hoc est in Deo, non in Regum voluntate, est norma justitiæ. Quamobrem cum Antigono Asiæ Regi assentator diceret *e*, *ὅτι πάντες καλὰ καὶ δίκαια τοῖς βασιλεῦσι*:

*a* Apud Aug. epist. 48. *b* Ioan. 14.

*c* Ps. 44. *d* In Apol. c. 30, *e* Plutarch. in Apophtheg.

quod omnia honesta & iusta essent Regibus ; subiecit, καὶ μὴ Δία, τοῖς τ' βαρβάρων, ἡμῖν δ' μόνῃ καλὰ, τὰ καλὰ ἔμῃα δίκαια, τὰ δίκαια. Omnino barbarorum quidem Regibus ; nobis sola honesta pro honestis, sola iusta pro iustis habenda sunt. Primus omnium Anaxarchus, opinor, exstitit, qui Alexandro morienti blandâ oratione persuasit a, ὅτι τὴν δίκην ἔχει πάρεδρον ὁ Ζεὺς, & τὴν δέμιν, ἵνα πᾶν τὸ πρᾶχθῇ ὑπὸ τ' κρητῶν & δευτέρων καὶ δίκαιον : assessorem Iovi iustitiam & fas esse, quod quidquid actum ab dominante fuerit, id ius & fas sit. Dignum profectò Anaxarchus monstrum, quod crudelissimo supplicii genere ex rebus humanis tolleretur, atque illam Principum dominantium iustitiam in se ipso dedicaret. Itaque cùm in potestatem Cypri Regis Nicocæontis, cui omniũ infestissimus erat, incidisset, Rex illũ b εἰς ὄλμον βαλὼν, ἐκίλευσε σιδηροῖς ὑπέροισ τὴν πῆδαν, in saxum concavum iniecit, iussitq; ferreis malleis tundi. At quantò verius ille: Casari cùm omnia licent, inquit, propter hoc minus licet. Et Augustinus c Reges humanæ conditionis commoniens, Felices, ait, Reges decimus, si inter linguas sublimiter honorantium, & obsequia nimis humiliter salutantium, non extolluntur, sed se homines esse meminerunt. Nam ex eo, quod Reges homines sunt, pleræq; bellorum tempestates, quibus orbis terrarũ jam inde ab initio iactatur, flatu ambitionis eas concitante, proruperunt. Nemo igitur eò assentationis prolabatur, ut bellum iustum definiat, quia Rex suscepit : nemo Regum eò vanitatis, ut scdus iustum licitumque sibi putet, quia sic voluit. Etiam voluntas ejus voluntate potentiori, hoc est, præpotentis Dei legibus, quas radio

L 2

veri-

a Idem in Alexandro. b Diogen. Laert. in Anaxarcho.

c Aug. lib. 5. de Civit. cap. 24.

244 DE JUSTITIA FOEDERVM GALLICOR.  
veritatis in visceribus rationalis naturæ scriptis,  
frenari ac regi debet. Quod illæ vetant, nec Ple-  
biscita, nec Senatusconsulta, nec Regum jussa, nec  
Cæsarum voluntas antiquaverit.

Hæc ergo vera fœderum paciscendorum nor-  
ma est, ut, quemadmodum olim Romani Magi-  
stratus in Rogationibus, quas ad populum ferre  
consueverant, hanc clausulam ad extremum adne-  
ctebant, *Si quid jus non erit, & E. E. L. N. R.* ut  
significarent, si quid justum non esset, id popu-  
lum rogari jus non esse: sic neque Reges fœdera,  
quantumcumque stabiliendis rebus suis utilia,  
ferre fas sit, quæ antiquiori & firmiori natu-  
ræ lege damnantur. Damnantur autem, quem-  
admodum rebelliones subditorum adversus Prin-  
cipem suum, alieni sceptri rapinæ, violentæque  
Principatuum usurpationes, ita & fœdera, & sup-  
petiæ, quibus hujusmodi facinorosa conjuratio, &  
injusta quælibet causa fovetur, defenditur, adju-  
vatur.

Nam quod fœderibus istis purgandis velum  
oppressæ Germanicæ libertatis obtenditur, ni-  
hilo plus ponderis apud prudentes habet. Quid  
enim? an etiam rebellandi, Coronasque vitamque  
Principum appetendi licentia illâ libertatis præ-  
rogativâ comprehenditur? an Ecclesiam oppri-  
mendi, bonasque sacra, contra Imperii scita, rapien-  
di sine restitutionis onere privilegium? Cur non  
& latrocinii, adulterii, sacrilegii cujuscumque li-  
bertatem tueamur, si quâ forte necessitate præfra-  
ctis ingeniis aliquid indulgentiæ, impunitæque  
licentiæ concessum fuit? Quod si in compescenda  
hujusmodi libertate duriores sortem suam casti-

gati

Ejus eâ lege nihilum rogatur.



pati sentiant, non illa oppressio fœderatorum, sed compressio est; non libertatis, sed licentiæ jactura, quæ non solum legibus divinis & Ecclesiasticis, sed etiam ipsis Imperii sanctionibus proscripta est.

## CAPV T IX.

*Secunda ratio; Quia in bello Religionis, seu, quod ad hæresis patrocinium geritur, arma ferre illicitum.*

**A**Lterum caput, ex quo fœdera Francorum cum infidelibus illicita sunt, est ipsa ad infidelitatem cooperatio, etsi nullâ fultæ rebellionis labe turparentur. In quo quia capitalis, ipsoque Christianissimo nomine indigna turpitudine includitur, paulò fusiùs res ista distinctiusque pertrahenda est.

In primis igitur, non arbitror quemquam verè Christianum ita malè de Christo Catholicæ Religionis auctore sentire, ut fœdera Christianos cum infidelibus percutere posse putet, ad illa eorum bella pecuniis, armis, militibus contra Principes Catholicos promovenda, quæ ex proposito eorum ad everisionem veræ fidei, sacrorum, dignitatum, ac caeremoniarum ejus suscepta sunt, quæ ad salutem humani generis Christus instituit. Hoc enim nihil profectò aliud est, quàm hostes veræ Religionis ad excidium Religionis armare, & sacrilegiis ipsorum cooperatrices miscere manus. Quod tunc præcipuè verum est, quando citra hujusmodi Catholici Principis suppetias audacia eorum adversus Religionem exarmata, succumberet. Tunc enim perspicuum est, istiusmodi perpetrandi sceleris cooperationem, non minùs

L. 3.

quàm

quàm ipsam perpetrationem seu operationem infidelium , gravissimi delicti esse ream. Etenim ejusdem rationis est facinus , si ve istud ipse committas, si ve committentibus, aliâ licet intentione tuâ, coöpereris. Non enim ipse tantum, qui manu suâ designat homicidium , sed qui alteri ad scelus inflammato arma suggerit, vires addit, animum securitatemque præbet, & sicarios submittit adjuutores , homicida est. Sic sacrilegus non ille tantum, qui sacros thesauros, Hostiasque consecratas diripit; sed etiam qui vectes & manus foribus effringendis admoveat; qui claves pyxidibus sacris aperiendis subministrat , aut satellitium præbet, quò tutius designet sacrilegium. Quòd si sine tali subsidiaria cooperatione, vel subsidii pollicitatione, non auderet aut posset facinorosus ipsum suscipere scelus ; ausim dicere , paris aut gravioris iniquitatis adiutorem, quàm auctorem, esse reum. Tunc enim subsidii submissio , ipsaque ad suppetias ferendas pactio est, præter auxilium, tacita ad sacrilegium exhortatio; per quam fit, ut facinorosus animo viribusque destitutus, ad sacrilegium animetur , ipsumque in manibus ejus per adiutorem foederatumque perpetretur. Hâc enim consideratione non est veritus Augustinus dicere *a*: *Saulus, cum S. Stephanus lapidaretur, omnium vestimenta servabat, & tamquam manibus omnium lapidabat.* Et alio in loco, vestimenta lapidantium eum custodiisse profitetur *b*, *ut tamquam in manibus omnium ipse lapidare videretur, qui ad lapidandum omnes exsertos, id est, expeditos, reddebat.* Unde ex magni istius Doctoris sententia, Saulus eos , qui S. Stephanum manibus interficiebant suis, crudelitate

*a* Aug. serm. 5, de Sanctis c. 4. *b* Serm. 1, de Sanctis c. 3.

litate superavit a: Sic, inquit, aderat lapidantibus, ut non ei sufficeret, si tantum suis manibus lapidaret: ut enim esset in omnium lapidantium manibus, ipse omnium vestimenta servabat, magis se viens omnes adjuvando, quam suis manibus lapidando. Quid si quicumque tandem, & cujuscumque temporalis boni intentione, etiam lapides suggerisset, impotentibus præsidium, trepidantibus satellitium, pernam timentibus securitatem prætistisset, denique defensorum Stephani, ipsiusque Christi ad passionem tracti, vires distraxisset, quod minus innocentiam eorum tueri poruissent? quæ non sententiarum fulmina, verborumque tonitrua contra hujuscemodi impietatem Veritas subministraret? Non enim exquisitis rationibus opus est, ad apertam illam impietatis cooperationem convincendam, sed orationis vehementiâ ad detestandam, quam ipse sensus qualiscumque Christianæ pietatis exhorret. Enimverò nihil minus, imò & deterius faciunt, qui infidelibus in interitum Religionis, & sacræ ejus armatis, per fœdera sua, hoc est, virium sociandarum pollicitationes & subsidia, animum trepidis, milites armaque impotentibus suppeditant, defensorum arma distrahunt, vires minuunt; urbium denique propugnacula, moenia, portas, cunctaque Religionis tuendæ munimenta ita disjiciunt, ut ad vastandas Ecclesias, & sacra pollucenda, ipsamque fidem ex montibus imbecillium extirpandam, hæreticis aditus liber pateat. Quid enim, nisi talem scelerum societatem improbat Propheta, quando minitabundus dicebat b: In die, cum stares adversus eum (Iacob, id est, filios Israël) quando capiebant alieni exercitū ejus,

& extranei ingrediebantur portas ejus, & super Ierusalem mittebant sortem, tu quoque eras quasi unus ex eis. Rectè dixit, quasi unus ex eis: nam unus ex sacrilegis est, qui cum sacrilegis committit suis manibus sacrilegia; quasi unus, qui cum impiis ad sacrilegii fideique oppressionem anhelantibus viam armatâ manu straverit, cunctisq; præfidiis Religionem nudaverit; fidē, sacraria, monasteria, Sacerdotes virgines Deo sacras (ut nuperrimè Thenis a vidimus) infidelium relinquit contumeliis, & frigida nesciō cujus intentionis bonæ cavillatione, se innocentem esse gloriatur. Quasi verò Fulco Rhemenſis Archiepiſcopus intentionis impietatem, & non ipſum nudum fœdus Francorum hostibus fidei ſe jungentium execratus ſit, quando cōtra Carolum Simplicem exclamavit b: *Quis non expaveſcat, vos inimicorum Dei amicitiam velle, ac in cladem & ruinam nominis Chriſtiani pagana arma, & fœdera deteſtanda ſuſcipere?* Nihil enim Carolus, niſi eorum adverſus hoſtes ſuos ſuppētiās ambiebat, fidei ceteroquin integer, intentionisq; purus. Sed quia *clades & ruina Chriſtiani nominis* ſequebatur; quò peſtis illa Normannicæ impietatis irrebat; hinc Fulco illa fœdera, armorumq; ſocietatem tam vehementer deteſtatus eſt c, *ut nihil diſtare aſſereret, utrū quis ſe Paganis ſociet, an abnegato Deo idola colat.* Alienis quippe manibus Religionē exſcindit, quiſquis eas hoſtilitatem illam factis proſitentes, vel in bellis ſuis ſibi adminiſtras adverſus fideles adhibet, vel in bellis eorū, fidei perniciem ſpectantibus aut afferentibus, quācūq; tandem temporalis commodi intentione, ſuppētiis juvat.

C A.

a Vulgò Tillermont, Teutonicè Tienen.

b Fulco apud Flodard, l. 4. c. 5. c Ibidem.

## CAPVT X.

*Bellum Ordinum confœderatorum adversus Regem Hispaniarum, initio, medio, fine, Religionis est; & per hoc, fœdus cum eis & adiutorium, illicita.*

**Q**Væ cum ita manifesta sint, ut à nemine negari posse videantur, nisi à Machiavelli discipulo, vel patrono, apud quem Religio statui, anima corpori, æternitas temporì cedere jubetur; videndum superest, utrùm bellum infidelium, de quo tractamus, Batavorum scilicet adversus Regem suum, Suecorumque & Protestantium adversum Cæsarem, ad veræ quoque Religionis oppressionem, vel falsæ patrocinium geratur, susceptumque sit. Nam quàmvis, ut suprà diximus, rebellionis fœtus sit; nihil tamen vetat, uno eodemque bello aliquem jugum Ecclesiæ, & simul Regis excutere, ut pariter sit perduellis Regi, ac Deo. Quisquis enim ex animo damnatos errores fovet, omnes odisse solet, qui vel docendo jubendoque animum ab impietate revocare, vel suppliciis compellendo corpus extruciare possunt. Unde efficitur, ut plerumque contumacia contra revelatorem veritatis Deum, rebellionem adversus homines secum trahat, cum fide Christi obsequium Regis exuens, ut plenâ sentiendi faciendique quidlibet libertate impunè perfruatur. Vulgo itaque Francorum persuasum esse video, utrique bello, in primisque Batavico, nihil cum Religione esse commune: politicas esse tantùm inter utrosque controversias, quibus quoquo modo arma sua Rex Franciæ interponat, nihil ad

Religionis causam referat. Persuasio ista ex ignorantia rerum hætenus gestarum, & ex affectu vulneribus suis lenocinante, proficiscitur. Sic enim siue naturâ, siue potius naturæ vitio comparatum est, ut, cum se, præter normam Christianæ justitiæ, carnali affectu temporalibus bonis arctè colligatam sentit, à quibus avelli nolit aut nequeat, plausibilibus prætextibus unicè gaudeat, quibus conscientiæ suæ aut dolorem seder, aut fœditatem tegat: ut, quod se perperam coram Deo fecisse cernit, coram hominibus etiam rectè fecisse videatur.

Bellum igitur Religionis in Belgio à primis initiis in hunc usque diem geri, solos Belgicarum rerum imperitos latere potest. Si enim belli causas jam inde à capite arcessere velimus, Religio profectò paci Belgicæ tumultuum faces intulit; Religio pacis reparatæ fœdus fregit; Religio pacis restaurandæ tractationem abruptit; Religio calamitatum omnium durissimarum, quibus etiamnum Belgium atteritur, scaturigo est.

Et quidem si tumultuum exordium memoriâ repetamus, tota mali labes à Germania Francia-  
que Belgis affricta est. Cum enim ex commercio cum Francis ac Germanis novæ fidei odorem concepissent, & jam ab anno 1562. Tornaci, Valencenis, aliisque locis ex concionibus clanculariis pruriginem animus eorum imbibisset; audaciores facti palàm jactitare cœperunt, *Deum tandem votis eorum respondisse, qui binos sibi insensos Galliarum Reges, Henricum & Franciscum, è medio sustulisset; Regnis Anglia & Scotia. Evangelium dedisset; Casarem Carolum emotâ mente decedere de*  
Imperio

*Imperio coëgisset; Cardinali Granvellano, Papistarum per Belgium principē, fortissimos hostes opponeret: deesse itaque se rebus tantis, tam praeclaris, non debere. Indignum, ceteris locis elucescere Euangelium, solo Belgio impune Cardinalem dominari: novos Episcopos ad Euangelii perniciem constitui: Academiam Papistis Duaci novam procurari: Iesuitas, nova superstitionis inuisum hominum genus, in Belgium venisse: Tridentinum ad rem Papisticam stabiliendam Conventum, Rege procurante, à Pontifice restitutum. Illud postremò, quod ferre diutius non oporteret, crudelissimis suppliciis in fideles animadverti. Animis jam sic propensis in Religionum novitatem Ministri Hugonottæ, Francica pestis, calcar addiderunt. Occasione namque captatâ ex colloquio a Regis Christianissimi & Reginae Catholicae Elizabethæ, in primisque ex conventu Reginae matris, ac Ducis Albani, tamquam in perniciem suam conspirantium, Belgarum hæresim rebellionem cumulandam esse censuere; ut domi occupatus Rex Catholicus foris Christianissimo subsidio esse non posset. Itaque persuadent Belgis jam novitate prurientibus *b*, Reges Francia atque Hispania, suscitante Papâ, conspirasse non modò ad Religionem reformatam stirpitus evellendam, sed ad eos, quotquot eam profiterentur, crudeli morte mulcandos. Vnam tantummodò superesse rationem avertendi tempestatem illam, ut primi pro tuenda Dei causa suæque salute, ad arma profili-  
rent. Iustissimum esse, vim tyrannorum vi repellere. Arma ad tuendam vitam capere esse natura consentaneum; ad Euangelium verò tuendum tam esse gratum Deo, quàm genuinis Ecclesiae filiis gloriosum.*

252 DE JUSTITIA FŒDERVM GALLICOR.  
 His & hujusmodi magis magisque concitati, le-  
 ctionisque istius Gallicanæ de rebellionē propi-  
 natæ memores, fœdus inter se multi percussere  
 de tollenda Inquisitione, quâ libertas credendi  
 infringebatur: à quo fœdere si decederent, vel  
 sociis laborantibus ope consilioque decissent, ira-  
 tum sibi Deum atque homines precabantur.  
 Hinc chartulæ <sup>a</sup> in vulgus sparsæ, quibus ad fa-  
 cinoris societatem quosque animabant: hinc li-  
 bellis supplicibus Religionis libertas postulata:  
 hinc denique, Præfectis nonnullis Regiis ad no-  
 vas doctrinas conniventibus, in apertam toto  
 Belgio iconomachiam itum, antequam vel Al-  
 bani Ducis, vel ullius militiæ aut justitiæ se-  
 veritate compressi fuissent. Quantâ rabie in sacra  
 debacchatum sit, vix ipsi Franci, quantumvis  
 gravia in isto genere perpeffi, credituri sunt.  
 Nam uno anno, uno ferè mense, & pluribus in  
 locis uno eodemque die S. Bartholomæi <sup>b</sup>, quasi  
 ex condicto, Casleti, Bellioli, Ipris, Gandavi,  
 Tornaci, Valencenis, Trajecti ad Mosam, Has-  
 leti, Mascicæ, Mechliniæ, Ultrajecti, & in ple-  
 risque opidis Hollandiæ, Zelandiæ, Ditionis  
 Ultrajectensis, Frisiæ, Groeningæ, Zutphanæ,  
 Geldriæ, & ferè in omnibus dictarum provin-  
 ciarum pagis, templa monasteriaque invase-  
 runt; tanto quidem furore, ut omnes ima-  
 gines, Crucifixi signa, altaria, baptistoria,  
 Eucharistiæ ædiculas, organa, sedilia, sacella,  
 suggestus, candelabra, codices, confringerent;  
 ornamenta omnis generis, thesauros, calices, am-  
 pullas, thuribula, aut frustatim comminuerent  
 &

<sup>a</sup> Vander Haer & Haraus supra citati.

<sup>b</sup> Anno 1566. mense Aug. die 10. usque 25.



& incenderent, aut diriperent. Horrendum dictu, sacrosanctam Eucharistiam, ubi scelesti poterant, pedibus conculcare, confodere, ignibus iniicere; reliquias Sanctorum dissipare, sacro oleo & chrismate calceos inungere, mirisque ludibriis Christi è cruce pendentis effigiem & Sanctorum imagines exagitare: Si Christus, si Filius Dei es, aut aliquid tu Sancte potes, dic sodes, *Vivent les Gueux*, & statuum tuam non confringemus.

Quid non, ocelle Belgii Antverpia, perpeffa es? Omnem horrorem superant, quæ in illo tuo celeberrimo Europæ theatro perpetrata sunt, in quibus, veluti typo compendioque, totius Belgicæ Ecclesiæ clades cerni potest. Nam XIII, Kalendas Septembris, cum quidam post preces vespertinas insanis clamoribus B. Virgini, cui ædes sacra est, insultassent, eique se parcituros dictitassent, si sibi acclamaret, *Vivent les Gueux*; occlusis templi foribus, præeunte quodam centurione, voceque ad numeros Genevenses sublatâ, Psalmum auspicantur, eo eventu, ut, carmine velut motis mentibus, in effigiem Deiparæ, ceterasque furibundi iruerent, Christum unâ cum cruce funibus detractum, intactos relinquendo latrones, in frustra comminuerent, sacrosanctum Eucharistiæ Sacramentum horrendis afficerent contumeliis, præstantissimorum pictorum monumenta confringerent, defunctorum sepulchra, jure gentium religiosa, violarent, supellectilem omnem sacram diriperent. Ita tres integros dies in universa civitatis templa bacchati sūt. Metrius & Calvinista, domesticorum scelerum testis omni exceptione major, posterorum fidem non permisit de rei veritate fluctuare.

254 DE JUSTITIA FOEDERVM GALLICOR-  
 ctuare. Tradit enim, illâ primâ nocte tanto furo-  
 re sævitum esse, ut ante noctis medium <sup>a</sup> omnia  
 sacella effracta, altaria dejecta, statux & simulacra  
 deturbata ac fracta, claustraque omnia reſerata  
 fuerint, in hoc amplissimo sanctæ Mariæ Virginis  
 templo, altaribus plus minus sopruaginta decora-  
 to, & pretiosis picturis, regaliq̃ue luxu tam splen-  
 dido, ut simile vix inveniri queat. Quæ simulat-  
 que sic peracta, ingentes adolescentium catervæ,  
 mixtis viris quibusdam nebulonibus atque mere-  
 tricibus, circumcurrunt, inquit, idem aliis in lo-  
 cis perpetraturi. Franciscanorum, Clarissarum,  
 S. Jacobi, Andree, Georgii, Michaëlis, Petri Pot-  
 sii, Burgi, Fakenarum sororum, Albarum, Nigra-  
 rum, Tertianarum, Nonnarum, Bogardorum, Do-  
 minicanorum, & ut verbo absolvam, totius Ant-  
 verpiæ civitatis templa sacellaque omnia festino  
 infanoque tumultu vastant, ita ut ante clarum so-  
 lis orientis jubar, præcipua quæque diruta detur-  
 bataque fuerint. Totos tres dies, ut idem refert, in  
 omnia sacra totâ urbe, mox etiam extra urbem in  
 pagos quosque, & monasteria, rabiem effuderunt:  
 ita ut nihil superesset, quod non incredibili furore  
 confringerent. Eadem penè totius Belgii, paucis  
 urbibus exceptis, ubi Catholicorum vires eos à  
 conatu revocaverant, sors & facies. In quo furore  
 multæ bibliothecæ <sup>b</sup>, vetustis codicibus instru-  
 ctissimæ, inprimisque Blandiniensis, excisæ sunt:  
 eo videlicet consilio, ut non tantum fides ex tem-  
 plis & animis hominum, sed etiam ejus asserenda  
 monumenta ex ipso mundo evanescerent. Quæ  
 quidem omnia anno integro ante adventum Du-  
 cis

<sup>a</sup> Vide Haraum ro. 3. Annal. & Surium ad an. 1566.

<sup>b</sup> Surius ad an. 1566.

cis Albani & Hispanorum militū designata sunt, mēse Augusto anni 1566. cū ipse non nisi anno sequenti, eodem mēse, Bruxellam appulerit. Hæc enim fœda & universalis Catholicæ Religionis profanatio externum militem, Albaniq̃ue severitatem, provocavit; ut nemini dubium esse possit, quin Religionis bellum sit, quod in Belgio exarsit. Etenim non hæresis ex rebellionē, sed rebellio ex hæresi, novandæq̃; studio Religionis, non minùs inter Belgas, quàm Francos nata est, crevit atque consenuit. Inde proscriptiones quorundam, inde militum delectus, inde urbium occupatio, inde denique novæ Reipublicæ excitatio.

Quod ut accuratius tibi, Lector, constet, intruere progressum belli istius luctuosi, quo etiamnum Belgium flagrat. Postquam decennio sursum deorsum tempestatibus bellicis jactatum esset, pax tandem *a*, quam *Gandensem Pacificationem* dicunt, certis legibus coaluit, quibus Religioni Catholicæ utcumque cavebatur. Pacem istam Ordines novâ *Unionis* pactione sequenti anno *b* roborant, in qua jurejurando se devinciunt, Religionem se Catholicam sartam tectamq̃ue servaturos. Sciebant enim non aliter sperandum esse consensum Regis. Nam & postea, cū Colonia coram Cæsaris Legatis pax tentaretur, expressissimè Rex Religioni Catholicæ prospectū voluit, usq̃; adeò; ut articulo primo, Religionem spectante, dicat: *c* Religionem quod concernit, quæ piis & Christianis omnibus Principibus quàm maximè cordi esse debet, prætermittere Rex nullo modo potest, insistendo vestigiis suorum majorum Catholicorum Regum, quin imò petit.

ac

*a* Anno 1576. 8. Novemb. *b* An. 1577. 9. Januarii.

*c* In articulis paci tractata Colonia ann. 1579, à Majo usque ad Novembr.

ac jubet, ut in hereditariis suis Provinciis maneat & exerceatur Catholica, Apostolica, Romana Religio, ab initio ibi semper observata, in quo tot annos Provincia floruerunt, quam & ipse Rex, sui que majores in sua inauguratione jurarunt. Quæ Religio, aliis omnibus exclusis, ibi liberè & sine impedimento exercebitur; sicut & Ordines olim se obligarunt, & solemniter in generali Unione, perpetuo Edicto, & variis litteris ad Regem, tam post has turbas, quam antea, addixerunt.

Sed vide jam, quomodo statim, vix conclusis Pacificationis Gandensis, Unionisque subsecutæ conditionibus, à Religionis, quam omnium maximè perosi erant, violatione novas turbas Orangius, & fœderatæ Provinciæ auspicatæ sint. Nam cum Ordines Belgii Gasparem Schetziûm, D. de Grobbendonc misissent ad Orangium, & ad cohærentes ei Batavos Zelandosque, ut Unionem illam reciperent, negaverunt eam se recipere posse, quòd ista Unio Religionis, quam profitebantur, repugnaret. Deinde missus ad Orangium ad Montem Sanctæ Gertrudis Dux Arschotanus, unà cum Villervallio, aliisque Deputatis, ut Edictum perpetuum, quod apud Marcam Faminam inter Ordines & Joannem Austriacum coaluerat, in Hollandia admitteretur, inter alia responsum ab Orangio tulerunt, Se Calvinisticam doctrinam colere, quam numquam esset relicturus: quòd si etiam Ordinum Generalium conventus cogeretur a, Frustrà de Religione aliquid à quindecim Provinciis statutum iri: Hollandos enim Zelandosque numquam ab ea, quam amplexi semel erant, fide discessuros, neque fugaturos Ecclesiæ suæ ministros, ut in eorum locum Catholici concionatores subintrarent. Denique simulatque externus miles, juxta Pacificationis a Anno 1577.

Gandensis legem, Belgio discessisset, illo ipso tempore celeberrimum monasterium Carthusiensium *a*, & Ecclesiam in Monte S. Gertrudis, præter alia in Bevervviick, Leerdam, Goudę, Dordraci, quæ hætenus integra perstiterant, funditus Orangius cum suis diruit, & ex lapidibus domum in præfato Monte struendam curat, passimque alibi structurę materiem in suos usus vertit: decimas Religiosorum, prædia, fundos quibusvis licitatoribus vendit: negat se posse Religionem in Hollandia Zelandiaque restituere. Mox Amstelredamum, Catholicissimam civitatem, occupant, pactis conditionibus, quas Ordines Hollandiæ, Zelandiæ, atque Ultrajectini suis sigillis *b* muniunt, ut Catholica Religio liberè exerceretur: quod & Harlemensibus addictum fuit. Sed quid vix paucis elapsis mensibus, Harlemi in templum irruunt, strictisque gladiis Sacerdotes partim fugant, partim vulnerant, partim occidunt, suppellectilem sacram diripiunt. Amstelredami mense Junio ineunte crudeliùs in sacra sæviunt. Nam Monachos Franciscanos partim pulsatos, partim vulneratos, urbe pellunt, Magistratum Optimatesque Catholicos cum furore abreptos ad mare trahunt, & in naves coniectos exportari jubent. Inde cum impetu in reliqua monasteria, templa, sacella, locaque alia sacra irruunt, altaria excindunt, Sanctorum effigies deturbant, frangunt, conterunt, exurunt, Sacramenta polluant, sacra diripiunt. *c* Ita Gandavi mense Majo, & rursus cõtra pacta anno sequenti: ita *d* Ultrajecti bis tẽrve, & in tota *e* diocesi

*a* HARANI in *Annal. an. 1577.* *b* SURII in *Comment.*

*c* An. 1578. mense Majo, & rursus ann. 1579.

*d* 15. Aprilis 1578. & 1579. feriis Pentecost.

*e* Anno 1580. mense Martio.

cessi ejus: ita *a* Antverpiæ bis, ubi Calviniani inito cum Lutheranis *b* foedere contra hostes suæ Religionis invicem juravere: ita *c* Aldenardæ, Tencramundæ; ita *d* Daventriæ, Svvollæ, Campis, in territorio Groeningensi, aliisque opidis atque pagis, quocumque vis eorum penetravit. Ipsa Bruxella impudentem insolentiam evadere non potuit. Nam & ibi *e* proscriptus Catholicæ Religionis usus, templorum omnium ac sacellorum imagines fractæ, & altaria disturbata, ipsi denique sanctissimo Sacramento, miraculis quotidianis celeberrimo, impiissimis blasphemis insultatum. Cujusmodi invalescentes Religionis profanationes cum Hannones & Artesii, alique multi verè Catholici, ferre non possent, conditionesque *Pacis f*, quam *Religionis* vocitabant, ejus securitati nullo pacto satis prospectum erat, generosè respuerent, relictis Ordinibus & Orangio, ad Regem suum redièrunt: quibus hac de causâ *Malecontentorum* nomen impositum fuit.

Quæ quidem omnia luce meridianâ clariùs patefaciunt, solas novas Religiones uti peperisse, ita fovisse, auxisse, indurasse rebellionem; novas Religiones, fractâ pace illâ primâ, bellum Albani provocasse; fractâ Pace Gandensi, sopitum revocasse. Nam quemadmodum pacem Gandensem, multis nominibus iniquam, Rex amplexus est, quòd Religio & auctoritas Regia utcumque salva videretur: ita Cæsari *g* postea per litteras amplissimam

*a* Anno 1579. in Ascens. Domini, & rursus an. 1581. Kalend. Julii. *b* Anno 1581. 24. Julii. *c* Ann. 1579. post tumultum Gandensem. *d* Anno 1580. 7. & 8. Martii. *e* Anno 1581. Kalend. Maii. *f* Anno 1578. 22. Julii promulgatæ. *g* Anno 1579. quæ pax Colonia per multos menses tentata est.

nam transigendi cum Provinciis suis potestatem dedit, hâc solâ salvâ conditione, quam jus divinum ac naturæ postulat, *Religione Catholicâ, & Principis auctoritate*. Hanc enim nemo respuere potest, nisi qui spiritum hæreseos, & individuum ejus comitem rebellionis induit.

Quodd si reliquum rerum gestarum, bellique Belgici cursum attendere libet, nihil manifestius, quam Religionis Catholicæ eversionem, & hæresis propagationem, quarum utrique Rebellio velut minister hactenus militaverat; jam etiam forsar imperat, esse confœderatorum Ordinum scopum. Nam & Princeps Orangius in suâ contra Regis querimonias & proscriptionem suam Apologiâ profitetur *a, se jam tum à puero reformatæ, quam vocat, Religioni fuisse*. Et cum post Gandensem Pacificationem querelis Catholicorum obtunderetur aures ejus, Hispanicè subridens reponere solebat: *Yo soy calvo de cabeza, y muy mas calvo tengo el corazón*; quo significat, toto se corde *Calvinū* imbibisse. Ipsi Ordines confœderati in Edicto *b*, quo Regem suū abdicant; unam ex potissimis causis proferunt, in hæreticis comprimendis severitatem: quæ quamvis juribus divinis humanisque, totâ Europâ ante multa sæcula receptis, consentanea fuerit; Novatoribus tamen omnibus justissima rebellionis & arma capeffendi causa est. Quidquid ultra contra Regem insidiosè in Edicto jactitant, vel frivola sunt ad tantæ rei pondus, vel in Religionis innovatione & Religione fundata. Denique cum nuper anno 1608. laboriosâ multorum mensium tractatione disceptatum esset Hagæ-Comitis,

*a* Orangius in Apolog. edita an. 1580. mense Decemb.

*b* In Edicto Hagæ-Comitis promulgato anno 1581, 26. Julii;

...provincias suas declarasset Rex,  
...Provinciarum pa-  
...vicissim  
...publicum exercitum  
...ad indicam navi-  
...iste dis-  
...Reli-  
...admittendae  
...voluerunt.

In qua non tantummodo quilibet animi car-  
 itas, sed etiam actionum series voluitur, quàm  
 propriam rationem continere potestatur; omni  
 ratione autem rationis scilicet ut recte est, quisquis  
 rationem recte, nam pro mentis propagandis  
 rationibus rationis, utique utque vetere,  
 rationibus rationibus rationibus sit. Circum-  
 spectum est, ut per rationes Belgis plagas, quæ  
 rationibus rationibus rationibus. Rationibus suscep-  
 tum est, ut rationibus Religionis innotere. Jam in-  
 de rationibus rationibus rationibus ad postre-  
 mam rationibus, uti Silvaticis Francorum  
 rationibus, uti rationibus, oppidum, muni-  
 cipium, utique, utique rationibus etiam tempore  
 rationibus rationibus rationibus rationibus, unde  
 rationibus. Rationibus Religionis rationibus non  
 rationibus. Rationibus rationibus rationibus, Sancto-  
 rationibus rationibus rationibus. Rationibus rationibus rationibus  
 rationibus. Rationibus rationibus rationibus & pes-  
 rationibus rationibus, rationibus rationibus, ex-  
 rationibus. Rationibus rationibus rationibus rationibus  
 rationibus rationibus rationibus rationibus rationibus, redi-  
 rationibus rationibus rationibus rationibus rationibus, publicè  
 exu-

~~\_\_\_\_\_~~ am 20. Aug.



exulat ab omnibus eorum ditionibus. Ut sanè sexaginta annorum experientia planum fecisse videatur, eos esse veros præcursores illius postremæ abominationis ac desolationis, de quâ Daniel Propheta mysticè vaticinatus est, quod impij *polluent sanctuarium fortitudinis, & auferent iuge sacrificium*. Hoc enim Batavi jam ab initio Edictis, multis, carceribus, contumeliis sacrificantium Sacerdotum egregiè præstiterunt, quotidieque præstant: ut non alio opus futurum esset Antichristo, qui Danielis vaticinium per totum terrarum orbem impleret, si armis Hollandorum, quibus eum ab Oriente vsq; ad Occidentem territant, successum desideratum Deus largiretur. Nam unicum eorum votum est, Missam velut abominationem pellere: ut, quemadmodum quâ tyrannî Turcici transivit equus, nō amplius herba crescit (quod dici solet,) ita non amplius offeratur sacrificium, quâcumque Batavorum victoriæ transierunt. Hæc enim impietas, tamquam immobilis Reipublicæ confœderatæ basis, tam altè mentibus eorum fixa est, ut Christianissimus Rex nullis legationibus aut machinis extorquere potuerit, ut Catholicæ Religionis publicam libertatem ditionibus suis indulgerent: quod sic saltem nefaria illa fœdera, quibus Catholici Belgæ oppressi gemunt, & avitæ Religionis exilium plorât, aliquo adscititiæ pietatis colore imperitorum hominum oculos fallerent. Sed quid ego publicam Religionis libertatem sperem? Res posteris incredibilis, attamen vera & certa est. Nec istud quidem à Christianissimo Rege tot beneficiis Christi Ecclesiæ luctuosus impetrari potuit, ut milites Franci, quorum vulneribus portæ civitatum, a *Daniel. II.*

unde

260 DE JUSTITIA FOEDERVM GALLICOR.  
mitis, unaq; cum Archiducibus declarasset Rex,  
se summo imperio foederatarum Provinciarum pa-  
ratos in perpetuum renuntiare, dummodò vicissim  
Catholicę Religionis usum & publicum exercitium  
in suis ditionibus restituerent, atq; ab Indicā na-  
vigatione temperarēt, statim totus tractatus iste dis-  
solvit. Unde in induciarum pactis transigendis, Reli-  
gionis Catholicę in Provincias suas admittendę  
mentionē nec auribus quidē admittere voluerunt.

Sed quia nihil manifestius occultos animi car-  
dines, super quos actionum series volvitur, quā  
perpetua factorum constantia protestatur; omni  
profectò mētis luce cassus sit necesse est, quisquis  
adhuc ambigit, utrum pro tuendis propagandis-  
que Religionibus novis, extinguendaque vetere,  
bellum Batavicum hætenus gestum sit. Circum-  
fer, quęso, oculos per universas Belgii plagas, quę  
ferreum atque tyrannicum Batavorum suscep-  
runt jugum, & faciem Religionis intueri. Jam in-  
de à primis rebellionis exordiis usque ad postre-  
mam expeditionem, quā Silvadicis Francorum  
armis capta fuit, non est civitas, oppidum, muni-  
cipium aut pagus, à celeberrimo orbis emporio  
Amstelredamo usque ad novissimum vicum, unde  
liberum Catholicę Religionis exercitium non  
sit fugatum. Fracta jacent ubique altaria, Sancto-  
rum imagines deturbatę, Crucifixi effigies pedi-  
bus conculcatę, Monachorum occupata & pes-  
sumdata monasteria, pulsı undique Religiosi, ex-  
stineta Catholicorum Canonicorum collegia,  
quibus aditus ad illa Edicto interclusus est, redi-  
tus Ecclesiastici ad bella conversi: Sacrificium ju-  
ge, Angelicis tremendum exercitibus, publicē  
exu-

• Ita declaratum an. 1608, 13. Jan, sess. 4. & rursus 20. Aug.

exulat ab omnibus eorum ditionibus. Ut sanè sexaginta annorum experientia planum fecisse videatur, eos esse, veros præcursores illius postremæ abominationis ac desolationis, de quâ Daniel Propheta mysticè vaticinatus est, quod impij *polluent sanctuarium fortitudinis, & auferent iuge sacrificium*. Hoc enim Batavi jam ab initio Edictis, mulctis, carceribus, contumeliis sacrificantium Sacerdotum egregiè præstiterunt, quotidieque præstant: ut non alio opus futurum esset Antichristo, qui Danielis vaticinium per totum terrarum orbem impleteret, si armis Hollandorum, quibus eum ab Oriente vsq; ad Occidentem territant, successum desideratum Deus largiretur. Nam unicum eorum votum est, Missam velut abominationem pellere: ut, quemadmodum quâ tyranni Turcici transivit equus, nō amplius herba crescit (quod dici solet,) ita non amplius offeratur sacrificium, quâcumque Batavorum victoriæ transierunt. Hæc enim impietas, tamquam immobilis Reipublicæ confederatæ basis, tam altè mentibus eorum fixa est, ut Christianissimus Rex nullis legationibus aut machinis extorquere potuerit, ut Catholicæ Religionis publicam libertatem ditionibus suis indulgerent: quod sic saltem nefaria illa fœdera, quibus Catholici Belgæ oppressi gemunt, & avitæ Religionis exilium plorât, aliquo adscititiæ pietatis colore imperitorum hominum oculos fallerent. Sed quid ego publicam Religionis libertatem sperem? Res posteris incredibilis, attamen vera & certa est. Nec istud quidem à Christianissimo Rege tot beneficiis Christi Ecclesiæ luctuosus impetrari potuit, ut milites Franci, quorum vulneribus portæ civitatum, a Daniel. II. unde

unde fidem Catholicam fugaverunt, reſerate ſunt vel Confefſarium in caſtris haberent, quò *max* Eccleſiæ, cujus viſcera lancinaverant, & ſacra hæreticis polluenda abrogandaque proſtituerant, reconciliari poſſent. nempe *a*, *Iuſtus es, Domine, & rectum judicium tuum.* Juſtum eſt enim, ut Religionis beneficiis careant, quam hoſtium prædæ & contumeliis prodiderunt.

*a* *Pſal.* II 8.

## C A P V T X V.

*In perniciem animarum ſuarum mittuntur ad bellum Franci milites. An Regis Doctoresque conſcientiæ tutò acquieſcere poſſint.*

**E**X hoc judicio Dei proficiſcitur, quòd plerique Catholici milites Franci, quemadmodum oculati teſtes faciunt fidem, cum ſe omni ſuæ Religionis exercitio & exhortationibus deſtitutos eſſe cernunt, ad Calvinistarum templa Dominicis diebus confluunt, ut vel ſic Deo ſcilicet ſeptimi diei otium tribuant, qui cæterorum negotia in fidei perniciem contulerunt. Nimirum ipſi pro ſua ſapientia bonum à malo diſcreturi, juſta iſtius temeritatis, commiſſæque impietatis, pœnas luunt, dum perfidiam etiam corde imbibunt, cui corpore militaverant: & ex Catholicis Calvinistæ, vel athei, ad patrios revertuntur lares. Quorum perditio cui, niſi Chriſtianiſſimo Regi, & Proceribus ejus Purpuratis, in ſingultum erit?

Ex eodem judicio Dei fluit, quòd, cum iidem milites, ægitudine ſubinde de vita periclitantes, latitantem quempiam in Hollandia Sacerdotem quærunt, nullum inveniant; vel, ſi fortè inveni-

rent,

rent, ut subinde factum est, sine absolutionis beneficio ad eum, cui sanguine suo in expugnandis urbibus litaverant, migrare cogerentur. Hæc enim Ecclesiasticæ disciplinæ lex in latitante Clero hætenus servata est, ut nemo eorum, qui Religionis perduellibus ad expugnandas Catholicas urbes militant, sine militiæ talis renuntiatione, possit absolvi. Ita periti Belgarum, Clerusque judicant; quibus abominationes, quæ in fidei Catholicæ injuriam perpetrantur, exordia, progressus ac jura belli Belgici haud paulò propius & accuratius, quàm Francis, perspecta sunt.

Nihil hic juvat, obedientiæ inculcare leges, quibus Regum jussa etiam dubia exsequi sine disceptatione subditi compelluntur. Sunt enim nonnulla tam perspicuæ pravitatis, ut nullis Regum præceptis, nullis Doctorum suffragantium calculis ab impietate purgari queant. In quibus istud Nazianzeni locum habet *a*: *Πισοὶ μῖν ἐστι τοῖς βασιλεῦσι, Θεῷ ᾧ πρῶτον, Fidem Imperatoribus servate, sed primum Deo.* & illud Apostolicum *b*: *Obedire oportet Deo magis, quàm hominibus.* Scimus enim de Doctorum etiam judiciis judicaturum Deum; & esse divinæ benignitatis, humanæque felicitatis, in veraces Doctores incidere. Nam ut Regum delicta plerumque populus, ita Doctorum errata discipuli luunt; ut assecla cum ductore, discipulus cum doctore, obtemperans cum jubente, simul in foveam cadant. Ex alto despicientibus vertigo nascitur: in moribus è contrario, alta nimium suspicientibus. Illis ipsa terra; his etiam immobiles certissimæque veritates verti videntur. Quorum regulæ sunt: Reges fecerunt, igitur justum est, igitur

*a Nazianz. orat. 27. b Act. 5.*

264 DE JUSTITIA POTESTATUM GALLICOR.  
tur quâcumque Theologiæ subtilitate defen-  
dendum. Sed in quibusdam facinoribus condem-  
nandis tam altâ voce Veritas æterna in perpetranti-  
um cordibus clamat, ut, quemadmodum fremitus  
maris nullâ vociferatione superari potest, ita  
nullis Consiliarium lenociniis, Doctorumque  
suffragiis, conscientia Regum jubentium, aut mili-  
tum perpetrantium, in tuto collocari. In talibus  
enim non hominum opinio, sed Veritas iudex  
erit, quæ de hujusmodi factis arbitrabitur, non ex  
his, quæ ille vel iste Doctor existimavit, ille vel  
iste credidit, sed ex æternæ & immutabilis Æqui-  
tatis regulis, & *a ex his, quæ scripta erunt in libris.*  
Nisi fortè Martyrum carnifices, & Christi inter-  
fectores, quia Doctorum consulta, Præfectorum-  
que jussa sequebantur, de innocentia putemus  
posse gloriari. Ordo enim jubendi atque parendi  
incertam de veritate conscientiam excusare po-  
test, perspectam iniquitatem purgare non potest.  
Oculis suis perspiciunt milites, & in hoc postremo  
excidio Thénarum, adeoque totâ expeditione  
Brabanticâ, quâ Batavi etiam libertatem invisæ  
sibi Religionis præferebant, satis superque perspe-  
xerunt, quis sit in Provinciis confœderatis militiæ  
status, quid contumeliæ templis, altaribus Chri-  
stianisque sacris suo sanguine hereticorum pote-  
stati traditis, quæ perfidiæ labes Catholicis infir-  
mis, Pastorum præsidio destitutis, inferatur: quo-  
rum non satis periti Doctores Franciæ, ex princi-  
piis generalibus nescio quibus, sub quibus non nisi  
falsò subsumi potest, levius quàm oportet, de re,  
peritis circumstantiarum perspicuâ gravissimâ-  
que, decernunt. Affectus etiam, quo distorta Re-  
gum facta quoquo modo fucari solent, non me-  
*Apocalyp. 20.* diocri-

diocriter hac in re partes suas agit, præsertim in illis, quibus Belgicarum Provinciarum status, jura Regia, tumultuum causæ, Religionis facies, abominationum commissarum insolentia, vix nisi Gallicanis rumoribus de industria plerumque, ut quotidie cernimus, adulteratis, perspecta est. Sed quorum oculi, deterso fallaciarum fuco, res ipsas intuentur, justioribus eas ponderibus metiuntur. Vident clariùs, quàm ut ullo vel Regis jussu, vel Doctorum consultatione obscurari queat, illicitam esse damnatamq; Religionis Catholicæ prodicionem, & operam illam, quam in urbibus expugnandis collocant; utpote quâ nihil aliud fiat, quàm ut omni præsidio sacra mysteria, & infirmorum animæ denudentur, quò impunè hæreticorum contumeliis, atque seductioni pateant. Vidi ipse oculis meis, cum in Belgio Germaniaque peregrinus agerem, Francos milites, qui desertâ militiâ ingenuè fatebantur, numquam securâ conscientia se ad expeditiones prodire potuisse. Scio alios eo proposito in suscepto temerè sacramento perstitisse, quòd, cum ad manus veniendum esset, in terram se tormenta manuarum explosuros pollicerentur. Unde non pauci quotidie signa deserunt, & in Galliam ex abominandâ illâ militiâ se proripiunt. Nimirum & vulgo hominum sine literis de rebus planissimis judicantium perspicuum est, Religionis atque rebellionis, non politicæ, bellum esse; perfidiæ, non juris patrocinium, cui miseris mancipantur. Cui profectò non minùs absurdum est, Catholicos Reges atque milites posse auctoritatem præbere aut manus, ac si cum latronibus latrocinandû, cum sacrilegis Ecclesias effringendas, cum adulteris lenocinandum esse doceremus.

266 DE JUSTITIA FOEDERVM GALLICOR.  
remus. Nihil hîc interest, Purpurâ vestitos esse, in  
fulis, sacco cilicioque præferre pietatem, qui ist  
suadeant, nisi ut severius judicium subeant; quod  
sublimissima Religionis ornamenta, cui debent  
quidquid sunt, in Religionis præjudicium præpo  
sterâ pietate converterint.

## C A P V T XII.

*Bellum Protestantium & Suecicum est itidem bel  
lum Religionis ; & consequenter fœdus cum ei  
illicitum.*

**P**Ar quoque, si non fœdior, est Germanici bel  
li macula, quod in præsentiarum Suecus &  
Protestantes cum Imperatore gerunt. Est enim  
notorium, totâque Europâ divulgatum, bellum  
illud postremum ex Edicto Cæsaris profectum  
esse, quod ipse anno 1629. sextâ Martii Vienna  
promulgavit, & mox per universum Imperium  
portis urbium, Ecclesiarumque valvis, etiam  
Protestantium, affixum, & à Deputatis Impera  
toriis, diversis in locis, executioni mandatum fuit.  
Duo potissimum istud Edictum continebat,  
quemadmodum ex ejus exemplo manifestum est.  
Primum, ut Archiepiscopatus, Episcopatus, Præ  
laturæ, Monasteria, Hospitalia, Foundationes,  
aliaque bona Ecclesiastica, quorum Catholici an  
te tractatum Passaviensem pacificâ possessione  
fruebantur, & post illum tractatum injustis modis  
inde deturbari sunt, Catholicis restituerentur, ut  
juxta Ecclesiasticos Canones à legitimis idoneis  
que personis administrari possint. Secundum, ut  
juxta Edictum de Pace Religionis jam olim con  
ditum, sola Catholica Religio, & Confessio Au  
gusta-



ustana in toto Imperio exerceretur publicè, exclusis omnibus contrariis sectis atque doctrinis. Uterque articulus ex una parte juri divino ac naturali, ex altera Ecclesiæ sanctionibus, & Edictis Imperii consentaneus est. Nemo enim Catholicus, quibuscum nobis disceptatio est, dubitare sinitur, quin Ecclesiasticæ Præfecturæ, & consequenter annexa Præfecturis bona, non hæreticis, sed Catholicis Antistitibus, tamquam legitimis possessoribus, cõmittenda sint, qui, cum Ecclesiæ Catholicæ vera sanæque fidei membra sint, populum, exclusis errorũ venenis, pabulo veritatis pascere, & ad vitã æternam regere queãt. Hoc ipsum verò jam olim in Edictis Imperialibus, pro Pace Religionis conditis, in quæ pars utraque tam Protestantes, quàm Catholici consenserant, expressum sancitumque perspicuè fuerat, ut & ipsi Protestantes hoc faterentur. Quapropter cum injuriæ contra Catholicos, & Episcopatum, Monasteriorum, aliorumque bonorum Ecclesiasticorum usurpationes, effrenisq; libertas novarum Religionum, in Imperio pullulantium, contra Imperialia utriusque partis pacta edictaque quotidie crescerent; multis Catholicorum Principum, Electorumq; Mulhusi congregatorum, querimoniis compulsus Imperator, ut fidei magis magisque fastidienti, & illis Ecclesiæ deprædationibus mederetur, tandem illud Edictum, sanctionibus Imperialibus, & Ecclesiæ Germanicæ restituendæ maximè consentaneum, promulgavit. Sed quia restitutio illa multis Principibus durior, quàm injustior videbatur, ut quorũ status ex illis bonis præcipuè coaluerat, consiliũ, quod olim cuidam datũ feliciter successerat, imitari placuit. De rationibus

268 DE JUSTITIA FOEDERVM GALLICOR.  
 enim reddendis perplexo ac satagenti, cum se ex-  
 pedire non posset, suggestum fuit, prudentiũ  
 acturum, si de non reddendis cogitaret. Quo-  
 cum fecisset strenuè, ab onere se tam reddenda  
 rationis, quàm restitutionis liberavit. Hanc ratio-  
 nem expeditissimam Principes Urbesque Prote-  
 stantium ratæ, adversus Edictum Imperatorium  
 conspirare, & restitutionem Episcopatum argu-  
 Cœnobiorum, quibus multis jam locis Glebus le-  
 gitimus frui, populisquæ ad Catholicam Reli-  
 gionem reduci cœperat, impedire statuerunt.  
 Hinc conspiratio a Principum Protestantium  
 Lipsiensis, quæ scriptis ad Imperatorem litteris  
 vehementissimè contra illud Edictum protesta-  
 tur, & omnia, quæ contra Ducem Wirtembergensem,  
 aliosque Principes, & civitates, præsertimquæ  
 Augustam Vindelicorũ, in eius executione com-  
 missa fuerant, in integrum restitui petit. Hinc  
 Suecus, hinc Batavus, & quidquid undique Pro-  
 vinciarum Imperialium prædis inhiabat, adversum  
 Cæsarem subsidio invocatum. Hinc & illud Galli-  
 cum cum Sueco foedus: cujus auctoribus Catho-  
 licæ Religionis stragem, suamquæ desolationem  
 Germania acceptam refert. Jam enim religiosissi-  
 mus Imperator provinciis Imperii magna ex parte  
 Catholicam fidem, fidei templa ac Cœnobia, Cœ-  
 nobiis templisque Clerum suum, Clero bona sus-  
 tentationi necessaria, ipsam denique Ecclesiam  
 Germanicam Christo sponso suo asseruerat: jam  
 ritus Ecclesiasticos splendori suo, Antistites de-  
 sertis sedibus restituerat, & animas innumeras er-  
 roribus ereptas auctori Religionis Deo: jam Aca-  
 demias veteres, evocatis undique Professoribus,

ab interitu erigere cœperat, novasque meditabatur, unde fides orthodoxa in universam Germaniã se diffunderet; cum ecce à Protestantibus, splendorem reviviscentis fidei non ferentibus, & Infulas, redditusque sacros, quos devoraverant, ex omni re detrectantibus, ab ultimo Septentrione Suecus excitur, Gallicoq; fœdere, ad disturbãdos omnes religiosissimos Imperatoris conatus, animatur, accingitur & juvatur. Hoc enim fœdere jam per triennium non solum Ecclesiasticarum dignitatum, Monasteriorum, bonorumque Ecclesiæ inchoata restitutio penitus intercepta & suppressa, omniumq; hæresum libertas stabilita est; sed ipsa quoque Catholica Religio tam infami modo prostrata, ut nihil ab Attilis fœdius expectari potuisset. Lugenda horrendaque sunt, quæ oculati testes referunt. Undique vastitas Ecclesiarum, squalor altarium, fugã Antistitum, Religiosorum, sacrarumque Virginum, profanatio mysteriorum execrabilis. Jacent passim Cœnobia semidiruta, dispersa Canonicorũ Collegia, Antistites in diversa profugi, Ecclesiæ Clericis ubiq; viduatæ, populus orbus Pastoribus suis: qui in ipsa Gallia latitantes, ne quidẽ Dei ac suas injurias audent queri, ne forte ab iis etiam læsæ Majestatis accersantur humanæ, qui divinam talium fœderũ pietate coluerunt.

Cum igitur tam perspicuè Protestantium Suecorumque insignia contra Catholicam Ecclesiam ex professo volitent, cujus aras eruant, cujus templã profanant, cujus imagines frangunt, cujus Cœnobia evertunt, cujus Præsules fugant, cujus sacra, quemadmodum litteræ Germanicæ testantur, nefariis profanant modis, cujus extirpant fidem, cujus disciplinam jam jamq; reflorescentem armis

270 DE JUSTITIA FOEDERVM GALLICOR.  
impediunt, ejus redditus ac bona in damnata hæ-  
resis munimenta convertunt ; quis sanā mentem  
dubitaverit, quin illicitum sceleratumque sit, tan-  
sacrilegis conatibus arma Christiana sociare? Ni-  
forte etiam Turcis & Saracenis, ex professo Ec-  
clesiam persequentibus, & fidem extirpantibus  
suppetias tutò mitti posse arbitremur, dummodò  
ipsi suo sua, nos nostro scopo nostra prosequamur.  
Nec enim ulla ratio dari potest, cur minus Turci  
ac Saracenis, quàm hæreticis, quando utrique Ec-  
clesiam, ejusque sacra hostiliter premunt, & boni  
inhiant; fœdere, armis, milite, quibus conatus oc-  
rem fulciantur promoveanturque, copulemur.  
Ausim dicere, majorem esse belli Germanici con-  
tra Cæsarem, quàm Turcici impietatem ; fœderis  
rem in Christiana sacra profanitatem, effrenio-  
rem in Ecclesiasticos ac Cœnobia licentiam. Tur-  
ca cæcus avaritiâ libertatem Religionis, quam  
invenerit, servat. Lucrum odoratus, in palatio pe-  
nè suo pretium redemptionis nostræ offerri sine  
Nullibi majus, quàm sub ipso, adversus hærese-  
præsidium. In Religione enim jam recepta sub po-  
na pali quidquam innovari vetat; ne fortè cū Re-  
ligione etiam status innovetur. Quo fit, ut in Hun-  
garia, quæ tyrannidi Turcarum paret, longè mi-  
tius hæretici, atque pauciores, quemadmodum  
periti scribunt, quàm in Hūgariâ Catholica, gra-  
sentur. *a* Ad officium enim hæreticos compelli, non il-  
lici, dignum est. Duritia vincenda est, non suadenda.  
Hanc eorum duritiam severissimè Turca tundit  
& vincit : nullam enim timet crudelitatis invi-  
diam, dum status nullâ novitate perturbetur. Sub  
Regibus verò Christianis, mansuetudinem Chri-

i æmulantibus, nihil tam profanum atque sacrilegum in Catholicos, quod non audeant: nihil am exitiosum fidei, quod non bländiente occasione moliantur. Odio quippe flagrant acerbissimo in Ecclesiam, à quâ damnati sunt, in fidem, iujus desertæ rei; in Præsules, quorum diras & vulmen experti. Nihil illis ad veritatem averfandam obterendamque obstinatius, nihil ad falsitatem persuadendam vigilantius, ac malignius. Iunt enim, quẽadmodum sanctus Clemens ait *a*, *ἡδαιῶν ἀσιβέστεροι, καὶ Ἑβραίων ἀπείστεροι, magis immis quam Iudæi, magis athei quam Gentiles*, & uno verbo *παμπόνηροι, toti improbi*: ut Nazianzenus *b*, *ἀμύμων ἀπιστότεροι, damones incredulitate superant*; et Augustinus, etiam *c* contendendi pervicaciâ. Hoc omnibus sæculis experta est Ecclesia, tolerabilior em longè sub Paganis atque Gentilibus; quàm sub hereticis esse Christianorum imbecillium formem. Longè enim faciliùs fucatâ veritate, quàm perptâ Gentilium Turcarumque profanitate seducuntur. Quamobrem non Paganorum, sed hereticorum commercia Apostoli & Ecclesia veuere. Nimirum ubi plus periculi, ibi cura vehemētior. Sæper verò imbecillibus Christianis, quorum pars multò maxima est, periculosissimi sunt; ubi verò potissimum, quādo ab ipsis Christianis Rebus conatuū suorum impietatē, quam suo satelatio muniunt, quodāmodò probari vident. Rebus nim, nō verbis, improbitatē probat, quisquis eam Ecclesiæ insultantem, eiusq; sacra impugnantem, cederibus amplectitur, & armis iuvat. Nam, ut optime Tuba Græciæ *d*, *ἔργον λόγου ἰσχυρότερον, opus*

M 4

sermo-

*Clem. lib. 6. Constit. Apost. cap. 18. b Nazianz. orat. 42. c August. epist. 48, d Nazianz. orat. 27.*

impediunt, ejus redditus ac bona in damnatæ hæresis munimenta convertunt; quis sanâ menti dubitaverit, quin illicitum sceleratumque sit, earum sacrilegis conatibus arma Christiana sociare? Nisi fortè etiam Turcis & Saracenis, ex professò Ecclesiam persequentibus, & fidem extirpantibus suppetias tutò mitti posse arbitremur, dummodò ipsi suo sua, nos nostro scopo nostra prosequamur. Nec enim ulla ratio dari potest, cur minùs Turci ac Saracenis, quàm hæreticis, quando utrique Ecclesiam, ejusque sacra hostiliter premunt, & boni inhiant, fœdere, armis, milite, quibus conatus eorum fulciantur promoveanturque, copulemur. Ausim dicere, majorem esse belli Germanici contra Cæsarem, quàm Turcici impietatem; fœdiorum in Christiana sacra profanitatem, effreniorum in Ecclesiasticos ac Cœnobita licentiam. Turca cæcus avaritiâ libertatem Religionis, quàm invenerit, servat. Lucrum odoratus, in palatio penè suo pretium redemptionis nostræ offerri sinet. Nullibi majus, quàm sub ipso, adversus hæreses præsidium. In Religione enim jam recepta sub pœna pali quidquam innovari vetat, ne fortè cū Religione etiam status innovetur. Quo fit, ut in Hungaria, quæ tyrannidi Turcarum paret, longè mitius hæretici, atque pauciores, quemadmodum periti scribunt, quàm in Hūgariâ Catholicâ, grassentur. *Ad officium enim hæreticos compelli, non illiciti, dignum est. Dunitia vincenda est, non suadenda.* Hanc eorum duritiam severissimè Turca tundit, & vincit: nullam enim timet crudelitatis invidiam, dum status nullâ novitate perturbetur. Sub Regibus verò Christianis, mansuetudinem Christi

**N**i æmulantibus, nihil tam profanum atque sacrilegum in Catholicos, quod non audeant: nihil tam exitiosum fidei, quod non bländiente occasione moliantur. Odio quippe flagrant acerbissimo in Ecclesiam, à quâ damnati sunt, in fidem, cuius desertæ rei; in Præsules, quorum diras & fulmen experti. Nihil illis ad veritatem averſandam obterendamque obstinatius, nihil ad falsitatem persuadendam vigilantius, ac malignius. Sunt enim, quẽadmodum sanctus Clemens ait *a*, Ἰουδαίων ἀσεβέστεροι, καὶ Ἑλλήνων ἀπίώτεροι, *magis impij quàm Iudæi, magis athei quàm Gentiles*, & uno verbo παμπόνηροι, *toti improbi*: ut Nazianzenus *b*, δαμνίων ἀπιστότεροι, *dæmones incredulitate superant*; ut Augustinus, etiam *c* contendendi pervicaciâ. Hoc omnibus sæculis experta est Ecclesia, tolerabiliorẽ longè sub Paganis atque Gentilibus; quàm sub hæreticis esse Christianorum imbecillium sortem. Longè enim facilius fucatâ veritate, quàm apertâ Gentilium Turcarumque profanitate seducuntur. Quamobrem non Paganorum, sed hæreticorum commercia Apostoli & Ecclesia vetuere. Nimirum ubi plus periculi, ibi cura vehementior. Sæper verò imbecillibus Christianis, quorum pars multò maxima est, periculosissimi sunt; tũ verò potissimum, quãdo ab ipsis Christianis Regibus conatuũ suorum impietatẽ, quam suo satel- litio muniunt, quodãmodò probari vident. Rebus enim, nõ verbis, improbitatẽ probat, quisquis eam Ecclesiæ insultantem, eiusq; sacra impugnantem, fœderibus amplectitur, & armis juvat. Nam, ut optimè Tuba Græciæ *d*, ἔργον λόγῳ ἰσχυρότερον, *opus sermo-*

M 4

sermo-

*a* Clem. lib. 6. Constit. Apost. cap. 18. *b* Nazianz. orat. 42.

*c* August. epist. 48, *d* Nazianz. orat. 27.

*sermone fortius.* Quopropter sitam juratos Ecclesiæ perduelles, in ipsis conatibus, quibus Ecclesiæ Catholicæ disciplinam, dignitatum ejus bonorumque redditionem se profligare, omniumque hæresum libertatem, sub Libertatis Germanicæ fūco, tueri velle profitentur, pecuniis, armis, militibus adjuvare licet; nulla profectò ratio quæcūque Theologiæ politicæ subtilitate dari potest, cur non etiam Turcis ac Saracenis Christianam Religionem aperto Marte vastantibus, liceat opitulari. Attoniti stant admirationis magnitudine, quotquot pietatem blandâ linguâ inferiùs, & fulgentibus ostro vestibus interiùs habent, quî fieri possit, ut sacri cœnobitici, infulæ, purpura, quidquid, inquam, sacratius Ecclesia Christi colit, nefariis istis infidelium conatibus suffragetur: quibus id unum ex professo agitur, ut omnis purpura, infulæ, Monachatus, & augustissima quæque Ecclesiastica Hierarchiæ decora ex ipso mundo auferantur. Nimirum huc tandem in sæculorum finibus veniendum erat, ut Christianissimus Justusque Princeps hujusmodi Curionum consiliis circumventus, non sine insigni Christiani nominis probro, unâ cum impiis, quorum ut fœderibus innectitur, ita & facinoribus jungitur, Matrem ipsam suam oppugnasse diceretur, cujus se filium primogentitum esse gloriatur.

## C A P V T XIII.

*Vtrum Religionis Catholicae extirpatio fiat à Rege Christianissimo indirectè tantum.*

**E**T hætenus quidem de fœderum illorum fœditate ex eo capite disseruimus, quatenus divino



vino humanoque jure illicitum est, infidelibus suppetias ad illud bellum ferre, quod in Religionis præjudiciū, & ad Ecclesię Christi fidem disciplinamque destruendam suscepere. Nunc, quia usitata Politicis, & ad imperiorum incantationem excogitata cantilena est, statum à Religione, Rempubicam ab Ecclesia secernendam esse; suppetias istas ajunt non ferri erroribus hæreticorum, sed statui; non adversus Ecclesiam, sed Rempubicam. Quidquid ergo sacrilegii contra Religionem ab impiis committitur, quo Ecclesia Christi perit, hoc non Regi Christianissimo, temporalem scopum intuenti, sed Hollandis, Sueco, Protestantibus, Religionis osoribus, adscribendum esse: præter enim voluntatem Regis ea, & proinde indirectè tantum, & per accidens contingere. Hoc ergo accuratius videamus, ne qua fortè sub isto distinctionis obscuro vel amplectenda veritas lateat, vel respuenda falsitas insidietur.

Fateor igitur, ista duo, statum temporalem, atque Ecclesiam; esse separanda. Hoc Christus ipse docuit, *a quando qua sunt Caesaris Caesaris, & qua sunt Dei Deo reddenda esse præscripsit.* Fateamur etiam, inter directè & indirectè malum facere, magnam esse differentiam. Hoc enim *directè fieri* dicitur, quod voluntas, tamquam scopum intentionis, vel in se consideratum facit. Hoc *indirectè fit*, quod in alio tantum, seu alteri rei conjunctum accidit; quam voluntas directè intuetur. Non dubitamus igitur, quin præter scopum voluntatis Christianissimi Regis Ecclesiarum ruina, & pessumdaturæ Religionis labes ex fœderibus ejus consequatur. Nam eam destinatâ directâque voluntate appetere, hæreticorum est proprium: à qui-

274 DE JUSTITIA FOEDERVM GALLICOR.  
bus utinam Christianissimus Rex tam actionibus,  
quàm scopo voluntatis discreparèt. Præter directam  
igitur voluntatem ejus, adeoque indirectè,  
contingere perniciem illam Religionis, forsan ad-  
mitti aliquo sensu potest. Quamquam & istud  
consideratione perquam dignum est, non omnia  
nos, quæ voluntas averfatur, indirectè tantum  
operari. Nam & fures crebrò in effringendis fori-  
bus non alienum damnum appetunt, sed commo-  
dum suum, vel etiam proximi, si benigniori pec-  
cant mente, misericordiam; nec latrones mortem  
sed spolia viatoris, quem resistentem perimunt;  
nec venator jacturam colonorum, quorum sege-  
res proterit canibus suis, sed feram, quam perse-  
quitur. Nec tamen isti directè rei sequentium  
damnorum esse desinunt. Est enim tam arcta in-  
ter malum quod fit, & bonum temporale quod  
intenditur, societas, ut utrumque etiam directè  
fieri causarique dicatur, quantumvis unum ab  
altero mentis præcisione, & voluntatis explicitâ  
intentione separetur. Ita quisquis ignem admo-  
vet segetibus, aut pulveribus, directè incendit  
messem, aut domum; quisquis venenum propi-  
nat innoxio, quisquis in eum canes immittit fu-  
riosos, directè interficit, etsi aliud, quàm mortem  
ejus quærat, vel etiam per alium fortè impediri  
possit; quisquis aggeres objectos aquis rumpit,  
directè diluvium facit, damni que dati directè  
reus est, quidquid ipse tandem temporalis inde  
commodi aut voluptatis venerit aut speret. Per-  
spicua est ista veritas, in qua Philosophia non mi-  
nus, quàm Theologia concinit. Quid si ergo  
etiam directè Rex Christianissimus perditionis  
Ecclesiæ, destructæque fidei Christianæ in Belgio  
Germa-

Germaniaque reus sit, quamvis illam impietatem perspicuâ directâque voluntate detestetur? Nâm in illis circumstantiis, quibus hætenus Batavorum & Protestantium armis opitulatus est, conatusque secundavit, tam arcta est colligatio inter rem quam facit, & malum quod contra Religionem sit, ut auctor unius necessariò etiam auctor alterius esse videatur. Fallacia rerum regmina, deceptoriasque facinorum dealbationes, quæso, rebus auferamus, ut nudo inspiciantur examine. Quid est quod Rex Christianissimus fecit, quando, exempli gratiâ, Sylvam-Ducis manibus Hispaniarum Regis extorsit? nempe murorum defensores occidit, mœnia dejecit, portas aperuit, omnia munimenta dissipavit, quibus se Antistes, Sacerdotes, Monachi, Virgines, Pastores plebis, ipse denique Christus Dominus in Augustissimo Sacramento præsens templa sua, imagines suas, sacrificium suum, Sacramenta sua, cultum suum, infirmorumque fidem in ista urbe, totaque diœcesi ejus, ab hæreticorum rabie ignominiisque tuebatur. Quibus sublati, omnia eorum furori & petulantia, nemine amplius resistere valente, patuerunt. Temples continuò, spectantibus adhuc Francis, quorum sanguine occupata traditaque Calvinistis fuerant, partim in Principis Orangii stabulum, partim in armamentaria, aliosque profanos usus conversa; omnia, fractis aris, disjectis imaginibus Christi, sanctissimæque Virginis, veluti sphæristeria nudis parietibus relicta sunt: fugata statim in oculis Francorum omnia Religiosorum sodalitia, qui exules ac profugi toto Belgio vagabantur; Virginum claustra reſerata, & ad sacrilegas nuptias sollicitatæ animæ

propugnacula Religionis expugnavit, qui civitatem hostibus Religionis tradidit, qui hæreticorum furori munimenta Religionis patefecit. Directè enim & per se interficit innocentem, qui fores aperit, & armorum furentemque iracundiâ inimicum in cōclave immittit, ubi jugulum inermis præbeat. Sic directè illi Christianos Martyres occiderunt, qui venenum eis præbuerunt, qui ursis objecerunt, canibus lacerandos tradiderunt: sic Danielem, qui in lacum leonum compulerunt: sic viatorem, qui in latronum implacabilium prodiderunt manus, quamvis in istis omnibus exemplis, damnorum ac mortis executio alienis manibus vel actione peragatur. Quis ergo profanatae Sylvæ-Ducensis diœcesis, destructæque Ecclesiæ, & sacrilegiorum omnium, perditarumque animarum per se, directèque vi actionum illarum, reus erit, nisi qui omne defensionis ejus præsidium ac robur armis abstulit, mœnia subvertit, portas vi aperuit, defensores ejus occidit, & furiosorum impiorumque hæreticorum potestati ac voluntati Ecclesiam atque Religionem tradidit? Hoc est enim innocentem in lacum leonum mittere, vel in innocentem leones immittere, ut alieno ore laceretur.

Huc denique accedit, id quod isti sententiæ non parum roboris ac lucis affundit, quod copiis subsidiariis colligendis ducendisque, quas ad urbes provinciasque Catholicorum Principum expugnandas Christianissimus Rex suppeditat, eos passim supremo cum imperio præficiat, quos in Regno suo noverit ad Ecclesiæ atque Religionis perniciem anhelare, Duces Rohanensem ac Bullionium, Mareschallos de la Force & Chastillonium,

278 DE JUSTITIA FOEDERVM GALLICOR.  
nium, hæreticos videlicet spirantes minarum ac  
cædis in discipulos Domini. Etenim isti sive suis,  
sive militum suorum, quibus directè præsumt,  
manibus, tamquam satellitum ad exequendas in-  
visæ Religionis contumelias, haud secus fidei Ro-  
manæ depressionem, sacrorumque Catholicorum  
stragem de industria connivendo animandoque  
moliuntur, atque ipsi hæretici confœderati, qui-  
bus pro Rege suo ministerium præbent. Quid  
igitur aliud agit Christianissimus Rex, dum tales  
tali animo concitados, tali affectu, obstinatione,  
odio adversus veram Religionem flagrant, quos  
ipse met totusque mundus tales esse novit, non  
ire permittit solum, sed etiam assumit ac mittit  
ad hujusmodi expeditiones cum aliis ejusdem er-  
roris furorisque sociis exequendas; quid, inquam,  
aliud agit, quàm quod directè canes furiosos in  
innocentes immittit? Dum enim hujusmodi du-  
ces plerumque deligit, quibus etiam Tribuno-  
rum, Centurionum, cæterorumque minorum  
præfectorum creandorum potestas datur, quos  
etiam sibi similes plerumque creant; profectò  
satis perspicuè convincitur, eum hæreticis pla-  
cere velle cooperando per hujusmodi belli præ-  
fectos, quos hæresi atque hæreticorum scopo  
cooperaturos novit, non ad urbium tantum, sed  
etiam Religionis expugnationem; atque adeò  
sceleris hujusmodi perpetrationem directè elige-  
re, si non ut finem ultimò concupitum (quod  
hæretici solent) certè ut medium quoddam,  
quo potentiùs hæretici ad Catholicorum Pro-  
vincias occupandas incitentur & adjuventur, at-  
que ad pessumdandam Religionem animentur.  
Paris enim perfidiæ sunt in Deum, paris odii in  
Eccle-

Ecclesiam, parâ acerbitatis in Dei fidem Ecclesiæque Sacramenta, tam Ordines confœderati & Protestantes, quibus fidem extirpantibus, subsidium datur, quàm illud ipsum subsidium, quod moribus eorum congruentissimum seligitur, ac de proposito deliberato datur. Quid igitur vetat, quò minùs facinorum Rex Christianissimus etiam directè reus habeatur.

## C A P V T XXV.

*Etiam indirecta Catholica Religionis violatio reum facit. Fundamentum ex doctrina S. Thomæ, & communi Theologorum.*

**S**ed, ut jam suprâ dixi, nolo de isto unico vocabulo (*directè*) contentiosum funem trahere. Ad animum Christianissimi Regis ab odio Religionis tuendum, aliquid indirecta voluntas facit; innocentiam verò, nihil. Verum est enim, quando directè spectat animus Religionis contumeliam, ut in hæreticis fieri amat, sacrilegium ab ipsâ hærescos, vel deterioris impietatis labe proficisci. Non tamen propterea violatæ Religionis non est reus, quisquis aliâ ex causâ indirectè Ecclesiam atque Religionem lædit. Nam ea, quæ indirectè volumus atque facimus, bifariam dividuntur. Quædam *per se*, hoc est, plerumque aut perpetuò sequuntur actionem, quam directè facimus; quædam *per accidens*, hoc est, plerumque non sequuntur, seu ita rarò, ut merito non vi actionis nostræ, sed fortunâ, aut casu, ex alterius videlicet actione, accidere videantur. Quando igitur ex factis nostris indirectè gravissima sequitur

280 DE JUSTITIA FŒDERVM GALLICOR.  
sequuntur, vel semper, vel plerumque mala, actionem cæteroquin de se indifferentem, reddunt illicitam, perinde ac si directâ voluntate appeterentur; secus verò, si per accidens, hoc est, rarò tantum, & quasi casu aliquo consequantur. Mens ista unanims Theologorum, inter quos D. Thomas eorum ducit. Sic enim ait in quæstionibus de malo a: *Aliquando accidens alicujus effectûs conjungitur ei, ut in paucioribus, & rarò: & tunc agens, dum intendit effectum per se, non oportet quod aliquo modo intendat effectum per accidens. Aliquando verò hujusmodi accidens concomitatur effectum principaliter intentum semper, vel ut in pluribus: & tunc accidens non separatur ab intentione agentis. Si ergo bono, quod voluntas intendit, adjungitur aliquod malum, ut in paucioribus, potest excusari à peccato; sicut si aliquis incidens lignum in silvâ, per quam rarò transit homo, projiciens lignum interficiat hominem. Sed si semper, vel ut in pluribus adjungatur malum bono, quod per se intendit; non excusatur à peccato, licet illud malum non per se intendat.*

Cujus quidem doctrinæ ratio attentè ponderantibus perspicua est. Mala namque, quæ actionem, sive malam, sive indifferentem per se, seu plerumque consequi solêt, ad ipsam naturam ejus quodammodò videntur pertinere; ut in expendendâ actionis malitiâ bonitateque meritò eorum ratio haberi debeat. Quod non ita in iis, quæ per accidens raroque conjunguntur, locum habet. Judicium enim de rebus non secundum accidentes ei fortuitò casus, sed secundum ea quæ naturam ejus plerumque comitantur, pronuntiari debet. Hanc ipse S. Thomas doctrinæ suæ rationem diversis locis expressit, ubi eam etiam ad nocua

a q. 1. a. 3. ad 15.

menta,

menta, quæ animus nec directè intendit, nec prævidit, extendit *a*. Quandoque, inquit, nocumentum nec est praviſum, nec intentum; & tunc, ſi per accidens ſe habeat ad peccatum, non aggravat peccatum directè, &c. ſi verò nocumentum per ſe ſequatur ex actu peccati, licet non ſit intentum, nec praviſum, directè peccatum aggravat. Quia quacumque per ſe conſequentur ad peccatum, pertinent quodam modo ad ipſam peccati ſpeciem; putà, ſi aliquis publicè fornicetur, ſequitur ſcandalum plurimorum, quod quamvis ipſe non intendat, nec fortè prævideat, directè per hoc aggravatur peccatum. Et alio in loco adhuc accuratius eandem doctrinam deducit *b*. Eventus ſequens aut eſt præcogitatus, aut non. Si eſt præcogitatus, manifeſtum eſt, quòd addit ad bonitatem vel malitiam. Cum enim aliquis cogitans, quòd ex opere ſuo multa mala poſſunt ſequi, nec propter hoc dimittit, ex hoc apparet voluntas ejus eſſe magis inordinata. Si autem eventus ſequens non ſit præcogitatus, tunc diſtinguendum eſt: quia ſi per ſe ſequitur ex tali actu, & ut in pluribus, ſecundùm hoc eventus ſequens addit ad bonitatem vel malitiam actûs. Manifeſtum eſt enim, meliorem actum eſſe ex ſuo genere, ex quo poſſunt plura bona ſequi; & pejorem, ex quo nata ſunt plura mala ſequi. Si verò per accidens, & ut in paucioribus, tunc eventus ſequens non addit ad bonitatem vel malitiam actûs. Non enim datur judicium de re aliqua ſecundùm illud quòd eſt per accidens, ſed ſolùm ſecundùm illud quòd eſt per ſe. Nihil luculentius for-  
mandiſque moribus ſecurius tradi poteſt. Quam ob cauſam iſti doctrinæ, uti diximus, communis Theologorum conſenſus ſuffragatur. Nonnulla ſolùm diſceptatio eſt, Utrùm malitia eventuum plerumque conſequentium in voluntatem actionemque



nemque indirectè tantum , an etiam directè refundatur, quemadmodum S. Thomas quibusdam voluisse visus est. Sed ecce cedimus, & indirectè tantum refundi, certioris veritatis fundandæ causâ , concedimus.

Quid ergo hîc respondebitur, ut violatæ nota Religionis abstergetur? An fortè non esse malum, quòd Ecclesia Romana vastatur? Hæc est hæreticorum communis & inveterata blasphemia. Catholici norunt, in malefactis nulla esse graviora, quàm quæ adversus ipsum Deum Religionemque perpetrantur; nulla nocumenta hominibus diriora, quàm quibus fidei veritas subtrahitur, cultus Dei, mysteriaque profanantur. Quid igitur? An causam esse justam Regi, ut stragi Religionis Christianæ civilem Galliæ suæ statum præferat? Hoc nescio, an quisquam Christianus dixerit, de quo tamen uberius paulò post. An fortè Christianissimum illa magna nocumenta non prævidisse, quæ ex fœderibus & suppetiis istis consecuta cernimus? Sed, ut hîc S. Thomas dixit, etiam nocumenta non prævisa perpetrantes maculant, si per se sequuntur ex tali actu, & ut in pluribus: manifestum est enim, meliorem actum esse ex suo genere, ex quo possunt plura bona sequi; & pejorem, ex quo nata sunt plura mala sequi. Sed quis hîc prævisionis defectum causari potest? Sexaginta annorum experientia satiatissimum documentum esse potuit, quid Catholica sacra in urbibus occupatis sub Batavorum potestate paterentur. Si vel unus in universâ eorum ditione supersit pagus aut vicus, in quo non sit abolitum publicum Catholicæ Religionis exercitium (loca postremò capta excipio) Christianissimos Reges innocentes esse concedam. Sin au-

tem omnia undique per universas Provincias fœderatas, contra pacta etiam expressa, non tantum olim, sed etiam toto tempore, quo Rex Henricus IV. & successor ejus, usque ad postremas urbium obsidiones, subsidia ex fœdere submiserunt, in Francorum oculis profanata sunt; quid nisi ludibrium est; istud innocentie Gallicanæ patrocini-  
um?

Sed esto, ignoraverint, quæ toti mundo, ipsi-  
que Francorum legionibus in Baravia Germania-  
que militantibus nota sunt: non est idonea igno-  
rantie excusatio, ubi ipsum ignorasse vitiosum est.  
Nam, ut optime S. Thomas dicit; Ad ipsam quo-  
dammodo peccati speciem pertinent, quæcumque  
per se consequuntur actionem. Speciem autem  
actionis, hoc est, id ipsum quod agitur ignorare  
non licet, quia stertentis imprudentie est; nec in  
præsenti casu ea ignorari potest. Est enim totâ Eu-  
ropâ vulgatissimum, Ordines confœderatos, nul-  
lum exercitium Religionis in publicis templis suis  
pati, nisi quo hæresim profitentur. Ex quo fit, ut  
istas urbium expugnationes, quæ Regi Hispania-  
rum extorquentur, ut Hollandorum potestati pa-  
reant, suppetiasque Gallicanas, Catholicæ Reli-  
gionis exterminatio, hæresisque propagatio, in  
istis circumstantiis non per accidens, aut casu, aut  
rarò, sed per se, & necessariò, & semper consequa-  
tur. Perspicuum est igitur, indirectam illam Ca-  
tholicæ Religionis profanationem, fideique in-  
teritum non minus ad reatum Christianissimis Re-  
gibus imputandum, quàm si directâ voluntate,  
Christi Ecclesiam cum hæreticis devastarent.

## CAPVTV XV.

*Vberius differitur, quâ voluntate Christianissimus Rex  
Catholica Religionis cladem velle censeatur, ex-  
pressa an interpretativa.*

**S**ed ut istius effugii futilitas clarescat magis, paulò pressius latebris ejus explorandis insistendum est: ut & illi, quibus principia morales Philosophiæ atque Theologiæ minùs perspecta sunt, manibus quodammodo suis palpent veritatem.

Itaque sciendum est, non semper ita planè sumi directam atque indirectam rei cujuscumque voluntatem, quemadmodum nos jam jam usurpavimus: sed ita subinde, ut voluntas seu volitio directa sit eadem, quæ *expressa*; & indirecta, quæ *interpretativa*. Voluntas expressa verus, realis, atque, ut loquuntur Scholæ, *positivus* actus est, quo rem hanc istamve reverà cōcupiscimus. Interpretativa non est actus apperendi reipsâ & *positivus* elicited, sed hominum interpretatione, hoc est, æstimatione præsumptus. Quæ divisio voluntatis à diverso existendi modo videtur esse ducta, reali, ac purè morali. Homines enim ea subinde velle, & consequenter etiam facere censentur, quæ nullo verò volendi actu cupiunt, imò quæ expresso voluntatis actu nolunt: idque non temerariâ fingendi licentiâ vel ludibrio, sed ex legitimis rationibus, quas ex professo Theologia moralis veluti primæ scientiæ istius rudimenta explicare & inculcare solet.

Quamobrem istud in eadem sciëntia receptissimum est, hujusmodi indirectam seu interpretativam

vam voluntatem perinde bonitatem ab objecto suo malitiamque contrahere, laude ac vituperio, premio supplicioque dignam esse, atque directam siue expressam, quotiescumque voluntatis & actus propositi circumstantiæ justam ex se causam talis interpretationis seu æstimationis præbent. Inter quas causas illa obvia, scriptisque celebrata est, si is, qui objectum aliquod expressè vult, prævideat, aut certe prævidere possit, ex eo secuturum aliquod malum, quod istis rerum circumstantiis cavere atque impedire teneatur. Tunc enim consequentis istius mali consideratio debet ipsum ab antecedentis boni voluntate revocare; usque adeo, ut, nisi sibi à volendo huiusmodi objecto in ista negotii *meis dicit* temperaverit, hoc ipso malorum seriem consequentium indirectè seu interpretativè velle censeatur. Res exemplis sic perspicua. Feram venator scopi glande petere meditat-ur; videt periculum esse, ne simul viator transiens ictu pereat. Si non obstante isto discrimine jaculatur, quârumvis etiam expresso actu necem hominis istius nolit, molesteque ferat, eam perinde voluisse censetur ac fecisse; patratique homicidii coram hominibus ac Deo reus erit, ac si expresso actu voluisset, ac fecisset. Navarchus, cui creditur est cura gubernandæ navis, videt eam, si à se vitæ suæ tuendæ cupiditate deferatur, cum ventoribus tempestate perituram. Si deferuerit, amissæ navis & vitæ pereuntium reatui haud secus obnoxius erit, ac si perniciem eorum de industriâ procreasset. Ita qui animi gratiâ, furioso gladium præbet, qui rabidos immitit in viatorem transeuntem canes, mortem innocentium interpretativè perinde cupit ac facit, ut si suâ manu

confecisset. Nam qui non impedit malum, quod impedire tenetur ac potest, illud ipsum facere censetur ac velle; ejusdemque efficitur pœnæ reus, quemadmodum si *purus*; directè expresseque voluisset ac fecisset. Sic enim & ille, qui aliquid scire debet & potest, moraliter illud scire judicabitur, quantumvis reipsâ ignoraverit: atque in proposita interpretativæ volitionis questione paria sunt, prævidisse malum, & prævidere potuisse atque debuisse.

Secundum hæc igitur volendi & faciendi discrimina, communissimo Philosophorum Theologorumque stipulantium calculo probata, non est difficile Politicorum Francorum exceptionem de excidio Religionis, à Christianissimo Rege solum indirectè volito & commisso, discutere atque evertere. Quamvis itaque non dubitemus, quin præter, imò contra directam expressamve Regis voluntatem ruina Ecclesiæ pessumdataque Religionis labe ex fœderibus ejus consequatur; simul tamen rerum circumstantiæ nos dubitare non sinunt, quin, juxta principium jam constitutum, belli fœdera cum hæreticis paciscendo, fœderum scopum victoriæ hæreticis exoptando & procurando, denique victoriæ fructum hæreticorum jugum Catholicis imponendo, Religionis extirpationem interpretativè velle & facere dicendus sit. Non enim ambiguum ei ullo pacto aut improvisum esse potest, secundum ea, quæ superius de ratione belli gerendi confœderatorum Ordinum, & constanti sexaginta annorum experientiâ disseruimus, quin pro genio hæresios, præsertim Calvinianæ, dira sint Catho-

*a* Vide dicta c. 10. & 14. *Vide & infra* l. 2. c. 22. & seq.

licæ Religioni ex talium principatu & dominatione patienda. Quod quamvis etiã ignorasset, nihil ei proderet ad innocentiam. Ut enim tradit certa consentiensque moralium Philosophorum atque Theologorum sententia, rerum illarum ignorantia, quas possumus ac tenemur scire, actionem, cui causam dedit, haud secus in culpam imputari facit, ac si eas reipsa scivissemus. Nam quemadmodum voluntas est vice facti, cum facere volentes non possumus quod tenemur: ita ignorantia est vice scientiæ, cum scire possumus quod tenemur.

Nec verò fallatur Christianissimus Rex, vel ab excisæ Religionis labe tutam purgatamve putet esse conscientiam suam, ex domestica quadam religiosi affectus experientia, quem etiam lachrymis ubertim fusis demonstrasse dicitur, quando aures ejus, auditâ Germanicarum Ecclesiarum calamitate, Religionisque cladibus, tinniebant. Nihil est enim aut mirum aut novum, contrarios affectus in eodem animo pariter sedem figere, atque ibi vel de victoria pertinaciter contedere, vel, uno licet dominante, alterum stimulis perperuis animum lancinare. *Due quippe voluntates*, quod suo experimento se didicisse Augustinus *b* tradit, *carnalis & spiritualis*, sæpè *confligunt inter se*, atque *discordando dissipant animam*. Doluit Herodes Baptistæ necem, quem etiam libenter audiebat, sed aliâ dominante voluntate necandum dedit. Novimus quosdam, ut idem alibi, gementes ac flentes peccata perpetrare, quæ, non obstante improbitatis horrore & nonnullo virtutis amore, aliâ vincete cupiditate cõmittunt. Quis enim est ille Christianus, cui, quoad in ipso vivat scintilla

a *Aug. l. 8. Conf.*

fidei, & spes salutis reliqua sit, non sæpè gemitum, subinde & lachrymas exprimat statûs damnati conscientia, in quo remordente synteresi perseverat? Fallaces lachrymæ sunt, quas non commissi pœnitentia, sed perseverantia comitatur: nec illæ tam ad placandum Deum, quàm irritandum valent. Luculentum quippe perhibent testimonium, quàm pertinaciter in eâdem voluntate, siue expressâ, siue interpretativâ, persistat animus, quem neque Religionis excisæ miseratio, neque gemitus à Spiritu sancto inspirati, neque lachrymæ cœlitus depluentes emollire, & ab injuriis Religionis revocare potuerunt.

Nec verò hîc mihi verendum est, ne injurias Religionis juxta moralis Theologiæ cardines appellando, injuriam ipse Christianissimo Regi faciam. Cum enim ignorare non possit, ut jam antè declaravimus, quin Calvinistæ, quibus fœderatus consilia, pecunias, milites, arma sufficit, pro istius hæresis indole ac furore, victoriam adeptumque dominatum in Catholicæ Religionis perniciem & excidium conversuri sint; atque hoc ipsum fœderis rescissione, pecuniarum subtractione, militum revocatione, pro officio Christiani hominis, & Christianissimi Regis, impedire possit atq; teneatur; hoc ipso profectò, quo hæreticæ factioni consilia sua inspirare, furentibus arma, auxiliares copias, bellique nervos suppeditare non desinit; victoriæ hæreticorum, & excisæ per ipsos Religionis, vera, moralis & interpretativa causa est; omniaque conjuncta sacrilegia non solum moraliter & interpretativè voluisse, sed ipse quasi manu suâ, divino humanoque judicio, designasse reputatur.

C A P V T XVI.

*Solvitur Francorum adversus doctrinam traditam ob-  
jectio; & ostenditur, teneri Christianissimum Regem,  
etiam cum periculo politici statûs, fœdera cum heret-  
icis rescindere.*

**A**T verò aduersus istam de interpretativa de-  
structæ Religionis voluntate doctrinam sic  
politici statûs patroni insurgere conabuntur. Di-  
stinguendum esse dicent inter eventus malos, qui  
naturali quadam colligatione seu consecutione  
nostram actionem consequuntur, & eos qui ex  
aliorum libera dumtaxat voluntate seu malitia se-  
qui solent. Esto igitur, doctrina ista de indirecta  
vel interpretativa malorum eventuum voluntate  
in prioris generis effectibus vel semper, vel po-  
tius plerumque, locum habeat; nullo tamen modo  
generaliter ad illos casus extendi potest, in quibus  
eventus malus nullo naturali nostræ actionis in-  
fluxu, sed ex sola libera voluntatis alienæ perversi-  
tate sequitur. Nam ex communi Theologorum  
sententia nemo tunc tenetur ab huiusmodi actio-  
ne temperare, si justam aliquam habeat causam ra-  
tionemque faciendi. Ex quo fit etiam, ut tunc ne-  
que expressè, neque interpretativè, mala conse-  
quentia velle, vel perpetrare, vel eorum reus esse  
censeatur. Quod infinitis exemplis, vel actis, vel  
saltem quorundam Theologorum opinione pro-  
batis, declarari potest. Nam isto ex capite fuit,  
quòd, qui usuram à fœneratore pressus necessitate  
petit, peccati alieni, commissæque iniquitatis usu-  
rariæ non sit reus: ut mulier moderato cultu ex  
causa prodiens non sit moraliter impudicæ volun-



tatis causa, quâ sese ab alio appetendam videt: ut Respublica non teneatur cædis innocentium, quos tyranno alioquin sibi exitium intentanti tradit, quamvis videat eos injustè ad necem esse rapiendos. Cujusmodi plura facile occurrent cogitantibus. Jam igitur illa horrenda funestaque Catholicæ Religionis mala, quæ tamquam eventus quosdam ex fœderibus suppetiisque Gallicanis pullulantes recensuimus, non aliqua naturali connexionè consequuntur ex illa ipso quod Rex Christianissimus facit, sed ex sola malitia Batavorum ac Protestantium, præter intentionem ac scopum Regis. Non enim ipse spectat aliud, nisi ut fœderati sui, & ipsemet, statu quisque suo tranquille secureque potiatur: quidquid verò consequitur ex ipsis mali, hoc tantum permittit, gemit ac dolet. Nec verò desunt justæ, inquit, fœderum suppetiarumque causæ, propter quas ab eis neque propter prævisum Religionis interitum abstinere teneatur. Nam rei cuique maximè naturale est, se statumque suum sive infimum, sive medium, sive summum adversus omnes omnium injuriam, extraque impugnantium incursum ac motus incolumem tueri. Quod eò arctius Principibus incumbit, quò pluribus præsumt, quorum temporalis pax & salus à Regni incolumitate ac tranquillitate dependet. Numquàm verò poterit Regnum Galliæ satis esse tutum, vel securus Francorum Rex, nisi formidolosa illa Regis Hispaniarum & Austriacæ Domus potentia, quæ assidue vicinorum terris & regnis inhiat, continuis bellis atteratur, debilitetur atque frangatur. Quo fit, ut justissima sit fœderum cum infidelibus atque hæreticis percussorum ratio, nec ab illis propter Religionis

ligionis clades, fidemque Catholicam alienâ perversitate proterendam, abstinere teneatur. Hic est speciosus ille fœderum subsidiorumque fucus, sub quo & falsitas rationum, & fœditas actionum, quibus Ecclesia perturbatur, latet: quem idcirco cum omni apparatu suo spectandum exhibui, ut totius quæstionis cardo cerneretur, & planius veritas elucesceret. Nititur ergo, ut videtur, rota machina brevi istâ complexione: Nemo secundum Theologorum sententiam tenetur ab actione per se licitâ, & consequenter à fœderibus ex se licitis, abstinere propter mala, quæ inde alienâ voluntate consequuntur, quando justam aliquam causam habet illa faciendi: atqui Rex Franciæ justam habet causam persecutiendi fœdera cum infidelibus per se licita, ac dandi suppetias hæreticis; ut videlicet contra potentiam formidolosam Domus Austriacæ, & ejus animum assiduo Franciæ inhiantem, Regnum suum tueatur: ergo non tenetur ab illis abstinere propter mala, quæ inde alienâ libertate consequuntur. De utraque antecedentis parte pauca dicturi, à posteriore inchoemus.

Timorem illum, quem funestis conatibus suis de Austriacæ Domus formidabili potentia, æmulatione, ambitione prætexunt, vanum esse, non uno evidens fieri potest modo. In primis enim, non est quod Reges Galliæ eam reformident magis quàm cæteri Principes Catholici, imò hæretici, quorum longè inferior est potentia, quàm Regis Galliæ: qui tamen cum illa Domo, quando maximè formidanda videbatur, inperurbatam pacem securi coluère. Etenim non minus Galliæ, quàm cætera Regna & Principatus, per

foedera cum illâ Domo sancienda sibi securitatem firmitatemque polliceri potest : & siquid intra pacis foedera tentaverit, aliorum Principum Catholicorum vires sibi alternis foederibus ad suppetias obligare. Cur hujusmodi ferendarum invicem suppetiarum vincula cum solis hæreticis nectuntur, quæ passim cæteri Principes Catholici hætenus contempserunt? Quid, quod Austriaca Domus non semel Orbi Christiano patefecit, quàm fuerit in pacem cum Christianissimo Rege paciscendam prona; quantâ fide pactam custodierit? Nónne ipsi Franci non semel, sinceritatem ejus prædicando, sibi gratulati sunt, quod ante paucos annos, Rege impubere, Gallis Principibus res novas molientibus, turbatoque Regno, ne nutu quidem sibi novos motus probari demonstraverit? Novimus quosdam ex primâ nobilitate Gallicanâ, cum in fidem Hispaniæ Regis imploratam, si se recipere vellet, tradere parati essent, stante pace repudiatos. Denique si Christianissimus Rex propter discrimen, quod Catholicæ Religioni imminere cernit, à foederum istorum turpitudine temperaret, non potest de Dei justitiâ munificentiaque dubitare, quin ille, qui Iudæorum perexilem Rempublicam inter media infidelium potentissimorum Regna tot sæculis conservavit, ipsumque porro Galliæ Imperium hætenus tutatus est, tanti obsequii consideratione & compensatione, politicum istius Regni statum pessumdari vicinorum ambitione non sinat.

Ex quorum etiam consideratione nascitur, ut non sit justa illa causa percutiendi foedera cum infidelibus, ex quibus tanta Religionis Catholicæ strages percellitur. Vano etenim falsoque funda-

fundamento nititur confictâ Monarchiæ affectatione, cui vera justaque fœderum causa imponi sine temeritate non potest. Quotò verius solidiusque non stolidus quisque rerum æstimator dixerit, Christianissimum Regem universis Europæ Principatibus inhiare, Monarchiam affectare, Carolinum Imperium ex omnium ruinis de novo meditari, & specie tuendæ propriæ libertatis, omnium Principum machinari servitutem? Quid enim aliud spirat illa postrema in Belgium expeditio, illa Lotharingiæ & Alsatiæ, nihil ad eum pertinentis, occupatio, illa Germanicarum urbium invasio, illa Italicarum detentio, & quasi Italiæ subarrhatio, illæ decantatæ laudes Regis & Cardinalis de prolatis Imperii terminis, illud clâssicum contra universos Catholicos Principes, quod Arroyi insanæ, Censoribus probatæ, & Regi ipsi dedicatæ voces canunt? Sed quia benignior ille de Austriacâ Domo sensus, vel fiducia in Deum vivum, exasperatis perculsisque animis difficile persuaderi potest, prioris & quasi majoris propositionis, quæ magis Theologici fori est, veritatem attentius trutinemus.

Primum igitur dicimus, fœdera ista cum hæreticis Batavis & Protestantibus inita, non esse actiones per se licitas, sed naturæ diuinæque legis jure damnatas, ut jam in præcedentibus a fusè declaratum est. Sunt enim aperta rebellium adversus legitimum Principem adjutoria, & adversus Religionem, quam ipsi destinatâ voluntate poterunt, conspiratio, quamvis nihil extrinsecus accedere fingeretur mali. Quantumvis enim per se licitum sit, Regnum statumque suum armis ac fœderibus

deribus tueri, non tamen injustis, docendo rebellare; vel impiis, servando sacra subvertere, quod jam antè satis egimus.

Sed statuamus Batavos ac Protestantes neque rebelles esse adversus homines, neque ex professo in bellis istis arma ferre adversus Deum: fingamus etiam, certioris doctrinæ collocandæ causâ, verum esse, quod non minùs falsis, quàm invidiosis vocibus crepant, temporali Francorum Regno Hispanum inhiare; adhuc falsitatis impietatisque plenum est id, quod assumitur in fœderum istorum patrociniũ. Quod ut clariùs percipiamur, observandum est discrimen aliquod inter mala, quæ ex actionibus per se alioquin licitis, consequi solent. Quædam enim ex liberâ voluntate ejus malitiâque proficiscuntur, quæ ipsemer illa patitur, adeoque sibi met ipse facit: quemadmodum, ut ab ante-dictis exemplis non recedamus, lubricus ex conspectu pulchræ mulieris, usurarius ex petente mutuum, suâ sibi voluntate malum seu peccatum parit. Sic & ille, qui virginis amore captus violentas sibi ipse inferret manus, quia sibi illa detrectaret nubere. Alia verò, quæ ex actione alioquin per se licitâ pullulant mala, inferuntur alteri cuipiam tertio nolenti: ita ut omninò invitus illa patiatur. Quod igitur attinet ad illa prioris generis mala, passim sufficere solet, quòd operans habeat aliquam justam actionis illius exercendæ causam, quatenus eam citra incommodum aliquod suum non possit prætermittere, ut istiusmodi malorum, quæ sibi alter suâ libertate consciscit, nullo modo interpretativè causa esse reputetur. Ita communiter in materiâ de scandalo Doctores tradunt. Non enim alter nisi à seipso,

seipso læditur: quamvis majoris caritatis nonnumquam foret illud ipsum incommodum devorare, ne proximus etiam a seipso liberâ suâ voluntate lædatur. Quod verò spectat ad illa posterioris ordinis mala, quæ cuipiam tertio ex actione nostra, contra voluntatem ejus inferuntur, quæque propterea invitus patitur, non sanè quæcumque justa illius alioquin exercendæ causa sufficit, ut operâs ab injuriarum reatu, quas ille nolens patitur, liberetur; quando videlicet præscit, aut faciliè præscire potest, actionem suam ad illas injurias inferendas, quamvis remotius, & absque expressâ voluntate vel directâ intentione conferre. Sed ut aliquando talis excusetur, nec eas interpretativè voluisse, aut fecisse, nulloque modo earum reus esse censeatur, casus & causa hujusmodi esse debet, ut alter sive tertius ille, jure ac merito potius illas injurias aut incommoda tolerare debere judicetur, quam operans propter illas ab actione sua temperare, & ejus exercendæ jure privari. Hinc itaque contingit, ut in postremo exemplo superius adducto maneamus, quòd ex plurimorum Doctorum opinione possit Respublica sine reatu criminis, innocentem in manus tyranni, à quo iniquè novit occidendum, tradere, si ille, nisi eum sibi tradiderit, ferro flammâque depopulandam esse comminetur. Nempe quia innocenti isti meritò potius mors ipsa ex pietate in Rempublicam subeunda judicatur, quam desiderandum, ut Respublica excidatur & pereat. Et è contrario, innocens captus ad evitanda tormenta non potest in manus hostium iniquorum Rempublicam certò perdendam tradere, ut ita semetipsum ab interitu imminente tueatur. Nemo quippe sanè

sententiæ existimaverit, Reipublicæ potius eligendum esse, ut ipsa funditus excidatur, quàm ut innocens perimatur. Videat igitur Christianissimus Rex, & quotquot veri sunt in ipsa Francia Christiani, utrum comoda vel incommoda, quæ pro foederibus ac suppetiis hæreticorum ac rebellium purgandis afferuntur, talia tantaque sint, ut judicari possit, quodd jure ac merito Catholica Ecclesia, & ipse sponsus ejus Christus universa illa sacrilegia, nefandasque suæ Religionis depopulationes, & fidei ipsius excidium, potius debeant pati, quàm quodd eorum intuitu Christianissimus Rex ab hujusmodi commodis sibi procurandis, & incommodis fictis aut veris vitandis, abstinere teneatur. Quid enim? An fortè politicum temporalemque Regni transitorii statum Religionis excidio, Ecclesiæque stragi, præponderare arbitrantur? Equidem scio, hunc esse immobilem quasi cardinem, in quo adultera temporis hujus politica quibusdam in locis vertitur: scio itidem, quodd, quemadmodum cum rerum admiratores transeuntium exosculantur, ita veritatis amatores velut Christianismi pestem, atheismi surculum, Regni que, quod in terris inferorum portæ molliuntur, fundamentalem legem exhorrescunt. Cujus quidem impietatem ita ex se perspicuam esse sentit animus veraciter Christianus, ut sine laborioso argumentorum apparatu, solâ sui propositione, terminorumque luce, oculos eorum feriat, percellatque horrore conscientiam. Quid enim illâ impietate impudentius, vel illa impudentiâ effrenius excogitari potest, quàm si servus & cliens domino suo, vicarius Regi suo, filius patri aut matri suæ, creatura creatori, ipsâ beneficio-

rum & Regni vicariâ concessione, velut ejus jam legibus emancipatus, in faciem ingerat, non se teneri cum detrimento pereuntium facultatum suarum, quas illius solius nutu plurimis arctissimæ clientelæ vinculis obnoxias tantillum possidet, Regni dominici incolumitatem curare, vel domini sui honorem ac dignitatem tueri, propter cujus solius obsequium & cultum facultates omnes, Regnumque ac vitam ipsam suam fiduciario jure suscepit? An fortè existimat Christianissimus, se in Regni sui administrandi tuendique curâ, nullâ ministerii lege, Christi Domini sui regno promovendo devinctum esse? non se magis spectare debere, ut Regum Regi Deo sua seruetur salva fides ac Religio, quàm ut sibi ipsi sua vicaria constet auctoritas? An dicere forsan ausus fuerit Deo: Honor tibi tuus, Christe, pereat, Religio tua, quâ inter homines in terra coleris, fidesque delectatur, dum Regni mei sit mihi salva dignitas? Nihil interest, an minuatur imperium tuum, dum crescat meum? Iustum est, ut Regnum meum regni tui accisione, oppressione, ruinisque muniatur? Hoc enim fœderum istorum atque suppetiarum voces altissimè clamant; quamvis in hujusmodi orationem aut sensus Christianissimi Regis animum prorumpere non posse sciam. Novit ipse, se cum cæteris ad Christi tribunal sistendum esse: se totius administrationis ac ministerii sui Deo, tamquam Domino, cui ista in omnibus famulari debent, rationem redditurum, non jam vestitum purpurâ, coronâque redimitum, sed eâ, quam cum cæteris communem habet, originis lege nudum; in primisque conveniendum, Utrum in omnibus actionibus privatis atque publi-



298 DE JUSTITIA FOEDERVM GALLICOR.  
 publicis filius, vicarius, vasallus, ac servus primam  
 honoris patris, Regis ac domini sui habuerit ra-  
 tionem? Utrum Christianæ Religionis asserendæ,  
 tuendæ, propagandæ, quæ totius honoris divini  
 fundamentum est, Regnorum omnium tempora-  
 lium finis, totius machinæ cælestis terrenæq; sco-  
 pus, præcipuâ curâ laboraverit? Utrum domini sui  
 damna & lucra, sive directè sive indirectè, sive ex-  
 pressè sive interpretativè, non postposuerit suis?  
 Quid enim interest Dei, sive directè sive indire-  
 ctè, sive expressè sive interpretativè, à Regibus, re-  
 rum privatarum cupiditati servientibus, regno suo  
 inter homines fundato spoliatur? Ipse perinde ex-  
 cidit imperio suo; Rex perinde utrovis modo pec-  
 cat in officium suum. Nimis enim enormiter aber-  
 rant Reges, si privatum tantummodò securius la-  
 tiusque imperandi fastum ad curam suam pertine-  
 re arbitrantur; Dominici interim regni, hoc est  
 Ecclesiæ, incrementa ac decrementa susque deque-  
 ferant.

## C A P V T XVII.

*Reges vasalli sunt incarnati Regis Christi. Quanta in-  
 de fidelitatis obligatio in Regibus Christianis erga  
 regnum Domini sui.*

**N**Am, ut ea vincula, quæ paulò antè strictim ge-  
 neratimque proposuimus, paulò distinctius  
 per capita diducamus, arque inde clarius perspicere  
 possimus, utrum Christus Regum Dominus, &  
 ipsius Ecclesia, Catholica Religionis profanatio-  
 nem, hæresiumque dilatacionem & imperium su-  
 per Catholicos ferre potius debeant, quàm Rex  
 Francorum ab illis pactis foederum suppetis que-  
 tem.

temperare, cogitandum etiam atque etiam Regibus est, non ita se esse rerum dominos, quin Dominum se superiorem agnoscere & colere teneantur. Illius vasalli sunt, à quo coronam & sceptrum, vitamque ipsam, fiduciario seu feudatario jure receperunt. Quis verò nesciat, primam esse vasalli legem, magnitudinis suæ auctorem venerari, fidemque & obsequium præstare patrono suo? cujus tam arcta est obligatio, ut ei periclitanti opem ferre, omniaque humanitatis officia exhibere, imò verò etiam adversus fratres ac liberos suos pro salute ejus arma capere teneatur. Fides enim ac dignitas agitur; cui sempiterna inuritur labe à cliēte patroni desertore. Nam inde nascitur, ut, si *a* indecentibus machinationibus dominum offenderit; si dignitatē ejus sugillaverit; si *b* domini castrum oppugnaverit; si *c* periclitantem deseruerit; si aliquem *d* domino mortem, captivitatem, aut jacturam facere molientem, fraude celaverit; si *e* eum, cum potuerit, non liberaverit; si finimicis ejus suas amicitias copulaverit; si in aliis *g* sic versatus fuerit, ut potius inimicus, quam fidelis esse credatur; jure commissi feudo excidat: quòd si simul subditus fuerit, etiam læsæ Majestatis plerumque reus habeatur. Cum igitur Reges à vasallis suis, homines ab hominibus, tantam fidem pro tuenda Regni statusque sui dignitate postulent; quanta erit illa, quam sceptrorum suorum largitori Deo, ejusque regno tuendo, Reges ipsi adversus perduelles Majestatis ejus præstare tenebuntur? Sed, ô humanæ cæcitatibus miseriam! cum mortalis mortali, lege hujusmodi fidelitatis, crimine obnoxius fuerit, indignum facinus.

N. 6

&amp;

*a* lib. 2. de feud. consuet. tit. 57. *b* lib. 1. tit. 5. *c* lib. 2. tit. 2. *d* ibidem. *e* ibidem. *f* lib. 2. tit. 57. *g* ibidem.

& feudi, statûs, vitæ jacturâ luendum, Principes vociferantur; & cum ipsi in juratam Domini sui fidelitatem sexcenties tetriora perpetraverint, mirâ judicii perversitate se innocentes putant. Quàm enim bellè cum istâ arctissimâ fidelitatis lege concinit ista cum inimicis Domini sui fœderatio, ista armorum cum hostibus ejus sociatio, ista templorum, in quibus Dominus eorum residet, sacrorumque traditio, ista regni Domini sui dira depopulatio? pro cujus defensione ac gloria, proprium sceptrum & vitam, sicut acceperunt, ita ejusdem rursus fidelitatis jure offerre, impendere, abjicere & conculcare debuerunt. Et cum armis ac militibus suis, hoc est, totis accepti à Deo feudi viribus, Domini sui regnum hostibus tradendo prodiderint, ac tacitè devastaverint, unâ frigidâ excusariunculâ datam Domino fidem se liberasse putant, si se res suas temporales egisse, *indirectè* tantum Domino suo nocuisse cavillentur. a O filii hominum, usquequò gravi corde? Ut quid capite plectitis eos, qui, cum subditi & vasalli vestri sint, hostibus Regnum vestrum invadentibus fœderati opem ferunt, quamvis non perniciem vestram, sed proprii statûs incrementum se moliri securitatemque causentur? Cur non hic isti præclara excusationi *indirectæ* læsionis in vos directæ acquiescitis? Hic oculati estis ad futilitatem ejus penetrandam: hi, justissimi ad impietatem ejus persequendam. Sed quæ illa justitia, à debitoribus cuncta poscere, creditoribus nihil reddere? b *Excolantes culicem, camelum autem glutientes.*

a Psalm. 4. b Matth. 23.

## CAPVT XVIII.

*Ecclesia Mater Christianorum, Sponsa Christi Regum Domini. Quantum vinculum inde in Reges.*

**N**Am si ceteros quoque humanæ civilisque conjunctionis titulos exploremus, ex quibus, propter sensuum nostrorum propinquitatem, familiarius faciliusque, ad capienda spiritualia, veritas hauriri potest; tam arcta esse nonnulla vincula comperiemur, ut nec directè, nec indirectè, sine impietatis nota, violari queant. Hujusmodi sunt inter filium & matrem, inter filium & patrem, inter servum ac dominum: quibus quamvis plurimum inter homines, juxta divinas leges humanasque, debeatur, perexiguum hoc tamen est, & penè nihil, si cum iis, quæ Ecclesiæ ac Deo, tamquam matri, patri ac domino, homines, adeoque Reges debent, æquâ accuratâque lance trutinentur. Quis umquam filio satis ad innocentiam esse censeat, qui nihil matris suæ pulsationem, perniciem, interitum, ipso inspectante procuratum curet, dummodò non suo ipsius scelere directè interfecta esse dicatur? Quid si & arma suggerat, quibus petatur; listores, à quibus vinciat; lora, quibus cædatur; tela, quibus occidatur, hostium videlicet, quos in eam ferocientes videt, atrocitate, non suâ? an illum judicabis filiali fecisse pietati officioque satis? Quod umquam tribunal parricidio absolveret tantum scelus? Hoc enim ipso, quo mater est, non solum non directè, sed nec obliquè, fas est eam interimere; imò interimentibus non obijcere peccatus & latus, est magnum nefas. Ex quo jam olim rectissime ex intimo naturæ fundo quidam Py-

thagoricus a: Γονέων ἀμελὲν ἔτε δαίμωνι, ἔτε ἀνδρῶν  
 σύμβουλῃ ἀρπύγων γένεσσι τοῖσι σύμμετρον ψυχᾶς κεκτημέ-  
 νῃ ἐπιστάμεν. *Parentes negligere, neque demon, neque*  
*hominum quisquam, qui vel mediocriter sapiat, umquam*  
*cuiquam consuluerit. Quòd si parentibus carnis tanta*  
*pietas debita est, ut*

a Γεννητόρων ἕνεστι κρῖθαι ἐν κελῶν;

*Genitorum gratiâ mori honestum sit.*

quâ fronte genitricem spiritûs in æternam vitam  
 filius ejus primogenitus non tantum negliget, affli-  
 ctamque deferet; sed hostium ludibris prostitu-  
 tam ipse ad extremos agonizæ singulus adiget, ut  
 eâ ab inimicis, exitum ejus anhelantibus, trucidan-  
 tâ, se adhuc innocentem esse gloriatur? Quasi verò  
 pereuntis matris multum intersit, directè an indi-  
 rectè, filio collaborante, pereat, dextrâ sinistrâve  
 feriat, fallaci arte, an aperto Marte præcipitetur  
 in perniciem. Unum interest, quòd ista fucata æ-  
 quitas duplex iniquitas sit, dum & veræ impietatis  
 crimen adjuvat, & falsæ pietatis gloriam querit,  
 hostis induens atrocitatem, & filii simulans inno-  
 centiam. c *Nolite errare; Deus non irridetur.*

Non enim dumtaxat mater Ecclesia, sed etiam  
 Christus ipse, sponsus ejus, Regumque Pater ac  
 Dominus, injuriis istis lacessitur. Sponsæ injuria in  
 sponsum redit: violatio ejus etiam indirecta, sine  
 gemitu & fremitu sponsi esse non potest. Si quis  
 honestis, inquit sanctâ libertate Petrus Damiani d,  
 ac pudicissimis thalamis tuis inferre moliretur inju-  
 riam, quis necessarius tuus, quis domesticus, auderet  
 illi familiaritate conjungi? Quis illorum præsumeret  
 in amicitia foedere copulari? Si ergo homo cum ad-

versa-

a Pempelus Pythag. ex Platone lib. 11. de Legibus. b Cleanetus.  
 c Galat. 6. d Petrus Damiani lib. 7. epist. 10. ad Gethisfridum  
 Pucium.

versario domini sui concordia fœdus inire non audet, quo pacto sublimitas tua illi communicare non timuit, qui sponsam Christi, sanctam scilicet Ecclesiam, quasi per obscœni lenocinii stuprum violare presumpsit Dei quippe hostis esse convincitur, qui ejus inimico in amicitia sociatur. Jam verò scalas erigere, sponsæ fenestras frangere, fores ejus irrumperere, gladio perimere defensores ejus, quis vel insanus dixerit esse innocētē, quamvis ab alio honestati ejus injuria inferatur?

C A P V T XIX.

*Reges vicarii sunt Christi Regis omnium. Quis sit ordo naturalis inter regna & Ecclesiam, & utrorumque defensionem.*

**Q**uid, quodd hæc eadem injuria est devastatio hereditatis & regni Dei, quod a acquisivit sanguine suo, quod ei in præmium acerbæ passionis à Patre retributum est? b Postula, inquit, à me, & dabo tibi Gentes hereditatem tuam, & possessionem tuam terminos terra. Et rursus Isaias c: Si posuerit pro peccato animam suam, videbit solum longævum. Cujus quidem regni sui gloriam & auctoritatem, præ omnium terrenorum regnorum fastu, tantâ completur cunctitudine dilectionis, ut per Prophetam dixerit: d Gens & regnum, quod non servierit tibi, peribit, & gentes solitudine vastabuntur. Non ait, Quod te affligerit, conculcaverit, everterit, sed, quod non servierit tibi, peribit.

Nam ex quo Filius Dei incarnatus, e & ab eo constitutus est Rex super montem sanctum ejus, hoc est, super Ecclesiam; ipsi soli omnis Regnorum Regumque

a. Act. 20. b Psal. 2. c Isai. 53. d Isai. 60. e Psal. 2.

gumque gloria servite debet, utpote quos ipse minimarum rerum, hoc est, temporalium, & instar fumi transeuntium, administratos in imperio suo statuit. *Reges eorum*, inquit *a*, *ministrabunt tibi*. & iterum: *Erunt Reges nutritii tui*, & *Regine matrices tuae*: *vultu in terram demisso adorabunt se*, & *pulverem pedum tuorum lingent*. Et omnium apertissime Daniel *b*: *Ut regnum & potestas, & magnitudo regni, quae est subter omne caelum, detur populo sanctorum Altissimi*: *cujus regnum, regnum sempiternum est, & omnes Reges servient ei*. Hinc fit, ut humanus iste Principatus, qui propter caducam hujus vitae rationem ad breve tempus durat, nisi regno summi istius Imperatoris amplificando serviat, ex Magni Constantini judicio *c*, ἡ μακροτέρα τῶν αἰπέλων ἢ ποιμένων ἀρχῇ, ἢ βεκέλων, μακρόν δὲ ἰερωδεδότος: *Caprariorum, pastorum, ac bubulcorum imperio non multo praestantior, sed molestior sit*. Aeternus enim solum aeternitatis suae principatum regnumque diligit; in cuius gloriam & amplificationem torquet ipse, & ab omnibus temporalium suorum Principatumum Praefectis retinueri cupit ac jubet, quidquid per temporum lapsus fuit. Quidquid igitur amplitudinis, firmitatis, gloriae, fastusque transitorii, mordaces illae hominum curae, quas Regna vocant, amatoribus rerum frivolarum polliceri videantur, illi regno comparatum, cuius solius gloriam Christus diligit, spectat & quaerit, velut crepundia sunt apud Deum: cui nisi ultro serviant, & sive directe, sive indirecte, collata cedant, d *quasi in favillam astiva area, qua venio rapitur, conserenda sunt*.

Hic

*a* Isaia 49. *b* Dan. 7. *c* Apud Euseb. orat. de laud. Constantini. *d* Daniel. 2.

Hic igitur ordo rerum naturalis est, ut corporalia corpori fovendo tuendoque serviant, & corpus animæ; hoc est, ut ipsa corporis salus ad ordinatam appetitionum requiem referatur. Sed quia homini non quælibet, sed anima rationalis inest, totum hoc, quod habet commune cum bestiis, subdi debet pæi salutique animæ rationalis, quod mente aliquid utile contempletur, & secundum hoc aliquid agat, ut sit ei ordinata cogitationis actionisque consensio. *Ad hoc enim, inquit Augustinus a, velle debet nec dolore molestari, nec desiderium perturbari, nec morte dissolvi, ut aliquid utile cognoscat, & secundum eam cognitionem vitam moresque componat.* Hic igitur, ut dixi, in uno homine ordo naturalis est: quæ si in humana vita perturbetur, ut vel externis corporis alimentis ac subsidiis inordinatè utatur, plus minùsve usurpando, quàm saluti corporis expedierit; vel internis inferioris partis motibus, præter animæ rationalis leges ac præscripta, raptetur; morbos in corpore, vitamque flagitiosam & facinorosam in animâ fieri, necesse est. Quibus duobus malis, tota corporis & animæ harmonia corrumpitur. Ad eundem modum de duabus illis communitatibus, terrena atque cælesti, Republica & Ecclesia, regno, inquam, temporali hominum, ac regno Dei vivi, quæ sibi in hoc mundo in vicem conserta vivunt, veritas accuratius consulta statuendum esse præscribit. Nam uti tempus æternitatem, & omnis motuum volubilitas agitatio quietem, velut finem suum, respicit: ita terrena Communitas, & omnis ejus Præfectura, ad cælestem, temporalis ad perpetuam, Regnum hominum ad Regnum Dei, hoc est, Respublica ad Ecclesiam, inter Christianos referri

debet



debet. Nam quemadmodum in brutis summa vitæ lex est salus corporis, & carnalium, uti diximus, appetitionum quies; quæ tamen duo in homine altiori lege, hoc est, quatenus animæ rationalis paci & integritati cōvenit, moderanda sunt; usque adeo, ut & corporis vulnera, & animi dolores, & utriusque dissolutio, seu mors, pro conservanda rationalis animæ integritate subeunda sint: ita in Regnis infidelium, quæ nihil de sublimiori regno Dei inter homines fundato perceperunt, suprema lex est tēporalis Reipublicæ pax & salus. Sed inter Christianos, Reipublicæ & Ecclesiæ, hoc est, regni simul humani diviniq̃ue consortes, salus illa temporalis Reipublicæ tota juxta diviniore regni pacisq̃ue leges, quam ordine naturali respicit, dispensanda, hoc est, procuranda & conservanda est. Nam, ut profundissimus ille Doct̃or præclarissimè a, *Omnis usus rerum temporalium refertur ad fructum terrena pacis in civitate terrena*, hoc est, in regno temporali; in celesti autem civitate, hoc est Ecclesiâ, ubi terrenæ civitati mixta est, *ad fructum pacis æternæ*.

Ex quò efficitur, ut, si temporalis Reipublicæ salus & securitas, Ecclesiæ strage procuretur, haud secus peccetur in ordinem naturalem, quem juxta August. b *lex æterna conservari jubet, perturbari vetat*, ac si corpus animæ, tēpus æternitati, humani principatûs fastus divinæ gloriæ, homo Deo præferatur. Itaque paucis verbis rem totam complexus sanctissimus Doct̃or, c *Pertinet hoc, inquit, ad Reges sæculi Christianos, ut temporibus suis pacatam velint matrem suam Ecclesiam, unde spiritualiter nati sunt*. Hæc enim pax Ecclesiæ est pax regni illius, quod in ter-

ris.

a. Aug. lib. 19. de Civit. cap. 14.

b l. 22. cont. Faustum c. 27. c tract. 11. in Joan.

ris fundavit incarnatus Deus, cujus ipse solus Rex est: cujus illi, quos Reges in terra nūcupamus, non nisi vicarii sunt, & in rebus abjectioribus vicem gerunt, eā videlicet regnandi, vel potius providendi lege constituti, non ut ipsi securi floreat, lateque dominantur; sed ne Respublica Domini sui à perduellibus Majestatis ejus oppugnata detrimentum capiat; ne fides, quā ipse à subditis agnoscitur; ne religio, quā ipse colitur, & in animis hominū velut propriā regni sui sede dominatur, gliscentibus impiorum sacrilegiis pereat. Quam enim dementiam in rebus humanis esse censeremus, si Gubernatores provinciarum, à Regibus terrenis constituti, privatæ contentionis, suæque vicariæ Præfecturæ studio, Regis ipsius exilium, Regni que perniciem, non solum à rebellibus illatam, æquis oculis spectare, & permittere, sed etiam armis, ærario, exercitibus Regis sui, indirectè tamen, procurare se posse contenderent, ne quid fortè decederet commodis suis? Quis non hujusmodi non Regis nomine Præfectos, sed proprio nomine Reges, Regis sui proditores, Regni ejus invasores appellaret? Non enim amplius Præfecturam sibi cōmissam, ut alienam, sed tamquam suam gerunt; privatum fastum publicis Regni & Regis emolumentis præferunt: qui res administrandas non domini sui gloriā & utilitate, sed cupiditarum suarum fructu metiuntur, *privati commodi vel odii pertinaciā in publicum exitium stimulant* a. Nam latius, quàm in rebus tantum humanis patet id, quod jam olim dictum est: *Privata res semper offecere, officientq; publicis consiliis* b. Pessimum enim veræ fidelitatis affectusque venenum est propria utilitas.

C. A.

## CAPVT XX.

*Regibus pietas maximè necessaria, ex quâ solâ discunt officium suum.*

**Q**Uamobrem ut provinciarum Gubernatoribus fidelitas erga Reges suos, ita Regibus ipsius pietas erga Deum quam maximè necessaria est. Hâc enim solâ & ipsi fideles erunt Regi suo, cujus in terris ipsi quoque vicarias Præfecturas agunt. Hæc eos docet in omni rerum terrarum procuratione oculos in cælum defixos gerere; ut non ex suæ, sed illius aulæ gloria, & regni ejus in terris amplitudine, leges belli & pacis petant. Nimis quippe fatuitatis est arbitrari, quòd, cum cælestis illius Imperatoris regnum toto orbe diffusum sit, cujus particulas Ferdinando, Philippo, Ludovico nomine suo gubernandas tradidit; ex vini & olei, ovium & boum, de quibus non est cura Deo, hoc est, ex infimarum rerum procurandarum regulis, vel ex privatæ ambitionis lege, ut ipsi securo diffusoque potiantur Imperio, Præfecturas suas moderari debeant. Ipse ut sceptrorum auctor est, ita regnum ejus, quo in cordibus hominum fide atque Religione dominatur, una sceptrorum lex, unicus eis scopus præstituitur. *Debet Imperator, inquit Imperatori Leoni Leo a, incunctanter advertere, Regiam potestatem tibi, non solum ad mundi regimen, sed maximè ad Ecclesiæ præsidium esse collatam. Veram causam dedimus, & ante nos Ambrosius dedit b: Cùm enim omnes homines, qui sub ditione Romana sunt, vobis militent, Imperatoribus terrarum, atque Principibus, tum ipsi omnipotenti Deo, & sacra fidei militatis.* Quis autem

tem

*Leo Leoni Imperat. epist. 75. b Amb. epist. ad Valentin.*

tem ignorat, primum esse militiæ sacramentum, salutem, commoda, dignitatem ejus tueri, cui militamus? Prisci Pagani naturâ duce veritatem istam viderunt, suisque monumentis indiderunt. *Non dubitaverunt*, inquit Valerius *a*, *sacris imperia servire*. Et adhuc: *Omnia namque post Religionem ponenda semper nostra civitas duxit, etiam in quibus summa majestatis conspici decus voluit.*

*a Valer. lib. I. cap. I.*

## CAPUT XXI.

*Regnorum Ortus, Occasus, Incrementa, Decrementa à remunerante vel puniente Deo.*

**Q**uisquis igitur terrenorum Regum sceptri sui perpetuitatem affectat, non eam ex Machiavelli regulis adepturus est. Commodi compendia intentè ille sequitur, quibus insistentis à Regiâ identidem aberrat viâ, discipulosque suos in certum præcipitium ducit. Una pietas est, quæ latum & stabile imperium facit. Auctor enim sceptrorum in illorum manibus ea collocare firmareque amat, qui gloriam regni ipsius magis, quam suam privatam quærant. Audite veracem, quamvis ab Ethnico, ô Reges Christiani, vocem, coque attentius, quia ab Ethnico *b*: *Imperia ita se rerum humanarum futura regimen existimarunt, si divina potentia bene atque constanter fuissent famulata.* Quam ob causam nullum verius salubriusque Regibus, imperii sui stabilitatem ambientibus, adversus omnes intestinas dissensiones, externasque æmulationes, cõsiliu dari potest, quàm id, quod imperaturis Synesius dedit *c*: *Εὐσεβία ὃ πρῶτον ὑποβί-*

*b Valer. ibidem. c Synes. orat. de Regno.*

ὕποβιβλήθω κρηπίς ἀσφαλὴς, ἐφ' ἧς ἐστὶν τὸ ἄζαλμα  
 ἡμῶν καὶ βασιλείας. *Pietas primum subiernatur ful-*  
*crum & crepido, cui firmiter insidet simulacrum hoc re-*  
*gni.* Et quod Theodosio Imperatori S. Leo a: *Tunc*  
*est optimus regni vestri status, quando sempiterna & in-*  
*commutabili Trinitati unius Dei confessione servitur.*  
 Hoc sexcentis experimentis inter Christianos pro-  
 bavit olim, & etiamnum probat, Deus. Sed quis  
 sapiens, & intelliget hæc? Cum Regnum Reges  
 non accipiant nisi à Deo, qui quemdam se impo-  
 tentius efferentem in brutorum sortem usque de-  
 pressit b, donec sciret, quòd dominetur Excelsus super re-  
 gnum hominum, & cuicumque voluerit, det illud: stabi-  
 litatem tamen ejus humanis artibus ac fallaciis ple-  
 rumque moliri volunt. Hinc illa in vicinos crescen-  
 tes æmulatio; hinc illa cum rebellibus, hæreticis,  
 barbaris, Turcis, & quidquid usquam pestium  
 grassatur in Christianos, fœderatio. Nimirum ut  
 humanâ astutiâ divinæ providentiæ frenum inji-  
 ciant, & rapiditatem cursus ejus quoquomodo si-  
 stant per fas & nefas. Non cogitant illi, quemad-  
 modum Regnorum suorum inferiores Præfectu-  
 ras à sua ipsorum voluntate, ita in vasta totius uni-  
 versi monarchia, Regna sua ab illa superni Impe-  
 ratoris aula proficisci. c *Ipse mutat tempora & atates,*  
*transfert regna, atque constituit.* Ipse Regnorum ter-  
 minos extendit, & contrahit; ipse impotenti Re-  
 gum ambitioni limites figit. Ipse est, qui d *dicis Re-*  
*gi, Apostata, & vocat duces impios.* Ipse, cum impie-  
 tas impleverit mensuram suam, e *baltheum Regnum*  
*dissolvit, & præcingit fune renes eorum.* Ducit Sacer-  
 dotes in glorios, & Optimates supplantat. Cum igitur  
 ille vigil oculus indefatigabili curâ semper in facta  
 morcs-

a Leo epist. 7. b Dan. 4. c Dan. 2. d Job. 34. e Job. 12.

moreſque Regum intentus ſit, ut æquâ lance cuncta diſſenſet; quis erit, qui varet, quo minus ille, qui *contemptionem effundit ſuper Principes a impietati famulantes*, vice verſâ benedictione temporali, Regniſque ſtatitudinē remuneret pietatem? Quid enim juſtius, quàm ut ſolum illud roborer, cuiusque ab Oriente in Occidentem diffundat Imperium, cujus omnes vires in auctoris gloriam convertuntur? Hæc eſt genuina firmandi propagandique temporalis Regni ratio: quam quiſquis conſtanter teneat, frementibus hominibus, Deum inveniet deſenſorem; quiſquis abjiciat, etiam faventibus, everſorem. Hinc eleganter & piè Nazianzenus:

*Θς̃ς̃ δίδωσι, μὴδὲ ἰσχυρὸς ᾔσθω.*

*Καὶ μὴ δίδωσι, μὴδὲ ἰσχυρὸς ᾔσθω.*

*Deo favente, nihil nocet invidia.*

*Et non favente, nihil prodeſt labor.*

Quod ſi uſpiam, certè in Imperiorum ſucceſſibus, præcipuè locum habet. Non enim humana vis eſt, ut vulgò putant, ſed excelsus ille Regnorum dominator, qui quod olim Cyro, expreſſo ejus nomine ducentis annis antequam nasceretur, propter populi ſui liberationem ſe facturum pollicebatur: *b Subjiciam ante faciem ejus gentes, & dorsa Regum vertam, & aperiam coram eo januas, & porta non cludentur. Ego ante te ibo, & glorioſos terra humiliabo. Portas areas conteram, & vectes ferreos confringam. Et dabo tibi theſauros abſconditos, & arcana ſecretorum; ut ſcias quia ego Dominus; hoc ipſum & nunc, ad exequenda conſiliorum ſuorum decreta, erga Reges propagationis divini imperii magis, quàm ſui ſtudioſos, operatur. Vaniffimum eſt*

est enim, tam magna subitaque dominationis incrementa in orbe vetere & novo, vel Cæsaris tam insolitas contritis omnibus victorias, in tanta rerum omnium desperatione, hæreticorum Principum conjuratione, Catholicorum collusione, humanis consiliis attribuere. Ipse quemadmodum indirectas illas regni sui depopulationes justo judicio persequitur, ita sincera regni sui studia etiam in hoc mundo libratissimâ æquitate & profusissimâ libertate compensat. Hinc Regni magno amplitudo Imperii, hinc thesauri absconditi, hinc arcana secretorum: hinc subjectæ ante faciem Cæsaris gētes, hinc dorsa Regum versa, hinc portæ æreque contritæ, vectes ferrei confracti: hinc gloriosi terræ, Turrius, Anspach, Jagrendorf, Halberstat, Mäsfelt, Gabor, Danus, Succus, humiliari. *Durum est contra stimulum calcitrare* a. Vanum est tortuosâ versutiâ divinis consiliis velle resistere. Ut enim Reges, ad arcendas cavendasque potentiorum injurias, de sua securitate saragant, æquum est, non reprehendimus: sed

*Est modus in rebus, sunt veri denique fines.*  
 Justitia erga homines, fides & Religio erga Deum, pietas erga Ecclesiam salva sit; quis quemquam se suaque tueri vetet? At verò, ut hoc obtentu Reges omnium rebellium iniquitates adversus vicinos foveant, Turcam suscitent, barbaros excitent, hæreticis Ecclesiæ sepra & sacra depopulantibus, fœderibus, consiliis, armis opitulentur, semper insidias paci struant, numquam per divinas humanasque leges licuit, numquam licebit. Detestanda enim Christianis est illa Cæsaris b sententia, quam ex Euripide Græcam semper in ore habuit:

a Eum.

a Act. 9. b Sueton. in Cæsar.

• Εἴ τις γὰρ ἀδικεῖν χεῖρ, τυρανίδος πρὸς  
 Κάλλιστον ἀδικεῖν τ' ἄλλα δ' ἑνοσιβεῖν χεῖρας.

Hanc Tullius *b* ita reddidit:

*Nam si violandum est jus, regnandi gratiâ*

*Violandum est: aliis rebus pietatem colas.*

Quo sanè efficitur, ut non aliud magis hujusmodi conatibus laborare videantur, quam ut fatum, quod vitare volunt, acceleret. Nempe ut gladius, quem quasi capitibus suis imminentem vano timore fugitant, succiso per iniquitatem providentiæ divinæ filo, quod eum detinebat, ultrò in caput ipsorum ruat. Quidquid enim, Deo placato, umquam vel æmuli cogitassent, hoc, Deo irato, vel à domesticis inferri solet. Stabile est enim illud Sapientis effatum, quod eventu suo frustrari nequit: *c* Regnum à gente in gentem transfertur, propter injustitias, & injurias, & contumelias, & diversos dolos. Ita mirabiles, & carnalibus oculis abstrusæ sũt semitæ vindicantis Dei, ut hoc ipso homines perire soleant, quo perdere volunt; eoquæ defensionis genere perniciem sibi struant, quo cavent.

*a* Eurip. in Phœnis. *b* Tull. lib. 3. Offic. *c* Ecclesiast. 10.

## C A P V T XXII.

*Declarantur hætenus dicta de fœderum istorum suppetiarumque iniquitate, exemplo Hugonottarum, & Rapolensium.*

**E**T hætenus quidem fœdera Gallicana, suppetiasque rebellibus atque hæreticis datas, perspicuâ, ut videtur, ratione convellimus. Quòd si manifestæ veritati infirmus humanæ consuetudinis sensus non auderet obistere, nihil esset uberiori dissertatione, ad convincendam cujuslibet



314 DE JYSTITIA FOEDERVM GALLICOR.  
refragantis opinionem, opus. Nunc verò quia te-  
rior esse solet morbus animorum, quo motus &  
facta sua etiam post rationem plenè redditam,  
quanta homini ab homine debetur, sive nimia  
philautiæ cæcitate, quâ nec aperta cernuntur, sive  
obstinatâ perviciâ, tamquam ipsam rationem  
veritatemque defendunt; sit necessitas plerumque  
copiosius atque sensibilius explicandi res perspi-  
cuas, vel ut eas non spectantibus intuendas, sed  
quodammodò tangendas palpatibus & conni-  
ventibus offeramus. Ecce, Francia, non exiguum  
tibi Deus beneficium ad totius causæ istius com-  
pendium, & ad correctionis adiutorium contulit.  
Intuere, obsecro, vermem Liliorum tuorum, la-  
bem florentis Regni, pestem avitæ fidei Hugo-  
nottas, in iisque Rupellenses tuos. Fœderibus ar-  
misque juvandos adversus Regem tuum arbitra-  
ris, nec ne? Detestandum scelus, Deo & homi-  
nibus invisum, scio, totâ conclamabis. Rebel-  
les, inquires, sunt, hæretici sunt, humanæ divinæ-  
que Majestatis rei, civili & Ecclesiasticâ pote-  
state suffocandi. O quàm perspicua & plana ve-  
ritas est, quando Francis favet! Quanto cothur-  
no in perduellium istorum fœderatos detonaret,  
si ore Gallicano promeretur! Sed jam vide, quæ-  
so, quod manticiæ in tergo est. Si scelus est, per-  
duellibus conjungi tuis, quî sit, ut alienis te fœ-  
derari Batavis & Protestantibus, facinus præcla-  
rum haberi velis? At enim rebelles Regi suo sunt  
Hugonottæ, & Rupellenses. at rebelles etiam  
Principi suo Batavi: abavis & proavis, majoribus  
ejus, sine controversia parvêre, legitimum succes-  
sorem esse numquam negavêre, jugum exculsêre.  
At enim propter novatam fidem Hugonottæ tu-  
mul.

multuati sunt. propter novatam itidem fidem Batavi. At auxilia externa in Regnum Hugonottæ advocarunt, cœtus invito Rege celebrarunt, oppida expugnarunt. quid ista, si Batavorum facinoribus componantur? At hæretici sunt Hugonottæ, fidem violant, Ecclesias incenderunt, sacra depopulati sunt. nōne typus omnis insolentiæ & pervicaciæ Batavi sunt, ab Hugonottis propinata? Quid cum tantillo colore obtendere potes, ut id, quod rectissime in aliis damnas, licentiosissime tibi permissum putes? An ideo tibi magis forsā damnandi perduelles tui videantur, quia nondum Rempublicam, quam in hisce Germanicis motibus spe pleni parturiebant, cum Batavis perperere; nondum prosperitate audaciam inflammate, legatos ad aulas Principum diffudere; nondum à reliquo Galliæ corpore se disrumpere? Ingratam te exhibes divinis beneficiis, si negatum sceleris meditati successum in maiorem criminis Hugonottici invidiam voces? ut eò Hollandos putes Hugonottis tuis esse iustiores, quò magis in rebellionis perfidiâ profecerunt. Tantò enim rebellio damnabilior, quantò pertinacior, & plurium in idem scelus conspirantium societate robustior. Ex quo efficitur, ut, quò Hugonottæ & Rupellenses Batavis inferiores viribus, fœderibus, paucitate, apparatu, eò superiores innocentiâ. Recordare, quanto stomacho per Scriptorum tuorum calamum facinus Ruppellensium detestata es, quādo toto capite annuebas plaudebasque intonantibus: Indicto Rupellæ contra mandatum Regis,, conventu, Deus tuam fidem! ausa est hominum,, profligatorum colluvies, auctoritatē summam,, Principi abrogare, sibi arrogare, Regnū in Pro,,

vincias describere, Provinciis Senatum, duces,, milites præficere, iussionibus publicis argentum,, fociis imperare, tributa, vectigalia, portoria Regni invadere, de Regni subditis prædas agere,, Catholicos urbibus ejicere. Istud ergo facinus,, Rupellensium, tantò clamore dignum, Regis armis interceptum est; Batavorum ad maturitatem pervenit. Hic oculatissimè cernis, quàm scelèratum Rupellensibus fuerit, cum pietate modestiam exuere voluisse, profiteri paratum sibi Regnum, non se Regno debere, fidei socios ad perfidiæ crimen impellere, Principes extraneos nefariis pactis ad eversionem Imperii instigare. Sed si abortivi illi Rupellensium conatus omnium Christianorum execratione digni sunt, cur Batavicis Rempublicam in hæresi & rebellionè fundantibus faves? Quid enim referam illa cætera inusitata scelera, historiisq; celebrata, Batavorum? Quid Turcarum adversus Principem suum sollicitationes, imploratasq; suppetias? Quid calumnias adversus dominum suum ex inferis evocatas? Quid perfidiam adversus Deum in Indias Orientis usque seminatam? Quid horrenda, Francis etiam Anglisq; experta, terrâ mariq; latrocinia? Hæc est, ô Gallia, Batavorum præ tuis Rupellensibus innocentia, cui fœderibus tuis faves, quam patrocinio adversus Regem ac Deum juvas.

Nam illa tua de Provinciis liberis verba læta & somnolenta, jam antè excussa sunt. Baculus sunt arundineus, super quem si incubuerit homo, comminutus ingreditur manum ejus, & perforabit eam. Nam illa ipsa Induciarum pactio est gravissima rebellionis & hæresis perdurantis cōdemnatio. Sed hoc novitium tuum, cum omni careres

tergi-

tergiversationis umbrâ, commentum est. Eâdem quippe strenuitate rebellibus & hæreticis istis ante omnes Inducias pactas opitulata es. Quid tunc, vel in speciem, obtinere potuisti, quod non te Anglorum auxilia Rupellæ data detestantem simul juguler?

Protestantes verò Germaniæ adversum Cæsarem suppetiis à te sublevatos quo colore defendes? Scriptorum tuorum ore Regis tui facinora celebrata sunt, quòd, occupatis urbibus, suppressisque factionis, prædia in Bearnia Catholicis, sacra & dignitates Antistitibus restituerit, quibus jam ab annis quinquaginta exuti fuerant. Sed non aliud quidquam in Germania Cæsar, juxta prisca Edicta Imperialia, nuper facere instituerat; nec aliud quidquam Gallicanis fœderibus interceptum, & armis impeditum est, quàm quod in Rege tuo tot encomiis celebrasti. Aperi igitur oculos, ô Francia, ut manifesta videas. Causa Rupellensium tibi propinata est. Bibe calicem de manu Domini admonentis. Si intelligis, & acquiescis, misericordia est emendantis. Si nondum intelligis, quid verear, nisi judicium vindicantis? Quid enim tandem in aliis accusabis, nisi te damnaveris? Rebelliones, grassationes, fidei depopulationes experta es:

*Non ignara mali miseris succurrere discas.*

Noli esse mitis in causa tua, in aliena crudelis: ut rebelles & hæreticos tuos oppressos, alienos à te defensos velis. Quid si enim & tibi hîc defensores eorum regerant rancidum illud *indirectum* tuum? Se nihil directè Rupellensibus succurrendo, nisi rerum suarum spectare securitatem, indirectè fatiscere Ecclesiæ tuæ fidem, sibi non imputandum, nihil curandum? Quanto fremitu hîc insurgeres?

Ludibrium esse veritatis, velum impietatis, commentum hominum, quorum idolum Status est, vita absque Religione, mors absque Deo. Rectè quidem: sed *quomodo hinc exires de hoc laqueo alieno, sic exeat de tuo.* <sup>a</sup>

<sup>a</sup> August. Epist. 6.

## C A P V T XXIII.

*Religio, & Ecclesia semper indirectè afflicta: sapius ab illis qui in Galliis præsuerunt.*

**V**erum est etenim, istam indirecti tergiversationem à politici Status, rerumque præteruentium admiratoribus in perniciem veræ pietatis excogitatam esse: quâ semper effectum fuit, ut facta profanis cederent, Ecclesia rationibus, quas vocant Status, in primisque Gallicani, premeretur. Sic enim non solum Trajecti, Ruremundæ, Venlonæ, Silvæ-Ducis à Ludovico XIII. sed antè ab Henrico IV. Graviæ, Slusæ, aliisque Flandriæ oppidis ac municipiis, verâ Religio indirectè profligata est. Henricus enim Quartus primus in Galliæ Regibus, ante omnes Inducias, Batavorum impietatem fœderibus suppetiisque manifestis in Ecclesiam Belgicant armavit, fluctuantique rebellionis pondus & stabilitatem dedit. Quid mirum? Adhuc infidelis cum infidelibus societatem inchoaverat, & eorum auxilia ter mille <sup>a</sup> peditum, & quadraginta quinque navium, per Vice-Comitem de Turenè, hæreticæ factionis in Frâcia ductotem, impetraverat. Hinc jam fidelis, hominibus gratus esse maledixit, quàm Deo, qui etiam quasi manu ducens in throno collo-

<sup>a</sup> Scripso du Plaix in vitâ Henrici IV.

collocaverat. Nam anno 1596.31. Octobris eum Ordinibus confœderatarum Provinciarum, Duce illo de Bouillon, hæreticorum antesignano, mediatore fœdus percussit, quo quater mille pedites & mille equites se Ordinibus subsidio misurum pactus est. Hæc est origo fœderum Francicorum cum hæreticis Batavis: quæ cum hæresis in hæretico cum hæreticis auspicata sit, nihil novum, si in Religionis perniciem sub Catholico patre & filio continuata cedant. Nam consuetudine sine scrupulo Religionis inchoatâ firmatâque, quâ rerum illicitarum fœditas humanis oculis abstergi solet, potius quàm iudicio, Christianissimi Reges in ista fœdera præcipitati sunt. Sed *peccatis hominum, quæ sola inusitata horrescimus*<sup>a</sup>. Sic interim tunc indirecta illa Religionis injuria cum Batavis incepta est. Sic antè non exigua infamiae labes Christianæ fidei *indirectè* aspersa est, periculumque creatum præsentissimum, quando Carolus IX. fœdus *b* cum Solimanno, qui Melitam magno navali apparatu obsederat, Turcarum Imperatore percussit: & *c* Henricus II. Turcarum militiam sub Draguto pirata in Corsicam evocavit. Melitâ namque capta, ut Bullingerus, Italiæ & ipsius Galliæ exitium præstò erat. Sic hæreses Protestantium *indirectè* in Germania dilatatae sunt, & oppressa Catholica fides, dum idem Henricus adversus Carolum V. hæreticorum domitorem, assumpsit eorum patrociniû, quemadmodum veraciores Galliæ *d* Scriptores ingenuè profitentur. Sic *indirectè* vastata à Turcis *Etruria ora*, *Insula Ilva*,

O 4

Ilva,

<sup>a</sup> August. in epist. ad Galat. <sup>b</sup> Iul. Cas. Bulling. Hist. lib. 1. Vid. du Plaix in Carolo IX. <sup>c</sup> Du Plaix in Henrico II. anno 1554. <sup>d</sup> Idem Scipio ad an. 1552. Genebrard. lib. 4. Chron.

320 DE JUSTITIA FOEDERVM GALLICORVM  
*Ilva, Igilium, Ænaria, Lipara* afflictæ, *Nicea Abrogum* expugnata, violatisque deditio-  
 tionibus, in Christianos grassarum est, dum Fran-  
 ciscus Primus Ariadenum cognomine Barbari-  
 sam, Turcarum classi præfectum, multis aureoru  
 millibus in singulos menses numeratis, subsid-  
 accersivit, *gementibus piis*, inquit a Genebrardu  
*quibus impiorum à Christi nomine abhorrentium fa-*  
*dera improbantur.* Sic indirectè Ecclesiæ Strigonien-  
 sis, Quinqueecclesiensis, Albæ Regalis, devastatæ  
 sunt, dum Solimannus ad bellum contra Cæsa-  
 rem, ut ferunt *b* & scribunt, ab eodem Francisco  
 Caroli Imperatoris emulo, concitatus est. Hæ sunt  
 illæ *indirectæ* fidei depopulationes, sub quibus in  
 quibusdam orbis plagis in hodiernum usque diem  
 Ecclesiæ gemunt, & milia animarum, pro qui-  
 bus Christus mortuus est, Tartaro immolantur.  
 Fatale enim jam diu videtur Gallico solo, ut non  
 pauci, qui in eo principati sunt, directè tempo-  
 ralem dominationem, quasi fastigium rerum hu-  
 manarum, appetierint, indirectè Christianam  
 Religionem in præcipuis Europæ regionibus gra-  
 viter læserint; tantâ quidem hoc tempore con-  
 stantiâ, ut hujusmodi Religionis injurias à mayo-  
 ribus quasi hereditasse videantur. Nam ad eum-  
 dem modum fidem Hispaniæ, per Saracenicam  
 irruptionem, *indirectè* illa horribili notissimâque  
 clade pro sua parte profigarunt. Testis est enim  
 Lucas Tudensis, cum Julianus unâ cum Sarace-  
 nis Rodericum impugnaret, Gallos, excitato in  
 Hispania citeriori bello, vires Hispanorum ex  
 composito initis cum Juliano consiliis distraxis-  
 se;

*a* Genebrard, lib. 4. Chron. ad an. 1559.

*b* Nicol, *Isihamp. lib. 13. & 15.*

se, ne totæ in Saracenos verterentur. *Erat*, inquit *a*, *hic Iulianus vir sagax, & astutus, & callidè incitavit Francos, ut expugnarent Hispaniam citeriorem. Et rursus: Omnes deinceps Gothorum milites fusi fugatiq̃ue ferè usque ad internecionem, gladio & inedia perierunt: non solummodo infecutionibus barbarorum, verum etiam Francorum armis ex parte Gallicarum consumpti sunt. Auctor iste gravis & antiquus est: ante quadringentos annos vixit, & inter primos eorum est; qui post Hispaniæ cladem res gestas prosecuti sunt.*

Sed quid miramur indirectè illatam ab eis Hispaniarum Ecclesiis cladem, qui nec ipsi Ecclesiæ Gallicanæ, directâ illâ temporalium rerum curâ abrepti, pepercere? Nam vix decennio post Eudo, *b* Dux Vasconum & Aquitaniæ, quæ sicut à temporibus Clodovæi pars Regni Francorum fuit, ita Vascones à Francis domiti, & à Geniale Duce per eos constituto, à Clotharii II. temporibus, gubernati; hic, inquam, Eudo illos eosdem Saracenos in Galliam contra Carolum Martellum, à quo fugatus fractusq̃ue fuerat, vindictæ cupiditate accersivit; & Basilicæ S. Hilarii, cæterisque Ecclesiis Aquitaniæ *indirectè* per incendia grassationesq̃ue Maurorum, dirissimas clades intulit. Scipio du Plaix *c*, natione Vasco, vocat hoc *errorem popularem*, quem Chronographi secuti sint, nullo antiquiorum fultum testimonio. Miror Scriptorem reverâ eruditum, & in antiquorum auctorum lectione versatum, hoc

O. s. nesci.

*a Luc. Tud. in Chron. mundi lib. 3. in finè.*

*b Aimoin, lib. 2, c. 89. Du Plaix in Clothario II.*

*c* SCIPION DU PLAIX EN THIRRY IV: l'an 721. C'est un erreur populaire, sulvy neantmoins de tous nos Annalistes, qu'Eude Ducq d'Aquitains appella les Sarasins d'Espagne en France, &c. Mais nul ancien auteur n'en faisant mention.



322 DE JUSTITIA FÖEDERVM GALLICOR.  
nescire potuisse : vel, si sciverit, nescio quo Vasco-  
niæ aut Aquitaniæ suæ studio dissimulare vel  
negare voluisse. Hoc enim ante quingentos an-  
nos detestatus est Sigebertus a : *Eudo Dux Carolo*  
*per omnia inferior Saracenos contra eum invitat ab*  
*Hispania*. Et ante septingentos annos Annales  
Francorum b, quos Pithœus edidit, itemque Ful-  
denses, Pithœanis multò auctiores, quos Mar-  
quardus Freherus : *Saraceni ab Eudone in auxilium*  
*suum vocati, cum Rege suo Abdirama, Garonnam*  
*Burdigalemque perveniunt, cunctis locis vastatis, &*  
*Ecclesiis igne concrematis, Basilicam quoque S. Hi-*  
*larii Pictavis incendunt*. Nam illi circa annum  
Dom. 883. hi verò circa annum 890. ubi desi-  
nunt, scripti videntur. Et ante octingentos cir-  
citer annos Fredegarius c : *Eudo Dux cernens se supe-*  
*ratum atque derisum, gentem perfidam Saraceno-*  
*rum ad auxilium contra Carolum Principem, &*  
*gentem Francorum excitavit*. Paulus VVarnfredus,  
Diaconus Forojulienfis, qui sub Carolo Magno,  
Martelli nepote, anno septingentesimo octogesi-  
mo claruit, id ipsum palàm indicat : *Post decem, in-*  
*quit d, annos Saraceni cum vxoribus & parvū-*  
*lis venientes, Aquitaniam Gallie provinciam, quasi*  
*habitaturi, ingressi sunt. Carolus siquidem cum Eu-*  
*done Aquitania Principe tunc discordiam habebat*.  
Discordia igitur istorum Principum Saracenis ad-  
ventus causa fuit, Eudone videlicet, ut isti citati  
vetustiores & recentiores tradunt, eos aduer-  
sus æmulum suum evocante. Utinam tamen Eu-  
donis exemplum nostræ ætatis Principes, quem-  
admodum peccando, ita & pœnirando sequeren-  
tur.

a Sigebert. ad an. 729. b Annal. Franc. & Fuldens. ad annū  
725 c Fredegar. cap. 108. d Paul. VVarnfred. lib. 6. de Gestis  
Longobard.

rut. Nam sceleris ille sui percussus conscientia, in Saracenos, junctis cum Martello viribus, ex improviso à tergo impetum vertit, & eorum exercitum ad internecionem usque delevit. Sed *aliud est citò surgere, aliud non cadere.* a

Quid, quòd in ipso temporis articulo, quo Hispaniis ab Ariana peste per Reccaredi virtutem revocatis, Catholicæ fidei splendor illuxerat, Francorum Reges *indirectè* recentissimam, adeoque vixdum germinantem, Religionem affligerunt? Nam illa sexaginta circiter Francorum millia, quæ Reccaredus militum trecentorum manu, uno prælio, Deo de cælo videlicet pugnante, prostravit, Lucas Tudensis in hæresis Arianae subsidium advenisse testatur: *Francorum*, inquit b, *se-  
rè sexaginta millia armatorum, qui ad auxilium ve-  
nerant hæresis Arianae, Gallias ( Gothicas, quæ Hi-  
spanis parebant ) irruentia, misso Claudio Emeriten-  
sium Duce prostravit.* Non quòd hæresim Arianam directâ voluntate stabilire niterentur; hoc enim est hostium Catholicæ fidei: sed quòd directè alienis terris inhiantes, *indirectè* hæreticis Arianis, Regina Goisuinthæ, Leuvigildi conjugii, novercæ Reccaredi, Udilæque Episcopo, cum suis, in ejus necem conspirantibus, atque ita hæresi ab illis pertinaciter defensæ, patrocinium adferrent. Gregorius enim Turonensis perspicuis verbis tradit, causam istius belli adversus Hispanos à Regni dilatandi cupiditate profectam esse. *Gunthramnus*, inquit c, *Rex commoveri exercitum in Hispanias præcepit, dicens: Prius Septimaniam provinciam ditioni nostra subdite, quæ Galliis est propinqua. Indignum est, ut*

O 6

hor-

a. Aug. lib. 10 Confess. c. 35. b. Luc. Tudens. lib. 2. in Reccaredo. c. Greg. Turon. lib. 8. cap. 30.

horrendorum Gothorum terminus usque in Gallias sic  
 extensus. Hinc est, quòd & Baronius immitem il-  
 lum Gunthramni animum graviter taxat, qui neo-  
 phyto Regi gratulari potius debuisset: Illa potiùs,  
 inquit, iniqua causa belli illati expendenda fuerat, cum  
 adversùs Gothos, potitos ad longum tempus Galliâ Nar-  
 bonensi, jam Catholicos redditos, bellum movit: quan-  
 do, abdicatâ jam Arianâ impietate, in unitatem Ca-  
 tholicam unâ cum Rege ipsorum coissent; quo nomine ab  
 omnibus Principibus Orthodoxis fuerant amplectendi,  
 muneribusque, & aliis pietatis officiis frequentandi.  
 Sed animis, latius regnandi cupiditate cæcis, nul-  
 la est offensæ pietatis consideratio, nullus peri-  
 clitantis Religionis honor, aut metus.

a Baron. ad an. 588.

## C A P V T XXIV.

*Non solum Ecclesia, sed & Ecclesia Paranympheus;  
 itemque Sponsus indirectè per Politica regulas in-  
 teremptus est. Vtriusque interitus antithesi illu-  
 stratur.*

**S**ed quid ego de Ecclesiæ & Religionis cladi-  
 bus ingemino querimonias, quas illud indi-  
 rectum Statûs tuendi telum attulit? Ipsi Religio-  
 nis fundatores eodem illo perierunt. Joanni Bap-  
 tistæ, Paranymphe Christi, quid necis causa fuit,  
 nisi pietate antiquior ratio, quam vocant Status?  
 Meretriculæ tripudium magis occasio, quàm  
 causa fuit. Secretior animo Herodis inherebat  
 metus, quàm Proceribus displicendi, quem nobis  
 Iosephus aperit καὶ τὸ ἄλλων συστροφόμενον, καὶ γὰρ ἤρ-  
 θησαν ἐπὶ πλείστον τῇ ἀκροάσει τῶν λόγων, δείσας Ἡρώδης τὸ  
 ἐπὶ

b Ioseph. lib. 18. Antiquit. cap. 7.

ἐπὶ τοσούτοις πεινῶν αὐτὸν οἷς ἀνθρώποις μὴ ἐπὶ ἀποστάσει  
 ἰνὶ φέρεν, πάντες γὰρ ἐκείναι συμβουλῇ τῇ ἐκείνῃ πράζον-  
 τες, πολὺ κρείττονι ὑγείνται, πρὶν τι καὶ πρὶν ἐξ αὐτοῦ γενέ-  
 σθαι, ἀπολαβὴν ἀνελὼν, ὅτι μετὰ βολῆς χρηομένης μὴ εἰς τὴν  
 πράγματι ἐμπιστὸν μετάνοειν καὶ ὁ μὲν ὑποψία τῇ Ἡρώδῃ,  
 δίσμικτος εἰς τὴν Μαχαβεῖν πικρὸς, ὁ ἀπειρημὸν  
 φέρων, ταύτην κτίνυται. Cumque magni concursus  
 ad eum (Baptistam) fierent, plebe talis doctrina  
 avida, Herodes veritus, ne tanta hominis auctori-  
 tas defectionem aliquam pareret, quod viderentur  
 nihil non facturum ex eius consilio, iudicavit satius esse,  
 priusquam novi aliquid exoriretur, illum tollere,  
 quam rebus turbatis seram poenitentiam agere. Ita-  
 que vinctum missum in Macharuntensem supra di-  
 ctam, illic occidi imperat. Ipse auctor fidei, & con-  
 summator Religionis Iesus, nonne indirecta illa  
 machina comprehensus, nonne interfectus est a?  
 Si dimittimus eum sic, inquiunt Iudæi, omnes cre-  
 dent in eum: & venient Romani, & tollent locum no-  
 strum, & gentem, Quis non ad interitum Reipubli-  
 cæ impendentem contremisceret? quis non item  
 ad iracundiam Cæsaris, & ad eversionem univer-  
 sæ fortunæ suæ? Hæc enim Pilatus timuit, quâdo  
 frementis populi minæ sonuerunt. b: Si hunc di-  
 mittis, non es amicus Cæsaris. Omnis enim, qui se  
 Regem facit, contradicit Cæsari. Itaque invitus, lo-  
 tis manibus, cogente statu & alieno, & proprio,  
 nullâ sententiâ damnationis tamquam in reum  
 pronuntiata, sed tantummodò c adjudicans fieri  
 petitionem eorum, hoc est, fieri sinendum iudicans  
 id quod postulabant, d Jesum tradidit voluntati eo-  
 rum. Falsum est enim, Scripturisque contrarium,  
 quod Pilatus ullam in Jesum, tamquam damna-

O 7

tione

tione dignum; sententiam tulerit, sed ut Præfectus civitatis, politicæ doctrinæ gnarus, minister Cæsaris obsequiosus, postulatis Judæorum potius annuendum esse censuit, quàm perturbandam periculosa seditione civitatem, novi Regis excitatione statum Cæsaris, Cæsaris indignatione suum. En typum vestrum, quotquot estis ubicumque, politici Statûs idololatæ, speculum imitationi, patronum defensionî; ut nemo vos *καρποφύλας* in Regno Dei arguat, quasi novorum dæmoniorum inventores aut sectatores. Exemplar habetis præclarissimum, quò formemini. Ille Dominum suum, vos Dominam vestram; ille Sponsum, vos Sponsam ejus; ille Judæis, vos hæreticis sævientibus illudendos & crucifigendos traditis. Utrique in bonum directè tenditis; Reipublicæ salutem, ac Statûs incolumitatem sartam rectam quæritis. Quid indirectè consequatur, quis prudentibus videlicet nisi imprudens imputaverit? Nimirum utrique meritò *α λαναις manus coram populo*: justè utrique dicitis, *Innocentes nos sumus à sanguine justî hujus*. Vos Judæi, vos hæretici *videritis: quid ad nos?* Pares videlicet estis facinore, causis, innocentia. Nisi fortè in eo politica vestra sanctitas palmam ferat; quòd ille Dominum incognitum, peregrinum, nullius auctoritatis; vos domesticam, propriâ vestrà confessione agnitam, toto orbe celebrem, in culmine auctoritatis constitutam persequimini: ille tacentem; vos gementem clamantemque: ille alieno judicio damnatum, & reum; vos vestro absolutam, & innocentem: ille beneficiis prorsus inexpertum; vos eam, à qua manui vestræ sceptrum datum, temporibus diadema, vertici consecrationem, amictui a *Matth. 27.*

cucullum & purpuram indultam profitemini; à  
cujus marito vitam in hoc mundo, spiritum in  
baptismo, divitias, gloriam, Regni præsentis au-  
ctoritatem vos accepisse, futuri felicitatem exspe-  
ctare gloriamini. Ille blandiendo cōpressit adver-  
sarios; vos semisopitos compressosq; excitatis. Ille  
Cæsaris iracundiam, populiq; seditionem ex le-  
nitate parcendi timuit; vos ex atrocitate sæviendi.  
Ille *institit, quantum potuit, ut eum ex eorum mani-  
bus liberaret a;* vos, nè à Rege & Cæsare ista libere-  
tur. Ille miratus est morientem, & honorari per-  
misit mortuum; vos usque ad cineres extenditis  
immanitatem, ut ei neque cum clamore, quod  
Christo licuit, neque cum gemitu mori liceat, ne-  
que per Cæsarem in gloriam reviviscere. Et quo-  
modo tandem fugietis à iudicio Dei?

Quid enim ad innocentiam valet illa pruden-  
tissima vestra cautio, quòd *indirectè* per alios illa  
scelera detestanda perpetrantur? Quasi verò non  
omnium, pietatem simulantium, illa semper fuerit  
cavillatio. Facinorosorum est enim, in quibus ex-  
stincta est humana verecūdia, de facinoribus glo-  
riari: ceterorum improbitas perquam libenter sub  
probitatis velo latet. Non auditis & priscos illos  
peritissimosque Politicorum duces Phariseos,  
quàm cautè Pilato dicant: *Nobis non licet occidere  
quemquam?* Quid enim sub ista fucatæ sancti-  
larva voluere, nisi quod August. in medium pro-  
traxit *b?* Iniquitatem facinoris sui in iudicem hominem  
refundere volebant, ut quasi ipsi à morte ejus videren-  
tur imminunes. Sed numquid fefellerunt iudicem  
Deum? Ipse ut spirituum, ita & obligationum pon-  
derator est: *c* Novit & decipientē, & eum qui decipitur.  
Ipsi

Iplius oculis nudum & apertum est, humana divinis, vanitatem veritati, profana sacris, typhum terreni dominatûs soliditati celestis fidei, atque Religionis debere cedere. Novit, quid Christo Christianissimus debeat, quid oruentæ matri filius, quid periclitanti Regno patris heres, quid Domino vasallus, cujus tuendæ auctoritatis ac majestatis juratam fidem dedit. Calamitates talium, atrocesque injurias æquis animis præterire, iniquum est; inferre & augere, impium atque sceleratum; licitum dicere, insanum. Si sensum humanum eos exuisse judicamus, qui de rebus terrenis ratiocinando ita exorbitant, in divinis fœdius delirantes quisquam prudentes putet? Prudentia est, sed *carnis*, quæ inimica est Deo *a*: sapientia est, sed *hujus mundi*, quæ stultitia est apud Deum. Quàm sibi sapiens ille sollersque consiliarius videbatur, qui ad cōtemptum aliorum cum fiducia pronuntiabat *b*: Vos nescitis quidquam: nec cogitatis, quia expedit vobis, ut unus moriatur homo pro populo, & non tota gēs pereat? Applausum habuit ista sapientia, successu caruit. Nam uno mortuo gens tota periit: quid qui comprehendit sapientes in sapientia sua, *c* adducit plerumque tales consiliarios in stultum finem, & judices in stuporem. Ut Reges intelligant, non illos optimos esse consiliarios, qui acutuli in commodi semitis exquirendis, & feroculi in exequendis, unam consiliorum suorum Cynosuram temporalem spectant utilitatem; sed illos, qui legem Dei, quæ tutissimum est consiliorum gubernaculum. Sed de istâ indirectâ Religionis afflictione satis. Nunc alios probationis fontes aperiaraus.

*a* Rom. 8. *b* Ioan. 11. *c* Job. 12. v. 17.

## CAPVT XXV.

*Ex aliâ tertiâ radice Francorum fœdera convelluntur, quia directè tendunt eò, ut infideles Catholicis præficiantur; quod illicitum est.*

**F**œdera Francorum cum infidelibus non esse licita, ex alia radice facile demonstrari potest. Est enim doctrina certa, quæ neminem, quod sciam, Catholicum Doctorem dissentientem habet, Non esse licitum fidelibus infideles de novo dominos præficere. Tradit eam asseverantissimè sanctus Thomas. Nam propositâ istâ eadem quæstione, *Dicendum*, a inquit, *quòd circa hoc dupliciter loqui possumus: Vno modo, de dominio, vel prælatione infidelium super fideles de novo instituenda; & hoc nullo modo permitti debet. Cederet enim hoc in scandalum, & in periculum fidei. De facili enim illi, qui subjiçuntur aliorum jurisdictioni, mutari possunt ab iis quibus subsunt, ut sequantur eorum imperium, nisi illi, qui subsunt, fuerint magnæ virtutis. Et similiter infideles contemnunt fidem si fidelium defectus cognoscant. Et ideo Apostolus prohibuit, ut fideles non contendant in iudicio coram iudice infideli. Et ideo nullo modo permittit Ecclesia, quòd infideles acquirant dominium super fideles, vel qualitercumque eis præficiantur in aliquo officio. Eadem Interpretum est mens, qui illum articulum explicandum susceperunt. Nec mirum, cum in perspicua verissimaque ratione fundatus sit, scandalo infirmorum, & periculo fidei. Quod ita magnum est, ut ab exordio Ecclesiæ in hunc usque*



usque diem experiētiā irrefragabili compertum sit, hæreticorum, de quibus nobis potissimū sermo est, imperium in fideles semper traxisse secum ruinam imbecillium, totamque fidem vel funditis, vel maxima ex parte delevisse. Europam circumspecte universam; ita ubique gentium contigisse cernes. In Norvvegia, Dania, Suecia, Pomerania, Saxonia, Brandenburgico Marchionatu, cæterisque Germaniæ Borealis plagis, Palatinatu, Hassia, Ducatu VVirtenbergensi, plerisque civitatibus Imperialibus, ita Catholica fides hac ex causa periit, ut plerisque in locis nec unus quidem, quasi racemus in vindemiata vinea, superstes sit Catholicus. in Anglia pauci, Scotia paucissimi. In Provinciis confœderatis Catholica eaque sola vigebat fides: simulatque dominis fidei desertoribus pareri cœptum est, mirum dictu, intra paucos annos ita, ut plurimum, extirpata atque deleta fuit, ut initio Sacerdotibus, eam suscitare satagentibus vix hospitium reperriri posset ad commorandum, vix auditores ad prædicandum. Antiquiora tempora si repetamus, eadem sub dominis infidelibus fidei Catholicæ fors, eadem calamitas fuit. Nōne in Africā, Arabiā Petræā, Desertā, Felici, Palæstinā, nec vestigium quidem superest? vix ullum in Ægypto: in Mesopotamia, cæteraque ferè Syria itidem nullum. Constantinopolis, fidei Catholicæ in Græcia olim columna & caput, dominantibus Arianis succubuerat. Tanta strages fidei continuò secuta est intra paucos annos, ut S. Gregorius Nazianzenus, columnen videlicet doctrinæ Christianæ, ad ejus resuscio

resuscitationem destinandus fuerit. Quis in ejus adventu fuerit status Religionis, si scire libet, ipsum audite confitentem, cum Episcopis congregatis valediceret α: Τὸ το ποίμνιον ἦν, ὅτε μικρὸν τε καὶ ἀτελὲς ἦν, ὅσον ἐπὶ τοῖς ὄρεσιν, καὶ ἔδε ποίμνιον, ἀλλὰ ποίμνης τι μικρὸν ἔχον, καὶ λείψανον αἰωνίου, καὶ ἀνεπίσκοπον, καὶ ἀόριστον μήτε νομὴν ἐλευθέραν ἔχον, μήτε μάνδρα περιχόρδον, πλαινώδρον ἐν ὄρεσι, καὶ σπηλαίοις, καὶ ταῖς ὁπαῖς τῆς γῆς, ἀλλὰ ἀλλαχῇ διασπαρμένον, καὶ διεσπασμένον, ὡς ἕκαστον ἔτυχε, σκοπέδρον ἢ νεμέδρον, καὶ ἀγκλιπθὲν τὴν ἑαυτοῦ σωτηρίαν. Hic grex exiguis quondam erat & imperfectus, quantum quidem oculorum sensu judicari poterat: ac ne grex quidem, sed parvum quoddam & tenuis gregis vestigium, aut reliquia, incompositus, pastore carens, nullis terminis inclusus, nec pascui liberi jus habens, nec caulâ cinctus, aberrans in montibus, in speluncis, & cavernis terra, qui illuc dispersus atque disiectus, eoq̃ue redactus, ut, quâ quamque ovem fors tulisset, tegeretur ac pabularetur, praeclare ius secum agi duceret, si salutem suam surriperet. Et in Carmine de vita sua testatur, prædicationem suam Catholicæ fidei Constantino-  
poli tam visam fuisse novam,

Ὡς εἰσάγῃ αὐτὸν εἰς τοὺς πλείους θεούς.

Multos perinde ac si Deos induceret.

Quam ob causam Basilica, ubi fidei inchoata est restauratio, Anastasia, à pietatis resurrectione, nūcupata est. Sed in re perspicua quid multis opus? Totus terrarum orbis, quaquaversum ab Oriente in Occidentem, ab Austro in Septentrionem patet, magnâ fert voce veritati testimonium. Ubique enim fidei interitus dominantem infidelitatem consecutus est, in Græcia, Asia mi-

nore

332 DE JUSTITIA FOEDERVM GALLICOR.  
nore atque majore, ejusque provinciis, Syria, Perside, Babylonia, vastissimis Indiæ regionibus, Africa universa. In Germania quodammodò fatale est, ut cæca subditorum submissio Principum suorum fidem velut suum sequatur solem, quemadmodum intra paucos annos in Palatinatu vidimus.

Quæ cum ita sint, manifestum est, nullum esse præsentius delendæ fidei venenum, quàm infidelium super fideles principatum. Illicitum est igitur, magnumque crimen, infideles dominos fidelibus præficere, vel ad hoc conferre operam suam. Hic autem propriè Francorum fœderum in Germania maximeque Belgio scopus est, ut pagi, oppida, provinciæ legitimo Principi Catholico extortæ, Ordinibus confœderatis, hoc est, Præfectis hæreticis, subjiciantur.

Nec verò hic illa *indirecti* cavillatio locum habet. Nam expugnationes urbium, ut Sylvæ-Ducis, Trajecti, &c. in quibus occupandis tam amplam laudem spoliaque Franci retulerunt, eò directè spectant, ut ex unius potestate, in alterius dominationem transferantur, à fidei in infidelem, à Catholico in hæreticum, qui de rebus omnibus, Ecclesiasticis non minùs, quàm sæcularibus, in expugnatis urbibus plenissimâ potestate statuatur, ut visum fuerit.

## CAPVT XXVI.

3

*Subterfugium expenditur, quo prætulerunt, liberum exercitium Catholica Religionis Germania & Belgii civitatibus beneficio Regis Francia obtentum. Impietas ibi involuta evolvitur.*

**V** Num hîc subterfugium expendendum est, quo jam à triennio circiter Francicorum fœderum fœditas velari cœpit. Dicunt enim, non ea cedere in præjudicium Catholicæ Religionis, quia liberum ejus exercitium permittitur; sicut jam Trajecti, Venlonæ, Ruræmundæ, videre licet. Hoc & in Suecico fœdere cautum est, ut Religio talis, qualem invenerit Suecus, in Imperio relinquatur. Hoc ergo præclarum illud remedium est, quo Politici, Francorumque vulgus, crudele vulnus, quo jam penè per annos quadraginta Ecclesiæ viscera lacinata sunt, & fides Catholica in Belgio indirectè devastata, nuper se sanasse gloriantur.

Sed quamvis ista Religionis libertas aliquid faciat, ad detergendas illas fœdas sacrilegiorum labe, quæ ex conculcatis Ecclesiæ sacris, exterminatoque Religionis cultu nascebantur; nihil tamen ad infringendam vim præcedentis argumenti valet. Nam periculum illud, vel potius malum præsentissimû, quod infirmis ex infidelibus Præfectis sibi dominantibus proficiscitur, non ex eo tantum fuit, quòd libertatem Religionis auferant, quamvis, quidquid ipsi polliceri videantur, sit & istud unum istius noxæ caput, ut mox ostensuri sumus; sed inde potius, quòd dominantium auctoritas, quibus homines, propter maximam benè maleque faciendi

334 DE JUSTITIA FOEDERVM GALlicOR.  
faciendi potestatem, placere volunt, maximam  
habeat vim ad imbecillium traductionem in eo-  
rum, quos colunt, fidem: sicut in Germania per-  
spicuum est. Non enim ideò tantùm Principes hæ-  
retici periculosi aut perniciosi sunt, quòd homi-  
nes ad mutandam fidem cogant; hoc enim sæpè  
cavent: sed quòd hoc ipsum verbis factisque effi-  
cacissimè, & ipsâ sui exempli auctoritate sua-  
deant, & plerumque persuadeant: denique quòd  
sub illorum imperio semper publica errorum im-  
pietas, quam ipsi profitentur, publicè doceatur,  
impuneque teneatur. Ex quo fit, ut simplices  
atque infirmi, dijudicandis erroribus inidonei, eò  
facilius seducantur, quòd suis Principibus eos pro-  
bari & placere sentiunt, quibus hoc placet, quod  
ipsi probant. Quibus ex causis verissimâ illam sen-  
tentiam pronuntiavit Sapiens a: *Secundum judi-  
cem populi, sic & ministri ejus: & qualis rector est  
civitatis, tales & inhabitantes in ea.* Et alio in  
loco præclarissimè b: *Princeps, qui libenter audit  
verba mendacii, qualia sunt omnium maximè ver-  
ba perfidiæ, omnes ministros habet impios.* Hæc  
ergo libertas Religionis vim præcedentis argu-  
menti relinquit integerrimam; ut præsens Ger-  
manix status ad oculum probat. Ubicumque  
enim Catholici Principes regunt, fides maxima ex  
parte conservata est; ubi hæretici, eradicata.

Deinde libertas ista publica Religionis, de cu-  
jus procuratione sibi Franci blandiuntur, nec ipsas  
Religionis injurias, quas effugere nituntur, abster-  
gere potest. Reverà enim istâ speciosâ libertatis  
adductæ pompâ nihil aliud faciunt, nisi quòd vul-  
nus vulnere medicando, sacrilegium hæreticorum  
indi-

a Eccles. 10. b Proverb. 19.

indirectè sibi imputatum directâ purgant Religionis injuriâ ; quod non est tollere , sed mutare malum. Nec enim sese Franci istâ beneficii imperititione innocentes probant , sed directius apertiusque culpæ reos.

Quod ut perspicuè percipiatur, sciendum, libertatem Religionis publicæ, hoc est, credendâ colendique Deum quocumque ritu publico, siue Catholico siue hæretico, non esse experendum aliquod bonum, sed ingens malum : quod nullo pacto in Rempublicam, nisi graviorum calamitatum impendentium metu, admitti potest. Hoc omnes Theologi uno consensu cum S. Thoma docent a : *Aliorum ( præter Judæos ) infidelium ritus, inquit, qui nihil veritatis aut utilitatis adferunt, non sunt aliququaliter tolerandi, nisi fortè ad aliquod malum vitandum ; scandalum, dissidium, impedimentum salutis hæreticorum, ut ibidem S. Doctor tradit. Et quamvis omnium Scriptorum esset summum hac de veritate silentium, suis se ipsa radiis tam luculentè prodit, ut etiam tardissimorum oculis pateat. Quis enim usque aded tenebris immersus est, qui non statim videat, gravissimorum scelerum licentiam non posse à Reipublicæ moderatoribus permitti, nisi quando non potest amplius, sine gravioribus malis, aut ipsius, fortè Reipublicæ occasu, mali pervicaciâ remedium superante, coerceri? Non enim Principes Rebus publicis præfecti sunt, ut, quidquid geratur, etiam circa Religionem, indifferenter ferant; sed in primis, ut scelera compescant, quibus Deus offenditur, boni affliguntur, & Respublica perturbatur. Qua de causa Apostolus dicit b:*

Si

*Si malum feceris, time. Non enim sine causa gladium portat. Dei enim minister est, vindex in iram ei, qui malum agit.* Et Augustinus a: *Quomodo Reges Domino serviunt in timore, sicut Plalmus præcipit, nisi ea, qua contra iussa Domini fiunt, religiosâ severitate prohibendo, atque plectendo?* Crimen autem hæreseos omnia scelera contra homines commissa, furta, adulteria, latrocinia, & si quid aliud sanæ doctrinæ adversatur, tantò gravitate impietate-que superat, quantò est homine Deus major, humanis divina potiora. Nam & fidē Deo abrogat, eumque tacitè mendacem facit, & omnis salutis basim ex hominum pectoribus eruit; in proximos ut cancer serpit, concordiam rumpit, & civilem Reipublicæ statum rebellione perturbat. Unde fit, ut SS. Patres, quos suprà dedimus, hæreticos Judæis Paganisque deteriores esse statuant; imò demonibus pares, & subinde magis perveraces & execrabiles. Crimen ipsum nonnumquam idololatriæ æquat, aut potius præfert. Augustinus b: *Horum impietas etiam idololatriam forsitan superat.* Tanta est eorum adversus Dei veritatem contumacia, adversus hominum salutem conjuratio. Quam ob causam non aliud Scripturæ c sacræ novi veterisque Testamenti, Patres, Canones, civile-que sanctiones contra istos fidei Deo datæ desertores fidelibus clamant, nisi, Cavete, Fugite, Interficite, Lapidate. De quibus, tamquam in promptu positis, non est hîc latius differendi locus. Hujus igitur tam nefarii, publico-que perniciosi, criminis licentia nullo pacto indulgeri potest, nisi gravissimorum malorum alioquin Reipublicæ impēdētium

a Aug. epist. 50. b Aug. epist. 48. c Ad Titum 3. v. 10.  
2. Tim. 3. v. 5. Deut. 18. v. 20, Deut. 13, &c.

tium metus extorqueat. Quamobrem etiam nullum est nunc in orbe Christiano Regnum, aut Respublica, in quam pestis illa à Catholico Principe intromissa sit, nisi ut è gravissimis bellorum tumultibus, quos hæresis conflaverat, respirare posset, & ab interitu ex cladibus illis imminente præservari.

Cùm igitur hæc doctrina planissima certissimaque sit, & inter Catholicos extra controversiam, de quâ soli hæretici elapso sæculo præsentique conqueruntur; dementia similis videtur sententia, quâ quis putet, hæreseos credendæ prædicandæque publicam potestatem à Christiano Principe non solum liberè permitti posse in locis jam infectis, ad quæ ut cancer serpsit, sed etiam alia loca ab illâ peste prorsus immunia, à quibus hæctenus exclusa fuit, & sine difficultate porro excludi potest, diffundendo ejus veneno, consilio, pecuniarum largitionibus, armisque posse aperiri. Curenim non dicamus, & adulteriis, & latrocinis, & sacrilegiis, cæterisque sceleribus, etiam cum impediri facile possunt, grassandi licentiam non modò indulgeri, sed etiam magnis conatibus posse procurari? Quo enim istorum non est hæresis sceleratior, Deo contumeliosior, hominibus infestior, Reipublicæ perniciosior? Quòd si ergo hoc sapere est desipere, & omnium hæreticorum seditiones pro inducendâ docendarum hæresium libertate à suscepti sceleris labe purgare; indubitatum esse debet, non solum illicitum, sed gravissimam esse Religionis justitiæque læsæ maculam, quâ hæresis prædicandæ credendæque libertas Reipublicæ non laboranti permittitur, vel obtunditur. Contra quam licentiam licet



longè minorē, Spiritus Dei in Scripturâ clamat *a*: *Habeo adversum te pauca, quia habes illic tenentes doctrinam Balaam*, &c. Ita habes & tu tenentes doctrinam Nicolaitarum. Nam esse vel in solâ illâ permissione peccatum, exsertè edicit *b*: *Habeo adversum te pauca, quia permittis mulierem Iezabel, quæ se dicit propheten, docere, & seducere servos meos*. Hinc S. Gregorius Pontifex Maximus *c*: *Hi igitur, quos & fidei nostræ integritas, & legum damnat distinctio, non leve peccatum est, si vestris inveniunt temporibus licentiam reserpendi*. Et Gregorius Nazianzenus *d*: *Τὸ ὅ πάντων χαλεπώτατον ἐν ταῖς ἐκκλησιαστικαῖς συμφοραῖς, ἡ τῇ Ἀπολιναριστῶν ἐστὶ παῖρησις, ὅς ἐκ οἷδα πῶς παρεῖδεν ἡ ὁσιότης πορνοποιῶντας ἑαυτοῖς, & συνάζειν ὁμοτίμως ἡμῖν ἐξυσίου. Quod autem ex omnibus Ecclesiasticis calamitatibus acerbissimum, Apollinaristarum licentia est; quos haud scio quonam modo pietas tua convēntium, æquè ac nos, habendorum auctoritatem sibi arrogasse, atque usurpasse, passa fuerit.*

His itaque constitutis, non se fallat, sibi quæ blandiatur Christianissimus Rex, tamquam non contemnendum beneficium antiquæ fidei præstitisset, quod publicam Religionis libertatem Trajecto, Venlonæ, Ruræmundæ, Limburgo, centenisque aliquot parochiis procurarit. Liceat liberam Sacerdoti pro fide & veritate vocem loqui. Pernicies est, non beneficium, quod venditur. Fallaces verborum laryx faceßant à disputationibus, ut sine præstigiis res nudæ oculis objiciantur. Quid est libertas illa Religionis, quæ jaçtatur, nisi libertas hæresis, sacrilegii, blasphemix, scelerum, inquam,

*a* Apocal. 2. *b* Ibidem. *c* Gregor. ep. l. 3.

*d* Nazianz. ad Nestar. orat. 46.

inquam, divinâ humanâque lege damnatorum, quæ in Catholicas istas urbes introducta est? Quid est, nisi libertas errandi atque percundi? Quam ita commendat August. ut dicat *a*: *Qua est enim peior mors anima, quam libertas erroris?* Non enim fidei Catholicæ libertas illis civitatibus, sed perfidiæ procurata est. Liberrima ibi fides, fideiç; Catholicæ publicus cultus erat, nullâ necessitate Ecclesia vel Respublica admittendæ hæresis premebatur. Armis urbes illas Francus adortus est, expugnavit, sanguine miserabilium victimarum suarum cepit, hæresis florenti dominantique Catholicæ Religionis superinduxit. Quis nisi mente captus non videt, perfidiæ Francos ibi publicam libertatem peperisse, vincula Catholicæ fidei iniecisse, sanguine sub Calvino litavisse? Ipsa pacta deditiois urbium in fidem istius veritatis, & ignominiam Christianissimi Regis producentur in iudicio Dei. Sic enim sonat articulus quartus pactorum, quibus Venlona in potestatem hæreticorum tradita est *b*: *Religionem reformatam profitentibus tradetur Ædes S. Georgii, ut in eâ suam Religionem publicè exercent.* Et sic articulus primus deditiois Ruræmundanæ *c*: *Cives providebunt Religionem reformatam profitentibus locum opportunum, ubi publicè suam Religionem eis exercere licebit, sive in S. Georgii, sive alibi.* Sed longè clarioribus absque ullo fuce verbis mysterium istud expressit secundus articulus eorum, quibus deditio

P 2

Traje-

*a* August. ep. 166.

*b* ARTICLE 4. Qu'à ceux de la Religion reformée sera donné l'Eglise de S. George, pour exercer leur Religion publiquement, AV CAMP DEVANT VENLO 3. IVIN 1632.

*c* ARTIC. 1. Que ceux de la ville pourvoiront ceux de la Religion reformée d'un lieu commode, où ils pourront publiquement exercer leur Religion. soit dans S. George ou autre par, LE 6. IVIN. 1632.

Trajecti pacta fuit *a* : In posterum in urbem Trajectensem liberum & publicum admittetur reformatæ Religionis exercitium , ad illum modum , quæ in Provinciis confœderatis exercetur ; idque in templa & Ecclesias S. Jacobi , & S. Hilarii , &c. Ecce expressa , clara , infucata conditio , ut in posterum hæresios publicum exercitium in Catholicam civitatem inferatur. Jam enim ibi Ecclesia verus , veraque fides , sine ullo hæresei consortio , plenâ Religionis pace , plenissimâ exercitii sui libertate fruebatur. Non eam Francorum , sed Hispanorum Belgarumque sanguini debet , qui eam anno 1579. pulso Genevensi ritu , urbi captæ dedit : quam ad postremæ funestæque illius obsidionis diem constanter urbs illa conservaverat , & porro ulterius , sine isto præclaro beneficio Gallicano , conservasset. Sic ergo constitutæ Religioni quid nisi hæresin , Rex Christianissime , militum tuorum cruore sociasti , fidem Genevensi cum Romanâ iisdem mœnibus conclusisti ? Calvinus enim , urbe pulso domino Catholico , jam Catholicis dominatur. Ipse Religioni Catholicæ obsecuritatis , ipse præses libertatis , ipse arbiter nascituræ cujusque controversiæ. Quis sanâ mente fidem huc proditam , libertatem ejus captivam esse dubitaverit ? Interrogentur cives , quàm sibi de Francico beneficio gratulentur. Vociferantur : Facessant ista ludibria. Non indigemus istâ libertatis impetratæ misericordiâ , quæ nec nocentium atrocitati cedit. Crudelis misericordia tua , quæ ut sanare videatur , vulnus infligit. Desine ab injuriis fidei , & liberum erit nobis avitæ Religionis exercitium.

*a* ARTIC. 2. Que d'oresnavant en la ville de Maëstricht sera librement & publiquement admis l'exercice de Religion reformée, en sorte qu'elle est exercée en Provinces unies, & ce es temples & Eglises de S. Jacques & S. Hilaire, &c.

rium. Feliciores erimus, te nobis non nocente armatâ manu, urbemque rapiente, quàm beneficiente. Isti sunt quotidiani civium gemitus, totiusque Belgii Catholici voces: quod nihil execratur vehementius, quàm Christianissima hujusmodi beneficia, sub quibus Catholicus orbis gemit. Quæ si simili benignitate reliquo Belgio Rex Christianissimus adferre meditatur, quæ calamitas ei acerbior expectari potest? Pro tali quippe arcendâ Religionis libertate, quæ armis Francorum captis urbibus adfertur, dirissima jam tot annos Belgæ passi sunt, & adhuc diriora parati sunt pati. Ut monstri profectò loco habendum sit: Francos de hujusmodi libertatis beneficio vel hiscere posse, nedum audere gloriari. Quid enim, Deum immortalem! facit, quisquis in Catholicam civitatem hæresis exercitium, jam diu inde proscriptum damnatumque, vi armatâ, sub prætextu publicæ libertatis, adducit, nisi quod Romanam tacitè damnat fidem? Audi doctissimi Nazianzeni verba, nō mea: *Εἰ τοίνυν οἱ θιαῦται φρονούντες ἐν ἐξουσίᾳ τῆ σωάγῃ γίνονται, σκοπέτω σὺ ἢ ἐν Χριστῷ εὐδόκημῳ φρόνησις, ὅτι μὴ συμβαινόντων ἡμῶν οἷς ἐκεῖνοι φρονῶσι, τὸ λαβεῖν αὐτοὺς ἐξουσίαν σωάξεως, ἔδειν' ἐπερὶ ἐστίν, ἢ ἀληθεστέρας τῆ κατ' ἡμᾶς δόγματ' νομιοῦνται. Εἰ γὰρ αἱ ὑπεβῶντες ἐκεῖνοι διδάσκουσιν, ὡς φρονῶσι, καὶ κηρύττειν ἐν παρρησίᾳ τὸ κατ' αὐτοὺς ἐπιτρέπονται δόγμα, ὃ ἥλον ὅτι κατέγνωται ὁ τ' Ἐκκλησίας λόγος, ὡς τ' ἀληθείας παρ' αὐτοῖς ὕψης; δύο γὰρ ἐναντίως λόγους παρ' ἡμῶν πρᾶγματ' ἀληθεῖς εἶναι, φύσιν σὺν ἔχει. Προinde si is, qui talia sentiunt, cætus habere licet; illud velim cogitet atque expendat tua in Christo illustris prudentia, quod, cum nobis cum eorum dogmatibus non conveniat, cætus habendi potestatem illis factam esse, nihil aliud est,*

quàm. eorum doctrinam nostrâ veriorē existimare. Nam si illis, ut & piè sentientibus, ea, quæ sentiunt, docere, libereque promulgare permittitur; quis non videt Ecclesiæ doctrinam condemnari; perinde ac veritate ab illorum partibus stante? Neque enim rerum natura fert, duas de eâdem re contrarias doctrinâs veras esse. Audiat Ambrosium; cùm Gentiles per Imperatorem aram Deorum & superstitionem restituendam posceret, acerbius in simili causâ stomachatē a: *Quod si aliqui nomine Christiano tale aliquid decernendum putant, mentem tuam vocabula nuda non capiant, nomina cassa non fallant. Quisquis hoc suadet, sacrificat, & quisquis hoc statuit. Et inferius Nazianzeni ratione, & penè verbis Imperatorem premeus: Si volens acquievisi, damnaſti fidem meam: si inuitus cessisti prodidisti tuam. Quid enim interest, cultus Paganismi, an Calvinismi, publicè, undè exclusus est, reducat? Uno tantum; quòd ille, post incarnatum in mundo Deum, vel nullos omninò Christianos, vel paucissimos, propter evidentiam absurditatis, decipit; hic innumeros: ille ab omnibus irrisus despuitur; huic applauditur: illius redargutio & fuga iudicio quoque populari facilis; hic fallit, fatigatque eruditos: ille, redditâ ratione unius veri Dei, non difficulter exuitur; hic pertinacissimè ipsis animi medullis hæret. Ex quo consequenter fit, ut Christianissimi Régis conatus ad inferendos in Catholicas civitates hæreticos, cum hæreseos prædicandæ libertate, tãtò deterior sit favore Paganorum, quãtò hæresis est seducendis Christianis periculosior, seductisq; perniciosior. Laudem igitur Rex promeretur beneficentiæ Iuliani in Catholicos parem; qui cùm Christianâ Ecclesiâ pessumdare meditaretur b, dissidentes*

*Amb. ep. 11. b Marcell. l. 2. 2. n. 7.*

*Christianorum Antistites monebat, ut, civilibus discordiis consopitis, quisque nullo vetante Religioni suae serviret intrepidus.* Religionis enim dissidium, hæresisque prædicandæ libertatem, animarum Ecclesiæque venenum præsentissimum esse noverat: quorum utrumque similiter, Christianissimi Regis labore & militiâ, captis Belgii civitatibus propinatum est. Quid verò causæ est, cur non, cum eodem Iuliano, Deorum quoque delubra, eâdem illâ Religionis libertate à Christianissimo Rege recludantur, quæ Constantinus clausit? Quidni & Turcæ in Germaniam, & Saraceni in Hispaniâ, eâdem purpuratæ conscientiæ lege revocentur? Servant etiam Turcæ, non precariâ tantum indulgentiâ, sed stabili Monarchiæ lege, Religionis, quam inveniunt, libertatem, longè fidelius, quàm ulla hactenus Calviniana etiam jurata sigillataque fides. Nimirum eâdem conscientiæ normâ utrumque licet. Poterunt & hîc Franci de allatâ Religionis libertate gloriari, ut quibus Ecclesiam hæreticis subjugare, est Catholicæ Religionis libertatem dare; benefacere, fidem non extinguere. Quid specioso libertatis nomine mundo illuditur, & Religionis injuria prætexitur? Etiam in silvis qui despoliant, beneficium jactitant, & gratitudinem postulant, quia non occiderunt. Quid enim dirius Religioni Catholicæ fecerit apertissimus persecutor? Si hæresis Hispaniam invaderet, Italiam opprimeret, Romam Religionis arcem occuparet, aliudque prorsus prætenderet nihil, nisi ut in universo orbe Christiano, relicta Catholicis Gallico-Trajectensi libertate, dominaretur; quis non acerbam persecutionem, & conatum istorum sacrilegium exhorresceret?

Quid si novus aliquis satan Hugonottas adversus Christianissimum Regem concitaret, ut urbes invaderent unde conciones exclusæ sunt, templa Cathedralia & Parochialia civitatum pagorumque cum Catholicis, relictâ simili libertate, partirentur; quantos clamores hîc Christianissimi Reges, & Purpurati Proceres, & Ascetæ Consiliarii, & Catholici cives tollerent! Quantis diris adjuutores hæreticorum devoverent, qui Gallicâ beneficentiâ tantum eis largirentur Catholicæ libertatis beneficium! Impetremus, obsecro, homines ab hominibus, ut in causâ suâ alienam tantillum cogitent, & si non succurrere afflictis discant, certè misereri.

Enimverò si seria Catholicæ Religionis Francis cura est, directaque cogitatio; ecce in Angliâ fœderum connubialium debitrice, in Hollandiâ, cæterisque Provinciis confœderatis campus Christianissimi zelo patet. Illic oppressi jam diu Catholici gemunt, exulat liberum Religionis exercitium. Quin ibi expromunt decantatum illud suum liberæ Religionis beneficium, ubi beneficæ voluntatis puritatem operæ pretium, & laus sincera commédabit? Ibi namque grassantibus hæresibus limites sola libertas prædicandæ veritatis figet. Ibi opera, quam collocaverint, non in perfidiæ, sed Catholicæ legis patrocinium cedit. Sed quid? Hîc quasi frigidâ superfusâ totus Politicæ devotionis ardor cadit. Nempe hoc illis negotium est, non oppressæ Religioni libertatem, sed liberæ captivitatem dare: stantibus ruinam, non jacentibus elevationem operari. Ut enim ille olim de quibusdam dixit *a*, *Ruinæ facilius operantur stantium*

*stantium adificiorum; quàm exstructiones jacentium ruinarum.* Nempe nullus tali Religionis libertate Hispanus impetendus est, nullus Imperator evertendus: qui unicus isti hominum generi, & feruendi Deo, & hominibus placendi scopus, unica conatum Cynosura. Ut ita exemplo in promptu posito disceremus, non Religioni Trajecti, & alibi, ab eis præstitum esse beneficium, sed moliminum susceptorum tectam turpitudinem, quò coram hominibus imperitis quaquà specie justitiæ fucaretur, quod abominabile est apud Deum, eoque magis, quò propinquiùs adaptatum sanctitati. Nam quemadmodum aduersus Dominum, juxta Augustin. *a falsi testes tantò peiores fuerunt, quantò propinquare veritati per calumniam voluerunt:* ita aduersus Ecclesiam, tantò magis conatus detestandi, quantò sollertius eos pietatis colore tinctos esse volunt.

*a Serm. 93. de diuersis c. 1.*

## C A P V T XXVII.

*Libertas illa traditionem templorum Catholicorum conjunctam habet. Quàm hoc infame visum sit antiquis Patribus.*

**S**ed aliud est in hac præclarâ liberæ Religionis procuratione, quod religiosi animi non minùs molestè ferunt, neque minorem fortasse Religionis contemptum spirat. Nam Catholicorum cœtus per hanc ipsam libertatis obtrusæ legem a vitis templis suis migrare coguntur, ut hereticis concionibus, novorumque rituum sacrilegiis detur locus. Notum est enim, non posse confœderatos Ordines in possessionem urbium Franco milite



captarum, vel Catholicos in possessionem istius liberae Religionis mitti, nisi Ecclesiae victoribus nonnullae ex pacto cedant, & omnes, cum voluerint. Nam ut nova Religio condatur novas, ubi veteres praestò sunt, paradoxum est Stoicis penè mirabilius. Falsam fortasse putares regulam, nisi Trajectum, Ruræmunda, Venlona, recenter libertate donatae, omnesq; Provinciarum urbes, municipia & pagi veritati facerent oculatam cuilibet inspectanti fidem. Existant urbium captarum pacta *a*, in quibus templa Catholicorum tradenda praescribuntur, Trajecti S. Iacobi & Hilarii; Ruremundæ & Venlonæ S. Georgii. O praeclarum igitur allatae per Francos libertatis beneficium, quo Antistites aras ac templa sua, quorum nonnulla Sancti in caelo cum Deo regnantes, & in terrâ miraculis coruscantes, suis manibus fundaverunt, & incruentis mysteriis offerendis, Deiq; laudibus decantandis consecrarunt, Sanctorum hostibus, mysteriorum irrisoribus tradere profananda compelluntur! Exiguum hoc est, scio, pollicitae novaeque pietati; sed priscae, Catholicae, germanitusq; Christianae quovis tormento terribilius. Iste sensus fuit S. Ioannis Chrysostomi, sanctissimi doctissimiq; Praesulis. Cum enim ab Arcadio, Gainæ, res novas tyrannidemque molientis, terrore perculso, peteretur, ut illi tamquam haeretico Aedes una cederet, in qua Ariana sacra Gainas cum sua sectâ frequentaret, respondit ei generose Chrysostomus *b*: Μη Γραιῶνα, ὦ βασιλεῦ, ὑπὸ χεῖρῶ, μηδὲ διδόναι ὡς ῥα χεῖρὺς τὰ ἅγια τοῖς κυσὶ. Οὐ γὰρ ἀνίσταμαι, τοῖς μὴ τὸ Θεῖον Λόγον θεολογεῖν, οἷς τε καὶ ὑμῶντας ἐξαγαγεῖν, τοῖς τῶν βλασφημιῶν ἐκδίδοναι τὸ θεῖον πᾶν. Ne istud ei pollicearis, Imperator,

*a* Vide art. deditionis c. praeced. allegatos. *b* Theod. l. 5. Hist. c. 32

rator, neque sanctum dari canibus mandes. Numquam equidem patiar, ut qui Deum Verbum sanctè augustèque laudibus celebrant, expellantur è sacro templo, idemque tribuatur his qui contra Deum loquuntur blasphemias. Sed an Imperator criminis immunis, si istud vel faceret, vel pateretur? Audi Sozomenum a: Ἀμεινον εἶναι συμβουλευῶν τῷ βασιλείας ᾧ ᾤχεσθαι, ἢ πρὸς δότῳ οἴκῳ Θεῷ γενόμενον ἀσεβεῖν. Consulebat, satius esse Imperio cedere, quàm prodere domum Dei, & à Religione deficere. Ambrosii perinde sancti atque eruditi adhuc ferventior fuit erga templorum suorum custodiam fides. Nam cum Basilicam Imperator ad colligendos hereticorum cœtus, tamquam oblatà illà Gallicanà Religionis libertate, quæ Trajectensibus acquisita venditur, tradi iussisset, quantà fiducià impietatem detestatus est! quantà generositate imperium detrectavit b! Si ille (Naboth) vineam non tradidit suam, nos trademus Ecclesiam Christi! Absit à me, ut tradam Christi hereditatem. Si ille patrum hereditatem non tradidit, ego tradam Christi hereditatem? Et responsi sui reddens rationem, Respondi, inquit, ego, quod Sacerdotis est; quod Imperatoris est, faciat Imperator. Prius est, ut animam mihi, quàm iudem auferat. Et plenius in Epistolis suis c: Advertitis, quid jubeatur, cum mandatur, Trade Basilicam? hoc est, Dic aliquod verbum in Deum, id est, Blasphema, & morere. Nec solum, Dic adversum Deum; sed etiam, Fac adversus Deum. Et Calligono, propter Imperialis mandati despectum, caput ei auferendum minitante, Vivam, inquit d, permittat tibi, ut impleas quod minaris.

P 6

Ego

a Sozom. l. 8. Hist. c. 4. b Amb. in conc. de Basil. non tradend.  
c Epist. 14. ad Marcellin. sororem. d Ibidem.

*Ego enim patiar, quod Episcopi, tu facies, quod spado-*  
*nus* : Martyrem utique in hujusmodi causâ Dei.  
 Scio enim, adjicit in eâdem concione, *quia quid-*  
*quid passus fuero, pro Christo patiar.* Quantus in  
 eâdem calamitatis interminatione populi luctus,  
 bone Deus, quantus fletus ! Fidei Christianæ  
 summam agi in istâ causâ putavisses. Itaque  
 S. Augustinus Doctorum Ecclesiæ coryphæus,  
 cùm ostendere vellet impietatis magnitudinem,  
 quæ in hujusmodi templorum Christianorum  
 traditione continetur, proprium eorum, qui  
 Christianæ pacis inimici sunt, adeoque Apostata-  
 rum, hoc facinus esse tradit. *Constantinus*, in-  
 quit *a*, *vobis* Donatistis *Basilicam* *jussit auferri*, *Iu-*  
*lianus restitui.* *Quid horum Christianæ paci conve-*  
*niant, vultis nosse?* ILLVD FECIT QVI CREDIDERAT  
 IN CHRISTVM ; HOC FECIT QVI DIMISERAT  
 CHRISTVM.

Jam ergo vides, Rex Christianissime, & Prin-  
 cept Catholice, præclara S. Ludovici soboles;  
 quid de beneficio tuo Trajectensibus obtruso  
 duo illa columnina Christianæ Theologiæ sensê-  
 re, dixêre, scripsêre. Nempe tale est, quod ne ac-  
 ciperent sancti Antistites, Martyres esse delege-  
 runt. Nam ut istud armis tuis in Catholicam Bel-  
 gii civitatem sub Ordinum imperio sine templo-  
 rum traditione inferas, fieri nullo pacto potest.  
 Urbium deditarum conventa cum Ordinum Du-  
 ce pacta, præsentibus & spectantibus Centurioni-  
 bus Tribunisque tuis inita, qui militum tuorum  
 sanguinem pro mœnibus occupandis, & illâ li-  
 bertate Religionis afferendâ profuderant, templa  
 Catholicorum dedicanda sacrilegiis, postula-  
 ta

ta ac tradita esse testantur. Quid si Præsul aliquis divino caritatis ardore generosior responderet cum Ambrosio: *Non tradam Christi hereditatem*, nōne Martyrem tuo fecisses beneficio? Quid si alius tibi in istâ causâ diceret: *Satius est, tibi Rex, Imperio cedere, quàm prodere domum Dei, & à Religione deficere?* Prodit enim, qui proditoribus jungitur, proditores excitat, proditoribus portas militum suorum sanguine aperit, proditorum potestati & arbitrio Religionem, templa, sacra, profanaque tradit. Quàm ob causam, in ipsâ Franciâ, quamvis hæreticis publica libertas data sit, templa tamen Catholicorum prorsus negata sunt. Nam si hoc Christianis Regibus in Catholicorum urbibus licet, agite, via strata est, ut, cum libuerit, sub illo liberæ Religionis afferendæ beneficio, templa Christi, Turcis admissis, in Mosquee convertantur. Quid enim in Turcis odiosius, nisi nomen? Rem enim, hoc est, impietatem, incredulitatis & sacrilegii magnitudine hæretici superant, hæreticos cunctos Calvinistæ impudentiâ, blasphemis, pervicaciâ, crudelitate, fractæque fidei in rebus Religionem spectantibus notâ. En quò nos tandem phalerata illa Religionis libertas trahit, si semel, nullâ necessitate fidei periclitantis advocata, sed solâ Regum vicinorum emulatione stimulante obtrusa, sub consuetudinis jam quasi inolite probatæque patrocínio radices inter Christianos egerit.

## CAPVT XXVIII.

*Aliâ ratione peccatum in istâ liberi exercitii Catholici  
procuracione. Quanta observatio libertatis illius, &  
securitas perpetuitatis speranda sit.*

**S**Ed age, in hac Religionis Catholicæ procura-  
tâ libertate nullam ejus violatæ labem inter-  
venisse statuamus, quis inde fructus in Christia-  
nam Rempublicam redundabit? ille profectò,  
propter quem etiam à Catholicis nostris adorna-  
ta, & ab hæreticis Belgicæ promissa est, ut popu-  
lus speciosâ Religionis intemeratæ pollicitatione  
seductus nihil interesse putet, utri ipse pareat, hæ-  
retico an Catholico, uter Reipublicæ Belgicæ ha-  
benas moderetur. Nam hâc de causâ egregium  
istud beneficium etiam ante civitatum obsidio-  
nes totî Belgio venditatum fuit: ut faciem Reipu-  
blicæ novam, quam commutandam destinave-  
rant, & Catholicæ Religionis statum, & hærescon  
secuturam libertatem Indifferenter ferendo, do-  
minaturis hæreticis Respublica simul cum Reli-  
gione proderetur. In quo ipso libertatis adornatæ  
scopo perniciosus error, & impietas intoleranda  
clauditur. Quis enim sanę fidei eousque amentię  
prorumpat, ut non Ecclesiam feliciorẽ putet,  
quando hæreticis vastatoribus Religionis caret,  
quàm cum eorum impietate conspurcatur? Aut  
non Catholicæ Religionis conditionem, quid-  
quid tandem de illâ libertate promittatur, incom-  
parabiliter pejorem sub hæreticorum, quàm sub  
Catholici Principis dominatione futuram arbi-  
tretur? Quis eò impudentiæ, ut hoc aut dicat,  
aut sentiat? Quod si planissimum est, de quo  
nemi-

neminem umquam, nisi novarum sectarum amatorem, disceptantem aut ambigentem vidi aut legi; impietatis profectò plenum est, illam populis opinionem instillare, quâ à Catholicæ legitimæque dominationis auctoritate in hæreticorum potestatem, & ab antiquæ Religionis tutelâ ad permittendam hæresen libertatem, se æquis animis, depositoque defensionis studio, transferri sinat. Ita nihil undique conatus isti Politici spirant, nisi impietatem adversus Deum, & crudelitatem adversus homines, dum simul à divinâ pietate, & humanâ æquitate discedunt.

Sed aliud est in hac liberæ Religionis venditione præclarissimum, quod paulò penitiùs intuendum est, quàm egregiè Catholicæ Religionis, sub hæreticis confœderatarum Provinciarum Ordinibus, & in Germaniâ sub Protestantibus Principibus, cautum sit. Nimirum novâ naturæ metamorphosi, calor à frigore, virtus à vicioso, fides ab infidelibus, in illâ ipsâ infidelitatis professione, exspectanda nobis est; juxta S. Spiritûs institutionem scilicet *a*: *Cum viro irreligioso tracta de sanctitate, & cum injusto de justitiâ, cum impio de pietate, cum inhonesto de honestate, cum servo pigro de multâ operatione.* Sed clariùs mox documentum salubre adjicit: *Non attendas his in omni consilio.* Quomodo enim servabunt hominibus fidem, quam Deo non servaverunt? *Homo apostata*, inquit Scriptura *b* veritatis, quæ fallere aut falli nequit, *vir inutilis, graditur ore perverso, pravo corde machinatur malum, & omni tempore jurgia seminat.* Quæ mala non machinati sunt in Franciâ? quæ jurgia non semi-

feminarunt? quæ Regum jussa, quæ pacta toties iterata servavere? Mirum profectò, tot domesticis calamitatibus eruditos necdum sapere, vel in tantâ causâ potius de industriâ sic velle desipere. Nónne ipsi ex professo docent, & ubicumque possunt, hæretici, usu clariùs, quàm voce clamant, nullam Catholicæ, ut blasphemant, idololatriæ dandam esse libertatem? Obsequium se putant præstare Deo, si eam aquâ & igne interdictam suarum ditionum limitibus proscribant, nisi aliud timor aut utilitas jubeat. Centuriatores ita profitentur: *a Considerent omnes sanâ tantùm mente præditi (non jam de piis, Deumque timentibus loquimur) qualis sit justitia vel equitas, quàm conformis ipsi rationi, quòd latronibus ac lupis, hoc est, hostibus animarum (quid enim nocentius est animabus falsâ doctrinâ?) securitas & libertas permittitur, ut voce, stylo, librisque longè à eâ que per orbem Christianum dispersis lucem verbi divini gloria Dei detrahant, spiritum turbent, animas hominum in æternum exitium, & regnum diaboli pertrahant? Et Paræus b Calvinista: Magistratus Christianus non debet confusionem in Religione permittere, sed solam veram Religionem tueri atque defendere. Quam doctrinam eorum praxis per totum orbem, ubicumque securè dominantur, excluso publico Catholicæ Religionis cultu, probat.*

In ipso Belgio, de quo quæstio est, quàm eis pacta de Religionis Catholicæ libertate libera sint, quid opus est sigillatim recensere? Tota factio ab eo die, quo inchoata est, usque ad pactas Inducias, quemadmodum suprâ vidimus, odium spirat in Catholicam fidem implacabile, professumque in-

eluden-

a Centuria 7. in epist. præfixa edit. an. 1564. Basiliæ.

b In epist. ad Rom.

cludendis pactis studium, quibus publicum Religionis antiquæ cultum se permissuros, diversis Occasionibus receperant. Vix *Pacificationem Gandensem* pacti fuerant *a*, in quâ Religioni Catholicæ utcūque cavebatur, cum Monasteria in Monte S. Gertrudis, aliisque locis alia solo cœquarūt.

Gandavi, *b* ubi conceptę Pacificationis leges, fugato Clero, templa Monasteriaque fœdissimè spoliata, & plerique Pacificationis articuli pefumdati.

Antverpię anno 1578. *c* *pax Religionis*, quam nuncupabant, generaliter coaluerat, quâ libertas Catholici cultus, itemque Calvinistici, publicè in Belgio sanciebatur. Hac usi Calvinistę, multis in locis publicè suę superstitionis apparatus protulerunt, eðesque sacras occuparunt. Ubi invaluerant, mox palam Catholicos depresserunt.

Amorsfortia, opidum exiguum, sed avitę fidei tenacitate nobile, bis pacisci de Religione compulsa fuit; bis eos perjuros & fœdifragos experta. Primum se deditit Comiti Montensi, & illius pręsidium accepit *d*, eâ lege, ut *Catholica Religio sarta tecta conservaretur, omnisque iconomachia cessaret*: quod Pręfectus, in editiori loco stans, publico juramento, invocato Spiritus sancti numine, juravit. Sed ille ipse perjurus cū suis, paulò post omnia templa, superioribus annis ab Iconoclastarum impetu defensa, diripiunt, aras evertunt, & sacra profanis miscent. Iterum septennio post dedita est Ultrajectensibus *e*, acceptis conditionibus *de conservandis privilegiis; promissâq; liberaliter Catholica Religionis conservatione*. Itaque medio in foro

*a* An. 1576. *b* Ad an 1578. *c* 22. Julii anno 1578.

*d* Anno 1572. *e* Anno 1579. mense Martia.



354 DE JUSTITIA FOEDERVM GALLICOR.  
foro patibulum excitatum, ex quo pœnas lucrent,  
qui in Catholicos insolecerent. Nempe Priapus  
ficulnus,

— a *Furum aviumque*

*Maxima formido.* —

Nam sequenti die, contra pacta præcedentis, Senatum mutant, Prætoris officio submoto, alium subrogant, libertas Catholicæ Religionis exulat usque in præsentem diem.

Schoonhovia, cum à Comite de Marck obsidione premeretur *b*, vitam, fortunam, Catholica Religionis liberum exercitium, Religiosorum locorum personarumque privilegia, in arce Lisveldiâ cum hoste pacta, deditionem fecit. Ille perjurus undecimo Kalend. Novemb. tēpla profanans, Ecclesiasticam supellectilē diripiens, aras subvertens, Sacramenta sceleratis pedibus conculcans, omnem Catholicæ Religionis usum exterminavit. Mox Religiosos Monasterii suburbani Canonicoꝝ Regularium, alios vulneribus inflictis interemerunt, alios è nuce suspensos strangularunt, alium equinæ caudæ alligatum raptatumque, deinde antennâ sursum deorsumque immaniter tractum, suffocarunt.

Amstelredamum quando in Principis Orangii potestatem venit *c*, ita Religioni antiquæ lege caverat, ut ne quidem concionibus Calvinistarum in urbe totâ pateret locus, sed ut *his, qui aliâ essent Religione à Romanâ, facultas esset extra urbem coetus habere, & concionari, mortuos suos loco designando sepelire.* Instrumentum fidei faciendæ Principis sigillo communitum est: Ordines Hollandiæ, Zelandiæ, & Ultrajectini, tamquam fidejussores, etiam

a *Horat. lib. 1. Sat. 2.* b *An. 1572.* c *An. 1578. s. vel, ut alij, 8. Januat.*

etiam appenderunt sua, cum cives fraudem pertimescerent. Quis non in utramque aurem dormiret, tantâ securitate fretus? Mense Junio sequente *a* tanta strages in ædes sacras, altaria, imagines edita, & in sacra tot commissa sacrilegia, ut furori & perfidiæ barbari palmam concederent. Ipsi Catholici tot scommatibus injuriisque vexari, ut urbe cedere satius ducerent.

Harlemenses hac inter cæteras se conditione tradiderunt *b*, ut cives Catholica Religionis publicum usum retinerent: Calvinistis unam Ecclesiam habendis coetibus & concionibus concederent. Utrunque pactum ab Antistite Harlemensi & Orangio subscriptum est. Vix anno elapso *c*, festâ Sanctissimi Sacramenti die in templum irruunt, Antistitem capiunt, Clerum pulsan, partem vulnerant, unum occidunt; mox oppressum Catholicæ Religionis exercitium.

Sed fortè novæ Religionis musto in cordibus runc ferventi vertigo illa infidelitatis & scelerum tribuenda est. Videamus igitur, quàm bellè sibi similes adoleverint. Neomagum, cum jam illa iniuria deferbuissent, in deditiois articulis, quos pepigerat *d*, unum obtinuerat, Ne Ecclesiæ violarentur; etsi negatâ Catholicæ Religionis libertate. Sed Kalendis Januarii designati ex Goldriæ Senatu viri veterem Magistratum abdicant, Monachos fugant, Sâctorum effigies in forum productas per carnificem comburunt, Decanum & Canonicos captos ad Ecclesiarum opes demonstrandas adigunt. Decênio post *e*, Gravia Francis adiutoribus expugnata, & duabus inter cæteras pactorum legibus tradi-

*a* An. 1578. Junio ineunte. *b* An. 1577. *c* An. 1578. in festo SS. Sacramenti. *d* An. 1592. *e* An. 1602. 20. Septemb.

356 DE JUSTITIA FOEDERVM GALLICOR-  
tradita est. Quarta erat : *Quibuslibet, siue viris si-  
ue feminis, siue Ecclesiasticis iue laicis, qui Catholi-  
cam Religionem profitentur, licitum erit in oppido com-  
morari, tranquilleque vivere, sine injuriarum & ex-  
probrationis metu. Quibus & Ecclesia concedetur, de-  
votionis eorum, baptismi, & matrimonii celebrandi cau-  
sa.* Quinta verò : *Omnes Monachi & Religiosa in  
Monasteriis suis permanebunt, si placuerit, suisque fruen-  
tur bonis ac redditibus.* Utrique ad Kalendas Græcas  
Ordines facient satis.

Quid multis? Totus istorum hominum status  
non nisi perpetua quædam perfidię tela est in Ca-  
tholicam Religionem. Mentior, nisi illa ipsa per-  
vulgata *Ulrajectensis Unio a*, unde nomen *Unita-  
rum Provinciarum* fexunt, eos publicâ luce con-  
vincat. Inspiciatur articulus Unionis decimus ter-  
tius, quo conceptis verbis decernunt *b*, *Ceteris  
Provinciis, præter Hollandiam ac Zelandiam, licitum  
esse juxta Pacem Religionis jam conceptam vivere.*  
In hujus autem Pacis plerisque articulis publi-  
cum templorum Catholicęque Religionis exer-  
citiū sanciebatur, concedebaturque Religiosis  
omnibus bonorum suorum usus. Adjuncta fuit  
Unioni Kalendis Februarii quædam *c Explicatio*,  
quâ declararunt, se non excludere ab hac Unione  
ullas urbes aut Provincias, quę etiam *soliis Ca-  
tholica Religionis usum retinere vellent.* Ubi jam fi-  
des in hac parte istius tam celebratę juratęque  
Unionis? ubi observantia? Risu exploderent, imò  
proditionis arcefferēt, eos, qui eam vel observan-  
dam, vel revocandam somniarent. Barneveltius  
ipse aculeos eorum sensit, cum eam in nonnullis  
articu-

a Conclufa est Ulrajecti an. 1579, 13. Jan. b Art. 13. 14. &c.  
c Art. 10. eodem an. 1579.

articulis, quia jurejurando sancitam, etiam observandam contenderet. Audi Petrum Holderum, pseudo-Ministram Euangelii, retundentem libertatem ejus a: *Profecto si Vnio Vltrajectina servanda sit, ut tu urges (Barnevelti) tunc omnes Papista triumphabunt, qui liberrimè tunc omnes suas Missas facere poterunt. Imò si artic. 13. servari debeat, omnes Monachi revocandi erunt in omnes fœderatas Provincias, omniaque Ecclesiastica bona & Monasteria illis restituenda. Domini mei Status, videte, quò ruiat ille cum suo Arminianismo. Sûntne hæc consilia Hispanica, & excitationes luporum dormientium? Hæc est fides legum atque pactorum quorumcumque de Catholicâ Religione, quam istud hominum genus universum Catholicis se debere arbitratur. Quærat enim quisquis volet, promissionum istarum omnium præcedentium, quantumcumque subscriptarum, sigillatarum, juratarum vestigium, nullum profectò nisi in pactorum chartaceis instrumentis, scriptisque libris, inveniet: irrefragabile scilicet Calvinisticæ fidelitatis testimonium ad tuendam Catholicis promissam libertatem. Qui jam deinceps fallitur, sibi imputet, quem nondum alienæ calamitates caurum reddiderunt.*

a Petrus Holder

## C A P V T XXIX.

*Vberius hoc ostenditur ex postremâ expeditione Batavorum & Francorum in Brabantiam, & excidio Thenensi.*

**S**ed quamvis nulla hujusmodi experimenta præcessissent, quid rebus ipsis in se consideratis, imprudentius excogitari potest, quam ut ab hæc-

hæretico, hoc est, à jurato Catholicæ Religionis hoste, patrocinium Catholicæ Religionis expectetur? Miriores forsân suspicaberis antiquæ fidei esse Batavos, odioque hæreseos nimiam de hæreticis diffidentiam me concepisse. Utinam mendacem stylum veritas convinceret! Facebant hinc igitur conjecturæ: res ipsas gestas non quorumcumque perduellium antiquæ Religionis, sed horum ipsorum intueamur, de quibus quæstio est, quas non in ipsis profanæ novitatis incunabulis, sed hoc ipso tempore, hæc ipsâ postremâ expeditione Brabancicâ, quâ libertatem Religionis Catholicæ toti Belgio, adiutoribus Francis, venditabant, incredibili immanitate perpetrarunt. Necdum fines Leodiensis ditionis egressi erant, cum animos injuriis Catholicæ fidei gravidos in Hougardiam, Leodiense municipium, Brabantia contiguum, tamquam pertæsi diuturnioris moræ, laxare cœperunt. Invaso siquidem Bogardorum Cœnobio, pulsatisque & fugatis Religiosis, quorum nonnulli Lovanium se proripuerunt, vestigia reformationis Calvinianæ luculenta reliquere. Hinc Thenas adorti, universum furorem suum in Ecclesias, omniaque sacra tantâ impotentia effuderunt, ut, quemadmodum natura sparsas totius universi perfectiones in microcosmum velut compendium contraxit, ita quidquid ignominiosum probrosumque adversus Catholicam Religionem infernus olim evomuit, Historiæque sive veteres, sive novæ, posteritati tradiderunt; hoc in unius oppiduli expugnatione, cui videlicet libertatem Catholicæ fidei inferebant, cumulativè expressum sit. Ecclesiæ & Monasteria universa fœdissimè violata, altaria eversa, fractæ & illusæ Sanctorum Dei que

Deique Genitricis effigies, non sine execrandis in omne quod sanctum est blasphemiiis. Ignis templis atque ædibus ex omni parte vicatim injectus, non impetu militari, sed postridie, quieto destinatoque consilio, fascibus magno numero & labore in ædis majoris turrim aliaque loca cōgestis, ut Calviniana impietas, & Neroniana crudelitas haberet spectaculū, quo pasceretur. Nosocomium unā cum ægris exurere, parum erat, nisi rabies etiam civibus, militibusque Regis igne excruciantis gestiret. Ustulatos ac semitostos in oppidis proximis non pauci nec sine ingenti ejulantium commiseratione, spectarūt. Raptos ab ubere infantes, spectantibus matribus, parietibus allisere, pugnibus confodere, ignibus injecere: quorum complures in ædiculā Beatæ Virginis, vulgò tui Poete/ mortuos, & in cruore suo volutatos, postea civitas vidit. Diversorum Ordinum Religiosi barbarā excepti crudelitate. Alii *a* vestibus indecore nudati, & impudenter illusi: alii *b* percussi, pluribusque vulneribus, ad *c* undecim usque, graviter sauciati: alii *d* equis impositi, & instar morionum, vestibus cuculloque lacerō, & femoralium incis retinaculis, per forum vecti: alii plures *e* crudeliter occisi. Pecuniis extorquendis nulla tormēta erant satis. Senes verberibus tantum non enecati, pulvis nitratus fæminarum uberibus impositus, incensusque, ut spoliati omnibus, plura, quàm suppetere, faterentur. Denique ad miseriarum cumulum omnibus, velut captivis, ad fæminas puerosque octennales usque, lytrum extortum, & in rogam bustumque versa civitas.

Quæ

*a* Franciscani, Carmelitz. *b* Ibidem. *c* Franciscanus.  
*d* Augustinianus. *e* Franciscani.

Quæ non ludibria & sacrilegia in Augustissimum istud Angelisque tremendum Sacramentum, universumque Sacrificii incruenti apparatus conjecerunt? Alii ornamenta sacra per plateas publicas raptare; alii casulis induti ad tibiæ modulos canere, gesticulari, tripudiare; alii sacratissimam Hostiam flammis tradere, pedibus in templis Annuntiatarum & Carmelitarum, aliisque locis conculcare, cultris concisam in equorum pabulum spargere; alii pyxidem, quod Ciborium vocant, equorum caudis alligare, & spectante gementeque oppido, aquatum ducere: ut & cives discerent, quos liberæ Religionis auctores vindictæque recepissent, & Franci, ludibriorum spectatores, tandem rebus ipsis intelligerent, quibus impietatis furiis cooperatrices præbuissem manus, quàm commentitiis nugatoriisque phaleris veritas in Galliâ fucaretur, populusque Gallicanus & Rex ipse luderetur. Hæc ignominiosa atrocitas in pleraque Ecclesias ditionis Thenensis ac Lovanienfis, quod rabies eorum perungere potuit, insolentissimè edita est; ne quis potius furorem subitum militarem, quàm stabile antiquæ fidei odium partes suas egisse putet. Nam quibusdam in pagis, intactis incolarum ædibus, sola templa conflagraverunt: quibus pepercit ignis, tot ubique sacrilegiis polluta sunt, tantæque sacrarum imaginum altariumque strage profanata, ut Saracenicam impietatem ea pervasisse, imò superatam esse, meritò credas. Saracenis enim imagines Divorum sustulisse sat est: istis profanitatis coryphæis nullum ignominia genus in Catholica sacra, in Sanctum Sanctorum, humanæ imbecillitati attemperatum; in Sanctos ejus, reliquum fuit. Statuis eorum memoriam

moriâ reficantibus aliis truncarunt manus, aures, nares, aliis asinas aures affixere; aliis alia probrosa intulere, cujusmodi religiosis auribus audire, & linguis fari piget ac tædet.

Crudelissimas eorum libidines, & petulantissima flagitia, quæ in infirmiore sexum, dedicatasque Deo Virgines committere, vel attingere horret stylus. Nam in oppidulo, quod eos neque contumeliis provocaverat, neque obsidionis prolixitate fatigaverat, neque resistendi pertinaciâ, nobiliûmve Ducum morte exasperaverat, sed quod contra fidem datam, interfecto etiam in mœnibus tympanistâ Caduceatore, inter paciscendum occupaverant; tale specimen humanæ æquitatis, & Calvinianæ humanitatis ediderunt, ut quidquid vel Scripturæ ab idololâtris, vel Historiæ sæculares à barbaris designatum posteritati commendarunt, vel fingendi licentiâ Poëtæ cecinerunt, longè superaverint. Revolvantur quæ vel à Suecis in Germaniâ, vel olim Jerosolymis à Chaldæis Romanisque in hoc genere perpetrata sunt, vel quæ Chalcondylas, oculatusque testis Phranza Cōstantinopoli edita à Turcis produnt, omnia petulantiae impietatisque magnitudine post se reliquerunt. Nulla ætas, nulla professio aut status libidines eorum infames non expertus est: nec octennibus, penè ad mortem usque, aut septuagenariis effœtisque parcirum. Nudas non paucas, quibus illuserant, in plateas publicas, atque adeò extra oppidum expulere, quarum nonnullas, omnibus exutas vestibus, jugulatos infantes ulnis complexas, ad vicina notaque omnibus loca fors errabundas detulit. In sacras Virgines, velut præcipuam prædam, vulneribus & ignominiam insolentius sæ-



vitum ac petulantius. quarum uni cum vim afferre in æde S. Francisci Francus niteretur, monereturque esse dedicatam Deo; *Deo*, inquit (ô blasphemam vocem!) *affigenda cornua*, perfecitque scelus. Conjugatas in conspectu maritorum, filias in oculis parentum, ad ludibrium oppresserunt. Nec Benjamiticæ impietatis in uxorem Levitæ exemplum, vel exempla potius defuere. Sedecim, viginti, triginta, imò, quod constanter asseritur, octoginta & plures, unâ abutebantur, canum instar de prærogativa certantes, quoad probrosæ crudelitatis contumeliam etiam mors abrumperet. Quantò Benjamitis fæx ista sceleratior! Nam illi noctis pallio ab oculis hominum tecti; hi, hircis petulantiores, canibusque impudentiores, die mediâ, cælo soloque teste, in ipsis plateis adeoque templis S. Germani, B. Virginis, Franciscanorum, Carmelitarum, Scholisq; Augustinianorum, non exiguâ capientiû captivorumq; turbâ circumstante, immundissima huiusmodi & sacrilega flagitia designarunt: unde nō paucas sub manibus Medicorum Lovanii ac Trudonopoli decumbere explorata veritas est. Quid illud? quas non Cynicæ impudentiæ, ac satanicæ impietatis metas transiit? Puellam, quam stupraverant, in sacri mensâ altaris mortuam extenderunt, ut omnibus esset spectaculo. Ab alijs pluribus, gladio transverberatis & mortuis, eos rapuisse constat, quod à viventibus rapere effrenis lasciviarum obscœnitas solet. Nempe tartareus istorum ardor: in frigidis cadaveribus extinguendus fuit. Quæ inaudita barbaries in fœminam penè septuagenariam, morbis gravissimis exhaustam, omnibusque exutam vestibus, in ipsa æde S. Germani crudelissimè

liffimè crinibus raptatam, tormētisq; talibus interfectam, perpetrata est. Erubuit, arbitror, Luna, & confusus est Sol, quod vel execranda ista scelera, vel progeniem ipsam totam viperarum, radiis umquam suis collustraverint. Nec multò mitius aut verecundius in rusticanas mulieres, tum in quibusdam pagis, tum per Sogniam silvam lenones isti grassati sunt. Nihil invidia causâ exaggero. Testes vivunt, qui invitis oculis ista nefanda spectavere, & corporibus passi sunt, ut jure merito cum Israëlitis in Israël Christiano exclamare possimus *a: Numquam res talis facta est in Israël, ex eo die, quo ascenderunt patres nostri de Ægypto, usque in præsens tempus.* Quisquis enim inde redit, scelerum infamiam ac turpitudinem linguas humanas excedere proficetur.

Hæ Religionis injurias & abominationes Franci Batavi, Batavis Franci imputant, ut utroque reos teneamus. Quamvis, Thenensium judicio, Batavi in sacrilegiis, incendiis, crudelitate, incestibus committendis, cum Gallicana petulantia & insolentia, ut minimè de palma contenderint. Scelerum vero enormitas & sacrilegiorum tanta fuit, ut ipsosmet in sceleribus coegerit erubescere, nec impudentiæ impietatisque magnitudine, naturæ reclamantis voces extinguere potuerint. Nam, quæ extrema adhuc naturæ bonæ scintilla est, quos ea perpetrasse non puduit, puduit videri perpetrasse. Hinc etiam inter ipsos illos facinororum auctores auditæ subinde conscientiæ obtrantis voces: *Si Deus est aliquis, & ille justus, fieri non potest, quin ista impietas ei pœnas luat.*

Et ista monstra, non hominum, sed sceletum, etiam ab Hispanica tyrannide, si superis placet, *a. Judic. 19.*

cunt Deo: *a* Tu scis, Deus, quas ob causas noster Iosue cum omnibus copiis suis arma procul extra limites nostros ferat. Nimirum, ut illi miseri innocentesque liberentur, qui jam tot annos contra mentem atque conscientiam coacti sunt idola venerari, & vi impediti fuerunt, ne nomen Salvatoris IESV Christi iuxta verbum ejus consisterentur; utque pura verbi tui predicatio in medio idololatricarum Provinciarum non modo plantetur, &c. Et infra non minus luculentè: *b* Tu scis, o Domine, tu scis, nos hac de causa potissimum adversus inimicos nostros bellum gerere, qui ferre non valent aut volunt, ut salutem nostram in sola tua gratia, & Filii tui meritis quæramus; sed adigere nos volunt, ut ad eam per propria merita, per preces defunctorum Sanctorum, per peregrinationes, aliaq;

*a* In het Huys-ghebet ghemaect op dese teghenvvordighe Eede-daghen in dese ghevaerlijcke Heyrtochten des Doorluchtighen Prince van Orangien, buyten de Provincien: ghedruckt te Gornickum voor Adriaen Helmischz. anno 1635.

O rechtbeerdighe yverighe Godt / ghy weet om wat saken onsen Josue / met alle sijne Heyr-crachten te belde is / herre buyten onse Landt-palen / omme de arme onnossele menschen te verlossen / die soo menich jaer teghen haer ghenoot ende conscientie ghedwonghen zijn ghesweeft d' onsen te eeren ende te dienen / ende doo? ghesweeft d' onsen te ghelindert den naeme IESV Christi haer onsen ghelinders naer sijn woort te belijden / ende onsen ondinghe dijns Goddelijcken woorts onsen ondinghe der Afgodische Provincien niet alleen niet on-

betet / dat wy den oorlogh onse vyanden hebben / die onsen / dat wy onse saligheit onse ghenade / inde verdien onsen dwinghen / doo? onsen ondinghe der af-ghestorven onsen ende midere versterke Af-ghegheert te soeken &c.

basset. Erumpebant subinde ex fossis militaribus Batavorum obsidentium fremebundæ voces, quibus dira Papis, hoc est, hæreticorum phrasi, Presbyteris, quibus Lovanium refertum est, ac Religioni minabantur: ut maturè intelligerent, quam libertatem Religionis Catholicis afferre meditantur. Franci ipsi, quorum plerique se Catholicos dictitabant, ingenuè se ignorare fatebantur, quo fucio talia coram sui Regis oculis induci possent. Sed quemadmodum quando distorta regula velut recta approbatur, quidquid eâ metimur, expers esse erroris videtur: ita, postquam Theologia Principum Ecclesiæ rigorisque cœnobitici, statûs ancilla esse cœpit; nihil in Religionem tam perversum, nihil tam sacrilegum, quod non imperitorum oculis æquitatis colore fucari queat. Nulli enim errores facilius nequiusque instillantur, moribusque periculosiores sunt, quàm quàm à morum magistris obtentu veritatis propinantur.

Ex quibus profectò liquidò perceperit, quisquis non de industriâ delirare velit, quam Catholicæ Religionis libertatem à talibus novis Dominis præstolari debeat: cum ex professo nihil aliud hac militiæ Bataviæ Gallicæque consociatione agi manifestum sit, (quod hoc loco præcipuè in culpam trahimus) quàm ut hæresis Calviniana, omniâque ei cognata sacrilegia, in universo Belgio Catholico, unde hæctenus tantâ sanguinis effusione exclusa sunt, securè dominantur. Hoc ipsa typis edita vulgataque Precum formula, quibus hanc expeditionem in Provincias obedientes auspicatam Batavi reddere conati sunt, apertius clamat, quàm ut ullâ Gallicâ astutiâ aut fucio regi queat. Orantes enim, aut execrantes, di-

cunt Deo: *a* Tu scis, Deus, quas ob causas noster Iosue cum omnibus copiis suis arma procul extra limites nostros ferat. Nimirum, ut illi miseri innocentesque liberentur, qui jam tot annos contra mentem atque conscientiam coacti sunt idola venerari, & vi impediti fuerunt, ne nomen Salvatoris IESV Christi iuxta verbum ejus confiterentur; utque pura verbi tui predicatio in medio idololatricarum Provinciarum non modo plametur, &c. Et infra non minus luculente: *b* Tu scis, o Domine, tu scis, nos hac de causa potissimum adversus inimicos nostros bellum gerere, qui ferre non valent aut volunt, ut salutem nostram in sola tua gratia, & Filii tui meritis, queramus; sed adigere nos volunt, ut ad eam per propria merita, per preces defunctorum Sanctorum, per peregrinationes, aliq;

*a* In het Huyf-ghebet ghemaect op dese teghenvvordighe Lede-daghen in dese ghevaerlijcke Heyrtochten des Doorluchtighen Prince van Orangien, buyten de Provincie: ghedruckt te Gornickum voor Adriaen Helmischsz. anno 1635.

O rechtbeerdighe overighe Godt / ghy weet om wat saken onsen Iosue / met alle sijne Heer-crachten te belde is / herre buyten onse Landt-palen / omme de arme onnoosle menschen te verlossen / die soo menich iaer teghen haer ghemoet ende conscientie ghedwonghen zijn ghesceeft d' Af-goden te eeren ende te dienen / ende door ghesceelt en dwangh ghelijndert den naeme IESV Christi haers Salighmaeckers naer sijn woort te belijden / ende om de swaere vercondinghe dijns Goddelijcken woorts in't midden bande Afgodische Provincien niet alleen weder te planten/maer oock/&c.

*b* Ghy wetet / o Heere / ghy wetet / dat wy den oorlogh principelijck daerom teghen onse vyanden hebben / die niet conuen oft willen verdraghen / dat wy onse saligheyt alleen soecken in uwe grondeloose ghenade / inde verdiensten IESV Christi: maer willen ons dwinghen / door eyghen verdiensten / door boozebiddinghe der afghestooven Heyligheit / door Bedevaerden ende andere verheerde Afgodische misettinghen/onse saligheyt te soecken &c.

*aliaq; commentitia idololatræ instituta nitamur, alia-  
que plura in hanc sententiam.*

Sentísne tandem, Rex qui te Christianissimum dicis, cernísne, tangísne manibus, non solum ex eventis tam funestis militiæ tuæ, sed ex verbis ipsis, ac professione Batavorum, quo scopo bellum istud gerant? cui proposito arma tua sociaveris? quorum facinorum atque flagitiorum impietas redundet in caput tuum? quibus præcisionibus metaphysicis illudant Purpurati Religiosi; Proceres, Aulæ, Clero, militibus tuis? quibus denique præsidibus libertatis arbitrium Religionis tuæ committi tanto armorum tuorum strepitu velis? Hoc verò si non solum permitti, sed tanto conatu tuo, directè, ut profiteris, & ex professio procurari potest, omnia me, fateor, Theologiæ principia, omnia juris humani diviniq; fallunt. Quâ de re in superioribus jam satis diximus.

### C A P V T XXX.

*Item ex indole hæreseos, præsertim Calvinianæ; ex lege capitali Statûs Batavici. Epilogus de ista Religionis libertate.*

**Q**UOD si verò veterum monumenta jam inde ab hæreticorum exortu inter Christianos arcessamus; non arbitror in Catholicas mentes hætenus illam absurditatem incidisse, ut fidei suæ libertatem ultrò hæreticorum fidei committeret, & ab eorum benignitate suspenderent. Necessitas est quidem durum telum; sed illa crudelissimas quoque persecutiones, nedum precariam aliquam Religionis libertatem ab hæreticis expectandam, tolerari ac devorari facit. Est enim certa hæresis

Q

cujus-

cujuscumque , præsertim Calvinianæ , lex , ut ,  
 ubi dominatur , affectet solitudinem , juxta decan-  
 tatam ab eis Scripturarum vocem *a* : *Populus solus*  
*habitabit* , & *intet gentes non commorabitur*. Ubi  
 verò cum cæteris Religionibus pacem tantillum  
 colunt , potestas eos , non voluntas deficit . Nec ta-  
 men ideò mansuetiores sunt . Non enim propter-  
 eà mansueta bestia , quæ neminem vulnerat , vo-  
 cari debet , si tantum dentibus & unguibus suis  
 ad nocendum caret . Sed indolem eorum genui-  
 nam intueri , ubicumque sæculari potestate præ-  
 valent , neque seditiones oppressorum Catholi-  
 corum timent . Anglia , Scotia , Saxonia , Pomera-  
 nia , Marchionatus Brandenburgicus , Suecia , Nor-  
 vvegia , Dania , velut in tabula depictos eorum  
 ostendunt mores . Catholicis pro libertate Reli-  
 gionis adipiscendâ nec hiscere quidem fas est . In-  
 trarunt ut advenæ ; ut Judices jam Catholicis le-  
 gem ferunt . Provinciæ confœderatæ quid ? Nec  
 angulus est quidem unus , ubi publicæ species li-  
 bertatis reliqua sit . Vix captâ Silvâ-Ducis , duobus  
 Ediçtis *b* antiquæ Religionis usum publicum ab  
 omnibus ædibus sacris ac Monasteriis illius urbis ,  
 & octoginta parochiis proscripserunt . Impruden-  
 tia est , meliorem in urbibus nuper deditis condi-  
 tionem expectare . Illecebra enim credulis fidiq;  
 naturâ Belgis & Catholicis , alienam fidem ex sua  
 metientibus , data est , quâ inescatos occupent , oc-  
 cupatis capitales illas leges , quibus tota Reipubli-  
 cæ rebellis machina velut basi nititur , Batavicę  
 dominationis imponant . Est autem inter eas pri-  
 ma Reipublicę istius reformatę lex , ( pro qua  
 hæte-

*a* Numer. 23.

*b* Primum datum est 20. Octobr. Silvæ-Ducis 1629.  
 Alterum Hagæ-Comitis 13. Novembr. 1629.

hactenus decertarunt, quam nullis blanditiis, aut minis, aut Catholici populi postulatis, extorqueri sibi permiserunt) *Religio Acatolica publicè exercenda*. Sine istius inviolabili observatione constanter hactenus se salvos esse non posse, crediderunt. Vehementissimè semper timent, ne similitudo Religionis, quam legitimus subditorum Princeps colit, similitudinem gignat affectuum, quorum pietate mollita conscientia ad dominum suum postliminiò reverti velit. Vidit hoc Jeroboam olim, & exemplum, quod sequerentur, Batavis propinavit. Divulso Salomonis Regno, mox aliū ementitæ Religionis cultum condidit, ne propter Mosaicum, *a converteretur cor populi ad Dominum suum*. Hanc legem nemo prudens in Provinciis confœderatis abrogandam speret, nisi fortè cùm Rex Calvinò nomen dederit. Nam quemadmodū hactenus nova superstitio dux rebellionis fuit, ita tūc rebellio superstitionis erit. Calvinismus enim jam strenuè politiā temperatus est. Calvinò, Luthero, Arminio, Gōmaro, Deo ipsi renunciabunt, dum sibi prosint, atque Hispano noceant. Lex eis ista ab ipso primo Reipublicæ Batavicæ architecto præformata, profundissimeq; visceribus insculpta est. Cùm enim Ducē Alençonium, Regni Gallici successionē excidere timētem, si se Provinciis hæresim propugnātibus interponeret, ab illa mente Orangius revocare niteretur, sic omnes in uno ipso filios suos instituit: *b Agi de Provinciis conqui-*  
*rendis, eāq; in re nullā Religionis habendā esse rationē:*  
*vel eam ob causā, quòd fingi semper possint & inveniri*  
*rationes, Religionem ad vota subditorum, & causæ statū*  
*alterandi.* Hæc est eis norma Religionis, ac colēdi

Q 5

Dei:

a 3. Reg. 12. b *In liter. ad Ducem Alençon an. 1588.*



Dei: hæc servandarum Catholicis regula promissionum. Rege igitur Religionem suam immutante, mutabunt. & ipsi suam, ut salva sit Respublica. Quòd si verò Religionis antiquæ fides altioribus radicibus, in Hispanorum Regum pectore defixa est, quàm ut evelli tam citò possit; frustra lapidem Reipublicæ istius novæ angularem à Batavis ita movendum speres, ut solidam tibi Catholicorum rituum libertatem, cum aliquâ veri specie pollicearis. Optimè norunt, publici cultûs unitatem, unionis auctorem esse. quod infelici propriæ experientiæ felicitate probaverunt. In eligendâ dumtaxat Religione ab eis, non in conservandâ unitate, peccatû est. Servabunt igitur pacta Trajectensia de tolerandâ Catholicorû libertate, quamdiu fundaméntalis Reipublicæ suæ proferendæ tuendæq; lex contra Hispanum jusserit. Spem illam eistolle, crescant Catholici illo libertatis indultæ beneficio, mox habenas contrahent. Mille causandi anfas tēpus, occasio, industria, ratio Statûs suppeditabit. Periculum, proditioes, insolentias Catholicorum, pravam pactorum intelligentiam conquerentur. Non conjecturis, sed rerum jam jam gestarum fide nitimur. Quæ non ludibria in Catholicos, eorumque sacra, post captas urbes Trajecti & Ruræmundæ jacta sunt? Sanctorum statux, aliæ publicè prostantes fractæ, aliæ brachiis, naso, capite mutilatæ: stipitibus infixæ capita, & præ foribus honestorum civium noctu collocata. Genus hoc tormenti lepidus Calvinistis lusus est, sed ingenuis, vereq; Catholicis, quorum judicio imaginum ludibria in prototypum redundant, ipsi morte crudelius.

Sed aliud capitale nuper Catholicis telum intent-

tentatum est. Petierunt cives quorundam vectigalium, quæ vulgò *Convoy* vocantur, juxta pacta conventa, immunitate frui. Scripto responsum est eis benè longo a, *Statum unitarum Provinciarum vectigalibus illis tamquam fundamento niti, ex quibus omnia belli gerendi subsidia hauriantur. Hinc nullo modo pacta Trajectensia sic intelligi posse, ut inde vel exceptio vel immunitas aliqua trahatur adversus illam fundamentalem Reipublica sua gubernanda legem. Eos, qui conditiones istas pacti sunt, potestate caruisse paciscendi, juxta illum sensum qui pratenditur, &c. Denique concluditur: Ut ut se res habeat, causam illam Trajectensem non tam ex ratione ponderandam esse, quæ in pactis predictis fundari posset, concordiaq; Trajectensi, quàm juxta magnum interesse, malumq; exemplum, quod inde in populum redundaret, &c.*

En vobis, Trajectenses, tres secures ad radicem arboris, hoc est pactorum vestrorum, positas, *Legem*

Q 6

fun-

a Responsum Civibus Trajectensibus datum anno 1633.

Dat den staet vande Vereenighde Nederlanden grondbelijck bestaet inde Licenten ende Conbopen / waer wyt alleen de middelen van Oorloghe moeten eyghentlijck gheschiet ende ghesurniert worden.

Dat daerom de capitulatie vande Stadt Maestricht by gheender manieren en mach soo verre verstaen worden / dat daer wyt eenighe exceptie ofte exemptie soude wyt geluerckt worden teghen den boorsz. fundamentalen boet ende forme van dese regeringhe.

Dat de gene die de selfde capitulatie gemaeckt hebben / gheen macht en hebben gheschadt / om die te raemen ende te sluyten met alzulcke verstaent ende effect / als nu wydt ghepreteendeert byde remonstrantie vande Bedeputeerde der selver Stadt / &c.

Dat daeromme in allen gevallen dese saecke van Maestricht niet en moet soo seer ghetracteert worden naerde rede of wet / die daer souden mogen geboutwet worden op de boorsz. capitulatiën ende concordaten van Maestricht / als naer het groutwelijck interest / en quaede consequentie / die se ipsa daer wyt resulteren soude tusschen het volck, &c.

372 DE JUSTITIA FOEDERVM GALLICOR.  
*fundamentalem, Interesse, & Malum exemplum Reipublicæ*; quibus omnes quarumlibet conditionum pactarum fibræ uno ictu succidantur. Primus in vectigalia letalis impactus est: hinc ad privilegia, Religionemque faciendus gradus. Nam ut naturâ, ita & vitio, *non primum, quod spiritale, sed quod animale*. Occasionem faciliè tempus dabit: si non nascitur, seminabitur. Quid enim magis in promptu ingeniis ad politiæ strophas eruditis, quibus, ut hîc cernitis, Principatus arrepti salus suprema lex æquitatis est, & norma conscientiæ?

Sed quid tyrannis Batavis de exstinguendi Catholici cultûs causâ modoque laborandum est, à quibus jam capitale versutumque stratagemâ, non minùs adversùs Catholicorum civium Religionem, quam devotam Principi fidelitatem, ipsorumque libertatem usurpari cœpit? Quò enim istud spectet, quòd immensis præsiidiis ubique neophytos suos cives opprimunt, commercium intercipiunt, enormibus vectigalibus exhauriunt, planissimeque cunctos ad restim adigunt, perquam liquidò perspicaces vident. Nempe jam Silvæ-Ducis experti sciunt, Regiæ libertati assuetis animis intolerabile esse Bataviæ tyrannidis jugum. Itaque constantiores quosque arbitrantur fato suo morituros, tædio, tristitiâ, oppressionis duritiâ migraturos, fæces fore prædam suam: exteris gregalibus suis implendas domos, templa, forum. Ita timore liberabunt statum suum, liberi exercitii sponsione fidem suam. Vacuis enim Calvino dominanti relictis civitatibus nec ipsi quidquam adversùs pacta de servandâ libertate perpetraverint, nec quisquam reliquus fuerit, qui de injuriis violatæ libertatis vel velit vel audeat queri.

Hic

Hic scopus inchoati tyrannici stratagematis, quo jam pars non exigua civium defuncta, vel dissipata est: alteram brevi, eâdem procellâ perperim sæviante, dissipabunt. *Minimus a enim digitus* Ordinum confœderatorum *grossior est* dorso patrie eorum. Quibus pater blanditus est, vel quos subinde tamquam *filios flagellis* justæ disciplinæ cecidit, ipsi *cadunt scorpionibus*: ut, quibus paterna Regis benignitas quandoque submolesta fuit, nunc divina in se judicia venerentur. Habent enim hoc ferreo jugo pressi, ex humana iniquitate futurarum calamitatum præludium, ex divina æquitate patientiæ tirocinium. Sic subditi, quid inter patrem novercamque sit discriminis, experimento discent, si qui ratione sapere noluerunt.

Quapropter, ut sermonem istum de egregiâ Religionis libertate nuper indultâ finiam, Catholici Belgæ etiam atque etiam videant, ne umbram avidè sectando, veritate frustrentur. Sciant non tam Batavicum istud, quibus animus adversus Religionem, quam damnarunt, obduratus permanet, quàm Gallicum commentum esse; ut, illâ præstigiarum fallacia præstrictis Belgarum oculis, hoc agi non animadvertant, ut, quidquid Provinciarum fidei & Regi reliquum est, tyrannicum istud Batavorum suscipiat jugum, atque ita Provinciis à Rege suo separatis, & Religione hæreticorum arbitrio ludibrioq; prostitutâ, sine spe redintegrationis, pietas avita fidesq; deleatur. Nimirum *ut imperium evertant, libertatem præferunt; ubi everterint, ipsam aggressuri*. Quam nunc venditant libertatem Religionis, Gallicæ dominationis

ancilla est. Si Status eorum Batavicis armis indigeat, aut Batavicus Gallico formidolosus fiat, nec hiscere quidem adversus Batavos audebunt Galli, ut Catholici oppressi promissâ Religionis libertate potiantur. Nec verò hili istam Religionis libertatem facient, si Gallicis prætensionibus importuna fiat. Fucum quidem prætexunt fallaciæ speciosum, deesse Catholicæ Majestati voluntatem aut vires tuendi vinculi illius, quo Provinciæ sub illo in unam Catholicam Religionem, atque in unum corpus salubriter constringantur. Sed benè habet, quòd inanibus fabulatorum vocibus atque votis tempus & eventa detraxerint fidem. Iam enim omni probatione luculentius orbi terrarum patefactum est, illum unicum esse Regem, cui plus virium, voluntatis ac studii est, addo & obligationis, quàm universo reliquo orbi Christiano, ut istæ Provinciæ sub unius Principatu, concordie unitatis Religiosæ civilisque vinculo constrictæ maneant, & ita Capite concordiam illam influente, altera alterius auxilio fulta, incolumis, hostibusque fidei ac Reipublicæ invicta perseveret. Oculos per hujus Monarchæ Imperium circumferat ab Oriente in Occidentem, quisquis vel invidus volet, neque Paganis, neque Iudæis, neque hæreticis libertatem, neque prece indultam, neque pretio toleratam experietur. Ubique Synagogæ disturbatæ sunt, templa deorum clausa, conciliabula hæreticorum gemunt. Quantum inde vulnus ærariis Regis inflictum sit, quid attinet dicere, cum res ipsa omni testificatione luculentius clamet? Sed vincit amor fidei, & cupido propagandæ pietatis, quam sibi cum sceptris, & præ sceptris, commendatam tuendamque suscepit. Hæc illi

norma

norma principandi capitalis est. Subditos enim habere velle, Regum superbiorum esse putat; qualescumque, Paganorum; fideles Deo, Catholicorum. Ex quo Religionis ardore effectum est, ut, cum Philippus II. Provincias istas in Heroinam augustissimam Isabellam filiam suam donatione transferret, expressis verbis, arctissimaque, super omnes adjectas leges, caveret conditione *a*; *Vi, si qui posterorum hereditum Isabella à Catholica Religione discederent, atque in hæresim laberentur, post Pontificiam delicti declarationem, omni administratione Provinciarum istarum, & possessione, & proprietate privarentur, neque eis vasalli aut subditi amplius obedirent.* Cujusmodi exemplum legis, quâ posteri sanguine paterno Principum procreati Principatibus cum jacturâ Religionis exciderent, haud scio, an Respublica Christiana hætenus ullum viderit.

O quàm diversa adversâque quorundam Francorum doctrina est, quâ persuadere moliuntur, hæreticum Regem, etiam cum Religionis vastitate, tolerandum esse, intactâque ejus personâ, & summo imperio, precibus ad Deum fufis, emendationem ejus cælitus præstolandam! Et cum hanc præclaræ suæ pietatis basin jecerint, mox alio ex capite omnium sibilis se explodendos immolant, dum Catholicum Regem Provinciis suis paternis exutum eunt, prætextu tuendæ fidei, per istum ostentatæ libertatis apparatus, quo hæresis

*a* CONDITION 10. DE LA DONATION DE CES PROVINCES: Item à condition & non autrement, comme étant la principale, & la plus grande obligation par dessus toutes autres; que tous les enfans & descendants dudit mariage suivans la S. Religion qui en eux presentement reluit, devront vivre & mourir en nostre S. Foy Catholique, &c. & en cas qu'aucuns de dits descendants declinassent de la due Religion, & tombassent en herésie, apres que nostre S. Pere le Pape les aura déclaré pour tels, seront privez de l'administration, possession & propriété desdites Provinces: & les vassaux & subjeta d'icelles ne luy obeiront, &c. Donné à Madrid le 6. jour de May 1598.

sis ubique locorum introducitur. Quàm enim lubricum, malignum perniciosumque sit hoc remedii genus, quàm preposterum conservandæ fidei, quàm denique ab omni non solum Episcopali atque religiosâ, sed etiam Christianâ pietate submorum, jam suprà per aliquot capita disse-ruimus.

Verumtamen unum ex hoc veneno antidotum à prudentibus hauriri potest, ut, quemadmodum ex hoc Gallicæ beneficentiæ præludio didicere, non aliunde verè Religionis tutelam expectandam esse, quàm ab eo, qui patrocini-um illius, quod per totum terrarum orbem in suis ditionibus proficitur, etiam factis probat; ita non aliunde militarium incursionum, atque calamitatum remedium sperent, quàm ab eo, qui illas non minùs totis visceribus detestatur, quàm jam jam sanandas totâ Imperii sui mole suscepit. Urunt illè non mediocriter eos, in quos ingruunt, fateor; sed si cum Germaniæ stragibus tot jam annorum quotidianis, & usitatâ Gal-  
lis insolentiâ, quando Regni intestina bellis flagrant, eas conferre velis, nulla profectò comparatio.

Sed ærumnarum cunctarum remedium Belgio tandem patefecisse videtur Deus, Pignus charissimum, fratrem unicum, Hispaniarum suarum Ocellum, Ecclesiæ Decus, pietatis Exemplum, Belgarum Delicium, Protestantium Terrorem jam suis Belgis Optimus Monarcha dedit, ut omnibus clarescat, quàm seriâ salutem eorum voluntate machinetur. Detracta est larva simulantibus, detectus morbus, parata laboranti patriæ medicina, compressæ Reipublicæ spongiæ, curan-

curandis ulceribus & vulneribus accinctus medicus, ferrum secandę rebellionis hydrę strinxit. Non tollet, iuvante Deo, manum de tabula, nisi Belgium antiquę glorię, Provinciās pristinę unitati, Ecclesiās splendori, Clerum dignitati, Academiās frequentię, Sapientiam honori suo, Oceanum commerciis, emporia opulentię, urbes decori, flumina navigationi, agros cultui, itinera securitati, universos gratulationi atque lætitię restituerit. Quę quisquis ab illis speraverit, qui curationis Belgicę principium ab ista Religionis libertate petendum suggessere, ac tam felici auspicio Thenis intulere; ne ille remedium ipsā perniciosius egritudine in medelam calamitatum suscipit. Sed grates Deo; nebulę, quibus fraus imperitis tegebatur, nunc deterse sunt. Videt utique Belgica, non se posse neque unionem, neque Religionem, nisi sub istius Monarchę supremā auctoritate retinere. Quod ut perspicaciter prudenterque cernit, ita hisce postremis annis tantā voluntatum conspiratione professa est, ut hujusce devotionis fides nulla posteritatis oblivione sepelienda videatur. Vinculis enim cumulatissimē satisfecit universis, quę per divinas, naturales, eternasque leges, Natura, Justitiā, Religio subditorum injecit conscientiis. Nam & Principi detulit, quod legitimo Capiti Natura debet; & Patrię, quod Optimates laboranti Reipublicę; & Religioni, quod Pietas imperanti Deo.



## CAPVT XXXI.

*Scripturis apertissimis munitur tradita  
hactenus doctrina.*

**R**ationibus huc usque internis, inspersis hinc illic Scripturarum oraculis, & Patrum dictis, prout Deus dedit, Francorum fœdera cum infidelibus, & suppetias impugnavimus. Operæ nunc pretium nos facturos arbitramur, si quædam adhuc externa argumenta, Scripturarum, Patrum, Pontificum, Dei, & Sanctorum in cælo regnantium, ad majorem rei disputatæ lucem, & assertæ certitudinem afferamus.

Scripturis hujusmodi fœdera proscribentibus nihil videtur evidentius, nihil efficacius; si non humani sensûs pervicacia promptior esset, ut tergiversationum latebras quarat, quàm earum effatibus se submittat. Asa Rex Judæ, cum vires Baasæ Regis Israël formidaret, subsidio vocavit, pecuniarum pactus mercedem, Benadad infidelem Regem Syriæ *a. Fœdus inter me & te est, inquit: pater quoque meus, & pater tuus habuere concordiam. Quam ob rem misi tibi argentum & aurum, &c.*

Sed quid dicit ei divinum responsum? Confestim missus est ad Regem Iudæ Hanani Propheta, qui cum increpationibus atque minis ei diceret *b: Quia habuisti fiduciam in Rege Syria, & non in Domino. Deo tuo, idcirco evasit Syria Regis exercitus de manu tua. Nōne Æthiopes & Libyes multò plures erant quadrigis & equitibus, & multitudine nimia? quos, cum Domino credidisses, tradidit in manu tua?* Et, ut ostenderet, stultam esse Politicorum

sapien-

sapientiam, qui, quasi ipsi suâ prudentiâ orbem terrarum regerent, humanis ratiunculis & compendiis omnia conficienda arbitrantur, abjectâ omni fiducia, quæ in Deo vivo collocanda erat, addit Propheta *a*: *Oculi enim Domini contemplantur universam terram, & præbent fortitudinem his, qui corde perfecto credunt in eum. Stultè igitur egisti; & propter hoc ex præsentis tempore adversum te bella consurgent.*

Amasias item Rex Judæ, cum Idumæis cōgref-  
furus, conduxit ex Israel, qui, relicto Deo vero, in idololatriam aureorum vitulorum Jeroboam defluerant *b*, centum millia robustorum centum talentis argenti. Sed cum Deo talis societas cum infidelibus illis displiceret, venit ad illum Propheta, qui denuntiaret *c*: *O Rex, ne egrediatur tecum exercitus Israel. Non est enim Dominus cum Israel, & cunctis filiis Ephraim.* Ut verò Politici etiam hîc consiliorum suorum insipientiam intelligerent, quâ spem suam omnem in brachio carneo, & robore exercitûs ponere solent, præclarissimè Propheta monet *d*: *Quid si putas in robore exercitûs bella consistere, superari te faciet Deus ab hostibus, Dei quippe est & adjuvare, & in fugam convertere.* Paruit consilio Amasias, & abjecto infidelium adjutorio, centumque talentorum, quæ jam in militum Israelitarum stipendium dederat, jacturâ contemptâ, victor Idumæorum fuit.

Sed quid ad intelligentiam clarius, & ad contem-  
renda hujusmodi fœdera exquisitius, quàm illud Prophetæ fulmen, quod in Iosaphat Regis Judæ caput vibratum fuit *e*? *Impio præbes auxilium, & his qui oderunt Dominum, amicitia jungeris, & idcirco iram*

*a* Ibid. *b* 2. Paral. 25. *c* Ibid. *d* Ibid. *e* 2. Paral. 6. 19.

380 DE JUSTITIA FOEDERVM GALLICOR.  
*iram quidem Domini merebaris : sed bona opera in-*  
*venta sunt in te, eò quòd abstuleris lucos de terra Iuda.*  
 Nam quidquid tandem proferri possit ad illa fœ-  
 dera cum infidelibus pallianda, quibus nihil cum  
 impietate commune est; quid pro hisce Franco-  
 rum fœderibus regēdæ fœditati humana versutia  
 comminisci potest? Suecus, Protestantes, Batavi,  
 ex Catholicæ fidei decretis impii sunt; Francus  
 annuit. Oderunt Dominum: nec Francus negat.  
 Jungitur eis amicitia: in confesso est. Præbet au-  
 xilium: Europa testis, Francus ipse gloriatur.  
 Uter utrum iniquitate superet, causam causæ  
 collidendo, videamus. Achab legitimus Princeps  
 fuit; Batavi, Protestantes, ac Suecus, rebellium  
 coryphæi, Principatum usurpatores, sceptro-  
 rum raptores. Ille bello petebat infidelem Re-  
 gem Syriæ; hi fideles. Ille justè repetebat *a*,  
*quod erat suum*, tamquam partem hæreditatis di-  
 vinitus datæ *b* filiis Israël, ac *c* Jeroboam, *d*, ur-  
 bem refugii, *e* Levitarum ex divino decreto do-  
 micilium, quam contra *f* promissum Rex Sy-  
 riæ detinebat; hi injustissimè alienis inhiant,  
 & impiè rebellionem patrocinantur. Illo bello  
 nec directè, nec indirectè causa impietatis age-  
 batur, sed pietatis potius; hoc è contrario di-  
 rectè Episcopatum, Ecclesiarum, sacrorum bo-  
 norum, fidei, disciplinæque restitutio impu-  
 gnatur, hæresis dilatatur, Religio pessumda-  
 tur, legitimi Principes perspicuâ rebellionem ve-  
 xantur. Quis jam ita sit, ut cum Augustino lo-  
 quar, imprudens atque impudens, ita procax,  
 pertinax, perversa, ita postremò insanus ac de-  
 mens,

*a* 3. Reg. 22. v. 3. *b* Num. 21. & 32. *c* 3. Reg. 11. v. 31. &  
 2. Paral. 10. *d* Deuter. 4. & Josue 20. *e* Josue 21.  
*f* 3. Reg. 21. v. 34.

mens, ut, cum Iosaphatum præbitis auxiliis iram Domini meruisse fateatur, Francorum Regem, in tam enormi circumstantiarum omnium præponderante gravitate, innocentem esse contendat? Quid, quod idem Josaphat à Deo propterea tantum non exiguo supplicio flagellatus fuit, quod fœdus cum Ochozia, *cujus opera erant impiissima*, percussisset, classemque cum eo communem in Aziongaber adornasset? Sic enim ei & peccatum, & supplicium, Prophetâ vaticinante, denuntiatur est a: *Quia habuisti fœdus cum Ochozia, percussit Dominus opera tua, contritæque sunt naves, nec potuerunt ire in Tharsis.* Et nos dubitamus, utrum illa belli societate, quo coram omnium oculis Catholica Religio opprimitur, hæresis in Catholicissimas urbes invehitur, prædicatur, plantatur; Ecclesiæ, Monasteria, & omnis generis Ecclesiastici suis in perpetuum spoliantur bonis, restauratio Religionis impeditur, denique nefariis sacrilegiis Christiana sacra proteruntur; utrum, inquam, tam impii belli societate, Regis & Procerum Francorum conscientia polluatursi vel Saracenis, vel Hugonortis, damnantibus utrisque Romanam fidem, ista quæstio proponeretur, non aliud eos respondere posse puto, nisi alterutrum esse necessarium, ut vel secum isti sentiant, qui talibus fœderibus innexi, facinoribus talibus consequenter innectuntur: vel, si aliud sentiunt, propria conscientia teste sint rei. Quid enim nisi ream clamat conscientiam, quod illa vastitas Germaniæ, urbiumque quarundam Belgicarum, hoc est, illa Religionis desolatio, illa fuga Antistitum, Religiosorum, Virginum, illa sacro-

rum

382 DE JUSTITIA FŒDERVM GALLICOR.  
 rum profanario, quam Catholica Europa novit,  
 horret & gemit, summo silentio sepulta premitur  
 in omnibus Francorum scriptis, quæ Suecorum,  
 & Protestantium, & Batavorum arma celebrant,  
 in Mercuriis, in novarum rerum chartulis, in ser-  
 mone populari? Nemo vel in circulis audet pu-  
 blicas illas veritates hîscere. Fugitivis Religiosis  
 ac Sacerdotibus perpeſſa publicè queri crimino-  
 ſum eſt, ne verum crimen cucullati & purpurati  
 Achitophelis publico innotescat, quo Regem in  
 injurias fidei suæ concitarunt. Quis enim non ri-  
 ſu vel fletu potius dignum putet, quod uſque  
 adeò veritas illic gravium Scriptorum calamo fu-  
 catur, ut Germaniæ Principes, contra Suecorum  
 injurias, Francorum armis reſtos ſingant; fœdeta  
 verò nefaria, quibus ille idem Suecus in Electo-  
 res Germaniæ Principes excitus, animatus, adju-  
 rus eſt, ſummo ſilentio prætermittant. Nempe  
 occultum iſta vulnus patefaciunt, quod nec ipſos  
 læſæ fidei auctores latere demonſtratur, dum tam  
 ſollicitè ſatagunt omnium calamis, aſſentatorum,  
 & ignarorum, ac timidorum, ut omnes lateat, ne  
 qui coram Deo ſe teos teneri vident, coram ho-  
 minibus verè Catholicis, quibus plena Præſentia  
 eſt, rei eſſe videantur.

## C A P V T XXXII.

### *Item Scriptorum recentiorum adſtipulatione.*

**C**VM igitur divinis oraculis fœdera iſta cum  
 infidelibus, adeoque longè mitiora, tam  
 perſpicuè ſevereque damnentur, vix operæ præ-  
 tium fuerit, hominum ſenſa ac dicta veſtigare.  
 Sed quia multorum imbecilles oculi facilius um-  
 bras

bras corporum, vel corpora luce collustrata, quàm ipsam lucem ferunt; etiam talibus morem geram, ut saltem hominum eruditorum proborumque sensui qualemcumque suum accommodare dignentur. Inter quos præcipuè Francos proferam, tum quia domesticis laboranti veritati succurrentibus sit æquius magis credere, tum quod illi quoque familiarius, ad sanandum intestinum sui corporis malum, ista fœdera perniciosâ perstrinxerint. Nam extra Franciam questio ista extra omnem controversiam ita posita est, ut neminem unquam peritum vel imperitum Scriptorem Catholicum me legisse sciam, qui ea in talibus circumstantiis licita esse confirmaverit. In ipsa Francia difficile est ullum invenire eruditum ac probum, qui, intellecto verò statu causæ, & malorum serie consequentium, quæ inter Francos de industria obscurantur, & plerosque latent, eis palàm patrocinari velit.

Unde igitur accommodatius auspicabimur hoc defensionis genus, quo sententiis hominum productis, perspicua veritas munienda est, nisi à teipso, Arroye, quantumcunque vel ignorantia facti, vel gentilitio fortè affectu abreptus, eam impugnare velle videaris? Sic ergo ipse loqueris a: *Omnes, qui rebellionem Principis cujusquam verbo aut scripto favent, tàmetsi aliquid ex parte domini ejus reprehensione dignum esset, ejusdem peccati, quo rebellis, rei sunt; quia publicam perturbant tranquillitatem.* Et infra: *Si is, qui movet bellum, ad inducendam*

idolo-

a ARROY FOL. 212. Tous ceux qui favorisent la revolte d'un Seigneur par paroles ou par écrit, quand mesmes il y auroit quelque chose à redire du costé du Souverain, péchent du mesme crime, que la rebelle, parce qu'ils troublent le repos publicque.

IDEM FOL. 222. Si celuy, qui fait la guerre, la fait ouvertement pour introduire l'idolatrie ou une fausse Religion, en ce cas il le doit quitter & la troisieme, il doit voir si la guerre se fait contre son Souverain, pour la quitter aussi en ce cas, &c.

idololatriam, falsamque religionem, illud aperte moveat, vel contra suum dominum, supremam pollentem auctoritate, deferi debet. Ecce hic utrumque concurrat. Nam & rebelles contra dominum suum tumultuantur, & falsam Religionem pervicacissimè tuentes, eam in omnibus locis, quæ Catholicis vi eripiunt, templis superstitioni suæ dedicatis, inferunt, & per magnam Belgii Germaniæque partem propagarunt. Quid evidentius suffocandis fœderibus istis, cum ista lue, in ista causa percussis, vel ipsa veritas dictaverit? Si enim tales deferendi sunt, profectò & fœdera abruppēda. Nemo enim fœdere ad aliquid præstandum, juvandumque, devinci aut compelli potest, quod præstare ac juvare non licet. Hanc doctrinam manifestius in thesi tradit Carolus le Bref, Francorum Regi à Consiliis, de hæreticis Christianæ Religionis loquens a: *Attendi vellem, utriam confœderatione nostrâ uti desiderent ad amplificandam Religionem suam, infirmamque nostram: nam isto casu non est dubium, quin impium sit armis ipsorum arma nostra sociare.* Secus ipse censet, si de tuendis agatur bonis. Sed utrumque simul ab hæreticis, bellum inferentibus, spectari nihil vetat. Eodem quippe bello vindicta criminis, & vindictio ereptæ civitatis, & defensio societatis, & propagatio superstitionis, & adhuc plura, si libet, pariter spectari queunt: quæ si vel cuncta injusta, vel, excepto superstitionis patrocinio, cuncta justa fuerint, sola verè Religionis infirmata, vel falsæ amplificata, labes bellum istud, armorumque societatem, vitia-

a CHARLE LE BREF LIB. 4. DE LA SOUVERAINETE. CAP. 8.

Je voudrois qu'on considerast, s'ils veulent se servir de nostre alliance, pour accroître leur Religion, & affoiblir la nostre: car en ce cas, il n'y a point de doute, que ce seroit implet, de joindre nos armes avec les leurs.

viciaverit. Illud verò quàm ex adytis veritatis promptum ? quo docet *a*, impietatem esse manifestam, fœdus percutere cum infidelibus (à fide Christi alienis) & eorum armis arma nostra conjungere, ut bello alii Principes Christiani petantur; neque quemquam hoc posse in dubium revocare, nisi qui Fulconem, Archiepiscopum Remensem, falsi redargutum velit. Rectissimè. Sed numquam rationem dabit solidam, cur, quando eadem vel deterior impendet Catholicæ fidei strages, liceat cum hæreticis, fidem Catholicam depopulantibus, suamque propagantibus, arma nostra contra Catholicum Principem sociare. Gilbertus Genebrardus talium fœderum impietatem apertè jugulat *b*: Barbarussa Turcarum classi à Solimanno præfectus: deinde, incidentibus inter Hispanos & Gallos bellis, cum ingenti classe Francisco Regi opem tulit, gementibus piis, quibus impiorum à Christi nomine abhorrentium fœdera improbantur. Ecce piorum gemitus, fœdera ista deplorantium, quibus & nunc in Gallia à piis rerum gestarum consciis cælum tundi notum est. Julius Cæsar Bullingerus easdem confœderationes graviter damnat *c*: Id temporis fœdus cum Turco non sine dedecore à Francisco I. ictum, à Carolo IX. cum Solimanno, qui Melitam magno navali paratu obsederat, non minori labe renovatum est. Ita serres habet, fidem cum infideli tutam non esse; societatem cum impio in noxam abire. Melitâ captâ, Italia, & ipsius Gallia exitium præstoderat. Clemens VIII. Summus Pontifex, Francorum amantissimus, si-

R

gnificat

*a* LE MESME AV MESME LIVRE: Que c'est impiété manifeste de contracter alliance avec les infidèles, & unir ses armes avec les leurs, pour faire la guerre contre les autres Princes Chrétiens; personne ne le peut révoquer en doute, s'il ne veut démentir ce grand Archevêque de Rheims Foulques, &c.

*b* Genebrard lib. 4. Chron. ad ann. 1549.

*c* Int. Cæs. Bulling. lib. 2. Histor.



gnificat Henrico IV. Gallia Regi, quem tamquam filium unicè diligebat *a*, *Majestatem ejus credere posse, quanti sibi doloris argumentum sit, quòd inimicos Dei, tam perfidos, & adversus Apostolicam Sedem exacerbatos, qui anno praterito tot sacrilegia & abominations contra Ecclesias locaq; sacra perpetrarunt, suppetiis & favore sublevari ab eo cernat, quem sancta Sedes tam bono animo quibuscumque potuit modis atque rationibus complexa est, pacemq; Regno ejus intus & foris procuravit.* Et anno præcedenti Legato Regis Franciæ Cardinali Ossato graviter idem Clemens quæstus fuerat *b*, *Francos Hollandis atque Zelandis, Deo & Principi suo rebellibus, ferre suppetias; cùm Rex suo experimento didicisset, quantum Principibus dolorem afferat, quando subditis bellum adversus eos gerentibus subsidium datur.* Gregorius XIII. sanctus & prudens, Galliaque perquam studiosus Papa, vehementer averfabatur *foedus*, quod Henricus III. cum Regina magna Britannia Elisabetha hæretica meditari dicebatur, quemadmodum testatur Legatus ejusdem Regis Paulus Archiepiscopus Tolosanus. Pius V. *d* Pontifex Maximus, pietate celebris, *societatem Francia Regis cum Turcarum Rege*  
*danna-*

*a* CLEMENS VIII. LE CARDINAL D'OSSAT, EN SA LETTRE 327. Que la Majesté peut croire, combien grande affliction luy donne, de voir, que les ennemis de Dieu, si perfides, & si animez contre le S. Siege, & qui en la dite année passée ont commis tant de sacrileges & d'abominations contre les Eglises & autres lieux sacrez, soient aydez & favoriser par celuy que le S. Siege a embrassé d'un si bon coeur, & en toutes les facons & moyens, qui luy ont esté possibles, & procuré de luy pacifier le Royaume dedans & dehors.

*b* LE CARDINAL D'OSSAT LETTRE 276. Et neantmoins les Francois vont contre eux pour les Hollandois & Zelandois rebelles à Dieu & à leurs Princes, tellement que la meilleure cavallerie & infanterie qu'ayent les dits rebelles, est des Francois, & toutefois le Roy a experimenté à soy mesme, combien il sache à un Prince, quand on donne secours à ces sujets, qui luy font la guerre.

*c* Gregor XIII. apud Paul. de Foix epist. 5.

Sa Sainteté eseroit que vostre Majesté ne feroit point ligue avec la dite Roynie d'Angleterre, &c.

*d* Pius V. apud Francisc. Long. Coriolan. in Breviar. Chronol.

*damnavit, eam Francia labem dictitans, ut auctor n-  
de dignus tradit.*

Sed quid ego singulares Scriptores & Pontifices commemoro adversus hujusmodi fœderum labē, cum universus orbis Christianus ea & nūc & olim, propter perspicuas Christianæ Reipublicæ noxas, detestatus sit? Cujus universi sensum satis expressit Genebrardus, quando paulò antè dixit, Francisci cum Turcis fœdus gementibus piis percussum fuisse, quibus impiorum à Christi nominē abhorrentium fœdera improbantur. Et Franciscus a Belcarius, Episc. Metensis, quando dicit, propter piraticam Turcarum immanitatem, qui ex fœdere suppetias laturi venerant, *Franciscum in odium Germanorum* inductum. Et Blasius de Montluc, quando sensum Venetorum, communemq; Christianorum sui temporis exprimēs dicit *b: Nescio qua fuerit sententia Reipublica de tam arduo negotio, ( fœdere Francisci cum Turcis ) nec utrū eloquentiā fratris mei victa probaverit Reipublica id, quod tantopere improbat. Vnū probè mihi constat, quòd & tunc, & postea sēper factum istud culpāri audiverim, credoq; causam fuisse, ne res nostra meliori fuerint loco. Ut meritò dixerit du Bref, esse manifestam impietatem, & neminem hoc in dubium posse revocare.* Sed idem ille Marschallus de Montluc, cum Principes multos Christianos hoc fœdus Francisci cum Turcis miratos esse docuisset; ingenuam ipse, planeq; militarem excusandi rationem subtexit: quam verisimile est, porriorem omnibus rationibus Religionis & pietatis apud plerosque fœderum illorum primos auctores

R 2

tenuisse

a *Belgar. lib. 23 Histor. n 60.*

b *LE MARESCHAL DE MONTLUC LIV. I. r. Je ne scay pas, qu'elle opinion reste à la Seigneurie d'un si grand affaire, n'y l'eloquence de mon frere leur fit trouver bon, ce qu'ils trouvoient si mauvais une chose scay je bien que lors & depuis j'ay tousjours ouy blasmer ce fait, & crois que nos affaires ne sont pas mieux portées.*

tenuisse locum *a*: Verùm adversus inimicum suum omne subsidii genus accersi potest. Ad me quod attinet, si omnes inferorum spiritus ad comminuendum inimici mei cerebrum, qui meum comminutum vellet, evocare possem, utique (Deus ignoscat mihi) libenti animo facerem. Hanc prorsus *b* ipsam non est dubium cum nuperrimè secutum esse, qui captâ Philippo-poli (quod ab ipsis Gallis, atque Ordinibus Batavorum, publicorum motuum & arcanorum consciis, scribitur) Turcicam classem, quam Asiaticus ille tyrānus instructam habuit, magni pretii pollicitatione adversus Italiā concitavit; ut, quia à fæce Christiani nominis accersitū auxilium, Deus impietatis persecutor obtriverat, à conjurato ejus hoste, feliciori successu præberetur. Ita semel abruptis pietatis retinaculis, nullus fidei aut apostasiæ limes est, quem non ebrius ambitione, à Deoque desertus, animus prætergrediatur. Nèpe hoc illud est, quod suprâ diximus, & evētus verissimum esse probat, eādem purpuratę & cœnobiticę conscientię lege Turcas & hæreticos posse adversus Principes Christianos in perniciem Religionis armari. Sed & hîc profanis consiliis Numen conatibusque maledixit; ut rebus ipsis doceretur, illā adversum se cœlitus sententiam esse pronuntiatam: *c* Ecce ego iudicio contendam tecum, eò quod dixeris, Non peccavi. Et ab Ægypto confundēris, sicut confusus es ab Assur. Nam & ab ista egredieris, & manus tue erunt super caput tuum: QVONIAM OBTRIVIT DOMINVS CONFIDENTIAM TVAM, ET NIHIL HABEBIS PROSPERVM.

C A.

*a* LE MARESCHAL DE MONTLVC LIV. 1. Mais contre son ennemy on peut de tout bois faire fleches. Quand à moy, si je pouvois appeller tous les esprits des enfers, pour rompre la teste à mon ennemy, qui me veut rompre la mienne, je le ferois de bon cœur, Dieu me le perdoit.

*b* Litteræ Ordinum confæder. ad Principem Orang. mense Jul. 1635. *c* Jerem. 2.

## CAPVT XXXIII.

*Item testimoniū antiquorum Patrum.*

**N**Ec verò recentiores tantum Christiani, sed in primis vetustiores hujusmodi fœdera cum infidelibus, maximeque quæ tantam Reipublicæ atque Religioni perniciem adferunt, detestati sunt. Nam ante quingentos annos Rupertus Tuitiensis Abbas de fœderibus Machabæorum cum Romanis intrepidè pronuntiavit a: *Subobscurum quiddam fratribus victoriosus in medio sue claritatis accidit, Iuda, Ionatha atque Simoni: quòd videlicet victoriis clarificam, ultrò miserunt societatem & amicitiam statuere cum Romanis potentibus & famosis. Quamvis super hac re non culpet eos Scriptura, res gestas continens ipsorum: nihilominus tamen animadvertere promptum est, non fuisse tutum coram Deo, neque lege concessum Iudæis, ut expeterent amicitias Gentium. Et aliquantò inferiùs aliã radicem tangens: Tales eventus singulorum fines obscurare videntur, quòd in eo sibi celeste diminaerint auxilium, dum querunt ab hominibus sæculi quasi pacis & securitatis firmamentum.*

Inter eos, qui Rupertum præcessère, unus instar omnium esse possit Fulco, Rhemensis Archiepiscopus. Nam ante 730. annos, cum Carolus Simplex, legitimus Francorum Rex, diffideret se viribus suis Eudoni, qui ante pubertatem ejus Rex Franciæ coronatus fuerat, resistere posse, Nortmannos infideles sibi subsidio advocare decrevit. Fulco fidelissimus ejus Consiliarius, cujus in primis auctoritate Rhemis adversus Eudonem Rex

R 3

confe-

a. Rupert. l. 10. de victor. verb. c. 26.

cōlecratus fuerat, re intellectâ gravissimas ad eum litteras dedit, quibus, quid de fœderibus hujusmodi sentiendum sit, Episcopali auctoritate & libertate declarât a: *Quis, qui vobis, sicut oportet, fidelis est, non expavescat, vos inimicorum Dei amicitiam velle, & in cladem ac ruinam nominis Christiani Pagana arma & scelera detestanda suscipere? Nihil enim distat, utrum quis se Paganis societ, an abnegato Deo idola adoret. Nam si, ut ait Apostolus b, bonos mores colloquia prava corrumpunt, quanto magis corrumpitur castitas anima Christiana Ethnicorum consiliis & societate? Neque enim poterit non imitari, quod assidue viderit, quin potius adsuescet paulatim, & quasi vinculo malecōsuetudinis trahetur ad facinus. Certè progenitores vestri Reges, deposito gentilitio errore, divino cultui se sublimiter subdiderunt, & à Deo semper auxilium expeliverunt, propter quod & feliciter regnaverunt, & Regni hereditatem ad suos posterios trans miserunt. Vos è contrâ nunc Deum relinquitis. Dicam certè, licet nolens, quia Deum relinquitis, cum vos ejus hostibus sociatis. Vnde & meritò prophetica illa vox ad vos dirigitur, quæ quondam ad Regem Israel similia facientem directâ est c: Impio præbes auxilium, & his, qui oderunt Deum, amicitia jungeris. Et certè cum deberetis malis præteritis terminum ponere, & rapinis & depredationibus pauperum renuntiare, ac pro his omnibus pœnitentiam agere; nunc ad majorem iram Dei provocandam, his, qui Deum ignorant, & in sua feritate confidunt, vos conjungitis. Credite mihi, quia numquam sic agendo ad regnum pervenietis, imò velociter disperdet vos Deus, quem irritatis. Hactenus quidem de vobis meliora sperabam: nunc video vos cum omnibus consanguineis vestris perituros, sitamen hoc verè vultis agere, & talibus consiliis acquiescere. Reverâ, qui tale vobis*

*dant*

*dant consiliū, non fideles, sed per omnia infideles esse comprobantur: quos si audire volueritis, terrenum simul & celeste regnum amittetis. Deprecor itaq; vos per Deum, ut tale deseratis consiliū, neq; velitis vos in aternū precipitare interitum, & mihi, caterisq; qui secundū Deum vobis fideles sunt, aterni doloris asferre dispendium. Melius enim fuerat vos non nasci, quā diabolī patrocinio velle regnare & illos iuvare, quos deberetis per omnia impugnare. Quid verius, liberius, efficacius adversus fœderum similium impietatem dici potest? Et tamen res temporalis, Francici Regni salus, tota Regis auctoritas adversus potentem adversarium agebatur. Auxilia etiam Germanica, ab Arnulpho consanguineo Christiano Imperatore missa, sine fructu, Budonis industriā, diffuxerant. Quæ gravior causâ temporalis excogitari potest?*

*Paucis annis, vix octo aut decem, ante Fulconem, Ioannes VIII. Romanus Pontifex, cū quidam Italiæ Principes atque populi, suis privatis commodis temporalibus prospicientes, cum Saracenis fœdus percussissent, ut eorum viribus, neglecto Ecclesiæ detrimento, res suas stabilirent; diversis epistolis ad eos exaratis rem, tamquam gravissimi sceleris atrocitatem, execratus est. Vocat enim diversis locis a impium, infandum fœdus, quod cum Saracenis impiè pepigerant: b profanum fœdus cum inimicis Dei: c iniquam colligationem d: impium pactum: e impium scelus: f societatem ad perditionem animarum initam: g immane profandum, &c. Itaque hortatur, suadet, præcipit Apostolicâ auctoritate, huiusmodi pacta dirumpi: Misimus, inquit, illuc VValbertum Portuensem*

R 4

&amp;

a Ioan. VIII. Papa epist. 36. & 45. b epist. 41. c epist. 52. d epist. 225. e epist. 242. f Ibidem. g epist. 41.

& Eugenium Ostiensem, ut pactum illud, quod perditionis est causa, dissolvi per omnia suaderent. Et inferius a: Admonemus itaque, instā opportunè, importunè, ut, tam impio discisso fœdere, pax Dei, quæ exsuperat omnem sensum, nobis tandem calitus restituatur. Et in alia epistola b: Iterum & iterum exhortamur, ut Christiani nominis viri Paganorum fœdera fugiant, & solum in Deum, qui eos creavit, & non in diaboli membra, quæ sunt fornicationis, & vasa ira, spem suam ponere discant. Et rursus ad Ioannem Episcopum Beneventanum c: Tuam Reverentiam adjuramus, suadentesq; omnibus modis deprecamur, & auctoritate Principum Apostolorum fraterno freti amore precipimus, ut omnibus viribus tuis, omniq; posse tuo labores, tam scilicet cum germano fratre, quàm cum aliis Christicolis, in hoc opem ferre valentibus, ut impia Agarenorū fœdera, quæ Neapolitani vel sui consocii cum inimicis Christi nominis inierāt, Christo miserante quantocius destruantur. Quæ suasiones, preces, iussu sæpè in aliis epistolis d repetuntur. Nec in istis Pontificis sollicitudo & auctoritas stetit. Etiam anathematis fulmen isti crimini intentavit e: Semel te tuosq; adhuc monere non abnuo, ut ab infidelium consortio declinetis, & à tam profano tandem aliquando fœdere recedatis. Quod si nos audieritis, non solum bona, quæ cupitis, affluentius ex nobis habebitis, sed & magna premia calitus assequemini. Sin autem, non solum nos spirituali vos iteratò gladio percellemus; sed & hi, qui non sine causa materiales gladios portant, cum sint sanctæ Ecclesiæ validi defensores, & fervidi zelatores, cunctis adversis & prosperis conculcatis, adversus vos protinus arma corripient, & vindices contra vos impugnat-

a Idem epist. 36. b Idem ep. 38. c Idem ad Episcop. Benevent. d ep. 241. & 265. e Idem epist. 40.

pugnatores ejus celerius properabunt. Et in epistola ducentesima quadragesima secunda ad Episcopum, Prefectum, totumque populum Amalphitanum a: *Quod si in tali impio scelere, diabolo suadente, amplius permanere præsumpseritis, & ipsum pactum de presentia non corruperitis, praecepimus huic Episcopo nostro Dominico, ut vice nostra, omni Ecclesiasticâ vos communionem privare procuret.* Ecce quanto horrore fœdera illa detestatus est Ioannes Pontifex, quantâ severitate plectenda censuit. Nec tamen illi aliud, quàm temporales causas Saracenorum auxilio & fœdere munire nitebantur, nec aliter nisi indirectè Ecclesiis cladem ex consortio impietatis adferebant. Quod ex ipsis epistolis Ioannis manifestum est; ubi dicit b, se decertasse, ut pactum, quod cum Saracenis haberent, omnimodis rumperent, ne ex consortio gentis maligna Ecclesia Dei per vos, inquit, sic crudeliter affligeretur, & animabus vestris non solum temporale inde discrimen, sed etiam aeternum acquireretis supplicium. Et infra: *Vt corrupto fœdere, quod cum eis ad perditionem animarum vestrarum, & terræ sancti Petri habetis. Quam ob causam, cum sibi mala ista nullo pacto, quæadmodum etiam nunc, imputanda viderentur, etiam excusatione apud Pontificem se purgare nitebantur: Cognovimus, ait Pontifex c, eos excusabiles se velle coram nobis reddere tentavisse, super contracto infando fœdere.* Non esse verò excusabiles, probat Papa ex calamitatibus quæ inde profectæ fuerant d: *Ceterum miramur, quomodo vos in litteris vestris, quas in ipsa Paschali festivitate suscepimus, inculpabiles tenetis adstruere, cum piaculum vestrum totus,*

R 5

qui

a Idem epist. 242. b Ibid. c Idem epist. 36.  
d Epist. 40.



qui desertus est, mundus, & sanguis de terra, qui diffusus est, clamat. Quid si cruentas illas Bellonæ sævientis clades, miserum Belgii hæreticis subjugati statum, Ecclesiarum Germaniæ vastitatem & solitudinem, fugam Virginum, Monachorum, Antistitum, totiusque Cleri spectavisset, quæ nunc nobis Gallicana fœdera per infideles pepererunt; quæ anathemata, quæ fulmina percutiendis fœderum Capitibus sufficerent, qui nunc reformatâ terrenis regulis Theologiâ innocentes videri volunt? Q tempora! ô mores!

Ante Fulconem, & Ioannem VIII. Pontificem, idem Ecclesiæ in aliis Sanctis sensus fuit. Nam quadringentis annis antè, S. Chrysostomus, vel quisquis auctor operis imperfecti in Matthæum, cum historiam & fœdus Iosaphat cum Achab impio percurreret, *Vides, inquit, a, quia nec dare potuit auxilium inimicis Dei, nec ab eis accipere? Quoniam autem nec accipere oportet ab inimicis Dei, docet nos supradicta historia de Asa: quoniam verò nec dare, instruit nos hæc Scriptura de Iosaphat. Qui enim petit auxiliũ ab inimicis Dei, de auxilio Dei desperat, utiliores sibi existimans inimicos Dei, quàm Deum: qui autẽ dat auxiliũ inimicis Dei, adversatur Deo. Deo enim volenta contere inimicum suum, ipse eum defendere tentat.*

Ante Chrysostomum S. Greg. Nazianzenus b? Διδαξάτω τ' εὐσεβέστερον βασιλεία, ὅτι εὐδὲν κέρδι' ἔσται τῆς λοιπῆς αὐτῷ παρὰ τῆς Ἐκκλησίας σωθῆς, εἰ τὸ παῖσι κακὸν ἐπὶ καὶ παύσει τῆς ὑγιαίνουσας πίστεως διὰ τ' παρρησίας αὐτῶν καπαχύσῃ. Pientissimum Imperatorem doceat, nihil ex reliquo ipsius erga Ecclesiam studio reediturum esse utilitatis, si tale malum ad fidei sana eversionem, per eorum (hæreticorum) libertatem licentiamq; prevaleat.

In

a Auctor operis imperfecti in Matth Hom, 1. b Naz. orat. 36.

In quem sensum scitè Theodorico ac Theodeberto, Rēgibus Francorū, S. Gregorius olim scripsit *Quàm diversum sit, Excellentia vestra perpendat, caput (Christum) honorare, & membra ipsius hostibus calcanda permittere.* Quorum idcirco pietatem excitans subnectit: *Vt in hoc vos amplius dignos cultores omnipotentis Domini demonstretis, quod fideles illius ab inimicis ejus absolvitis.* Audis ipsam Regum socordiam in reprimenda hæreticorum licentia, omnem eis bonorum operum zeliq̃ue fructum tollere? Quid eis igitur expectandum, qui licentiam hæreticorum non modò non comprimunt, sed temporalis æmulatione Principatūs accendunt, & ad eversionem Ecclesiarum eis laxissimas habenas, adeoq̃ue subsidium, præbent? qui membra Christi non solùm hostibus ejus calcanda permittūt, sed de industria calcanda tradunt, eosq̃ue, qui tuentur libertatem fidei Religionisq̃ue suæ, ferro sternunt, & innocentem clamantemq̃ue in cælum sanguinem fundunt? Nempe tales forsā neque Christiano nomine dignaretur par utrique Gregorio, quā eruditione, quā sanctitate, Basilius, quantumcumque de cætero rectè vivere, & pietatem studiis suis prætexere viderentur b: *Χρῆσιμποροὶ οἱ τοῦτοι, καὶ ἔ Χριστιανοὶ, τὸ ἀεὶ αὐτοῖς κατὰ τὸ βίον τῷ τῷ λυσιτελεῖν ἔ καὶ ἀλήθειαν ζῆν, ἀρετῶντες. ὅτε ἐνόμισαν κτᾶσθαι τὴν κενὴν ταύτην δόξαν, ἀρετῶντες τοῖς ἐχθροῖς ἔ Χρῆστῃ. ὅτε εἶδον τοὺς λαοὺς ἀρεταίνοντας, ζημιωτοῦνται πάλιν τὴν δόξαν. Non Christiani, inquit, sunt tales, sed Christi negotiatores, qui quod presenti vita commodum est, vita ex veritate ducenda præferunt. Vbi inanem hunc principatum adipisci se posse arbitrari sunt, inimicis Christi*

R 6

se

a Greg. Magn. l. 7. ep. 116, b Basil. ep. 192. ad Presbyt. Nicopol.

396 DE IUSTITIA FŒDERVM GALLICOR.  
*se sociarunt : ubi populum irritari viderunt, rursus fidei  
rectitudinem pra se ferunt.*

## C A P V T XXXIV.

*Fœdera ista damnari à Scripturis & Patribus viden-  
tur, hoc ipso, quo cum infidelibus ad suppetias mutuas  
ineuntur, etiam citra lesionem Religionis.*

**Q**Uæ quidem Scriptorum antiquorum sen-  
tentia, & oracula Scripturarum si attentè  
ponderentur, non hoc dumtaxat, quod nos hic  
tradere conati sumus, sed aliud longè strictius,  
istisque fœderibus capitalius documentum, Chri-  
stianis, ut videtur, inculcatum volunt. Cùm  
enim nos hætenus nihil aliud Scripturarum, &  
Patrum, & rationis auctoritate presserimus, quàm  
ut fœdera ista Francorum singularia, quæ tan-  
tâ circumstantiarum impietate cinguntur, tan-  
tâque fidei Catholicæ, sacrarumque rerum stra-  
ge infamia sunt, illicita esse censeantur, de quo  
nemini, ut putamus, Catholico dubitare fas est;  
amplius videntur Patres Scripturæque postulare,  
ut videlicet ipsa sola cum impiis, hoc est, impie-  
tatem infidelitatis proficientibus, seu professis ho-  
stibus verè Religionis, virium confœderatio, sub-  
fidiorumque invicem præstandorum societas, fi-  
delibus interdicta credatur. Nihil enim crimini  
vertit Scripturæ textus Asæ Regi, nisi quodd, ad-  
vocatis impiorum auxiliis *a*, habuisset fiduciam in  
Rege Syria, & non in Domino Deo suo, qui præbet for-  
titudinem. Nihil Amasæ, nisi quodd non esset *b* Domi-  
nus cum Israël idololatrâ, & cunctis filiis Ephraim,

quos

quos suppetiis ferendis accersiverat. Nihil in Rege Josaphat reprehendit, nisi quòd auxilium *impio* præberet ; quòd amicitia his, *qui oderunt Dominum*, jungeretur ; quòd habuerit fœdus cum Ochozia, *cujus opera erant impiissima*, nullâ sacrilegorum effectuum subjuncta mentione: exserteque notat, quòd *idcirco iram Domini merebatur* ; ideoque percussisset Dominus opera ejus, *quia habuisset fœdus cum Ochozia*. Quo in genere præclara verba sunt cujusdam Legati Dagoberti Regis Francorum, Sicharii nomine. Cui cum Samo Sclavorum Princeps, ad quem destinatus erat, libenter se jussis Dagoberti paritutum dixisset, si tamen *a disponderet secum amicitias conservare*, respondit cum stomacho Sicharius *b: Non est possibile, ut servi Dei cum canibus fœdera jungant*. Fulco quoque & Joannes, tam Papa quàm Chrysostomus, ille imperfecti Auctor operis, perspicue volunt & probant, ipsam hujusmodi fœderationem fidelis cum infidelibus esse veritam, noxiam, Deo detestabilem: usque adeò, ut Fulco *Deum relinquit*, cum *eius hostibus sociamur* ; & eum, qui illis utitur, *diaboli patrocínio velle regnare*. Et uterque, quemadmodum & Scriptura, desperati auxilii Dei hoc argumentum esse proficitur.

Eadem quoque recentiorum Pontificum, Pii V. Gregorii XIII. & Clementis VIII videtur esse in allegatis verbis mens, qui ipsam fœderis turpitudinem, quod cum tam impiis sancitur, execrati sunt : eadem & Scriptorum quorundam nostri sæculi, quos citavimus. Inter hos Le Bref apertissime dicit *c, impietatem esse manifestam, fœdus per-*

R 7

censura.

a. Aimon. lib. 4. cap. 23. b. Fredegar. c. 62.

c. Verba Gallicè suprà data sunt.

*cutere cum infidelibus, Christi nomen abhorrentibus, & eorum armis adversus Christianos arma nostra conjungere ; neminemque hoc in dubium posse revocare.*

Nam quod ipse discrimen inter infideles istos, & alios Christi nomen profitentes ponit, quos non hæreticos, juxta veritatem & Catholicam fidem, sed schismaticos, mitigandi fœderis Francici causâ, nuncupat, hoc tempori, & Regi, cui à Consiliis est, tributum accipimus. Sed Scripturarum oracula, & Ecclesiæ disciplina jam inde ab Apostolis introducta & usitata, schismaticos tales, hoc est hæreticos, multò magis quàm infideles exhorret. Quidquid enim in utrisque spectes, siue Christi contumeliam, siue odium veritatis, siue contentiosissimâ animi perviciam adversus Deum, siue Christianorum periculum & contagium, siue denique impietatis magnitudinem; juxta Theologiæ principia, Patrum effata, Ecclesiæ cautionem atque sollicitudinem, & Scripturarum oracula, in omnibus hæretici præ simpliciter infidelibus seu Paganis palmam ferunt. Unde fit, ut primitiva Ecclesia nec *Ave* quidem eis dictum voluerit; Joannes Apostolus formidaverit visò Cérintho *α, μὴ καὶ τὸ βαλανεῖον συμπίσῃ, ne & ipsum balneum corrueret*, in quo lavabatur; Polycarpus Marcionem *τὸν πρῶτόγονον ἑ σατανᾶ*, primogenitum diaboli appellaverit; alii eorum aspectum sermonemque averſati sint; alii eos, ut suprà vidimus, Judæis, Paganis atque idololâtris nequiores; alii ipso dæmone pervicaciores judicaverint. Tantus horror semper Ecclesiæ, verorumque Christianorum ab hæreticis, non ab aliis infidelibus fuit. Quam sollicitam Ecclesiæ cautionem ac detesta-

tionem.

tionem infra magis, quàm supra verum fuisse, horribiles illæ strages animarum, Ecclesiæque vastitates, quas nostro sæculo, præteritisque omnibus intulerunt, omni argumentorum luce clariùs probant. Fert enim Deus molestissimè, filios suos ad capitalium hostium suorum subsidia confugere, quos in benevolentia ejus paternâ sperare decuisset. Quid enim reverâ loquitur talis Catholicorum dissidentia, nisi impotentem esse Deum, qui suos adjuvet; sed diaboli & filiorum ejus operâ regnandum esse, quemadmodum Carolo Simplicii Fulco exprobravit? Quam ob causam Asæ & Amasæ, in se confidentibus, & impiorum auxilia jam coëmpta parataque respicientibus, promptissimas Deus suppetias tulit. Quocirca si Scripturarum Scripturarumque auctoritates fœdera illa subsidaria, cum impiis seu impietatem profitentibus percussa, reprobant, hoc ipso, quia cum improbis percussa sunt; (quemadmodum diligenter expensæ videntur aperte profiteri) profectò subsidaria illa quoque Francorum fœdera ad ineundam armorum societatem cum coryphæis impietatis, vera ratio, & verborum citatorum energia, hoc ipso detestanda esse convincit. Sed, ut jam dixi, de hoc ego, quamvis verum esse videatur, hoc loco non contenderim. Si enim justioribus ponderibus examinatum istud forsan falsum apparuerit, scopo nostro nihil nocet; sin verum, capitaliter prodest. Sic enim doctrina, quâ tradimus illicita esse Francorum fœdera, quæ cum tantâ Religionis strage sanciantur, inexpugnabili defensione munitur.

## CAPVT XXXV.

*Soluantur duæ Objectiones, ex fœdere Abraham cum Abimelech, & Iudaorum cum Spartiatis petita.*

**N**Ec verò fœdera fidelium cum infidelibus, quæ ex Scripturis proferuntur, ad eam infirmandam quidquam faciunt. Quod quamvis initio tractatûs hujus breviter insinuaturn fuerit, hîc paulò fusiùs declarandum est.

Primum igitur fœdus ex Scripturis Arroyus profert *a*, quod Abraham sanxit cum Abimelech. Respondeo: Abimelech infidelem fuisse Arroyus dicit, non probat. Aliud sensit Ambrosius, qui perspicuè dicit *b*: *Abimelech fidelis æstimatus est à Deo, ut meruerit audire, Et ego scio, quia puro corde fecisti hoc, &c. Nec est dubium, ceteris operibus ejus indignationem Domini esse revocatam, quippe qui interioris arbiter est conscientie, & animi ac mentis interpretes.* Hîc audis Abimelech fidelem, meritum admonitionis divinæ, opera indignationem revocantia. Aliud item sensit Theodoretus à Lipomano in Catena citatus *c*: *Abimelech Rex, cùm esset justus, Saram justam sibi copulare tentavit, maxima sibi gloria futurum existimans, si ex tali feminâ liberos suscepisset.* Nulla verò justitia sine fide unius Dei. Aliud denique textus ipse Scripturæ poscit, dum Abrahamum inducit dubitantem, utrùm in isto loco esset timor Dei *d*; Septuaginta *θεοφοβία*, id est, *cultus Dei*; quem inter idololâtras nullum esse, nemo pius dubitat. Abimelech quoque tamquam justus, ab injuriis peregrinorum, & adulteriis, veluti

*a* Fel. 191. *b* Ambros. lib. 1. de Abraham cap. 7.

*c* Theodoret, in Catena Lipomani, *d* Genes. 20.

veluti Regno Regique calamitosus, abhorrens introducitur.

Sed, esto, fuerit infidelis, quid inde conficietur? Nihil aliud illo fœdere ab Abimelech interpositâ jurisjurandi fide expressum fuit, nisi *a ne noceas mihi, & posteris meis, stirpique mea: sed juxta misericordiam, quam feci tibi, facies mihi, & terra, in qua versatus es advena.* Quæ vel umbra hîc subest mali? Alia est induciarum & pacis, alia subsidiorum bellique societas. Illam Deus auctor pacis probat, per Apostolum præcipiens *b, ut cum omnibus hominibus pacem habeamus*, quantum in nobis est; istam vetat. Quis enim tantâ fatuitate deliret, ut vicinos infideles perpetuis bellorum claudibus à Christianis atterendos, vel benè meritis de nobis, quemadmodum Abimelech de Abraham benè meritis fuerat, malum pro bonis, quibus affecti sumus, reponendum arbitretur? Quæ profectò causa est, ut olim & nunc Cæsares Regesque Christiani cum Paganis, Saracenis, Turcis, Persis, hæreticis, Hugonottis, Geusis, diversa pacis vel induciarum pacta, sine sapientis cujusquam reprehensione sanxerint, ut Imperia, Regna, Respublicæ, Ecclesiæ denique ipsæ attritæ bellicis calamitatibus aliquantulum ab ærumnâ respirarent. Hoc ipsum enim Religioni Christianæ, haud secus atque Reipublicæ, prodest plurimum: quæ numquam graviora, quam sæviante bellorum tempestate, patiuntur. Hoc ergo confœderationis genus qui in Cæsaribus aliisque Franci culparent, suo seipsos, quamvis mortuos, ense jugulant, & sensum Christianum contradicendi studio perdiderunt.

De



De fœdere cum Spartiatis *a* inito, eadem ferè ratio est. Non enim ad belli societatem, minùs aduersùs Principes fideles, minimè omnium cum aliquâ clade Religionis ictum fuit; sed ad fovendam fraternitatem generis, indeque profectam amicitiam: ut nihil sanè fœderibus Frâcorum dissimilius sit. Nam Spartiatæ, diu ante bella Machabæorum, ultrò Judæis significaverant *b*, *inventum* esse scriptum *de Spartiatis & Iudæis*, quòd essent *de genere Abraham*: quibus idcirco tamquam consanguineis, bonorum suorum societatem benignè offerebant, quemadmodum libri Machabæorum docent. Hanc ergo fraternitatis memoriam, ne fortè temporis morâ intercideret, Jonathas *c*, & postea Simon renovavit; sed ita tamen, ut expressè dicerent, se neque societate eorum & amicitia, quâ præventi fuerant, indignisse, neque eorum operâ uti voluisse. Nòs, inquiunt *d*, *cùm nullo horum indigeremus*, habentes solatio sanctos libros, qui sunt in manibus nostris, maluimus mittere ad vos renovare fraternitatem & amicitiam, ne fortè alieni efficiamur à vobis. Et inferiùs iterum: Noluimus ergo vobis molesti esse, neque cateris sociis & amicis nostris, in his praeliis. Habuimus enim de celo auxiliũ, & liberati sumus.

*a* Arroyus fol. 194. *b* Lib. I. Machab. c. 12.

*c* Ibid. c. 14. *d* Lib. I. c. 12.

## C A P V T XXXVI.

*Alia dua, ex fœdere Moÿsis cum Hobab, & Israelitarum cum Ægyptiis.*

**F**œdus Moÿsis cum Hobab, quod item Gallis fœderibus fucandis hîc prætexitur, Arroyus

royum a risu, vel causam ejus dignā profectò miseratione declarat, quæ talium ineptiarum indigeat patrocínio. Cujus enim hîc vel commentitii belli species esse potest? cujus adversùs fidelem Principem? cujus cum pernìcie Religionis? imò quæ vel imago fœderis? Hobab enim cognatus Moysis comiter invitatus fuit, ut cum Israëlitis proficisci dignaretur, in speciem quidem, ut exercitum Israëlitarum per desertum duceret, tamquam peritus locorum, ubi *castra ponerentur*; re ipsâ verò, quod Scriptura indicat, ut Moyses cum inter Israëlitas, tum corporalibus, tum præsertim spiritualibus beneficiis, veræque Religionis notiâ cumularer. Nam columna nubis, Angelus, Moyses ipse, qui & vates erat, & annos quadraginta desertum pererraverat, ductore non indigebat. Itaqué sanctus Gregorius *b: Neque enim Moysi mentem ignorantia itinerum angustabat, quem & ad prophetia scientiam cognitio divinitatis expanderat, quem columna nubis exterius præibat, quem de cunctis interioris per conversationem cum Deo sedulam locutio familiaris instruebat. Sed videlicet vir providus elato auditori colloquens solatium petivit, ut daret. Ducem eum requirebat in via, ut dux ei fieri ad vitam potuisset, &c.* An ita fortè Arroyus mente perturbatus est, ut infidelem ad fidem, verumque Dei cultum dexteritate perducere, nihil aliud esse putet, quàm fœdus cum infidelibus percutere, bellique societatem contra fideles Principes, cum Religionis noxa, quod propriè inter nos disputatur, nectere? Quid, quòd Hobab iste tamquam cognatus Moysis, viri undequaque sanctissimi, & filius Raguelis, seu Jethro, cultoris veri Dei, & Recha-

a. Arroyus fol. 192.  
b. Gregor. Pastor. cura par. 3. adin. 18.

bita-

Principes cultores Dei : hos verò subditorum cum superioribus suis nexus hortando, suadendo, jubendo, stringit arctius, præcipitque inviolabilis obedientiæ professione servari. Ex quo proficiscitur, ut, si quis fidelis infideli Principi, vel vice versâ, fidelis infidelis, sive nascendi, sive peregrinandi, victumque quæritandi, sive justâ alterius necessitatis conditione subdatur, Rege jubente, non disputare, sed parère teneatur, & nisi clareat injustitia, arma capere. Tanta est ordinis jubendi & obediendi in Christiana Religione observantia. Sed quid isti obedientiæ subditorum generali ac necessariæ cum voluntariis Principum fœderibus? Nimirum naufraganti causæ tabula undequaque arripienda est.

## CAPVT XXXVII.

*Item alia due disflantur ; fœdus Josue cum Gabaonitis,  
& Davidis cum Achi Rege Geth.*

**A**Dfers *a* & fœdus Josue cum Gabaonitis ad tuenda tua, à quibus, ut lux à tenebris, in multis capitibus discrepat.

Primò, quia Josue cum iis, tamquam cum fidelibus, hoc est, Deum verum jam agnoscentibus, pactus est *b*. De terra, inquiebant Gabaonitæ, *longinqua valdè venerunt servi tui in nomine Domini Dei tui. Audivimus enim famam potentia ejus, cuncta que fecit in Ægypto, &c.* Ecce famâ magnaliū divinorū exciti in nomine Dei Israël fœdus ambiunt.

Secundò, fœdus istud non fuit initum ad bellandum adversus fideles Deo Principes, multò minùs, cum aliqua clade vel periculo veræ Religionis,

406 DE JUSTITIA FOEDERVM GALLICOR.  
gionis, ut Francorum fœdera; qua de re tota nostra controversia est.

Tertiò, fœdus istud ne quidem belli fuit, hoc est, nullâ omninò bellandi adversùs quemquam societate, neque subsidii ullius accipiendi dandive conventionem, de quo nos agimus, constitit, sed nudæ pacis, eaque solâ sancitum conditione, ne Gabonitæ internecione delerentur. *Fecitq; Josue, ait Scriptura a, cum eis pacem, & inito fœdere pollicitus est, quòd non occiderentur.* Et rursus effectum fœderis significans: *Et non percusserunt eos, eò quòd jurassent eis Principes multitudinis.* Nec ipsi Gabonitæ aliud quidquam in illo fœdere, nisi vitæ suæ salutem, spectaverunt: *Timuimus valdè, & providimus animabus nostris, vestro terrore compulsi, & hoc consilium inivimus.* Quis jam ita non solum à Christiano, sed etiam ab humano sensu remotus est, ut vel à Deo, vel ab hominibus vetitum putet, vitam salvam donare vel pacisci infidelibus, quibuscum nulla nobis, ut putabat Josue, controversia est? Unde detecta fraude, non in belli societatem admissi, sed in perpetuam tabernaculi templique servitutem tamquam servi mancipati sunt: quos propterea Josue ab injuriis Chananæorum, tamquam infima Reipublicæ suæ membra, defendit. Utinam Christiani Principes, ipsique adeò Francorum Reges, talia frèquenter fœdera cum infidelibus ferirent, ut Dei veri potestate territi, & Christianorum arma formidantes, velut magno beneficio corporali vitâ donarentur, vel servitute mulctati, vitam fidei reciperent spiritualem. Nónne talibus exemplis fœderum te, Arroye, triumphare, est planissimè in tuâ causâ delirare, vel de tuâ causâ desperare?

a Josue 9. b Ibid.

Fœdus

Fœdus David cum Achi Rege Geth etiam in subsidium, sed frustra, advocas *a*. Nihil aliud fecit David, nisi quòd, vitâ periclitante, ad Regem infidelem salutis ergò concessit: quod & Abraham *b* fecit, quando, terrâ fame vexatâ, vitæ tuendæ causâ in Ægyptum; & Isaac *c*, quando in Gerara ad Abimelech Regem Palæstinarum peregrinatus est; & Jacob *d*, cùm in Mesopotamiam; & Christus *e* ipse, cùm in Ægyptum, declinandæ causâ persecutionis, fugit. Quis ista reprehendat, nisi qui nesciat, quid loquatur, vel de quibus affirmet? Quæ est enim in istis umbra fœderis cum infidelibus, vel belli cum fidelibus, vel pessumdandæ Religionis, de quibus potissimum disceptatio est? Prædas quidem David egit, sed *f* de Gessuri, & de Gerzi, & de Amalecitis, qui non erant de populo Israël. Quamobrem *g* virum & mulierem non vivificabat David, nec adducebat in Geth, ne fortè astus ejus proderetur. Ad pugnam adversus Saullem ductus est, Regiq; ancipiti pollicitatione protestatus *h*: *Nunc scies, quæ facturus es servus tuus*. Sed vel in Regem Achin, hostem populi Israël, arma versurus erat, ut quidam volunt, & meritò Satrapæ Philistinorum verebantur; vel potius, tamquam vates ex divina voluntate suspensus ista protulit, jam videlicet divinitus instructus, se, quod accidit, Philistinorum decreto, & ipsius Achis auctoritate dimittendum. Nihil igitur omninò factum Davidis pro Francorum fœderibus, & superpetiis, hæreticorum factioni adversus Catholicos Principes in injuriam Religionis datis, facit.

CA.

*a* Arroyus f. 193. *b* Gen. 12. *c* Gen. 26. *d* Gen. 28. & 29. *e* Matth. 2. *f* 1. Reg. 17. *g* Ibid. *h* Ibid. cap. 28.

corde, studio officiisque veneramini, idque non solum in Capite, sed & in Corpore ejus, ut ipse totus honoretur. Caput enim jam sursum in cælo gloriosum est, sed Corpus ejus Ecclesia adhuc in terrâ luctatur. Quidquid injuriæ vel ignominiae inferitur Corpori, Caput sentit. Pes hominis in terrâ teritur, sed confestim lingua læsionem vociferatur. Nempe frustra sibi Capitis gratiam benignitatemque pollicetur, quisquis in Corpus ejus populando grassatur. Itaque *Apprehendite disciplinam, ne quando irascatur Dominus.*

Sed ista Regum est frequens ac deploranda miseria, quod humanis consiliis pronius, quam divinis monitis eorum aures patent. Illa enim plausibili præsentis emolumenti specie, hæc fructuum soliditate commendantur. Species illa citò perit, fructus manet. Non illi præstantissimi Consiliarii, qui solerter excogitata, nova, grandia, sed qui tutiora suggerunt. Nonnulli consilium ab inventi commodi subtilitate, fructum ab aggrediendi audaciâ metiuntur: utrimque peccant imprudentiâ. Speciosa, rara, ingentia suscipiunt, verustarum & medicatarum arborum evulsionem, Imperiorum subversiones, quibus exsequendis non sunt pares: novandis profectò, quam perficiendis rebus aptiores, quia Deum inveniunt resistentem conatibus suis. Hinc malè cœpta infelicius finiunt. Cum enim susceptis constantiam adferre volunt, inter fas & nefas nullum discrimen agnoscant necesse est. Extrema gloriæ suæ fortunæque tentantes, extremis implicant Respublicas periculis; infidelibus sanè medicis perquam similes, qui violenti & inexpertis vires pharmaci in alieno corpore expe-

T

riuntur:

riuntur; ut honor ad ipsos, noxa Regni, odium Principum vicinorum, invidia pessumdata Religionis, iracundia Dei ad dominos revertatur. Nimirum cum sint acuti, non cernūt, quod in promptu est prudentibus, se foederum impiorum suasi cogere Principes suos, ut solis hæreticis & rebellibus amici sint, & eorum arma soli hæresi atque rebellionis serviant. Ita novâ politicâ suâ prudentiâ, vel potius occulto judicio Dei, æmulos reddunt potentissimos, dum eos Orthodoxorum Principum amicitia, Catholicorum omnium votis & precibus. Sanctorum omnium in cælis de hæresi triumphantium favore muniunt, ut cæli terræque conspirantium benedictione cumulentur. Hic eis fructus est prudentiæ, ac ferocix. Sed latè patet, nec uno modo verum est illud antiquioris prudentiæ effatum: *a* Οἱ φαιλότεροι τῶ ἀνδραγαθῶς πρὸς τὰς ἐχθροτάτους, ὡς ἐπὶ τὸ πλεῖστον, ἄμεινον ἀκυροῦν τὰς πόλεις. *Hebetiores, quàm acutiores, ut plurimum melius Rempublicam administrant.* Quid enim Galliam in angustias illas compulit, ut jam à multis mensibus, in plenâ cum Principibus Europæis pace, omnium fundos beneficiarios possidentium evocationem & subevocationem edixerit, quasi jam cum res pro aris & focis ageretur? Nempe limata illa Metaphysicâ core prudentia, quæ acutulis animosulisque consiliis, quasi cornu cum oculos confixura, priscos Carolini Imperii terminos iterum figere meditata est, & eventu frustrata suo, cælum ac terram, quorum offensæ conscia est, velut vindices pertimescit. Etenim præclara fuit sine dubio speculationis,

*a* Thucyd. l. 3. *b* Ban, & Arriensan. Est totius nobilitatis vocatio in extremis periculis.

lazio, in quâ sibi Philosophus quisquam, ceu in Platonica ideâ augustioris Imperii comminiscendâ poliendâque blandiretur. Sed cum etiam operi tanto præcipientes admovent manus, & ad exequenda cogitata, cum suorum vicinorumque oppressione, cum atrocibus Regum ac Cæsarum injuriis, cum Dei Religionisque contumeliis, quas nonnihil hoc Opere delibavimus, audacula anhelat animositas; profectò cuicumque paulò sedatior est, magisque cana Reipublicæ administrandæ solertia, faciliè cernit, maiori calore quàm luce, vanitate quàm soliditate, acumine quàm prudentiâ machinam totam rapi. Parum est enim, si suâ subtilitate & impietate fracta dissiliat: sed mirum, si non etiam ipsos feroculos architectos ejus feriant ruinæ.

## CAPVT XLIV.

*Iterum commendata Regibus Pietas. Multis vinculis Francorum Reges tuendæ Religionis obstringuntur.*

**Q**Vapropter qui feliciter imperare cupiunt Reges, consilia non tam transitoria Regni temporalis sui utilitate, sed illius in primis, cuius ministri sint, Religione ac Pietate ponderent. Nam in omnibus administrandi Regni, rerumque feliciter gerendarum præceptis, nullum est capitalius, quàm Catholicis Regibus Catholicæ Religionis tuendæ maximam esse debere curam. Quod vel Ethnicis ita profundè insculptum fuit, ut hac de causa peritus ille Reipublicæ



publicæ formandæ magister dixerit, *a πρῶτον, ἢ  
πρῶτον δὲ τὸν ἐπιμέλεια. primum in omni Republicâ, cu-  
ta rerum divinatum.* Itaque Tullius *b* non est veri-  
tus gloriari, Romanos non numero, nec robore, nec  
calliditate, nec artibus, sed Pietate ac Religione omnes  
gentes nationesq; superavisse. Istam Religionis solli-  
citudinem si consiliis inceptisque Regum tollis,  
necesse est regimen eorum stultitiâ, scelere, im-  
manitate compleatur. Unde etiam nascitur, ut,  
dum temporalem sibi securitatem, blandientis uti-  
litatis lenocinio seducti, moliantur, offenso om-  
nis utilitatis & securitatis auctore, citò aut serò  
Regnis suis exitium parent. Quod quamvis om-  
nibus Christianis Regibus magnopere formidan-  
dum sit, tum verò Regi Francorum tantò vehe-  
mentius, quantò pluribus nexibus ad curandam  
incolumitatem Christianæ Religionis adstringi-  
tur, & gravioribus imminentium poenarum com-  
minationibus ab eâ lædendâ revocatur.

Nam si vincula attendas, quibus Religioni obli-  
gati sunt, hoc ab eis postulat cognomen *Christia-  
nissimi*; hoc conditio *filii Ecclesiæ primogeniti*; quæ  
sibi præ cæteris Regibus deberi putant. Quàm  
enim dissonum est tam præclaræ professioni,  
eum, qui se Christianissimum Ecclesiæ Primoge-  
nitum gloriatur, esse solum ex Christianis atque  
Catholicis Regibus, adversus quem totis penè  
Christiani Imperii atque Religionis viribus, ar-  
mis, publicisque Romanæ Sedis precibus, Chri-  
stiana Religio propugnanda est? Facinoris infamiam  
Europa gemit; exemplo superior ætas  
caret; vix posteritas rei insolentiam creditu-  
ra est.

Hoc

Hoc iterum postulat solemnitas illa Coronationis ceremonia, quâ tam sollicitè inaugurato fidei Christianæ cura commendatur. Nam in Annuli traditione sic cum Archipræsul affatur: *a Accipe Annulum, signaculum videlicet fidei sanctæ, soliditatem Regni, augmentum potentia, per quem scias triumphalipotentia hostes repellere, hæreses destruere, subditos coadunare, & Catholica fidei perseverabilitati connecti.* Et cum sacerdotum caput ejus diademate redimitur; *b Accipe Coronam Regni, &c. ut contra omnes adversitates Ecclesia Christi defensor assistas, &c. ut premio sempiternæ felicitatis coronatus, cum Redemptore ac Salvatore nostro Christo, cuius nomen, vicemque gestare crederis, sine fine glorieris.* Quid enim ab eo, cui hæresum destructio, contraque omnes adversitates Ecclesiæ Christi defensio committitur, qui Christi Regis ac Domini sui nomen & vicem gerit, alienius fingi potest, quàm ut ille solus hæreses extra Regni sui limites extirpari, Ecclesiam adversitatibus liberam esse, regnumque Domini sui præ Regni proprii amore, resurgere & florere non sinat?

Hoc denique poscit illa jurisjurandi pietas, quo se devinciunt Francorum Reges Deo, se curaturos, *c ut Ecclesia Dei omnis populus Christianus veram pacem in omni tempore servet.* Cum verò eadem Religionis pietate promittunt, *d quod de terrâ suâ ac jurisdictione sibi subditâ, universos hæreticos ab Ecclesiâ devotos, pro viribus bonâ fide exterminare studebunt;* quid aliud ab eis tacitè postulatur, quàm ut id, quod interpositâ sacramenti fide, se Christo Domino in

T 3

terris

*a* Ceremoniale in traditione Annuli. *b* In impositione Corona. *c* In Iuramento, quod præstant sedentes in solio suo. *d* Ibidem.

terris suis tamquam rem gratissimam præstituros pollicentur, hoc alios eidem Domino suo eadem sacramenti religione in his terris præstare satagentes non impédiant, non opprimant, non ferro flammâque persequantur? Quantâ enim absurditate, pietatisq; perversitate, unus atque idem animus seridè bonâque fide utrumque à se præstari posse putet, quis non vel primis Christianæ sapientiæ principiis initiatus advertit?

## CAPVT XLV.

*Testamentum S. Remigii Regiæ stirpi  
conditum expenditur.*

**Q**UOD si Regibus, Religionis depresso-  
derimus, nemini severius, quàm Francorum Re-  
gibus, intentatæ sunt, nemini suspensius formi-  
dandæ calamitates, nemini studiosius fugiendæ.  
Nam præterquam, quòd, cui amplius datum est,  
amplius peteretur ab eo, in ipsis Regni primordiis  
cura Religionis, Regiæ stirpi à Francorum Apo-  
stolo moriente, cum testamentariâ maledictio-  
nis atque interitûs interminatione, commissa est.  
Res publicâ luce, & Regum notiâ dignissi-  
ma, sacramentiq; plena est. Nam sanctus Re-  
migius, Francorum Apostolus, cum ultimum  
vitæ diem appropinquare cerneret, de Catho-  
licæ fidei stabilitate sollicitus, quam Franco-  
rum genti, Regique Clodovæo consignaverat,  
testamentum condidit, Regibus Francorum pro-  
fectò perquàm gloriosum, si conditiones ejus  
impleverint; formidabile, si neglexerint:  
a Generi

a Generi Regio parcens, statuo, inquit, ut, si aliquando genus illud Regium per benedictionem meam toties Domino consecratum, ma' a pro bonis reddēs, Ecclesiarum Dei pervasor, depopulator, gravi aut contrarius existere voluerit, convocatis Remorum Dioceseos Episcopis, primū moneatur: & deinde Ecclesia prafata, adjunctâ sibi sorore Ecclesiâ Treverensi, iterum conveniatur. Tertio verò, Archiepiscopis tantummodo Galliarum tribus aut quatuor convocatis, Princeps ille, quicumque fuerit, moneatur: ita ut usque ad septimam monitionem, si prius satisfacere renuerit, paterna pietatis longanimitate differatur. Tandemq̃, si postpositis omnibus prafatis benedictionibus, incorrigibilis contumacia spiritum non deposuerit, & se per omnia Deo subdere notens, benedictionibus Ecclesiæ participare noluerit, elogium segregationis à corpore Christi, ab omnibus ei porrigatur, quod per Prophetam & Regem David longè antè, eodem, qui in Episcopis est, dictante sancto Spiritu, noscitur decantatum b: Quia persecutus est, inquit, hominem inopem, & mendicum, & compunctum corde, & non est recordatus facere misericordiam; & dilexit maledictionem, & veniet ei; & noluit benedictionem, & elongabitur ab eo. Totumq̃, quod in personâ Iudæ traditoris Domini nostri JESV Christi, & malignorum Episcoporum, Ecclesia decantare solet, per

T 4

singulas

a Testamentum S. Remigii apud Brisson. de formul. l. br. 7. & Flooard. hist. Rem. lib. 1. cap. 18. b Psalm. 108.

440 DE JUSTITIA FOEDERVM GALLICOR,  
*singulas ei decantetur Ecclesias; quia Dominus dixit: a Quamdiu fecistis uni ex minimis meis, mihi fecistis: & quamdiu his non fecistis, nec mihi fecistis. Et ideo quod probatur in capite, in membris intelligendum esse non dubitetur. Vnum tantummodò ibi verbum per interpositionem cōmutetur: b Fiant dies ejus pauci, & Principatum ejus accipiat alter. Quis hīc non expavescat successorum Clodovæi, qui fortè Ecclesias Dei vel indirectè pervaserit, destruxerit, depopulatus fuerit? qui Regni sui transitorii qualemcumque securitatem Ecclesiæ statu atque Religione potiorē ducens, fidem hæresibus opprimendam, templa impiis spolianda, infirmos fratres suos impiis Doctoribus pervertendos, mysteria hæreticis profananda tradidit? Non est, quod miremur amplius, Valesiam stirpem, tantâ numerositate fecundam, tam perspicuo divinæ providentiæ miraculo succisam esse. Nemo quærat, cur dies ejus pauci facti sint, & Principatum ejus acceperit alter. Nimirum propheticum illud Sancti Remigii testamentum etiamnum exserit vires suas. Cælestes diræ etiam Alpes transeunt; nec Gallicana morantur privilegia. Vigilat enim Dominus super verbum suum, quod sanctificatum illud organum ipso inspirante vaticinatum est: vigilat Testator, qui etiam mortuus in cælis vixit: vigilant Signatores, plerique sanctitate celebres, dirarum testes, iniquitatis ultores. Quot enim testamentum subscriptores continet, totidem benedictionum & anathematum executores præstò sunt:*

Ego

a Matth. 25. b Psalm. 108.

Ego REMIGIVS EPISCOPVS *testamentum meum relegi, signavi, subscripsi: & in nomine Patris, & Filii, & Spiritus sancti, Deo adjuvante, complevi.*

VEDASTVS EPISCOPVS, Cui pater meus Remigius maledixit, maledixi: & cui benedixit, benedixi: interfui quoque, & subscripsi.

GENEBAVDVS EPISCOPVS, Cui pater meus Remigius maledixit, maledixi: & cui benedixit, benedixi: interfui quoque, atque subscripsi.

MEDARDVS EPISCOPVS, Cui pater meus Remigius maledixit, maledixi: & cui benedixit, benedixi: interfui quoque, atque subscripsi.

LVPVS EPISCOPVS, Cui pater meus Remigius maledixit, maledixi: & cui benedixit, benedixi: interfui quoque, atque subscripsi.

BENEDICTVS EPISCOPVS, Cui pater meus Remigius maledixit, maledixi: & cui benedixit, benedixi: interfui quoque, atque subscripsi.

ELOGIVS EPISCOPVS, Cui pater meus Remigius maledixit, maledixi: & cui benedixit, benedixi: interfui quoque, atque subscripsi.

AGRICOLA PRESBYTER, Cui Pater meus Remigius maledixit, maledixi: & cui benedixit, benedixi: interfui quoque, atque subscripsi.

THEODONIVS PRESBYTER, Cui pater meus Remigius maledixit, maledixi: & cui benedixit, benedixi: interfui quoque atque subscripsi.

CELSINVS PRESBYTER, Cui pater meus Remigius maledixit, maledixi: & cui benedixit, benedixi: interfui quoque, atque subscripsi.

Quæ procella maledictionum! Quæ diræ fulminum! Quæ tempestas anathematum, in cuiuscunque tandem caput incubuerint! *a* Ad tam magna tonitrua qui non expergiscitur, non dormit, sed mortuus est.

*a* August. in Enchirid. cap. 74.

F I N I S.



ELEN.

# E L E N C H V S

## CAPITVM LIB. I.

- P**refatio.
- CAP. I. **P**roponitur prima Arroyi Questio:  
& Paralogismus in assignanda justa belli  
causa declaratur. fol. 13.
2. De unctione Regum. Clodoveus delibutus est un-  
ctione Baptismi, non Regiâ. 19
3. An unctio Regum sit spiritualis ceremonia. 27
4. Vnctio Regibus non imprimit characterem, ut  
Arroyus putat. 29
5. Iteratio unctionibus Regum familiaris repugnat  
impressioni characteris. De unctione Regi-  
narum pauca. 34
6. Solvitur argumentum ex Ceremoniali Corona-  
tionis petatum. 39
7. Solvitur aliud argumentum ex unctione Saulis  
ductum. 41
8. Vnctio non tribuit Regibus summam potesta-  
tem, sed alias quasdam prerogativas spiri-  
tuales. 45
9. Vnctio plerisque Regibus Christiani orbis usi-  
tata. 48
- sci Reges Gothorum ante mille annos unge-  
bantur, adeoq<sub>3</sub> ante omnes Reges orbis  
Christiani. 52



# ELENCHVS CAPITVM.

11. *Pipinus prius Regum Francorū unctus est.* 56
12. *Oleum calicis allatum non tribuit maiorem potestatis eminentiam, quā ab Ecclesia sanctificatum.* 60
13. *Strumarum sanatio non tribuit absolutiorem sublimioremve potestatem Regibus Franciæ præ cæteris. Potestas illa sanandi recens.* 65
14. *Titulus Christianissimus nullam omnino regendi potestatem tribuit, nedum absolutissimam.* 72
15. *Vnctio non tribuit Regibus Francia præ cæteris titulum Christianissimus, nec Sacerdotium.* 76
16. *Gesta Clodovæi utrū titulum Christianissimus pepererint.* 79
17. *Gesta Lotharii & Clodoardi.* 83
18. *Gesta Dagoberti.* 88
19. *Gesta Lotharii & Ludovici Quinti, quibus auctore Arroyo titulus Christianissimi comparatus est.* 94
20. *Philippi Pulchri gesta ad promerendum titulum Christianissimi.* 96
21. *Titulus Christianissimi unde & quando datus, quā vim habeat.* 100
22. *Titulus Christianissimi, aliquot sæculis, antequam summi Pontifices eum Regi Galliæ concessissent, Hispania Regibus usitatus, ac debitus fuit.* 103

23. *Vis tituli Catholicus expenditur : & cur neglecto Christianissimi titulo, quem obtinuerāt Hispania Reges, Catholici dicti sint.* 105
24. *Antiquitas tituli Catholicus, quatenus Hispaniarum Regibus tribuitur. Aliqua de titulo Orthodoxus.* 110
25. *Perstringuntur breviter Hispanorum antiquorum gesta, quibus Catholici, Orthodoxi, Christianissimi nuncupari meruerunt.* 113
26. *Gesta Hispanorum Regum recentiora pro fide Christi inter Paganos propagandâ.* 117
27. *Gesta pro fide Catholicâ contra hereses tuendâ, quibus titulus Christianissimus & Catholicus debetur.* 121
28. *Titulus Gloriosissimus & Religiosissimus, antiquâ possessione, & novo jure est Regum Hispania.* 125
29. *Mens Arroyi exorbitans de Lege Salicâ proponitur. Et inanitas conatus ejus.* 130
30. *Deteguntur errores ac deliria Arroyi de Lege Salicâ.* 134
31. *Transitur ad secundam Quæstionem Arroyi, de Iustitiâ armorû Franciæ. Prima ratio justitiæ est Salica Lex. Ostēditur eam, juxta sensum Arroyi, sæpè in Franciâ esse violatâ.* 142
32. *Ludovicus XIII. non est ortus ex stirpe Clodovai masculinâ serie, & ita non ex omnibus Regibus prædecessoribus suis.* 146

# ELENCHVS CAPITVM.

33. *Scriptores tam antiqui, quàm recentiores tradunt, Hugonem Capetum, & Ludovicum XIII. non esse satum ex progenie Carolinâ per masculos.* 149

34. *Transitus ad objectiones, Non adversatur nobis Ioannes Papa VIII.* 158

35. *Nec Innocentius III. nec Baronius.* 162

36. *Nec Belleforestus, nec Guilielmus de Nangis.* 163

37. *Nec Chronicon Senonense, nec Cujacius.* 165

38. *Hugo Capetus, & posteritas ejus, ne quidem ex materna stirpe prosapia Carolina est.* 166

39. *Secunda. justitiæ ratio est Vnio subactarum Provinciarum cum Corona Francia. Ostenditur nec omnia uniri solere, nec Imperium ei unitum fuisse.* 170

40. *Olim Provinciæ etiam Francia, non ita fuerunt Corona unita, quin in liberos Regû distraberetur, ita ut singuli sũmo jure regnarent.* 173

41. *Reges Franciæ etiam Provincias Regni extraneis dederunt.* 180

42. *Arroyi principia convincunt, omnia donaria, quibus Pontifices à Regibus Francia affecti sunt, esse nulla, & armis repetenda.* 183

43. *Provinciæ Coronis unita, integraq; Regnia prescriptione, alijsq; modis, legitime retineri possunt à posteris, etsi à majoribus illegitime occupata sint. Ostenditur ex multorum Regnorum exordiis.* 187

ELEN-

# E L E N C H V S

## CAPITVM LIB. II.

**P**refatio.

199

**CAP. I.** *Quarta Quaestio de fœderibus: & sensus ejus proponitur.*

202

**2.** *Prima ratio adversus fœdera Francorum, quia, quemadmodum rebellio, ita favor & fomes ejus grave crimen.*

203

**3.** *Batavi perfectissimè rebelles Regi suo.*

207

**4.** *Libertas novæ Religionis appetita non purgat maculam rebellionis.*

215

**5.** *Diluitur objectio ex Induciis petita, quibus Provincia confœderata liberæ declarari videntur.*

217

**6.** *Origo belli Germanici declaratur.*

203

**7.** *Suecicum fœdus iniquissima rebellionis macula fœdissimum.*

234

**8.** *Non sufficit esse fœderatos, quibus dantur suppetia.*

239

**9.** *Secunda ratio; quia in bello Religionis, seu, quod ad hæresis patrocinium geritur, arma ferre illicitum.*

245

**10.** *Bellum Ordinum Confœderatorum adversus Regem Hispaniarum, initio, medio, fine, Religionis est: & per hoc fœdus cum eis & adiutorium illicita.*

249

II. In

...  
...  
...  
... 262

...  
...  
...  
... 266

...  
...  
... 272

...  
...  
...  
... 279

...  
...  
...  
...

...  
...  
...  
...

...  
...  
...  
... 289

...  
...  
...  
... 298

...  
...  
...  
... 301

...  
...  
...  
...

# ELENCHVS CAPITVM.

Et utrorumque defensionem. 303

20. Regibus Pietas maximè necessaria, ex quâ solâ discunt officium suum. 308

21. Regnorum Ortus, Occasus, Incrementa, Decrementa, à remunerante vel puniente Deo. 309

22. Declarantur hætenus dicta de fœderum istorum, suppetiarumq; iniquitate, exemplo Hugonottarum, & Rupellensium. 313

23. Religio & Ecclesia semper indirectè afflicta; sapius ab iis, qui in Galliis præfuerunt. 318

24. Non solùm Ecclesia, sed & Ecclesie Paranympus, itemq; Sponsus indirectè per politica regulas interemptus est. Vtriusque interitus antithesi illustratur. 324

25. Ex aliâ terciâ radice Francorum fœdera conuelluntur, quia directè tendunt eò, ut infideles Catholicis præficiantur; quod illicitum est. 322

26. Subterfugium expenditur, quo prætexunt, liberum exercitium Catholica Religionis Germania & Belgii ciuitatibus beneficio Regis Franciæ obtentum. Impietas ibi involuta evolvitur. 332

27. Libertas illa traditionem templorum Catholicorum conjunctam habet. Quàm hoc infame visum sit antiquis Patribus. 345

28. Aliâ ratione peccatum in istâ liberi exercitii Catho-

# ELENCHVS CAPITVM.

11. *In perniciem animarum suarum mittuntur ad bellum Franci milites. An Regis Doctorumq;  
conscientia tutò acquiescere possint.* 262
12. *Bellum Protestantium & Suecicum est itidem Bellum Religionis ; & consequenter fœdus cum eis illicitum.* 266
13. *Vtrum Religionis Catholica exstirpatio fiat à Rege Christianissimo indirectè tantum.* 272
14. *Etiam indirecta Catholica Religionis violatio reum facit. Fundamentum ex doctrinâ S. Thomæ, & communi Theologorum.* 279
15. *Vberius differitur, quâ voluntate Christianissimus Rex Catholicæ Religionis cladem velle censeatur, expressâ an interpretativâ.* 284.
16. *Solvitur Francorum adversus doctrinam traditam objectio : & ostenditur, teneri Christianissimum Regem, etiam cum periculo politici Statûs, fœdera cum hæreticis rescindere.* 289
17. *Reges vasalli sunt incarnati Regis Christi. Quanta inde fidelitatis obligatio in Regibus Christianis erga regnum Domini sui.* 298
18. *Ecclesia mater Christianorum, Sponsa Christi Regum Domini. Quantum vinculum inde in Reges.* 301
19. *Reges Vicarii sunt Christi Regis omnium. Quis sit ordo naturalis inter Regna & Ecclesiam,*  
&

# ELENCHVS CAPITVM.

- & utrorumque defensionem. 303  
 20. Regibus Pietas maximè necessaria, ex quâ solâ  
 discunt officium suum. 308  
 21. Regnorum Ortus, Occasus, Incrementa, Decre-  
 menta, à remunerante vel puniente Deo.  
 309  
 22. Declarantur hætenus dicta de fœderum isto-  
 rum, suppetiarumq; iniquitate, exemplo  
 Hugonottarum & Rupellensium. 313  
 23. Religio & Ecclesia semper indirectè afflicta; sa-  
 pius ab iis, qui in Gallis præfuerunt. 318  
 24. Non solum Ecclesia, sed & Ecclesiæ Parany-  
 mphus, itemq; Sponsus indirectè per politica  
 regulas interemptus est. Vtriusque interitus  
 antithesi illustratur. 324  
 25. Ex aliâ terciâ radice Francorum fœdera con-  
 velluntur, quia directè tendunt eò, ut infide-  
 les Catholicis præficiantur; quod illicitum  
 est. 322  
 26. Subterfugium expenditur, quo prætexunt, libe-  
 rum exercitium Catholica Religionis Ger-  
 mania & Belgii ciuitatibus beneficio Regis  
 Franciæ obtentum. Impietas ibi involuta  
 evolvitur. 332  
 27. Libertas illa traditionem templorum Catholi-  
 corum conjunctam habet. Quàm hoc infame  
 visum sit antiquis Patribus. 345  
 28. Aliâ ratione peccatum in istâ liberi exercitii  
 Catho-



# ELENCHVS CAPITVM.

- Catholici procuratione. Quanta observatio  
libertatis illius, & securitas perpetuitatis  
speranda sit. 350
29. Vberius hoc ostenditur ex postrema expeditione  
Batavorum in Brabantiam, & excidio The-  
nensi. 357
30. Item ex indole hereseos, praesertim Calviniana,  
legeq; capitali Statûs Batavici. Epilogus de  
istâ Religionis libertate. 367
31. Scripturis apertissimis munitur tradita hactenus doctrina. 378
32. Item Scriptorum recentiorum adstipulatione. 382
33. Item testimoniis antiquorum Patrum. 389
34. Fœdera ista damnari à Scripturis & Patribus  
videntur, hoc ipso, quo cum infidelibus ad  
suppetias mutuas ineuntur, etiam citra le-  
sionem Religionis. 396
35. Solvuntur duæ Objectiones, ex fœdere Abraham  
cum Abimelech, & Iudaorum cum Spartia-  
tis petita. 400
36. Alia duæ, ex fœdere Moysis cum Hobab, & Is-  
raëuitarum cum Aegyptiis. 402
37. Item alia duæ difflantur; fœdus Iosua cum Ga-  
baonitis, & Davidis cum Achi Rege Geth. 405
38. Fœdus Machabæorum cum Romanis explica-  
tur. 408
39. Fæ-

# ELENCHVS CAPITVM.

39. Fœdera cum infidelibus crimen anathemate  
dignum iudicarunt antiqui. Excommunica-  
tio pluribus Canonibus adversus illud pro-  
nuntiata. 410
40. Eadem fœdera subsidiaq<sub>3</sub> hereticis data, aliis  
trium excommunicationum telis feriuntur  
in Bullâ Cœnæ. 417
41. Pœnis temporalibus persecutus est Deus fœdera  
cum infidelibus in Veteri Testamento. 421
42. Itemq<sub>3</sub> in Novo. Plurimis exemplis exercita à  
Deo severitatis declaratur. 424
43. Consilia potiùs divina, quàm humana atten-  
denda. Error in delectu Consiliariorum Re-  
gibus noxius. 432
44. Iterum commendata Regibus Pietas. Multis  
vinculis Francorum Reges tuenda Religioni  
obstringuntur. 435
45. Testamentum S. Remigii Regiæ stirpi conditum  
expenditur. 438

F I N I S.

THE NEW YORK PUBLIC LIBRARY  
ASTOR LENOX TILDEN FOUNDATION  
155 FIFTH AVENUE  
NEW YORK, N. Y.















